

مصور

۱۲۹۳-۱۲۹۴

# عَمَّانِیُّ رُوسِیِّیُّ

اسباب حربدن باشلایه رق تا آیاستفانوس معاهده سنه قدر جریان ایدن  
وقوعات حربیه ایله تنقیدات و محاکماتی و آنی تعقیب ایلان مسائل  
مهمه سیاسییه نی کافه تفصیلاتیله جامعدر

مؤانی :

ارکان حربیه بیکباشیسی

علی فؤاد

طابع و ناشری :



استانبول

کتابخانه اسلام و عسکری — باب عالی جاده سنده نومرو ۵۶

تجارزاده : ابراهیم حامی

۱۳۲۶

تاریخ عسکریمزده پک مؤلم و آجیقلی صحیفه لر وجوده کتورن حرب اخیرک لسانمزده اساسلی بر تاریخی اولماسی مملکتمز اردومز ایچون ، نه بیوک شین ، نه بیوک ذل ایدی .

روس سفری نرم ایچون بر اضمحلال دیمک ایدی . ماضیده کی بتون اوشانلی وقایعمز ، سطوت عسکریه مز ، جهانی استیلا ایلین عظمت قومیه مزک خاطر اتی اجداد مزک بازیمجه تعرضی اولان بالقانلر اوزرنده پارچالانیور ، افول ایدیوردی .

یالکزا و بیچاره اردومز شجاعت مکنوزه قومیه سنی ، ناموس عسکریلرینی اداره مزده حکمفرما اولان بونجه تذبذب و اخلاقسز - لقلره رغماً بلونه صرتلرنده فدای حیات ایدرک کوسترییور ، بتون جهانیه مضمحل و پریشان بر قوم اولمدقلرینی ، طمارلرنده ینه اواسکی جسور عثمانلی اردوسنک خون حماست و شجاعتی دوران ایلدیکنی شایان حیرت مدافعه لرله ، مظفریتلرله اثبات ایلوردی .

فقط نه چاره که عصرلردن بری اداره - سنزک . اخلاقسزلق . کوشکک حکومتک

بتون قوای حیاتیه سنی قاورامش ، بتون او وقایع قهرمانانه ایاستفانوس معاهده سی کبی تاریخمزده پک چرکین بر لکه بر اقان وثیقه اضمحلالی امضایه مانع اوله مامشدر . غایت واسع بر قطعده اجرا ایدیلان بو اوزون سفر ، بوسفردن متولد نتایج اردومز ایچون بر خزینه تبع و تدقیقات ، بتون ملت ایچون بر درس عبرت اولسی لازم کلیرکن بز بالعکس بر جنایتی ستر ایدر کبی او وقعه مؤلمه عسکریه یی کول آلتیه کومهرک اونومتق ایستدک !

نه بیوک خطا ! عجباً بوسفیری بتون صفحاتیله تبع ایته ایدک سیاست و عسکر - لکجه غائب ایتدکلر مزک اسبابی آراسه یدق بوکون بو حالدیه می قالیردق ؟ بزه پک بهالی کلان وهیچ بر نمره مفیده اقتطاف اولنه میهرق بالعکس اوتوز بیک عسکر قرداشلر مزک حیاته مال اولان عثمانلی - یونان سفردن بویله می استفاده ایده جکدک ؟

عجباً بوسفیری او قوسه یدق شانلی ، حمیتلی بر اردویه مالک اولدیغمز حالدیه چوجوق لندن آلتان اویونجاق کبی اوخشانهرق ویا اخافه ایدیلهرک قاپیلان اجزای وطنه قارشو بویله عاجز و حیرانمی قالیردق ؟

کتابخانه اسلام و عسکری

---

تجارزاده ابراهیم حامی

---

مطبعه عثمانیه

روس ژاپون سفريله اردومزه بری حر ،  
دیگری مستبد ایکی حکومت وار دو  
کوستره درک نظر انباهیله بری جلب ایلشدم .  
بواثرله در اردومزك استقبال مظفریانه خدمت  
ایلیورم .

مع مافیه دائما اخص آمالم عثمانلی روس  
سفرینک مکمل بر تاریخ حربی وجوده  
کتیر مکدن عبارتدی .

بناءً علیه علی فؤاد بك کبی جدی  
وصاحب عزم بر فکر و قلمک محصول مزیتی  
اولان بوسفری نشر ایدرک بو خصوصده کبی  
ایلمک شرفکینه کتابخانه عسکریه انتقالی  
کورمکله کسب فخر و مباهات ایلرم .

تجار زاده ابراهیم حلمی

دور استبداده عثمانلی روس سفرینی  
نشر ایتمکله جوق اوغراشمش فقط مع التأسف  
موفق اوله مامشدم . یالکنز (بلونه مدافعه سی)  
نامی التده بلونه غازیلمزك موفقیتای، صنعت  
حربک اوخا قه بی نظیرینی کوستره بیلمشدم .  
روسلرک اقصای شرفده کی هزیمتلی اوزرینه  
عثمان ثنائی و علی فؤاد بکلر طرفندن تألیف ایدیلان  
روس و ژاپون سفرینی نشر ایتمکی بروظیفه  
حمیت عدا ایلشدم . بوندن برسنه اولنه کاجه یه قدر  
اک کوچک بر رساله یی نشر ایتمک بیه عدم الامکان  
ایکن بش جلدن مرکب ۱۶۰۰ صحیفه لک  
روس ژاپون سفرینک اک حر بر عمل کتیده  
نشر اولنیور کبی کمال سر بسستیه نشرینه  
موفقیتیم بوفکر حمیتک معنوی بر مکافاتی در .

عثمانی - روس سفرندن ۳۰ سنه  
کچدیکی حالده حالاقوجه ملت واردو کوچک  
حکومتلردن بیله اندیشه ایده جکمی ایدی؟  
بتون بوخطا ملتک ۱۲۹۳ سفرینه  
کوز قیامسندن او فلا کتاردن حصه مند  
اولاماسندن نشأت ایلمشدر .

انهزام قدر بر قومک تریه سنه ،  
بر اردونک تنسیقانه اجرای تاثیر ایلین  
قوت یوقدر .

۱۸۷۷ سفری بزم ایچون نصل فلا کتله  
تیجه لندیسه ۱۸۷۰ سفری ده فرانسه  
ایچون عین مصائبه تیجه نمشدی . فقط  
فرانسزلر، او منهزم و پریشان فرانسزلر  
فردای اضمحلالده همان ۱۸۷۰ سفرینک  
اسباب فلا کتنی تحری ایتدیلر؛ هرشی  
باشدن، اساسندن اصلاحه و اسباب مذکوریه  
زالیه، سطوت عسکریه بی احیایه غیرت  
یتدیلر از بر زمان ایچنده فرانسه بی بو کونکی  
بو قعنه اصعاد ایدیلر .

بز ایسه ارتق ماضی بی تماماً اونومش،  
ستقبالدن بر شی بکله میه جک حاله کلش ،  
مردلر و تهیداته حقیرانه مسکینانه مطاوعت  
دردک موجودیتیزی صارصان بتون  
کلیفاتی همان قبوله آلیشمش ۱۲۹۳ دن  
ها تهلمکلی بر کر بوئه اضحلال و پریشانی به  
لوغری سقوطه حاضر نمشدق .

فقط فکر حیثندن بشقه بر سائق اولیلان

شانی و نجیب اردومن وطنک یو وار لمقده  
بولندی بی کردابک او کنه طور دی، حسن نیت  
وحیثله مشبوع اولان بو قبلر معاونت الهیه به  
مظهر اولدی . جناب حقک رحمت و توفیق  
اردومنک رهبر مظفر یاتی اولدی . بو بیوک  
اردو توحید افکار و آمال ایلیه رک مظهر  
اولدی فیض سماوی بی قرق ملیونلق ملته  
صاچدی . اوتوز سنه دنبری ممالک کمزی  
تخریب ایله عدالتسزک و ظلم زیر وزیر  
اولدی . طلوع ایدن حریت و عدالت کونشی  
اولا اردومنک مجلا سونکولری اوزرنده  
بار لایه رق بارقه سر عتیه اک حقیر کویلمز مه ،  
قبه لر مزه قدر یاییلدی .

ای ملت معظمه ! ای شانی اردو !  
ظن ایدر میسکز که بو کونکی موفقیتانک  
ذروه کالنده ۱۲۹۳ ده فدای حیات ایلین  
شهدامزک ارواح مقدسه سی طائر اولسون .  
لکن هیات که از قهرمان شهدامزک ابقای  
نامنه خادم نه بر آبده مز \* نه بر خاطر مز  
واز !

ای اوتوز سنه لک ناکور حکومت !  
سنک ایچون حیثاتلرینی فدا ایدن ،  
عائله لرینی، سفالتلر ایچنده زیر ترابه کومن ،  
کویلی، چو جقلری دیری دیری یا قیدیریلان  
بوزوالی شهدانک نامنه هیج اولمز سه بر تار یخ  
یازدیره رق احفادینه بر نشانه خاطر اولسون  
بر اقدیر مدین !

## فهرست منابع

روسیه ارکان حربیہ عمومیہ دائرہ سنک تاریخ حرب قومیسونی طرفندن نشر ایدیلان  
۱۸۷۸ - ۱۸۷۹ ( روس - عثمانی ) حربی نام اثر

اثر مذکورہ تلخیصاً و تنقیداً اوستریالی قراصر نام ذانک تألیف ایلدیک ائر

جنرال قوروپاتکین طرفندن ( روس - عثمانی حربی ) نہ دائر یازیلان اثر

اوستریا ارکان حربیہ قائم مقامی ( الفرد قراوس ) ( ترک - روس حربنک درسلی )  
نام اثر معروفی

آلمانیالی فون تروتناوک ( طونہ دن بلونہ یه ) نام اثری

عزت فؤاد پاشانک ( غائب ایدیلان فرستلر ) و ( غائب ایدیلان دیکر فرستلر ) نام ایکی اثری

قلہ مان نام ذات طرفندن فرانسزجه تألیف ایدیلان ( عثمانی - روس سفری )

حیدر مدحت بکک ( مدحت پاشا حیاتی و خدمتی ) نام اثری

پارس دارالفنوننی تاریخ معلمرندن ارنست لاویس و الفرد رامبو طرفلرندن  
نشر ایدیلان ( تاریخ عمومی )

آثار و مؤلفات سائرہ

\*  
\*\*


صاحب اثر ارکان حرب بیکیباشیسی علی فؤاد بکک آثار سائرہ سی

سواری کوچک ضابطانی ایچون مخطرہ

روس - ژاپون سفری - بش کبیر جلد [ عثمان ثنائی بک افندی برابر ]

یکی آلمان خدمات سفریہ نظامنامہ سی [ طبع ایدلمکده در ]





W. D. ...

From ...





# مَدَائِحُكَ

و مطالعات اجرا ایدش ایکن . بزم  
مملکت مزده بو خصوصه بر لاقیدی مجرمانه  
کوستریلیور . اردومزك یا پیش اولدینی  
بو حرب ، اردومز دن کیزی طو تیلهوردی .  
عثمانی اردوسنك استقبال ضابطلرینی  
یتشبدیر مکّه مخصوص اولان مکتبلر مزده  
عثمانی - روس حربندن بحث ایتمک ،  
اردومزك شان و شرف مظفریت بهاسنه  
قرائش اولدینی درسدن استفاده یی آرزو  
ایلك ممنوع ایدی . هله صوک زمانلرده ،  
بویله بر جسامارنده بوله جق اولان خواجهرلر ،  
محو ایدی یه محکوم ایدیلر . ماضینک بو جمیع  
خاطرانی وجدان حمیتی دایما اغلاتا جق ،  
قلب فضیلتی هر زمان لر زده دار نفرت ایله جک در  
بو احوالک تاثیر یله حرب ملیعزه دائر  
لسانمزده همان هیچ بر اثر نشر ایدله مش  
ایدی . گویا که عثمانی - روس سفری تاریخ  
جهانده نواقع ایدی . بو سفره دائر  
آروپاده انتشار ایدن اثر لرده ، یقین زمانلره  
کنجه یه قدر بر ماهیت علمیه یی حائر دگل  
ایدیلر . آثار موجوده ، تاریخ حرب نقطه  
نظرندن تدقیقات اجراسنه مساعد و اعانه  
شایان بک آز اساسلری احتوا ایلدیکندن

۱۲۹۳ سنه سننده وقوع بوله رق  
قلب امتده زائل اولماز جریحه لر بر اقدقندن ،  
معزز و ظنمز ایچون انواع مصائب انتاج  
ایتدکدن صکره تاریخک صحیفه لرینه انتقال  
ایدن حرب ، تاریخ حرب جدیدک الک زیاده  
شایان استفاده برسفری اولدینی قدر ، تاریخ  
اسفار ملیه مزك همین ایچون بیلنسی ،  
از بر ایدلمسی الزم اولان بر فصلی ، جمیع و  
عبرت انکیز بر فضیلدر . بو فصلک هر بر  
صحیفه سی ، حتی هر بر سطر ی اردومزك  
جوهر خونینی ایله ، عثمانیلرک خون شهادتی  
ایله یازلمشدر .  
مملکت مزنی استقباله بو کئی فلاکتلردن  
وقایه ایتمک ، عثمانی اردوسنك ، قانلی  
بر اقدقن طوفان هلال حربت ایله کوبک  
اقبالیزی تصویر ایدن شانلی بایراغی ، دایما  
شاهمه ظفرده موجه دار بولندیره بیلیمک  
ایچون تاریخک بولم آور ، بو مظلم صحیفه لرینی  
دایما نظر عبرتمز اوکنده بولندیر ملی ،  
شاهراه استقباله طی مراحل ایدرکن ماضینک  
ارشاد اتندن استفاده ایتملی بز .  
اوروپا عالم عسکر یسنده غالییت و مغلوبیت  
اسبابنک تشریحی ایچون کونا کون تدقیقات

عثمانلی روس سفرینه ، آلمانیا - فرانسه حربینه نظراً عادتا اوکی قرداش کبی باقیلور، مطالعات جدیدیه سزا عد ایدلموردی

وقتا که روسیه ارکان حربیه سی طرفندن وجوده کتیریلان رسمی تاریخ حرب انتشار ایتدی؛ عالم عسکری ده بر حادته وقوعبولدی. چونکه هیچ اولمازسه طرفین محاربیندن بری طرفندن تدقیقات جدیدیه ایچون مکمل بر زمین احضار ایدلمش و بو تاریخ حربیه نظراً آثار سائره محتویاتنک حقیقتدن بعید اولدقلری تین ایش ایدی.

بو سایه ده حرب مذکورک عسکرلک عالمنک انظارنده کی اعتباری کاملاً دکشدی. آستر یاده ، آلمانیاده متحیز و صلاحیتدار قلملر اظهار فعالیتیه باشلادی .

لکن روسلر ، بورسی تاریخ حربلری کندی نقطه نظرلرینه کوره ترتیب ایتمش اولدقلری جهتله اردومزک حرکاتنه عاند جهتلرنده بر چوق یا کاشقلر اوله جفی آشکار در . انک ایچون بزده موجود منابع و وثائقه مراجعتله و منابع اجنبیه دن دخی استفاده ایله رسمی بر تاریخ حرب وجوده کتیرلمسنی ارکان حربیه عمومیه دائره سندن انتظار ایدرز .

آتحق ( عثمانلی - روس ) سفرینه دأر رسمی بر عثمانلی تاریخ حربنک نه زمان انتشار ایده جکی هنوز مجهول اولدیغندن

اردومزک و بتون جهان عسکرینک پیش انظارینه بر چوق یکی حقیقتلر وضع ایلیه جک اولان او بیوک کونک ورودینه انتظاراً الده کی منابعه مراجعتله بر تاریخ حرب یازمق و بو تاریخ حربی ، منجی وطن اولان نسل جدید و منوره هدیه ایتک ارزو ایلدم .

ای نسل عالی . بو کتابک صحایف متعاقبه سننده او قویه جفکنز وقایع حربیه جریان ایدرکن ؛ بو کون حریت کونشی ایله پارلایان سوکیلی وطنمزک آفاقنده ، شاهد شئامت کبی ، بر استیلا اردوسنک بایراغی طولاشیرکن ؛ شهید ایدیلان بابالر کرک ، قرداشلر کرک جسدلری ، خصم غالب و مغرورک آیاقلری آلتنده چیکنه یرکن ؛ سز ، طول قالان و خراب اولمش یووه سنی ترک ایده رک سزه بر پناه آرامنه چیقان بدبخت والده لر کرک آغوشنده وطنک بو مصیبتلرینه ، غیر اختیاری آغلا یور ایدیکنز . سز ؛ هنوز عرض انوار ایدن فجر حریت ، دشمنک آتش و دومان ایچنده غروب ایدرکن دنیایه کلش ایدیکنز .

حربی غصب اولمش و دشمن طرفندن استیلا ایدلمش بر بیوک وطنک یکانه امید ی ، امید نجاتی ، سز اولدکز .

بو نسل معصوم ؛ یتیم و اوکسز ، بیودی . ظلم و استبداد ایچنده ، ضرورت و سفالت ایچنده ، این ایچنده ، کوز یاشی

تبشیر ایتش اولان قرآن کریم نامنه ، وطنی  
قورتاره جغنه دائر یمین ایتدی . وعهدینه  
وفا ایلدی .

لکن وظیفه من بیتمامشدر . بالهکس شمعی  
بزم ایچون بیوک ومشکل بر میدان امتحان  
آچیلمشدر . پیش آمانلزده اویله منور  
ورنکیین بر ساحة مساعی منکشف که قبلبری  
سرورلر ، هیجانلرله لبریز ایدر .

عثمانلی اردوسی ، تاریخک آفاقی ولوله دار  
ایدن اسکی سطوت وشوکتی احراز ایدرک  
هم وطنک حامی حریتی ، هم ده جهانبک  
اک عظمتی ، اک قوتلی برکن صلح ومسالمتی  
اولمی در . بونک ایچون اک اول اردومزک  
اسباب فلاکتلرینی عریض عمیق تدقیق  
وتحلیل ایدرک بواسبابی محو ایتلی بز .

بو خصوصده ایلک خطوه مساعی بی  
آتمش اولغله افتخار ایدرم . غایت مشکل  
واهمیتی بروظیفه درعهده ایتش اولدیغی ،  
وبووظیفه نك فوق اقتدار مده اولدیغی بیلیورم .  
انجق بومشکلات عظیمه بی اقتحام ایتک  
ایچون محتاج اولدیغ قوت وهمتی ، نعمت  
حریتک وجدان عمومی ملته بخش ایلدیکی  
فیض بی اتهای عرفاندن اخذ ایلجهکم .  
ومن الله التوفیق .

طاشقصاب - ۱۴ اغستوس ۳۲۴

ارکان حرب بیکیاشی

علی فؤاد

ایچنده بیودی . وطنک خاطری ایچون هر  
شیئه قاتلاندى ؛ هر فلاکتنه ، هر حقارته  
تحمل ایتدی . وکونک برنده کندیسنى ،  
عثمانلی اردوسنک کنج ضابطانی تشکیل  
ایتش ؛ کوردی .

بو کنج ضابطار ، وطنک کندیلرندن  
بکلدیکی وظیفه بی اونوتمامشدری . بتون  
امت مظلومه نك امیدلری ، املااری کندیلرنده  
اولدیغی ، وطنک معروض اولدیغی فلاکتلره  
وتهلکه لره قارشو لاقید قاله جق اولور لرسه  
انسال مستقبله و تاریخ نظرنده عظیم بر  
مسئولیت آلتته کیره جکلرینی تمیز وجدانلری  
اخطار ایتش ایدی .

وطن اونوز سنه دنبرو دوام ایدن مدید  
یر احتضار ایچنده ، کتدیجه دها چوق ،  
دها مدهش فلاکتلره گرفتار اولمش ایدی .  
یدی عصرلق بر جهان شان وشرف انقراضه  
آماده کورونیور ، عثمانلیق ایچون حزین  
برلوحه غروب حاضر لانیوردی .

بو آجی ، بو وجدان سوز کونلرده ،  
بتون نظرلر یره اکیلیمش ایکن بونسلا  
محترم ، وقورانه ، باشنی قالدیردی . یوکسکلره  
باقدی .

بتون لسانلر سکوته محکوم ایکن ،  
بونسلا محترم ؛ ظلمی ، ظامک قوتی  
استحقار ایدرک یمین ایتدی . انسانلره  
حر یارادلمش وحر اوله جکلرینی اک اول

٧٢  
١٧٦٠

١٧٦٠

١٧٦٠

١٧٦٠

١٧٦٠

١٧٦٠

١٧٦٠

١٧٦٠

١٧٦٠

١٧٦٠

١٧٦٠

# عُثْمَانِيَّةٌ - رُوسِيَّةٌ

## اسباب حرب

اسباب حرب بختی بر از تفصیل ایده جکز . چونکه مملکت مزك صوك یوزسنه لك وقایعه دائر حقیقه مقارن هیچ بر اثر او قوما دق ایدی .

حقایق تاریخیه ایله اداره استبدادیه بر بریله تضاد تشکیل ایلکده اولدینی جهتله استبداد زماننده تاریخ کتابی یازمق بر امر محال ایدی . حالبوکه عثمانلی روس سفری ابله اكا تقدم ایدن وقایع آراسنده غایت جلی بر ارتباط وارد . سفر مذکور ، دها اولکی اسفار و محاربانك حاصله سی ، نتیجه سی در . آنك ایچون ماضی به ارجاع نظرله وقایع اخیره تاریخیه نك بر زبده سی عرض ایتمک لزوم کوردك :

۱۲۹۳ حربنك اسبابی طوغری و مکمل بر صورتده تعیین ایتمک ایچون شرق مسئله سنك تاریخجه سی یا یق یعنی دولت علیه نك بتون صفحات اقبال و ادبارینی تصویر ایتمک ایجاب ایدر . سطوت عثمانیه نك آوروپا و آسیا قطعه سنده رهین انحطاط اولسی اوزرینه اقوام اسلام ضررینه اوله رق ملل مجاورده درلودلو

آمال واحتراسات تولد ایتمش و بو آمال واحتراسات ده شرق مسئله سی تولید ایلمشدی . ( شرق مسئله سی ) نام اثر معروف ده دینلیورکه :

عثمانیلرک اشغال ایلدکلری ممالک ؛ که تاریخ بشرک هر دورنده قیمتنی محافظه ایتمشدره ، بو مالکی اله کچیرمک فوق العاده حائر اهمیت اولدیغندن ؛ زمانزده آوروپا دولتر . ینک آسیاده ، هندنهرینک و آرال دکزینک نا اوته طرفلرنده منافع حیاتیه لری اولدیغندن ؛ استانبوله و آسیای صغری به مالک بر حکومت بر عتیقه تماماً حاکم اوله بیله جکندن بتون آوروپا ، شرق مسئله سنك انکشافنی مراق و اندیشه ایله تعقیب ایدر .

بیوک پترو دیدکلری روس چاری ده وصیت نامه سنده شوسطرلری یازمشدی : « استانبوله و هندستانه ممکن مرتبه یا قلاشمغه چالیشملی . بورالر حکمران اولان ، حکمران جهان اولور . انک ایچون کاه ترکلره کاه مجملره صورت متادیده محاربه لر احداث ایتملی ؛ قره دکزده ترسانه لر وجوده کتیره رک یواش یواش بودکزه حاکم

اولی در. ممالک شرقیه ده نه قدر روم واریسه  
هپسینی اطرافزه جمع ایدرک آنلرک مرکزی،  
و استنادکاهی اولمی و اوزرلرنده تفوق  
و حاکمیت تأمین ایتلی در .

ایکنجی قاترینه بدایه بووصایایه توفیق  
حرکت ایشدی. مزبور ۱۷۶۸ سنه سنده  
دولت علیه بی اعلان حربه اجبار ایتدی  
و ۱۷۷۴ سنه سنده کوچوک قاینارجه معاهده.  
نامه سی امضا ایدلدی. بو معاهده نامه روسیه به  
(ازوف)، (کرچ)، (یکی قلعه) پی  
ترک ایتدیکی کچی بحر سیاهده سربستی سیر  
وسفر حقنی ده بخش ایدیور و روسیه نك  
رومانیا پرنسلکلریله دولت عثمانیه ده مقیم  
خرستیانلری حمایه ایتسی یعنی امور دولته  
مداخله ایتسی صلاحیتنی تصدیق ایدیوردی.

۱۷۸۴ ده روسیه حکومتی مذکور معاهده  
ایله استقلالنی و محافظه تمامیتنی تکفل ایتش.  
اولدنی قریم الکاسنی مملکتته الحاق ایتش ایدی.  
۱۷۹۲ ده عقد ایدیلان یاش مصالحه سی  
(اوچاقوف) ی و (بوغ) ایله (دینیه پر)  
نهرلری آراسنده کی قطعه اراضی بی و  
(۱۸۰۶-۱۸۱۲) حربی نتیجه سنده کی بکرش  
معاهده سی ده (بشاریه) قطعه سنی کذلک  
حکومت مذکوریه ترک ایشدر .

بدایه مجارستانه خراجگذار اولان  
بو پرنسلکلر بالآخره سلطان فاتح محمدک زیر  
متبوعیتنه کچمشلر و ترکلر، مجارلز پولونیالیلر  
وروسلر آره سنده عصر لرحه ساحه مجادلات  
اولشلر ایسه ده هیچ بر زمان تمامیه ضبط  
ایدلماشلر و معاهدات سایه سنده مختاریتلیخی  
محافظه ایده بیلمشلدر .  
دوراستقلال دنیلان و ۱۷۱۶ سنه سنه قدر  
دوام ایدن مدت ظرفنده رومانیا لیلر ،  
تکمیل قوم مشولریله محاربه ایتمه مجبور  
اولشلردی. رومانیا لیلر مجارلرک، پولونیالیلرک

دها ایلرویه کتمزدن اول ۱۸۷۷  
سنه سنده اردوسنی روسیه به تقدیم ایدن

۱۸۱۲ ده کی بکرش معاهده سیله ده بسارایا روسیه یه ویرلمشدر .

\* \*

یوناستانک استقلاننه منتهی اولان وقوعاتک عقبنده امضایدیلان ( ۱۴ ایلول ۱۸۲۹ ) درنه معاهده سی ، طونه نك منصلبرنده بر ترصد موقعی اولان ییلان اطه لری ایله ماورای قافقاسیاده اجرا ایدیلان سفرك نتیجه سنده فتح ایلمش اولان انابا ، پوتی ، اقالزیچ .. کبی بعض موقعی روسیه یه ترك ایلدی .

۱۸۲۹ سنه سی تشرین ناینسنده ده صربستانک مختاریتی اعلان ایلدی . افلاق وبغدانک حقوقی تأیید حتی تزید اولندی .

چار ، بوغازلردن سربستی مرور ، قره دکرده وتکمیل مالک عثمانیه ده روس تبعه سنک سربستی تجرتی صلاحیتلری و ۱۳۷ میلیون فرانلق بر تضمینات ایله برابر بو بورجک تأدیسه سنه قدر موقه بلغارستانی و پرنساکلری اشغال اینک حقیقی استحصالی ایلدی . کیفیت اشغال ۱۸۳۴ ده قدر دوام ایلدی .

دولت علیه نك تحت اداره سنده کی عناصر خرسیانیه نك حال اصلیلرینه رجوع ایلملرینک اسبابی حقیقیه سی یوحان رهبرنده شوصورتله کوستریلیور : « ترك اداره حکومتی ، اساساً دین اسلام اوزرینه مؤسس ومستند اولدیغندن اداره مذکورده ، خرسیان قالمش اولان مقولبلری

وتاتارلك هجوملرینه یالکیز باشلرینه مقاومت ایده میه جك قدر ضعیف اولدقلری زمان ، عثمانیلره توجیه انظار استمداد ایدرلر ، اولرك معاونت و مظاهرتی طلب ایلرلردی .

افلاق ۱۳۹۳ و ۱۴۶۰ ده ، بغداد ۱۵۱۱ و ۱۵۲۹ ده ( عهد ) نامی التنده عثمانلی پادشاهلری ایله بر طاقم معاهدات عقد ایتمیلر که سربست اساسلر اوزرینه مستند تدافعی وتعرضی اتفاق معاهده لری حکمنده اولان بو عهد احکامنه نظراً ک ضعیف اولان حکومت ، ک قوتلی اولان دولته بر خراج ویره جک ، بوکا مقابل دولت علیه رومانیایی حمایه ایله جک ایدی .

۱۸۵۶ ده پارس قونفرانسنه تودیع ایدیلان بو عهد ک جمله احکامندن اوله رق رومانیای اراضیسنده هیچ برجامع انشا ایدله مسی مقرر ایدی که مذکور پرنساکلرک ، حتی دور تابعیت ده ( ۱۷۱۶ - ۱۸۵۶ ) بیله محافظه ایتمش اولدقلری شکل مختاریت ، عثمانیلرک بو معاهده یه رعایت کامله و متادیه لرینک ک جلی بر برهان تاریخیسی در .

بوقایده ذکر ایلدیکمز کبی ( قاینارجه ) معاهده سی روسیه نك طونه پرنساکلری اوزرنده کی حمایه سنی تصدیق ایلمشدی . ۱۷۱۷ ده بوقووینا اوستریایه فراغ ایلمش ،

بلغ و تمثيل ايدہ ميوردي . انك ايچون عثمانيلر ، خرستيانلرك مختاريت مذهبه لرني محافظه ايتلمر بته . ساعده ايتمشدي ! بروجهله كه كليسا ، مليتك محافظه سنه برضمان قوي اولدي . ايشته بو صورتله عناصر خرستيانيه موجود . ديتلرني محافظه ايتمشلر فقط توسع وانكشاف ايدہ مامش لر در . وقتا كه ۱۹ نجی عصر ميلادينك ابتدا سنده ، سطوت عثمانيه رهين ضعف اوله رق بو عنصر لر دن بعضيسنك اکتساب استقلاليت ايتلمر بته ميدان ويردي ؛ عناصر مذکورہ قبل الفتح نه حالده ايديسلر کنديلرني ينه احوالده بولديلر .

اوروپا حكومتلري وعلى الخصوص فرانسه ايله انكلتره دولت عثمانيه جهتمده جريان ايدن احوالی نظر دقت ايله تعقيب ايديبورلردی . ۱۸۳۳ سنه سی ۸ تموزنده عقد ايدیلان خنكار اسكھ سی معاهده سنه نظراً باب عالی ، چناق قلعه بوغازيني قبايه حق يعني هر نه بهانه ايله اولورسه اولسون هيچ بر اجنبي سفينه سنك مرورينه مساعده ايتيه . جكدی ؛ بومعاهده ، روسيه نك مالك عثمانيه ده يالكنز باشنه اجراي حركت ايتمشي حق و صلاحيتني تصديق ايدبور ، يعني دولت عليه يي عادتا روسيه نك حمايه سي آلتنه وضع ايدرك ديكر دولتلرك تاثيراتي تبعيد ايلبوردي .

استانبول اطرافنده دوران ايدن مافع

متباينه قارشوسنده الك اول فرانسه ؛ مذاكرات سياسيه بابتدارو بو مذاكرانه روسيه دخي اشتراك ايلدي . ۱۳ تموز ۱۸۴۱ ده دول اربعه (فرانسه ، انكلتره ، روسيه و تركيه) بوغازلر معاهده نامه سنی امضا ايلديلر . بومعاهده ده بحرسياه و بحرسفيد بوغازلرينك اوروپا ك بتون دو تمالرينه قارشو مسدود بولنديرلسی دائمی براساس اولمق اوزره تصديق اولندي . بوصر ده اوستريا ، مسئله يه جدی صور . تده اشتراك ايدہ بيله جك بروضعيتده دكل ايدی . انظار دقتي ايتاليا و الما زيا يه طوغری جلب ايدلمشدي .

انكلتره كيتدكجه شرقده اکتساب قوت و نفوذ ايلبور و هندستان حكومته ايصال ايدن طريقي بر آن نظر دقتدن دور طومبوردي . فرانسه برنجي درجه ده بروضعيتي محافظه ايتمشدي : شرقده كي خرستيانلرك حامی قديمي اولديني كبي جزاير استيلاسنی اكمال ايتمش و مصرده ده بيوك بر رول اوينا مقده بولنش ايدی . فرانسه حكومتی هم كندی منفعتی هم ده موازنه عموميه نك محافظه سي ايچون دولت عليه يي روسيه يه قارشو حمايه ايتك لزومي تقدير ايتمكه باشلايبوردي .

بوغازلر معاهده سنی ارزوسى خلافتنه اوله رق امضالنش اولان روسيه دولتنك قاينارجه و خنكار اسكھ سی معاهده لر يله





مدحت پاشا

اكتساب ایتیم اولدینی حقوق بوصولته شدتله خللدار اولمش ایدی: روسیه اخذنار فکرینی بسلیور، دلی پترونک و ایکسچی قاترینه. نکتسیم ایلدیکی پروژه لری اونو تیموردی. چارنیقولا ۱۸۵۳ ده احوالی تعجیل ایتدی و قریم محاربه سی اعلان ایلدی. انکلتزه و فرانسه و بونلره التحاق ایدن ساردونیا حکومتلری دولت علیه نکت مدافعہ سی وظیفه سی اخذ ایلدیلر.

۱۸۵۶ سنه سی ۳۰ مارتنده امضالنان پارس معاهده سی بو حربه نهایت ویردی. بو معاهده نکت ۷ نجی ماده سنه نظر آ دول عاهده دولت عثمانیه نکت استقلال و تمام ملکینسه رعایتی تعهد ایدیلورلردی. ۹ نجی ماده سی دولتلرک کرک منفردا، کرک مشترکا ذات ملوکانه ایله تبعه سی آره سنده کی مناسباته مداخله ایتلمی حقی تصدیق ایتیلوردی. ۱۰، ۱۱، ۱۲، ۱۳، ۱۴ نجی ماده لر بوغاز- لرک بیطرفلقلرینی تأیید و بجر سیاهک دخی بیطرفلغنی اعلان ایدیلوردی. بجر سیاه سواحلنده نروسار نه ترکلر طرفدن هیچ برترسانه انشا ایدیله میه جکدی. مواد مذکورہ قره دکز صولرنده روسیه و ترکیه طرفدن بولندیریله جق قوای عسکریه نکت مقدارینی ده تحدید ایتکده ایدی.

۲۰: ۲۹ نجی ماده لر بسار ایایی روسینک برپارچه سیله بیویان افلاق ایله بغدادانه، دولتلرک

ضمان مشترکی آلتنده اوله رق، حقوق قدیمه لرینی بخش ایدیلوردی؛ پرنس. لکبرده «ملکیتک امنیت داخله سی محافظه ایتک و حدودلرک امنیتنی استحصال ایتک مقصدیه ملی براردو تشکیل ایدلمسی» و اغتشاش وقوعنده دول عاهده نکت انضمام موافقتنی استحصال ایتکسزین دولت علیه نکت مداخله ایده بیلمسی قرار کیر اولمشدی.

خلاصه، پارس معاهده سنک مقررات اساسیه سی شونندن عبارتدی: دولت عثمانیه نکت تمام ملکسی، طونه ولایتلرینک مختاریتی، بجر سیاهک و بوغازلرک بیطرفلغنی. بونلرک هپسی دول معظمه نکت تکافل مشترکانه مودوع ایدی.

روسیه بوصولته برعدم موفقیته دهاد و چار اولیلوردی. بو حکومت، ۱۸۷۱ ده لوندرده طویلانان قونفرانس اوکنده پارس معاهده سنک ۱۱، ۱۲، ۱۳، ۱۴ نومرولو ماده لرینی ابطال ایتک ایچون آلمانیا ایله اجر ایلدیکی حربک فرانسه یه باعث اولدینی. مشکلاتدن استفاده یه مسارعت ایتدی. بو قونفراسدن تولد ایدن معاهده باب عالینک، بوغازلری آجق، قیامق حقی تصدیق ایتدی ایسه ده قره دکرک بیطرفلغنی محافظه ایتدی که روسیه نکت ایستدیکی ده ذاتاً بو ایدی.

بوسنه و هر سکت اختلالی (۱۸۷۵). - ۱۸۷۶ سنه سنده اعلان ایدلمش اولان خط

۱۸۷۲ ده بلغارلر، سفیر ایفنا تیفک مداخه سی سایه سننده کندیلرینه برا کسارخ اتخاب ایتمک حقی و کلیسارلینک مختاریتی استحصالی ایتدکلری زمان بتون اسلاولر نظر نده چار، روسیه نك قریم محاربه سنده کی انهمزاملریله تناقص ایتمش اولان نفوذ و اعتبارینی تکرار اکتساب ایتمش بولنیوردی : اسکی امیدلر او یانمش ایدی.

۱۸۷۴ سنه سی نهایتنده روس نامورلرینک نفوذی او درجه کسب شدت ایتمش ایدی که او ستر یادولتی باب عالی یه مراجعت ایتمک سزین صربیه و رومانیا ایله عقد ایتدیکی تجارت معاهده لریله یکی بر صفحه سیاست کشاد ایتمش و روس نفوذینک ضررینه اوله رق کنج بالقان حکومتلرینک دوستلغنی قزاقمه ساعی بولنمش کورونیوردی .

اسعد پاشانک ایکنجی صدارتی ائناسنده ایدی . قره طاغ حدود نده ، دها متیقظ بر حکومتک نظر دقتی تثبیت ایده جک ، ماهیتی داعی شهبه بعض احوال مشاهده ایدلی . ۱۸۷۵ سنه سی ۹ تموزده موستارنا جیه سنک ( نوه سینه ) قریه سندن التمش اسلاو کویلوسی اوراده کی ضبطیه لرك اوزرینه هجوم ایتمش لر دی بو کاسبب کویا ترك تحصیلدارلرینک بر قاج کون اول تحصیل ایتدکلری ویرکوی تکرار تحصیل ایتمک ایستملری ایدی . اسلاو کویلورلی قره طاغه جکلدیلر .

هاریون تامیله سکونت بخش اولدی . عالی پاشانک تشبث ایلدیکی اصلاحات خرسیتیانلرک آمالی تسکینه کفایت ایتمدی . ۱۸۶۲ ده کی هر سگ و ۱۸۶۶ ده کی کرید اختلالاتی خرسیتیانلرک اداره حاضره آلتده ده اوزون مدت یاشامق ایستمدکلرینی کوستردی . یونان و صرب قرداشلرینک نائل اولدقلمی استقلال و حریتک جاذبه دار منظره سی ، اداره موجو . ده پی آنلره دها چرکین بر شکل آلتده کوستریوردی . سلطان عبدالعزیزک خاتمه سلطنته طوغری بلغارستانده ، پترسبورغ قاینه سنک ثمره تشویق اولان ایلك حرکت عصیانیه ظهور ایتدی . مدحت پاشا بو عصیانی کمال شدتله تسکین ایتدی .

لکن خالص صرب ، اولان بوسنه هر سگ اهالی خرسیتیانیه سی دها زیاده صبر سزلق کوستریورلردی . یانی باشلرنده کی صربستان اهالیسی حر ایکن کندیلرینک اسارت آلتده قالملرینی شایان تحمل بولیلورلر ، عینی عائله نك مختلف افرادی آراسنده کی بو غیر مساوی طالعدن شکایت ایدیورلردی .

اسلاولرک امید استخلاصی ، دائم چارده ایدی . ۱۸۵۷ ده روسیه ده ، شرق خرسیتیا نلرینک اصلاح طالعی و اولنلرک تأمین خلاصی مقصدیله بر جمعیت روحانیه تأسس ایلدی . بو جمعیته مقدماته موجود ایکن نیقولا طرفندن لغو ایدلمشدی .

روس سفیرینک، دائماروس سفیرینک تبلیغاتی  
 اوزرینه، بونلره قریه لرینه عودت ایتلمی  
 ایچون مساعده ویرلدی. فقط کویلیر  
 قره طاغلو آرقداش لریله برابر، جوار اسلام  
 قریه لرنده غارت اجرا ایتدیلر. بو عصبانی  
 دهها بدایتنده ازاله ایده جک واسباب حدوتی  
 تدقیق ایدرک اكا كوره اتخاذا حرکت ایله جک  
 یرده مأمورین محلیه استانبولدن تعلیماته انتظار  
 ایدرک وقت غائب ایتدیلر. بو عطا لتسزلکدن  
 وخارجدن مظاهرت کوره جک لری امیدیه  
 جسارت پیدا ایدن چتله رچا بوجاق چوغالی  
 حکومت اكا نهایت ایش کورمه که قرار  
 ویرجه یه قدر آتش اختلال هر طرفه  
 انتشار ایتیش ایدی. ۲۹ تموزده ارباب  
 عصبان شو بیاننامه بی نشر ایدیورلردی:  
 «ترك اداره مستبده سنك دهشتنی  
 بیلمیان، تبعه خرس تیانیه نك دوچار اولدقلری  
 اشکنجه واضطرابلرک شاهد علنیسی اولمیان  
 رعایا نه دیمک اوله جغنه دائر حتی تقریبی  
 بز فکر بیله ایدینه مز. رعایا لال و ابکم،  
 حیواندن اشغی، ابدی اسارت ایچون دنیا یه  
 ککش بر محالو قدر. هر قاریش طوپراق اجدا.  
 دمزک قانی و کوز یاشلری ایله صولانمش  
 در. بو کونکی کون رعایا حریتی ایچون محاربه  
 ایتمه و یاخود صوک فردینه قدر اولمکه  
 قرار ویرمشدر.»  
 تاریخمیزک بو صحیفه لرینی او قومق، بر

عثمانلی ایچون حزین والیم در. انجیق بو کبی  
 حزین احوال در که بو کونکی صفحه بی تولید  
 ایتمشدر. استقباله عین خطاری تکرار  
 ایتماک ایچون، نه قدر مؤلم اولورسه اولسون،  
 ماضی دینیلان او (خطیب مهیب) ک بیاناتی  
 دکلی بز.

عصات، صربستان ایله اتحاد لرینی اعلان  
 ایدیوردی. هر ایکی ولایتده کی عسکرک  
 موجودی ۱۸۰۰ دن فضله دکل ایدی دهها  
 آغستوسک ایکسینده برچوق موقعلر محاصره  
 ایدلمشدی.

قره طاغ و صربستان تیره بوردی؛ (قرا بواج)  
 ده اسقوچینا «هرسکلیرک فریاد مایوسانه لر-  
 ینک او یانیدر دینی عکس صدای نجیبین،  
 قرداشلرینک دائمی ممنونیتی تأمین ایتک  
 ایچون صریلیرک اجراسنه حاضر بولندقلری  
 فداکارلردن» بحث ایدیوردی.

اسعد پاشا، حسن نیت صاحبی اولمغه  
 برابر ضعیف وهرشیدن اول وضعیت عمومی  
 خارجیه قیدیله مشغول ولدیندن برازاشاغی ده  
 تفصیل ایدلدیکی اوزره روس واوستریا  
 سفیرلرینک رؤسای اخلال ایله باب عالی  
 اراسنه مداخله ایتلمی حقیقده کی تکلیفی  
 قبول ایلدی.

هیچ بر پولتیقه بوندن دهها مضر اوله-  
 مازدی. ارباب عصبان بو مداخله بی حکومتک  
 بر اعتراف عجزی کبی تلقی ایدیور، کندیلرینه

بوصورتی که بالفعل بر طاقم حقوق بخش ایدلمش اولیور، اجنبی حکومتلرینک ده امور داخلیه دولتیه مداخله ایلملرینه یول آچیلوردی .

ایشته بویله جه بر قاج کویلرینک اهمیتسز فیامی ، بر اختلاله انقلاب ایلدی . و دولت علیه عثمانیه اجنبی سفیرلرینک وقونسولوسلرینک وساطتی ایله اختلالچیلرله مذاکره کیریشمهکه راضی و منقاد اولدی .

دولتک مداخله سی . ویانه ده ، بودا - پشته ده الک اول عمومی بر سرایت دن قورقلدی . بویله بر سرایت دن بر بیوک صربستان ظهور ایده بیلوردی که نفوذ جاذبه داری اوستریا - مجارستان حکومتک مخناف صرب عناصری اوزرنده اجرای تأثیر دن خالی قاله مازدی . انک ایچون مجادله یه ممکن مرتبه چابق نهایت ویرمک ارزو اولنیوردی .

بنام علیه اوستریا؛ ذات هابون ایله ارباب اختلاله اوچ سرای ایمراتورینک توسطی تکلیف و تقدیم ایلدی . ۱۸ اغستوس ۱۸۷۵ ده دولت لر ، کندی قونسولوسلرینک ارباب اختلال ایله اخذ مناسبات ایدرک خرسیتانلرک مطالبی ذات شاهانه نک بر قومیسرینه تبلیغ ایتمکله مکلف اولسنی تکلیف ایدیورلوردی . تکلیف قرین قبول اولدی . ایلول نهایتنده اختلالکاران مطالبات آتیه یی ابراز ایتدیلر: خرسیتانلره امور مذهبی جه کمال سرپرستی اعطاسی .

بریرلی ژاندارمه نک تشکیل .

ویرکولرک کیفیت و کیتنک تثبیتی و فیما بعد کفی بر صورتده تزئید ایدیه مامسی .

بوتکلیفات هنوز تبلیغ ایدلمش ایدی که

۴۰ تشرین اولده ذات شاهانه بتون ممالک

عثمانیه ایچون عمومی بر اصلاحاتک موقع

نامله قوندلیغنی مین براراده اصدار ایلدی .

ارتق تدایر منفرده دن دکل ، بلکه بر تنسیق

عمومی دن بحث ایدیلوردی که بلا تفریق جنس ،

تکمیل خرسیتانلره ، ویرکوتحصیل وقونترول

مأمورلرینی انتخاب ایتمک حقندن بشقه

استانبوله دائمی بر هیئت مبعوثه بولندیرمق ،

حقوق و منفعللرینی مدافعه یه مأمور مبعوثلر

تعمین ایتمک صلاحیتی بخش ایده جک ایدی .

ارنست لاویس والفردرامبو طرفندن

نشر ایدیلان تاریخ عمومی کیریده بوتدیرک

اک زیاده انکلیر حکومتی و ( دیزرائلی )

طرفندن تلمین ایدلمش اولدینی بیان ایدیلور .

۱۲ کانون اولده اصلاحات موعوده یی

معلن فرمان صادر اولدی . لکن روسیه

حکومتک جریده رسمی سی ۳ تشرین تانی

تاریخی نسخه سنده درج ایلمش اولدینی کبی

قاینه لر ذات شاهانه دن «تعه داتی ایفا ایتمک

خصوصنده کی قرار قطعینسک مادی برها -

نلرینه ، انتظار ایدیورلوردی . اوستریا خارجی

ناظری اندرایی بر نوطه قلمه آلمغه مسارعت

ایندی که بوکا روسیه و آلمانیا در عقب

ایلیکی درجهٔ اہمیتی عطف ایتیمورلردی .  
 اودرجه مطئن بر صورتده اعلان ایدلمش  
 اولمغله برابر تعہدات واقعہ یالکز سوزدن  
 عبارتدی: عصات اجراآت ایتیمورلر، عساگر  
 عثمانیہ مک عودتی، کندیلرینک سلاحلرینی  
 محافظہ ایتیمک حقنی و بکارک تحت تصرفہ کی ارا-  
 ضینک برلٹنک فراغنی ایتیمورلردی . الحاصل  
 وبالخاصہ دولت لک بوتاسیقانک تطیقانہ تکفل  
 ایلرینی ایتیمورلردی . آوستریانک افر-  
 طکارانہ نلق ایتدیکی و آلمانیا طرفندن  
 تشجیع ایدیلان روسیہ نک تصویب ایلدیکی  
 بومدعیات ، اکر یکی ومدھش حادثات  
 سرنمای ظہور اولسہ یدی، احتمالکہ اوج  
 سرای ایپراطورینک ائتلافنی خللدار  
 ایلہ جک ایدی .

۷ مایس ده فرانسه و المانیا قونسولسری  
 سلانیکده کوپہ کوندز قتل ایدیلر . عین  
 زمانده بلغارستانده مخوف قتالار باشلا یوردی .

تاریخ عثمانیک بحرانی صفحہ لرینی  
 تشکیل ایدن بو حادثاتی براز دھا تفصیل  
 ایلک وبالخاصہ بلغارستانک صوک سنہ لر  
 ظرفندہ کی احوالہ دائر برنظر سریع عطف  
 ایتیمک ایتیمورز : طونہ ولایتندہ والی مدحت  
 پاشا ایدی . مدحت پاشا اہالینک شکایاتی  
 نظر دقتہ المش و ترفیہ احوالی و دولتہ  
 اولان رابطہ لرینک تقویہ سی ایچون جدی  
 اصلاحانہ توسل ایلشدی . قصباندہ ادارہ

فرانسہ و ایتالیا بعدہ ، انکلترہ ایسہ احتیاط  
 ایلہ اشتراک ایلدی . بو نوطہ مدہ تنسیق  
 عمومیدن بحث ایدلیور ، یالکز عصات ایلہ  
 اشتغال ایدلیوردی .

دولتہ « آشکار ، غیر قابل مناقشہ ،  
 عملی تدبیرلر ، بالخاصہ بوسنہ و ہرسک  
 احوالی اصلاحہ مدار اولہ جق تدبیرلر  
 طلب ایدیورلردی : پروگرام دکل اجراآت  
 ایتیمورلردی . »

ارباب اختلال ایچون « تام ، مکمل  
 سربستی و مساوات مذہبیہ ، ویرکودہ الزام  
 اصولنک الغاسی، ویرکوحاصلاتنک ہراییکی  
 ولایتک احتیاجات محلہ سنہ صرفی، اصلا-  
 حاک تطیقنہ نظارت ایتیمک اوزرہ اعضاسی  
 مناصفہٴ مسلمان وخرستیاندن مرکب بر  
 قوت و ترولقومیسوننک تأسیسی، حاصلی صنف  
 زراعتک ترفیہ طامی ایچون تدابیر اتخادی  
 ورعایانک دہ صاحب املاک اولمق امکانی ،  
 طلب اولنیوردی .

نوطہ ۳۱ کانون ثانی ۱۸۷۶ دہ تودیع  
 اولندی . ۱۳ شباطدہ باب عالی ، مطالبات  
 واقعہ نی قبول ایلدیکنی دولتہرہ بیلدیوردی .  
 دولتہرہ ارباب عصیانی تسلیم سلاحہ تشویق  
 ایتیمک باشلا دیلر .

بلغار وقوعاتی - لکن عصرلردن بری  
 آجی بر تجربہ کورمش اولان عصات ذات  
 شاہانہ نک تعہداتنہ دیپلوماتلرک عطف

ایده جکار، بوسایه ده مملکتک مسلمان و خرستیان  
عنصر لری ارسنده مخاندت تأسس ایده -  
جکدی، مدحت پاشانک بوبابده تنظیم ایلدیکی  
لایحه استانبوله کلنجه جنرال ایغنائیه ف،  
انک بتون درجه اهمیتتی تقدیر ایدرک موقع  
اجرایه وضعی منع ایتمک ایچون هیچ بر  
تشبنده بولمقدن چکنمندی.

سلطان عبدالعزیزک افکار استبدادکارا.  
نہسی، روس سفیرینه بو خصوصده مبدول  
بر منبع وسائط تشکیل ایدیوردی.

ایغنائیف، مدحت پاشانک اصلاحاتی  
وعلی الخصوص مجالس محلیه تشکیلنده کی  
مقصد اصلی، ذات شاهانه نک حاکمیت مطلقه سنه  
تماماً مغایر اولدیفنی بو و تدبیرلر، ولایتی  
یواش یواش دولتدن ایبره رق مصرده  
اولدیفنی کی بر فکر استقلال تولید ایده جکنی  
تفهیم ایتمکله ایشه باشلادی.

بر سوء تصادف اثری اوله رق وقوع  
بولان بر مطبعه خطاسی ایغنائیه فک تزویراتی  
تسهیل اتمسه یدی، اغلب احتمال بوتزویرات  
نتیجه سز قاله جقدی.

طونه ولایتک (جریده رسمیه سی)  
نک بر فقره سنده مجلس کبیر ولایت اعضاسی  
حقننده سهواً (مبعوث) تعبیری استعمال  
اولنشدی. بومرتب سهوی روس سفیری  
ایچون تصادفک مستثنای بر عاطفتی اولدی.  
روس سفیری فکر شاهانه نی تمهیح ایدرک  
لایحه نی محو و افنا ایتمک ایچون بوندن

محلیه نی تحت نظارتده بولندیرمق و ویرکو  
المق ایچون مجلسلر تأسس ایلمشدی.  
خدمت مکلفه لغو ایلمش ۱۴۰۰ دن زیاده  
کوپری و ۳۰۰۰ کیلو متره لک یول انشا  
ایلمش ایدی. یرلی ژاندارمه تشکیل،  
زراعت باققلری تأسس ایلمش و واسع  
وخالی اراضی میریه ایشلتیلرک حاصلاتی  
بواققلره سرمایه اوله رق تخصیص اولنشدی.  
بوجدی و حکیمانه تدابیر سایه سنده مملکتک  
زراعت و تجارتی جداً ترقی ایلدی. انجق  
بو ولایتلری حکومته جدی و صمیمی بر  
صورتده ربط ایتمک ایچون اهلینک افکارینی،  
ایشک جهت مغنوبه سنیه ده نظر دفته المق  
ومملکته تخم نفاق سرین اعدای دولتک  
تزویراتی عقیم براقق ایجاب ایدردی که  
مدحت پاشا بو حقیقتیه ده تقدیر ایلدی.  
سنه لر دنبرو بر چوق کنج بلغارلر روسیه  
دارالفنونلرینه تحصیله کیدییور و اتحاد اسلاو  
افکار یله مشبوع اولدقلری حالده عودت  
ایدرک نشریاته باشلایورلردی. بونلر حاکمیت  
عثمانیه ایچون اک مضر بر تهلمک ایدی.

مدحت پاشا فاعله، چاره ساز اولق ایچون  
پاشا لوجه قصبانده ابتدائی و عالی مکتبلر تأسس  
ایلمه کی دوشوندی. بومکتبلره هم مسلمان  
هم بلغار چوققلری دوام ایده جک، بونلر  
عین بر تربیه و تحصیل التده کچیره جکلری  
حیات مشترکه ائسانسنده بر بیره عقد اخوت

استفاده به مسارعت ایندی : عبدالعزیز خان  
درینغ موافقت ایندی .

ایشته بوصوله ولایتده جابجا ظهور  
ایدن فساد او جاقفرینی ابدیاً سوندیرمک  
وبلغارلری حکومت مرکزیه به ربط ایتمک  
ایچون باشلانان اصلاحات ، پادشاهک احترا  
صات مستبدانه سندن استفاده ایتمک صنعتی  
بیلن بر اجنبی سفیرینک ید تسویلاتیه  
محو اولمش ایدی .



جنرال ایفناپف

استانبولده اجرا ایدیلان بوتسویلات  
دیپلوماتیقیه بی تقویه ایتمک ایچون (بکرش)  
(و کیشتن) ده کی اتحاد اسلاو قومیتلرینه « بعض  
حادثات » احضاری ایچون امرلر کوندرلدی .  
۲ مایس ۱۸۶۷ ده مدحت پاشایه  
(زشتووی) دن شو تلغرافنامه کلیوردی :  
« دون اقسام (زشتووی) قربندن برچوق

مسلح چتلهر تجاوز ایتدیلر حدودک بری  
طرفده بکلین دیگر چتلهرده بونلره التحاق  
ایدیلر . اشقیا ، وادیده بر قیون سوروسنه  
نظارت ایدن سکز الی اون ایکی باشنده کی  
بش مسلمان چوجغنی مخوف بر صورتده  
قتل ایدرک اجرای فعالیته باشلادیلر .»

بوفعال دهشت کارانه دن مقصد اصلی  
اهالی اسلامیه بی اخذ ناره اجبار ایدرک  
اوروپایی ، ترکلرک علیه نه تحریک ایتمکدن  
عبارت ایدی . انجق انخا ایدیلان تدابیر  
ایله قنالغک اوکی آلدی . عصانک پلانی  
کندر کاهلرنده نه قدر قومیته منسوبتی وارسه  
هپسی آلهرق کال سرعتله بالقانلری قزاق  
قرارگاه اختلال اولق اوزره انتخاب ایدیلان  
قاپر بورا مناسترینه واصل اولق ایدی .  
لکن بومناسترده بر قایچ نظامیه طابوری  
بولنمسی عصانک تصوراتی عقیم براقدی .  
ارباب اختلال قسماً پریشان وقسماً دردست  
ایدلی .

القی مسلمان القی خرسیتیان اعضادن  
مرکب بر محکمه ده اسپرلر استنطاق ایدلی .  
نتیجه استنطاقده اختلال چتلهرینک  
بکرش ده کی اسلاو قومیتلری طرفدن تجهیز  
واعزام اولندقلری تحققی ایدلی شیکمه  
اتحاد آزالیله رؤسائی اعدامه محکوم ایتدی .  
مدحت پاشانک بوشدنتلی تدبیرلری سایه سنده  
عصیان تسکین ایدلی .



هر درلو تلقینات و تسویلاتك نشو و نمانسه  
مساعد بر زمین اولمش ، اتحاد اسلاو  
قومیتسی فکر عصیانی نشر و توسیع ایتک  
ایچون سرستانه اجرای فعالیتسه امکان  
بولمشدی .

یوقاریده یحث ایلش اولدیغمز هر سگ  
اختلالی باشلا دینی زمان اختلالك منع  
وتسکینی ایچون تدابیر مانعه جدیه اتخاذ  
ایدلمه مش اولدیغندن عصیان کوبدن کوبه ،  
ناحیه دن ناحیه بیویه رک بلغازلره مسکون  
اولان ولایانه قدر سرایت ایلدی .

۱۸۷۴ سنه سی بدایتده طرنوه ،  
قزاقلق وزغرا حوالیسندن بر عصیان  
مقدمه سی کوراشدی . لکن هر سکنده  
کوستریلان آثار رخاوتدن عبرت بین اولان  
مأمورین ، حرکت عصیانیه نك باطله  
رؤسانی توقیف ایتدیلر . لکن باب عالی ، جنرال  
( ایغاتیف ) ك شدتلی مراجعاتی اوزربنه  
هپسنی صالیوردی . ایغاتیف ، مأمورین  
مذکورنه نك عزلتی طلب ایتکه قدر جرأتی  
ایلر و کتورمشدی .

بر عصیانی تشکیل ایچون اتخاذ ایدیلان  
یوتخف و کورولمه مش اصول حرکت ، آز  
بر مدت ایچنده عمومی بر تلاش و هیجان  
تولید ایدرک مملکتك براوجندن ابر اوخه  
قدر تکمیل اهالی اسلامیه سرایت ایتدی .  
اجنبی فونسلوس و دیپلوماتلرینك تحت

ایلروده بوکچی وقایعك منع تکرری  
ایچون مدحت پاشا ، هر صنف اهالیدن  
مرکب ( ۴۰۰۰۰ ) کشیك بر میلیس تشکیل  
ایتدی . بوایش او قدر ماهرانه ترتیب اید-  
لمشدی که هر میلیس افرادینك مدت خدمتی  
اوچ آیده سکیز کونی تجاوز ایتوردی .  
آراقده ، ولایتده یکی بر اختلال احداث  
ایتک اوزره ( قلاص ) دن ( بلغراد ) ده  
مأمورلر کوندرلدیکی استخبار ایدلدی .  
بو آدملر جرمانیا نام آوستریا واپورنده  
بولنیورلردی . مدحت پاشانك امریله عثمانلی  
مأمورلری ، یانلرنده آوستریا قونسلوسی  
اولدینی حالده کمی به کیتدیلر . ارباب اختلال  
کینك سالوننی باریقاد ایتمش ، اورادن آتش  
ایدیورلردی . دهشتلی بر مخنه دن صکره ،  
عثمانلی ضابطه سی ، اکثری وخیم صورنده  
مجروح اولان هر قوملری توقیفه موفق  
اولدی .

بونلرک توقیفی اوروپاده بر ولوله عظیم  
تولید ایلدی . ایغاتیف والینك عزلتی مصرانه  
طلب ایتدی . بوکا موفق اوله مینجه حمیتلی  
والی بی اولدیرتمک اسبابنه توسل اولندی مدحت  
پاشایه قارشو ایکی دفعه سوء قصد وقوعبو-  
لدی . بو حادثانندن بر مدت صکره ( ۱۸۶۸ )  
طونه والیسی استانبوله چاغریلیور ، صکره  
بغداد ولایتنه تعیین اولنیوردی . ( ۱۸۶۸ ) .  
بوزماندن ۱۸۷۴ سنه قدر بلغارستان

حمایه سنده اوله رق تشکیل ایدیلان عصات چته لری ایش و کوچیله مشغول اهالی بی تهیدید ایدرکن؛ مأمورینک اتخاذ ایلدیکی بالجه تدایر مقابله سوء تفسیراته اوغراتیلوردی بونک اوزرینه اهالی اسلامیه کندی حسابنه ایش کورمه قرار ویردی. هر طرفده کوی چته لری ومدافعه هیئتلی تشکیل ایلدی.

بو احوال، طبعی ايله، احتراصات عوامک طغیان ایلمسنی انتاج ایده جکدی. ۵ مایس ۱۸۷۵ ده سلا نیکده وقوع بولان حادثه مؤسسه، بو طغیانک مقدمه سی اولدی. بو حادثه بلغار عصبانی و (برلین) مختطردسی ايله برابر، دولت علیه یه برچوق زماندنبرو کورلین غایت بحرانی بر حال ووضیعت احداث ایلدی. مایسک ۵ نجی کونی آقشامی کنج بر بلغار قیزی، دین اسلامه اهتدا ایتدیکنی وکندی کویندن کنج بر مسلمان ايله ازدواج ایتک ارزو ایلدیکنی اعلان ایتک مقصدیله بر خواجه ايله برابر سلا نیکه کشدی.

من بوره استاسیونه مواصلتنده روم وبلغار لردن مرکب برجم غفیرک دوچار تعرضی اولدی ویاننده کی درت ضبطیه نك مخالفتنه رغماً جبراً بر عربیه ارکاب ایدیه رک آمریقا قونسولسخانه سنه کتوردی. ایرتسی صباح، وقعه دن خبردار اولان بتون اهالی اسلامیه حکومت دائره سی

اوکنه کیده رک بلغار قیزینک اعاده سنی وکندیسنی قالدیرانلرک دیوان حربه تسلیمنی طلب ایتدیلر. بو مطالبات اسعاف ایدلمه سی اوزرینه اهالی، دائره حکومتک یاننده کی جامعه کیردیلر و ساسقه غلیان ايله اوراد تصادف ایتدکری فرانسز و آلمان قونسولو سلیرنی پنجره دن قوپاردقلی دمیرلرلا اولدیردیلر.

بو مشکلات احوال ایچنده یالکیز انکلیز قونسولوسی سکون و اعتدالی محافظه ایتشدی. مومی ايله حیاتی استحقار ایدرک دائره حکومته قدر کندیسنه بریول آچدی وبتون بوقار غشه لغک مشول یکانه سی اولان آمریقا قونسولوسنه خبر کوندروب فرانسه و آلمانیا قونسولسرینک مخاطره لی بر مو قعه یه بولندقلرندن بخله بلغار قیزینک اعاده سنی رجا ایلدی. آمریقا قونسولوسی تردد وقرارسزلنی ايله پک قیمتدار بر زمانی اضاعه ایلدکدنصکره انکلیز قونسولوسنک بر ایکنجی دعوتی اوزرینه اک نهایت بلغار قیزی صالیوردی. لکن آرتق پک کچ ایدی. ایکی قونسولوسک کیفیت قتلی بر امر واقع اولمشدی.

ترکله خصم اولان اروپا مطبوعاتی بو حادثه بی مسلمانلرک غیر قابل اصلاح تعصبلیرینک آشکار بر نتیجه سی صورتنده اوزروپایه اشاعه ایتدیلر وکویا بر قتال عمومی

بتون بو احوال كله چك ابلك بهار  
ايچون وخيم حادثاته براعت استهلال ايديلر  
سنه بدايتنده باب عالي، نيسانده بلغارستانده  
جدي بر عصيان وقوعه بوله جغني و مراکز  
قيامك طرفه، اسكي زغره، قلبه حواليسي  
اوله جغني استخبار ايلدي . حكومات محليه  
اهالي بي تظمين ايتك وجان وماليري محافظه  
ايلك ايچون بلاماهال قواي منتظمه كوندرلسني  
طلب ايتديلر .

لكن جنرال ايغنائيف تكرر مداخله  
ايلدي؛ عسكر كوندرلسي عوامك تهيجني  
غليانه كتيره رك حالك عاقبتى تعجيل ايده چكني  
مصرانه بيان ايتدي . محمود نديم ، روس  
ديپلوماتيك محاکمته اتباع ايدرك حكومات  
محليه نك ارشادات واخطاراتنه سمع التفات  
عطف ايتدي .

عصيان ، تعيين ايديلان زماندن اوج  
هفته صكره باشلادی ( ۱۶ نيسان ۱۸۷۵ )  
چتهلر ، خارچدن نلقى ايلدكيري برپاروله يه  
اطاعت ايده نك اول تصادف ايلدكيري  
مسلمانلري نه ياشرينه، نه ده قادين ويا چوجق  
اولدقلرينه باقيه روق ، كاملاً قتل عام ايتديلر .  
مقصدلري مسلمانلري اخذناره تشويق  
ايدرك دولت عليه نك دشمنلرينه وسيله  
مداخله احضار ايتك ايدى . فى الواقع  
مقابله بالمثل تأخر ايتدى ؛ هم ده عمومي  
وخونين اولدى .

تهلكه سنه معروض اولان ممالك عثمانيه ده كي  
خرستيانلري حمايه ايچون تدابير جبريه اتخاذيني  
وحق بر اهل صليب تشكيلى طلب ايتمكه  
قدر ايلرو وارديلر .

حادثانك كندى منويانته خدمت ايلديكى  
كورن ايغنائيف، بوموهوم قورقورلك توسع  
وانتشارينه ياردم ايتك ايچون بتون قوت  
ونفوذندن استفاده ايلكده اصلاً تأخر  
ايتدى . ( ايغنائيف ) سفارتخانه ايچون بر  
قوه محافظه تشكيل ايتك وسيله سيله استانبوله  
اوج يوز قره طاغلى جلب ايلدى ؛ روس  
سفيري نك ترتيب ايتديكى بوجهه ، تاثير ايتي  
حاصل ايلدى بو جالب دقت طاغولرك  
نظر رباملى قياقلىرى لابس وصرمه لى  
كمرلري هر نوع سلاحلره مجهز اولدينى حالده  
بك اوغلى سوقاقلرنده طولاشمسي اورو-  
پاليرجه، متعصب عثمانيلرك مملكته نرنده  
ياشاين خريستيانلرك معروض بولندينى  
مدهش تهلكه لرك بر اخطار ذى روحى كي  
نلقى ايديليوردي .

صربستان كيزلیدن كيزلى يه حاضرلا-  
نيوردى . پرنس ميلان بتون احتياطلريني  
چاغردى ويكي كتيرديكي سلاحلره بونلري  
تجهز ايتدى ؛ هر كون صربستان مركز  
اداره سنه هر صنف و هر رتبه يه منسوب  
روس ضابطاتى حامل ترنلر كيدوردى .  
بونلرك ايشى، بو ميليس اردوسنى بر شكل  
انتظامه وضع ايتك ايدى .

فرانسه ده نشر ایدیلان تاریخ عمومی  
کیرک مؤلفری بووقوعات حقنده کی نظری  
شوبولده افاده ایدیورلر :

« صوک اون سنه ظرفنده بلمار خرسیتیا -  
نلرینک شرائط حیاتی، نائل صلاح اولماش  
بلکه دها زیاده فالشمش ایدی .

۱۸۶۵ دنبرو بلغارستان ، روسیه نك  
حاکمیتی الته کچمامک ایچون قافقاسیادن  
کتله کتله هجرت ایدن چرکسلره دارالالتجا  
اولمشدی .

کویلو حقیقی بر حال اسارته ارجاع  
ایدلش ایدی . هر کون حقیرانه معاملات  
دوچار اولوردی . بوسنه اختلالنک اوراده  
بالطبع عکس صداسی اولش واجنیلرک  
مداخله سی خصرسی ، بلغارلرده دخی دها  
اعلا برطالع نالتیت امیدنی تولید ایلش  
ایدی . ۱۸۷۵ سنه سی تشرین نایسنده  
چرکسلر طرفندن ایقاع ایدیلان ووقوعات  
ایرتسی سنه نیسانده (ستریلیچ) ده ضیف  
بر قیامی موجب اولدی . عصاة اوزرینه  
( ۱۰,۰۰۰ ) تأدیجی کوندزلدی . یالکز  
کوچک (بطاق) قصبه سنده کی ۷,۰۰۰ کشیدن  
۶,۰۰۰ کشی باعث دهشت اوله جق بر  
صورتده اتلاف ایدلشدی .

بر قاچ کون ایچنده ۷۹ کوی آلور ایچنده  
براقلمش ، ۱۵,۰۰۰ کشی اولدیرلش ،  
۸۰,۰۰۰ کشی بی پناه قالمشدی :

ولایت آرتق بر ملحه دن باشقه برشی  
دکلدی . «

بز بو بیانانک حقیقت ایله نه درجه یه قدر  
ارتباطی اولدیغنی تدقیق ایتمه جکز ؛ یالکز  
شونی سوییکله قناعت ایدرزکه طبیعت بشرک  
ماهیتی ایله سنه لردنبرو اهالی اسلامیه  
وقوعبولان تحریکات و عمومی بر هرچ ومرج  
حاصل ایتمک ایچون پاره قوتیله حاضران  
تشویقاتک درجاتی نظردقه آنه جق اولورسه  
بو وقوعاتک اسبابی شکل وضوح اکتساب  
ایدر . بوزیکله برابر وقوعات مذکوردهشت  
اعتباریله ، بشریتک هر دورنده و هر  
مملکتده وقوعبولان اغتشاشاتی تجاوز  
ایتمشلر در .

احوال اوایله بر درجه تراکت اکتساب  
ایتمشدی که عمومی بر مصیبت تقرب ایتمش  
کورونیوردی . « بلغارستان، هر سک و قره  
طاغ علولر ایچنده ؛ صربستان ، اجنبی ضا -  
بطانک اداره سی التسنده سرتابیا مجهز ؛  
رومانیا ده صربستانک مثالی تعقیب ایتمک  
مهیا ؛ خزینه حال افلاس ده ؛ مقام صدارت ده  
وطنک عدو بی امانی اولان بر ایچی نك  
مراآتانه نصیحتلرندن بشقه هیچ برشی  
دلکیان بر صدراعظم ؛ سریر سلطنتده ایسه  
جناب حقک ، ید اداره سنه تودیع ایتمش  
اولدینی ممالکتک طالع واستقبالندن قیدسز  
بر پادشاه . »

اتلاف شكله تحويل ايتك ايجاب ايدم جي  
فكرنده ايديلر.

فرانسه ايله ايتاليا مخطره نك محتويات  
عموميه سنه اتباع ايلدكربني اعلان ايديلر.  
كري به يالكيز انكلتره نك انضمام موافقتي  
قاليوردى. تكميل آروپا نامنه اجرا  
ايديله جك برتشنك نزد شاهانده نه قدر  
مؤثر اوله جغني انكلتره نك تقدير ايدم جي  
ديپلوماتلرجه مأمول كورونيوردى. لکن  
(ديزرائيلي) روسيه به قارشو پك محق  
اوله رق بسلايكي نفرت وعداوتك تأثيراته  
تبعيت ايديبور، روس پولتيقه سني عقيم  
براقق آرزوسيله متحرك بولنيوردى.

۱۱ مایسده اوروپا «قرالچه حكومتك»  
سرای امپراطوريلرك تكليفاته اشتراك  
ايدم بيله جك بر حال وموقعده بولنديغنه  
تأسف ايدليكني» اوكرندی. باب عالينك ده  
انكلتره نك شو طور وحرکتدن استفاده  
ايله جكي آشكار ايدى.

سلطان عبدالعزیزك اتخاری. مراد خامس  
مع هذا مخطره ۳۰ مایسده تبليغ  
ايديله جكدى. لکن ۲۹ مایس اقشامى  
سلطان عبدالعزیز خاع ايدلمسدى ايكي كون  
سكرده اتخار ايديبوردى.

بووقوعاتك طرز جرياني كرچه معلوم  
ايسده يوقايريدن برى تعقيب ايديلان سلسله  
تفصیلاتده بوشلق قالماق اچون وقوعات

۱۸۷۶ سنه سى ايلك بهارنده شرقك  
عرض ايدليكي منظره ايشته بويله برمنظره  
ايدى.

مملكتلرينك استقبالنن هنوز قطع  
اميد ايتامش اولان بعض حيتلى وطنپرورلر  
وطنى مهلكه انقراضدن تخليص اسبابى  
مذاكره ايتك اوزره بو مؤلم كوئلرده  
مدحت پاشانك قوناغنده طوپلانيورلردى.  
لكن عبدالعزيز خانك خاعندن بحث ايتمزدن  
اول، اوروپا ديپلوماسيسنك تسويلاتنه بر  
نظر عاجل توجه ايتك ايترز:

برلين مخطره سى. انكلتره نك احترازی  
— بلغار حادئاتي انجق بالاخره طوپولدى.  
لكن سلاييك سوء قصدى اوچ باش و كلك  
هان طوپولامسنى وچارك برلینه كلسنى استلزام  
ايتمكه برسبب كافى تشكيل ايتمشدى.

۱۳ مایس ۱۸۷۶ ده (غورچاقوف)  
طرفدن حاضرلاؤوب (برلين مخطره سى)  
ناميله معرف قالان بر مخطره نك شكل  
افاده سى تحت قراره آلندى. دولتر ايكي  
آي اچون تمايق سلاح ايدلمسنى تكليف  
ايديلر. اكر بومدنك كذراننده مقصد  
حاصل اوليه جق اولورسه: «اوچ سراي  
امپراطورى فنالغك اوكنى آلمق وتوسعنى  
منع ايتك اچون، صلح عالم نامنه اوله رق  
لزوم كوريله جك تدابير مؤثره به توسل  
مقصديله تشبثات ديپلوماتيقلرينى برسپاسى

مذکورہ نك خطوط عمومیه سنی ترسیم ایتمك  
فائده سز دكلدر .

مملكتك هر طرفدن دوچار اولدینی  
تعرضات قارشوسنده عواقب مؤله نك تقرب  
ایلدیكنی حس ایدن مدحت پاشا ایله دیگر  
بعض حیتمندان؛ ترکیه یی ینه بالذات ترکر  
واسطه سیله مخلص ایتمك زمانی کلدیكنه حکم  
ایلدیلر . بونک ایچون هرچه بادا باد ذات  
ملوکانه دن قورتلوق ایجاب ایدیوردی .  
چونکه مملكتك معروض اولدینی تهلكه لرك  
اك بیوک عبدالعزیز خانك شخصنده ایدی .  
مشارالهدن اداره حکومتی رفع ایتمك و خلفنه  
مشروطیت اداره یی قبول ایتمک ؛ مملکتی  
اوروپا حکومتلرینک امال حریصانه سنندن  
قورنارمق ایچون یکانه چاره ایدی .

بوفکر ظن ایلدیکی کبی یالکز مدحت  
پاشا ایله رفقا سنندن مرکب برزمره ممتازه نك  
فکرری دکل ایدی . انکلتره نك اوزمانکی  
درسعادت سفیری سیرها تری البرت لوندزه یه  
کشیده ایلدیکی ۲۵ مایس نارینخو تلفرافنامه .  
مه سننده مشروطیت سوزینک بتون لسانلرده  
طولاشدیغنی و پایتخت افکار منوره سننک  
تماللری اولان خواجه لرله صنوف عوامک  
بیله نائل مقصد اولنجیه قدر صرف مساعی به  
قرار ویرمش اولدقلرینی ، بیلدی رمشدی .  
خاقان مشار الیهک کیفیت اتخاری  
حقیقده کی بر فقره یی انظار عمومیه یه عرض

ایدیوردی . بو وثیقه بروکسل ده انتشار ایدن  
«صالح» نام جریده نك ۶ نیسان ۱۸۷۸ نجی  
نسخه سنندن نقل اولمشدرکه جریده مذکو -  
رده آنی قونت ( کراتلی ) نام ذانک ،  
[ مراد خامسک شهزاده لکی ، سلطنتی و  
اسارتی ] اثرندن اقتباس ایلمشدر :

« حزیرانک ۲ نجی جمعه کونی خاقان  
سابق چراغان سراینه نقل ایلدی . سلطان  
مراد سانی حقیقده رعایت کامله ابراز اولمغله  
برابر سربست براقلمسی توصیه ایلمش ایدی .  
بونکله برابر سرای اوچ صره عسکر ایله  
چویرلدی .

خاقانک دائره سنی ترک ایتمی ممنوع  
ایدی . مشار الیه کزیمک ایچون تراچه یه  
چیقدی . فقط نوبتی نفری کندیسینی  
ایچرو کیرمکه دعوت ایلدی . خاقان امتناع  
ایلدیکنندن نوبتی نفری میر آلاینه خبر  
کوندردی . میر آلا ی پرنسه اقسام هواسنک  
صحتته ایراث مضرت ایده بیله چکنی افاده  
ایلدی . پرنس عبدالعزیز روولورینی چیقا -  
هرق میر آلا یک اوزرینه آتش ایتمی  
ایسه ده اصابت ایتمدی . مشار الیه کیجه یی  
غایت تلاشلی و مضطرب برصورتده کچیردی .  
ایرتسی صباح کندیسندن روولورینی  
ایستدیلر ؛ بتون تجهیزات ده آلدیلر . والده سی  
آنی تسلی ایتمک ایچون بیهوده مساعی ده  
بولیوردی . پرنسک بخجونا نه یاش واضطرابی ،

هیئت نظار آراسنده مقام سلطنتک  
 اک اول شرائط مقررہ ایله ذات شاهانہ بہ  
 تکلیف ایڈلسی وا کر مشارالیه بوشرائطی  
 قبولدن امتناع ایدرسه ولی عہد رشادافدینک  
 سرپرسلطنہ کتیرلسی قرار کیر اولدی .  
 ذات شاهانہ شرائط واقعہ بی قبول  
 ایده جکنی وبلاامہال اعلان شروطیت ایدرک  
 امور دولتہ دخی دائماوکلای مسؤلہ سنک  
 آراسنہ توفیق حرکت ایلیہ جکنی ومراد  
 خامس اعادہ عاقبت ایدرسه سلطنتی اکاٹودیع  
 ایلیہ جکنی تحریراً مدحت پاشایہ تأمین  
 ایلدی . [۱]

بعده دردی سفارتخانہ لره ملسوب اولوق  
 اوزره استانبولک اک معروف اون دو وقتوری  
 واسطہ سیلہ مراد خامسک احوال دماغیہ سی  
 تدقیق اینتدی رلدی . نتیجہ معاینہ دہ دو قورلر  
 «سلطان مرادک قریباً شفایاب اولسی  
 امیدینک عدم امکانہ حکم ایدن برراپوری  
 امضا ایلدیلر .»

یوقاریده موضوع بحث اولان فقرہ نک  
 مراد خامسہ عائد اولان مابعدی دہ بروجه  
 آن نقل ایڈلشدیر :

«جمله عصبیہ سی ذاتاً مختل و مترزل  
 اولان سلطان مراد، بر قتل ملحوظک  
 شریک جرمی کبی تلقی ایڈیلہ جکی ملاحظہ -  
 سیلہ بستون پریشان اولدی . احتلاجات

غضب و انفعال نوبتلی تولید ایڈیوردی .  
 حزیرانک دردنجی کونی ، شفق زمانی  
 خاقان سابق او بودی . ساعت سکزده او یانجه ،  
 غزته لری او قوتدی . بعده صفائی تراش ایتمک  
 ایچون کوچک بر آینه ایله مقاص ایستدی .  
 اوزمان توالتی یا بمق ایچون معنادی وجهله  
 او طہسنہ قیاندی . بالآخرہ ساعت طقوزہ  
 طوغری بر سقوط کورلتیسی ای شیدلدی  
 قیوجبراً اچلدی و خاقان سابقک نعش بی روحی  
 کورلدی .

آوستریا وانکلیز سفارتخانہ لری  
 اطباسی دہ داخل اولدینی اوزره اون طقوز  
 طیب ، قولک مفصل یرندہ کی طمارلرک  
 کسلمسیلہ اتخارک وقوعبولمش اولدیغنه حکم  
 ایلدیلر .»

عبدالعزیز خانک خلفی مراد خامس  
 اولدی . مراد خامسک تمایلات احرارانه سی  
 غیرقابل انکار اولغله برابر کندیمی ، اقتور  
 ویاتماشاکاری اولمش اولدینی حادثات فیجعه نک  
 تأثیری التندہ عقلمنی ضایع ایلدی .

بنام علیہ هنوز رسماً سلطنتی اعلان  
 ایڈلمدن اول انک دہ خلغنه لزوم کورلدی ،  
 زیرا امور دولت ایله اشتغال ایتمک ، سفرایی  
 قبول ایتمک اقتدارندہ دکلدی . بتون ملت ،  
 بو حوالہ بولنان بر سلطانی سرپر سلطنت دہ  
 ابقا ایڈلکلرندن طولایی وکلایی مؤاخذه  
 ایڈپورلردی . وکلادہ از یازده تردد ایده مازدی

[۱] علی حیدر بکک اثری صحیفہ ۱۳

شدیده به دوچار اولیوردی . بوحال بر  
اختلال دماغی تولیدابتدی که وقت وزمانیه  
متخصص بردوقتور طرفندن تداوی ایدله .  
مکدن ناشی ، مورخلره نظراً اوج آی وبر  
کون فقط حقیقت حاله یالکیز الی  
کون دوام ایدن بردور سلطنتک ختانه  
باعث اولدی . اتخاره قیام ایتمکله سلطان  
عبدالعزیز عین زمانه ایکی سلطانی اولدیر .  
مشدی ؛ مشار الیهک حتی ، کندیسنک  
وقاتندن صکره دیگر برجت تولید ایده جک  
قدر بر قوت اظهارابتدی : بو ، واقعا خارق العاده  
برحال ایسه ده اختلالات دماغیه ایستاستیکلر .  
نده بستیون یکی برشی دکدر .

نوبه قریه برسه غزته سنک ۹ حزیران  
۱۸۷۶ نسخه سندیده شوسطرلری او قودق :  
خاقان جدید ، عموجه سی طرفندن  
بالا التزام امور دولته بیگانه بر اقدیرلمشدی .  
مراد خامس ؛ حکمدارک رای و نفوذی هر  
نصوده حاکم اولان بر مملکت ده حکومتک  
اعتدال و منانت ایله فصل اداره اولنه جغنی  
او کر نه مامشدی . بناءً علیه ، تخت سلطنته ارتقا  
ایدلیکی زمان ، کندی اوزرینه تهاجم ایدن یکی  
مسئولیتلرک بار عظیمی التنده ازلدیکنی حس  
ایتدی . خاقان مشارالیه بر چوق فیه لره  
ومظلم مناظره شاهد اولمش اولدیغندن ،  
تاج سلطنتک شعشعه سی انی مسخور ایتمکدن  
زیاده تدهیش ایدیوردی . بونکله برابر ،

تخته ورودی مسعودانه امیدلر او یاندردی .  
لکن ، موقت اولان مدت حکومتی  
ظرفنده ، حکومتک مالیه سی شایان اسف  
بر اسرافک طعمه سی اولدی .

تبعه دولت کونا کون ضرورت  
وسفالنتک تأثیراتیه قیام ایتدیلر سلاح عصیانه  
صارلدیلر . سلطان ، وظیفه سنک مشکلاتی  
التنده ازیلیوردی ؛ بعضاً عموجه سنک  
اولدیکنی بعضاً وکلاسنک برچرکس طرفندن  
قتل ایدلیدیکنی او کر نه رک بایلیوردی . مراد  
خامس عقتنی غائب ایتدی و ۳۱ اغستوس  
۱۸۷۶ ده تختندن ایندیرلدی . یرینه قرداشی  
حضرت عبدالحمید خان ثانی کچدی .

ذات شاهانه ک اوائل سلطنتلرینه تعلق  
ایدن وقایعدن بحث ایتمزدن اول ، وقایع متقد -  
مه بی اجمالاً حکایه ایدلم :

۸ حزیرانده باب عالی صربستان ایله  
قره طاغدن اسباب تسلیحاتلری حقدنه ایضا -  
حات طلب ایلشدی . بر سنه یه یقین ایدی که  
اوستریا ایله روسیه بویکی ملتی پک مشکلاته  
توقیف ایده بیلمکده ایدیلر . لکن بلغارستان  
قتالی ، ذاتاً وسیله جدال ارایان صربیلرک  
انفعالی کویا اکیال ایلشدی :

صربیلر حرب ایستیورلردی . قره طاغ  
ایله اتفاق معاهده سی امضالیه رق حربده  
حاضر لانتشلردی . روسیه دن کوکلیلر ،  
ضابطلر شتاب ایدیوردی . چار ، جنراللردن





چشمک سلطان مراد خان خامس حضرت لری

در این کتاب که در سال ۱۲۸۰ هجری قمری در طهران  
 چاپ شده است و در آنجا که در این کتاب  
 در این کتاب که در سال ۱۲۸۰ هجری قمری در طهران  
 چاپ شده است و در آنجا که در این کتاب  
 در این کتاب که در سال ۱۲۸۰ هجری قمری در طهران  
 چاپ شده است و در آنجا که در این کتاب

برېسنة يعنى چرنايفه پرنسلك خدمته كچمكه مساعده ايتمشدى. دولت عليه نك تهديد آييز طلبنه، ميلان «ترك اردوسيه تكميل عشاير وحشيه نك صربستان خدود لرندن تساعد ايتلمرى و صرب و قره طاغ عساكرينك بوسنه و هرسك آسايشنى تأمينه مأمور اولملى» طاي ايله مقابله ايلدى (۸ حزينان) دولت عليه من بالطبع جواب رد ويريكنندن حزينانك ۳۰ نجى كوني دولت عليه منزه اعلان حرب ايدلمش و ۱ تموزده صربيلير ايله قره طاغيلير حدودلى كچمش ايدى . ايلك مخاصمات . انكلتره افكار عموميه سى — قره طاغيلير ( تره بنيه ) و ( بود غورويچا) ده چاق فقط سطحى موفقيتلىر قزانديلىر . صربيليرك حالى ده آز شايان غبطه ايدى . بر دفعه قارشولرنده الك ابي باشلر مزدن برينك قومانداسنده ۲۰۰,۰۰۰ كشى به يقين بر عثمانى اردوسى واردى . صربيليرك بو اردونك رهكذار سطوتنده عرض مقاومت ايدمه، جكبرى بديهى ايدى . اندن باشقه كرك ميلانك شخصى ملاحظاتندن كرك اسباب سياسيه دن طولاني صربيلير عظيم سوق الجيش خطالرى ارتكاب ايتديلىر . منطقاً تكميل صرب قوه عسكريه سنى بوسنه به سوق ايدرك قره طاغيلير له ال اله ويرمك ايجاب ايدردى . لکن ميلان؛ بومانوره نك بلغرادى آچق براقه جفندن و عثمانيليرك

صرب پايتختسه سريع بر يورويش لرنندن قورقمشدى . اندن باشقه صربيليرك بوسنه به كيرمى ، ذاتاً پرنسلكى اشغال ايتمكدن بجمه باشلايان و بودايسته جاده لرنده عثمانيلير لهنده نمايشلر ياپان مجارلرى اغضاب ايدمه بيلوردى . انك ايچون باشلوجه غيرتى بلغارستان جهته حصر ايدرك جنوب و غربه طوغرى بهض قوتلر افزاز ايتمكله ا كنف ايدلى . الهه يالكز ( ۸۰,۰۰۰ ) كشى اولدني حاليده قوتك بويله طاغتمسى، هر طرفه انهمزاملر حاصل ايدمه جكى بديهى ايدى . تموز نه ايتندن اعتباراً عثمانيلير صربستانى استيلا ايتمش ، عثمانى بايراقلى كمال شان و شرفله (موراوا) واديسى بونجه ايلر و ليوردى . چرنايف درت كون ( ۲۰ — ۲۴ اغستوس ) دوام ايدن بر بحار به عثمانيليرده (الكسناج) التنده بر آن طور ديدردى ، لکن كنديسنك موضعاى ده چويرلمشدى ( ۲۵ — ۳۰ اغستوس ) تدش ايدن ميلان اورويانى امدادينه چاغرى دى و دولتلك شفاعتنى ديهدى . بو دفعه انكلتره التزام سكوت ايتمدى . غلادستون بلغار حادثاتى افشا ايتمش، فرقه احرار عقد ايتديكى تعرضكارانه متغلا ايله افكار عموميه نى عليهمزه قالديرمغه موفق اولمشدى ؛ انكليز احرار فرقه سنك ناشر افكارى اولان دايل نيوس غزته سنده «اكر بوسنه، هرسك و بلغارستان و لايتاريني تركرك كيفنه ترك

حاصل ایلدی. روسیه اوروپا اهنك دولیسندن آریله رق یالکنز باشنه عثمانلیرك قارشوسنده اخذ موقع ایلدی. میلان، ایمپراطور الکساندره: « صربیه پی قورنارمق ایچون بر الله، برده سزدن بشقه کسه یوقدر » مفادنده بر تلغراف چکمشدی. الکساندر، عثمانلی اردوسنی طور دورمق ایچون ایغنائیفه تلغراف کوندردی. ۳۱ تشرین اول ده جنرال (ایغنائیف) باب عالی یه: « اگر ایکی دفعه یکریمی درت ساعتک زمان ظرفده اتی هفته دن ایکی آیه قدر تمتد و بالعموم محاربنه شامل اولمق اوزره بلاقید و شرط بر متارکه عقد ایداز و حرکات عسکریه پی همان تعلیق ایتملی ایچون قطعات عثمانیه قوماندانلرینه اوامر قطعیه تبلیغ اولماز ایسه، مناسبات دیپلوماتیکه نك قطع ایدیله-جکئی بیلدیردی. سفیر، علناً عزیمت حاضر لقلرنده بولندی. بو، ۱۸۵۳ ده منجیقوفک اجرا ایلدیکی مانوره نك تکراری ایدی.

لکن بودفعه دولت علیه یالکنز اولدیغنی حس ایلدی و تداپیر سیاسییه مراجعه امکان بر اقیان بووحشیانه اولتیا نوم قارشوسنده، روی مساعده کوستردی.

چارک پولتیقه سی - روسیه نك تعقیب ایلد-یکی پولتیقه، سوویت، دیا کارلق، ایکی یوز لیلک پولتیقه سی ایدی. چار ایله باش وکیلی

ایتمک و یا خود روسیه طرفدن ضبط ایللمسنه مساعده ایتمک شقلرندن مطلقا برینی ترجیح ایتمک لازم کلورسه، بو ولایتلری روسیه نك ضبط اتمسنی و جناب حقک روسیه پی توفیقنه مظهر ایلمسنی تمنی ایدرز. « فقره سی مندرج ایدی.

دیزرائلی، عوامک بو حرکتی قارشو-سنده براز مسامحه کارانه طاورانمغه مجبور اولدی. بناء علیه دولت علیه دن بالذات بر متارکه طلبنده بولندی (۱ ایلول) اندن سوکره ده صربستانده (ستاوقو) نك محافظه سنی و عصیان ایدن ولایات ایله بلغارستانده برنوع مختاریت ملکیه تأسیسنی محتوی بر اسایش پروگرامنی تودیع ایتمک موافقت ایلدی. (۲۵ ایلول)

سلطان عبدالحمید خان نانی. روسیه نك اولتیا تومی ذات شاهانه افرنجی ۳۱ اغستوسده جالس سریر سلطنت اولمشدی. آوروپا دیپلوماسیسنک ترددلری و بطاشتری عثمانلیره باعث تشویق اولیور، قزانیلان مظفریتلر فخر ملی پی اوخشایوردی. ۳ تشرین اول ده عثمانلی اردوسی صربلیرله یکیدن مخاصمانه باشلادی. ۲۹ ده چرنایف (قروچواج) ده ازلدی. صربلیرك آرتق اردوسی قالممشدی.

بلغراد یولی کشاده ایدی. مخاطره نك وخامت روسیه نك طورنده بیوک بر تبدل

اوستریا و المانیا حکومتلری ایله اساسی اعاده  
 و تأمین ایتمک و سائلنی تحری ایلدکلری صرعه ده  
 روسیه دن صربستانه ، قره طاغه و عصیان  
 ایدن ایالتلره عسکر ، اساعه ، جبخانه و ۲۰  
 میلونی متجاوز پاره کوندریلیوردی . مع هذا  
 ( تاریخ عمومی ) بو امداد و معاونت لک افراد  
 اهلیدن ، اسلاو محبی اولان جمعیتدن ، امانات  
 عمومیه دن نشئت ایدرک چار ایله باش وکیلک  
 بدایت امرده حرب طرفداری اولدقلری  
 چونکه نه حال تنسیقه بولنان اردونک نه ده  
 مالیه نك حربه تحملی اولدیغنی کبی حرب  
 وقوعده انکلتره نك نصلی برخط و حرکت  
 اخذ ایده چکی ده معین اولدیغنی ، فقط هر حاله  
 انکلتره نك مخاصمتدن روسیه نك امین  
 بولندیغنی بیان ایدیور و بوجه آتی مطالعه  
 در میان ایلور :  
 لکن تقریر اسایش ضمنده وقوع بولان  
 بالجمله تشبثانک عقیم قالمسی اوزرینه چار قوتدن  
 بشقه بر واسطه ایله هیچ برشی استحصال  
 ایدیه میسه چکی و دیپلوماتلرک عسکر لره  
 ترک موقع ایتمک زماننک حلول ایلمش اولدیغنی  
 فکریله کسب الفت ایتمکه باشلامشدی .  
 دیگر جهندن بلغارستان وقوعاتی روسیه  
 افکار عمومی سه تی تحریک ایدیور و صریلور لک  
 دوچار اولدقلری انهزاملر ، ملی برانهمز  
 کبی تلقی ایدیلرک علناً و کمال شدتله حرب  
 ایستلیوردی .

بونکله برابر چار ، آوروپا اهنک  
 دولیسی ایله برلکده حرکت ایتمک مجبوریتنی  
 نظر دفته آلدی و ۱ تشرین اولده لوندره  
 وویانه قاینه لرینه انکلیزلر طرفندن برنایش  
 بحری اجرا ایدلمسنی ، بوسنه نك آوستریا  
 طرفندن و بلغارستانک روسیه طرفندن  
 اشغال اولمسنی تکلیف ایتدی . بو تکلیفک  
 بی تأثیر قالمسی و صریلرک دوچار اولدقلری  
 تهلمک نك و خامت شدیدسی ، چاری بالکیز  
 باشنه حرکت و ۳۱ تشرین اول اولتیا تومنی  
 کوندرمهک تشویق ایلشدی . دولت علیه  
 متارک یه موافقت ایدر ایتمز چار ، لیوادیاد  
 لورد لوفوس ایله وقوع بولان بر لاقانده  
 استانبولده بر قونفرانس عقد ایدلمسنی در میان  
 ایتمشدی ؛ بوقونفرانسک وظیفه سی بلغار  
 ستانده ، بوسنه و هر سکه تطیق اولنه جق  
 شکل اداره بی و بویاده ذات شاهانه دن طلب  
 ایدیه جک تأمینانک ماهیتنی تعیین ایتمک  
 اوله جقدی . لکن چار ، عین زمانده ، درجات  
 صبر و تحملک منتهاسنده بولندیغنی و بوقونفران  
 نسک کندیسنک اشتراک ایدیه بیله چکی اک صوک  
 تدبیر مصالحه دن عبارت اولدیغنی ده علاوه  
 ایلشدی . چار دیوردی که : « اکر آوروپا  
 باب عالینک متادی تحقیرانه تحمل ایتمکه  
 آماده ایسه ، روسیه عین حاله دکلدی .  
 بویله بر طور و حرکت ، روسیه نك  
 ناموس و منافعی ایله غیر قابل تألیف اولور .

مصالحه نك حين امضا شده بوسه وهرسك  
 قطعه سنی اشغال ایلیه جکدی .  
 استانبول قونفرانسى ( ۱۸۷۶ کانون  
 اول ) . - چار ، اردوسنی سفر برحاله وضع  
 ایتمهکه برابر کانون اولك الملك کونلرنده  
 استانبولده انعقاد ایده جك اولان قونفرانس  
 ایچون انکلتزه طرفندن حاضر لانان پرو -  
 غرامی قبول ایتدی . سفرا ، دولتر نامه  
 ابراز ایدیه جك تکلیفاتی ال برلکیله تعیین  
 ایتهدن اول عثمانلی قومیسرلرنی قبول  
 ایتماکه قرار ویردبار . ۲۳ کانون اول ده  
 قونفرانس رسماً کشادایدیلوردی . فرانسه  
 مرخصی موسیو ( شودرووی ) دوات علیه  
 ناظر لربنه قونفرانس مقرر اتمک مننی تودیع  
 ایده رک تام مناقشاته ابتدا ایدلیدی برصره ده  
 ایدی که یوز برپاره طوپک ولوله سی قونفرانس  
 بناسنی صارصدی .

صفوت پاشا ، کال وقارایله قیام ایتدی  
 و دیدی که : « ! اقدیلر خلیجک اوته  
 طرفنده اتیلان شوو طوپبار ذات شاهانه  
 طرفندن بلا تفریق جنس ومدته بتون  
 تبعه عثمانیه نك حقوق وحریتی متکفل بر  
 مشروطیت اداره نك اعلان اولندیغنه  
 اشارت در : بو صورتله التی یوز سنه دنبرو  
 دوام ایدن بر شکل اداره دکیشه رک عثمانلی  
 اقوامنک رفاه وسعادتی ایچون بردور جدید  
 آچیلور . بو حادثه عظیمه قارشوسنده بزم

روسیه ؛ اوروپا آهنکنندن آیرلامنی ارزو  
 ایدر ایدی . لکن وضعیت حاضره دوام  
 ایده مز . اکر اوروپا متانت وشدتله حرکت  
 ایتمهکه متمایل دکلسه ، روسیه یالکنز باشنه  
 حرکت ایتمهکه مضطر قاله جقدر . »

الحاصل ارتق هیج برشی روسیه نك بو  
 مجرمانه پولتیقه منی توقیف ایده مزدی . تشرین  
 ثانیته ۱۰ نجی کونی لوندره شهر امینک  
 کشیده ایتمش اولدنی ضیافتده ( دیزرائلی ) ک  
 ایراد ایلدیکی بر نطق تهدید آمیز ، ایرتسی  
 کون چاری لیوادیا بیاناتی مغرورانه تکرار  
 ایتمهک سوق ایلدی . دها او بر کون مومی الیه  
 اتی قول اردونک سفر برلکنی امر ایدیلوردی .  
 روس اردولرینک رومانیا اراضیسندن  
 کچمسنه مساعده ایده جك بر معاهده نك  
 عقدی ضمننده ( بکرش ) ه تبلیغات سیاسیة  
 اجرا اولندی ( ۲۸ شرین ثانی ) . عین زمانده  
 آلمانیدن ، دولت علیه ایله وقوع بوله جق  
 حرب آوستریایه قارشوده بر حربی انتاج  
 ایلدیکی تقدیرده کنه دیسنک بیطرفانه  
 اعتماد ایلوب ایدیه جکی استیضاح ایدیلوردی  
 اوزون مدت تأخیر ایدن جواب او قدر مدارتشو .  
 یق بر ماهیت ده اولدیغندن روسیه ، طوغریدن  
 طوغری به آوستریایله مذاکراته کیرمشدی .  
 بو مذاکرادن ۱۵ کانون ثانی ۱۸۷۷ معاهده  
 خضیه سی تولد ایلدی که بو معاهده یه نظراً  
 آوستریا دولتی بیطرفلغنک مکفاتی اوله رق ،

دوام مذاکرات عث و بی فائده در .  
 عثمانی مرخصتک بو کوچک نطق ،  
 بر سکوت بارد ایله نطق ایدلی . بر قاج  
 دقیقه صکره جنرال ایغنائیف « بو نمایشره  
 اهمیت و برلیوب صده رجوع ایدلمسنی » قونفرا -  
 نسه تکلیف ایتدی و مناقشات تکرار باشلادی .  
 ایغنائیف بلغارستانه مختاریت ویرلمسنی ،  
 بر خرسیتان والی تعیین و بر ملی ملیس تشکیل  
 ایدلمسنی ، عثمانی عساکرینک قلاع اربعه یه  
 جلب و اوراده اقامه اولنسنی طلب ایدلی .

عثمانی مرخصلری بو تکلیفاتک غیر قابل  
 قبول اولدیغنی بیان ایتلری اوزرینه تعدیل  
 ایدیلرک ( ایغنائیف ) ک « الك صوک و غیر  
 قابل تقلیل حد اصغری » دیه توصیف ایلدیکی  
 شو مقداره تنزیل اولدی :

بلغارستانه بر حکومت ممتازه مخصوصه اعطا  
 و بو اداره بی تحت نظارتده بولندیرق  
 ایچون بین الملل بر قومیسون تعیین ایدیلرک  
 و والینک انتخابی دول معظمه نک نظر تصویبه  
 احاله اولنه جق ایدی . بو تکلیفه قارشو  
 مرخصین عثمانیه صربستان و رومانیا بی مثال  
 کوستررک اعتراضات جدیده در میان  
 ایلدیلمر ، بونلره ده او یولده بر حکومت  
 ممتازه بخش ایدلمش ایکن حاصل اولان نتایج ،  
 بلغارستانده عین تجربه بی تکرار ایتکه  
 تشویق ایدیلرک بر ماهیتی اصلاحات دکل ایدی .  
 اندن باشقه بو ایکی حکومت اهالی اسلامه سنک ،

اولدیغنی افاده ایلدیلمر .  
 ادهم پاشا ایله قونت شودوردی ارانسه  
 وقوع بولان بر احرار تلی مناقشه دن صکره  
 اوروپانک تکالیفنده بکیدن تعدیلات اجرا  
 ایدلی . بو کاجنرال ایغنائیف پروتستو ایدرک  
 « بکا هیچ برشی بر اقیورسکز » دیه باغیر مسی  
 اوزرینه قونت شودوردی « جنرال سزه داتما  
 چوق شی قاور » جوانی ویرمشدی .

الک نهایت تکلیفات شوکا ارجاع اید -  
 لشدی : مأمورین محلیه یه معاوننده بولمق ایچون  
 قونسولسلردن مرکب بر هیئت تعیین ایدیلرک  
 و ایلك بشر سنه طرفنده بلغارستان ، هر ساک  
 و بوسنه و الیری ، دول معظمه نک انضمام  
 ووافق ایله انتخاب اولنه جقدی . عثمانی  
 مرخصلری بو تکلیفی ده رد ایتدیلمر  
 و قونسولسلردن مرکب بر هیئت تعیین ، ملتک  
 حقوق حاکمه سنه بر تعرض اوله جغنی و عثمانی  
 مرخصلرینک بویه بر مطالبه یه موافقت کو -

سترمگه صلاحیتدار اولمدققرینی بو ولایتله امتیازات مخصوصه اعطاسی تکمیل ولایات سائرته عدم خشنودیسنی جلب ایتمک دیمک اوله جغنی والحاصل ذات شاهانه تک بالعموم تبعه عثمانیه ایچون اک واسع بر معناده حریت ومساوات اعلان ایتمش اولدینی بر صروده مملکت یالکز بر قسمی لهنده امتیازات مخصوصه طلب ایدلسی موافق اوله میه جغنی در میان ایلدیلر .

عثمانلی مرخصلرینک بو امتناع قطعسی اوزرینه جنرال ایفاتیف پک شدتلی بر نطق ایراد ایلدی . قونفرانس هیئتی عثمانیلرک اعطا ایلمک حاضر لاندققری جوابی بیله دیکله مکسزین آیرلدی .

اک صوک دفعه اوله رق تعدیل ایدلمش اولان تکلیف بر اولتیا توم شکلنده اجمال ایدیلرک مرخصلر طرفندن متحدآب عالییه تودیع ایلدی . سکز کونه قدر جواب ایستنیلیوردی . بومدت ختامنده ممنونیت آور بر جواب آله مدینی تقدیرده مرخصلر پایتختی ترک ایده جکلردی .

عثمانلی مرخصلرینک صورت حرکتی اهلینک تقدیرات عمومیه سنی جلب ایلدی . روملر ، کسندی مصر فلریله ، برکوکلی طابوری تشکیل ایلدیلرک بایراغی اوزرنده برهلال ایله بر صلیب واردی . شیمدی پایتختده شایان تقدیر برغلیان حمیت اولدی .

مدحت پاشا قونفرانسک تکلیفات اخیره سنی تدقیق ایتمک اوزره اراده پادشاهی ایله بالجله اقوام ومذاهب منسوبلرندن مرکب بر مجلس کبیر دعوت ایلدی .

بو مجلسده ۲۵۰ اعضا واردی . بو میانده رجال عالیه ملکیه وعسگریه دن باشقه روم وارمنی بطریقاری ، بلغار اکسارخی ورؤسای سائره روحانیه ایله خاخام باشی واستانبولک اشراف ومتحیزانی واردی . مدحت پاشا حال وموقعی اجمال ایدن بر نطق ایله جلسه یی کشاد ایلدی .

مشارالیه اوروپانک استانبوله کوندردیکی مرخصلری واسطه سیله نه طلب ایلدیکی بیان وباب عالی جاننسدن وقوعوبوله جق رد وامتناعک نه کبی نتیجه لر حاصل ایلیه جکنی احساس ایتدی . مدحت پاشانه پاره سی ، نه ده متفققری اولمیان ترکیه تک قوتلی بردشمن ومخاصم قومشورله اجرا ایده جکی بر حربک انتاج ایلیه جکی مهالکی کتم ایتدی .

صدر اعظمک اجمال تاریخینسی متعاقب سوزه باشلایان ایلمک ناطقه پرداز باغره رق دیدی که : « بزه اعطا ایدیلان تفصیلاته نظراً حرب ، غیر قابل اجتناب بر کیفیت ایسه ، بو حربک نتیجه سنده جزؤی کلی بر ضیاعه دوچار اولمقلغمز ملحوظدر . فقط شاید قونفرانسک مقرراتی قبول ایده جک اولورساق ، اوزمان دولتی کاملاً غیب ایتمش اوله جغز . »

اعلان حرب ایتملی یز . « دیه باغردیلر . اک  
اوزون واک بلیغ نطق ایراد ایتمش اولان  
ارمنی بطریق ، جناب حق هردولتک حیاته  
برحدود تعیین ایتمش اولدیغنی بیان ایلدکن  
صکره علاوه دیدی که : « اگر بو معظم  
دولتک محو واتقراضی مقدرایسه ، فتولیکلر ،  
اونک اتقاضی آلتنده کوملعهکی بروظیفه عد  
ایدرلر . شرف و ناموسله اولمک ، حییل  
باشامقدن اولادر . »

مناقشات اثناسنده بوسوزلر ، اعضانک  
کافه سی طرفدن عین مألده اوله رق تکرار  
ایدلی . کنج اختیار ، مسلمان وخرستیان ،  
بشقه بشقه شکلر و افاده لر آلتنده ، عین  
حسیاتی ، عین فکرلری و عین امیدلری  
اظهار ایلدیلر .

صدرباق محمد رشدی پاشا قونفرانسک  
پروغرامی علیهنه وقوعبولان تهاجماتی اداره  
ایدیور ، اولجه امتیازات مخصوصه بخش  
ایداش اولان ایالتلرک متبوعلرینه قارشو  
منمادیآ حال عصیانده بولندفلرینی و باب عالی ،  
مملکتک قیام وعصیان ایدن اقسامنی تأدیباتمک  
ایچون مملکتک حال سکون واطاعتده  
اولان اقسامنک بالجمله قوا ومنابعنی صرف  
واستعمال اتمک محجوریتده بولندیغنی افاده  
ایدوردی . رشدی پاشا دیوردی که :  
« بویله بر تجربه ، آوروپا طرفدن شرق  
مسئله سنک یگانه چاره حلی کبی تلقی ایدیلان  
مختاریت اداره نی حائر ولایتلر احداث  
ایدلسنک تهلیکوسی ارانه ایتمزی ؟ بوتجربه  
قونفرانسک مقرراتی قبول ایدیه جک اولورسه  
بوسنه وهرسککده بر ایکنجی صربستان  
حانه ، کلسندن بشقه بر نتیجه نی انتاج ایلیه جکسه  
اک عیان بر اثبات دکلیدر ؟



پرنس غوردچاقوف

خاخم باشی ، روم بطریق ، پروتستان مذهبی  
مرخصی وتکمیل اعضای مجلس بوعلی  
ووقورانه بیاناتی آلقیشلادیلر . مجلسک  
جوشان اولدیغنی شوق وهیجان عمومی  
ایچنده ، قونفرانسک پر غرامی علیهندهکی

بومه العانه ، حاضر ونک اکثری هیجان  
وظنپورانه نی کوسترن ندالزله جواب ور -  
دیلر ؛ علما ، جناب حقه توکل واستناد ایدرک



مجیدیه‌لک بر قائمه‌نک (۷۰۰) غروشه چقمسی،  
 فرو نلرک قبا تمسی، اها لینگ آج قالمسی هر طرفده  
 بر تلاش عمومی، بر هرج و مرج اولمسی  
 محتملدر. اوزمان اهالی حکومتی خطاً :  
 « باقکیز بزی نه‌حاله سوق ایتدکنز .  
 قونفرانسک تکلیف‌لری برایکی ولایتک تحت  
 نظارتی انمسی طلبنه انحصار ایدرکن اونلری



ادهم پاشا

رد ایتدکنز . عاقبت حالمز نه‌در ؟ « دیرسه  
 نه جواب و بریریز ؟ ..  
 اعضای مجلس بو عاقبت اندیشانه  
 مطالعاته مقاومت فریاد لریله مقابله ایتدیلر .  
 مدحت پاشا دیدی که : « بز بوراده یالکنز  
 دکلز . تبعه غیر مسلمه‌ده بزم کبی علاقه‌دار

تکلیفاتی رد ایده جک / برتک صدایله  
 ظهور ایتدی . ابراهیم پاشا : « نه بوصولنده ،  
 نه طیشاریده بررای مخالف در میان ایده جک  
 قدر دنی برکسه اوله‌ماز » دیه حایقردی .  
 مدحت پاشا ایسه ، مناقشه‌ک بتون  
 مدت دوام‌نجیه ، اعضای مجلسه ، اخذ  
 ایده جک لری قرارک مهالکنی اخطار ایتمکن  
 فراغت ایتموردی . ناطقه پردازانن بری  
 سوق هیجان ایله روسیه به شدتله هجوم ایتدی :  
 « آوروپا بزی مؤاخذه ایتزدن اول ، شو  
 بدبخت پولونیایی دوشونسون . پولونیازدن  
 زیاده آوروپانک مرخصت و معاونتیه محتاجدر . »  
 مدحت پاشا بوکا شو جوابی ویردی :

« بر مجرم ، محکمه حضورنده دیکر  
 برینکده عین جرمی ایقاع ایتمش اولدیفنی  
 سو یلکنکه تبریه ذمتیه احراز استحقاق  
 ایده بیلمورمی ؟ »  
 مدحت پاشا ، آوروپانک ترکیه علیینه  
 نیت بدخواهانه بسلدیکی حقیقده کی مدعیاتی ده  
 رد ایلدی و دولت علیه‌نک احوال عسکریه‌سنی  
 و منابع مالیه‌سنی مبالغه‌سز برصورتده تصویر  
 ایدرک دیدی که :  
 عثمانلی اردوسی پک کثیردر و افرادی  
 شجیع و قهرماندر . فقط حرب یالکنز انسان  
 ایله اولمز ، یاره‌ده لازمدر . حالبوکه دولت  
 عثمانیه‌نک باره‌سنی یوق ؛ یالکنز قائم‌سنی وارددر .  
 وقتیه فرانسه‌ده اولدیفنی کبی بزده‌ده بر

مدحت پاشا اعلان مشروطیت ایدلیدی  
 صرده قونفرانسه صفوت پاشایه سویلتمش  
 اولدینی سالف الذکر نطق ایله قونفرانسک  
 داغیله جغنه شهه سزکه قائل دکل ایدی .  
 مشار الیهک بوندن مقصدی اداره مشروطه  
 ایله اداره اوله جق ترکیه ، قونفرانسک نتیجه  
 قرارینی اوله قولایلقه قبول ایدمه جکنی  
 اورویایه آکلاتمق و او واسطه ایله اوروپانک  
 مطالباتی دولت علیهک قبول ایدمه بیله جکی  
 برشکله ارجاع ایتدیرمکدن عبارت اولدینی  
 شهه سزدر . نته کیم بو مقصد بالآخره بر  
 درجه یه قدر حصول بولمشدی .

قونفرانس طاغلقدن و باب عالی دول  
 معظمه نکه مطالبینی رد ایتدکن صکره مدحت  
 پاشانک فکری اورویا ایله بستون قطع رابطه  
 ایتک اولمایوب بلکه بین الدول یکیدن وقوع  
 بوله جق مذاکرات و مخبرات نتیجه سنده  
 دولتلهک مطالبینی تعدیل و تخفیف ایتدیرمک  
 و اوزمان مطالب مذکورینی قبول ایتک  
 ایدی .

مشارالیه ایتی روسیه ایله برحرب  
 وقوعه سببیت ویره جک بروادی یه سوق  
 ایتک فکری اصلا التزام ایتمه مش ایدی .  
 چونکه صوک نصف عصر ظرفنده مملکتک  
 کسب ایتدیکی حاله و روسیه نکه حال اخیرینه  
 نظراً بویله حربک محض فلاکت اوله جینی  
 آشکار ایدی .

درلر . قانون اساسی اولرده عین حقوقی  
 بخش ایتشدر . اولرده بیان فکر ایلسونلر .  
 بونک اوزرینه مذاهب مختلفه خرسیانیه  
 مبعونلری مدافعه مملکت ایچون محاربه  
 ایتمهک حاضر و آماده اولدقیرنی تصدیق  
 ایدیلر . ختام مجالسه ده ، تجارت ناظری خالد  
 پاشا ، « قونفرانسه برصورت تسویه بولمق  
 ممکن اولدینی تقدیرده بیوک برسفک دمانک  
 تهلمکسنی استحقاق ایتک یک شایان تأسف  
 اولدینی ، سویلش ایسه ده نطق عظیم برولوله  
 ایچنده بوغلمشدر .

حکومت ، مجلس کبیرک افکارینی تنویر  
 و اعتداله سوق و ترغیب ایتک صورتیه  
 کندیسنه اصابت ایدن وظیفه یی ایفایلشدی .  
 لکن قونفرانس ، تعقیب ایدلیکی مسلك  
 حرکت ایله ، عثمانلی و طنبرورلکنی اوایندیرمش  
 و حد غلیانه ایصال ایش ایدی . انک ایچون  
 تعریف ناپذیر برهیجان ایچنده دولتلهک  
 اولتیا تومی رد ایدلدی .

ارتق بوندن صکره اجنبی مرخصلری ایچون  
 عثمانلیرک یا تحت سلطنتی ترک ایتمکدن باشقه  
 کوره جک برایش قالمایوردی . ۲۰ کانون ثانی  
 ۱۸۷۷ ده قونفرانس طاغیلدی و وطنبرور  
 عثمانلیر ، اورویا دیپلوماسیسنک تخیل ایش  
 اولدینی کصوک برواسطه تهدید اولمق اوزره  
 سفرانک هب برلکده مملکتلرینه عودت  
 ایللری صحنه سنی ، لاقیدو و قور ، تماشایلدیلر .

ترجیحی مناسب اوله جغنی صور مشدر .  
 مجلس اعضاسی ایمراتورک حربه طرفدار  
 اولدیغنی کورنجه بیان رأی ایتیمه رک سکوتی  
 التزام ایتدیله لکن غران دو قلردن ایمراتورک  
 قردشی (بقولاً): « مادام که ایش بودرجه یه  
 وار مشدر؛ کری یه دونمک روسیه نك شرف  
 و ناموسنه مخالف اولور . اعلان حرب  
 ایدلمی » دیمش اولدیغندن مالیه ناظری بوکا  
 قارشو اوزون بر نطق ایراد ایدرک شسو  
 مفادده اداره افکار ایتمشدر:

« قریب حربی، روسیه نك منافع حقیقیه سنه  
 مغایر اوله رق مجرد ایمراتور نیقولانك  
 شخصی بر امل و آرزوسیه اچیلمش ورو-  
 سیه نك یارم میلیون عسکرینی محو و بورجی  
 درت منته ابلاغ ایتمکدن بشقه بر نتیجه  
 ویرام مشدر . او وقتدنبری مالیه نك اصلاحی  
 ایچون او قدر مساعی صرف ایدلدیکی حالده  
 ینه مطلوب اولان مقصد استحصال ایدله-  
 مام مشدر . روسیه نك الیوم خارجه درت  
 میلیارد فرانق بورجی واردر . ترکیه ایله  
 حرب ایتدی کمز حالده ، نتیجه حرب هر نه  
 اولورسه اولسون ، بو بورجک بر قاچ منلی  
 دهاز یاده لسه جکی آشکاردر . بو کون روسیه نك  
 مالیه ناظری اولمق صفتیه بو بیوک مسئولیتی  
 قبول ایده مام . انک ایچون ذات حشمت  
 بناهیلی طرفندن اعلان حرب ایدلدیکی

بر قاچ سنه صکره بو خصوصه دائر وقوع  
 بولان بر سؤاله مدحت پاشانك ویردیکی  
 جواب مشار الیه ک فکر و مطالعه سنی الک  
 عیان بر صورتده اراشه ایلکده در . مشار الیه  
 دیمشدی که :

« استانبول قونفرانسک مقرراتی برطاقم  
 نابمحل مطالباتدن عبارت اولدیغنی جهتله  
 بونی چکه چکه بر درجه ممکنه یه قدر اینجلمک  
 وقیر یله جغنی کلاشیله جغنی نقطه ده باغلا-  
 بیویرمک دولتجه بالطبع اهون اولوردی .  
 بوکا دائرانکتره ایله ده محرمانه تعاطی افکار  
 ایدیلرک جواب موافقت آلمش ایدی . »

\*  
 \*

باب عالینک جواب رد خبری پترسبورغه  
 واصل اولنجه روس افکار عمومی سنی شدتلی  
 برهیجانه دوچار اولدی . غزته لرك تلاش آور  
 مقاله لری اذهان عامه ده کی تهیجی تزید  
 ایتدی . چونکه دولت علیه نك بویه بتون  
 متحد اوروپایه قارشو کله جک قدر بر متانت  
 کوستره جکنی کیمسه تخمین ایتمه مشدی .  
 ایمراتور آلکساندر خارجیه ناظر یله  
 بعدالذا کره رجال سیاسیه دن وعسکر یه دن  
 وغراندو قلردن وسائر دن مرکب ختی بر مجلس  
 عقد ایتش و خارجیه ناظری حال و وضعیتی  
 تشریح ایلد کده نصکره ایمراتور؛ مجلسدن:  
 « اعلان حرب ایتمک و یا خود اوروپانک  
 فکرنی استمزاج ایلک » شقلرندن هانکی سنک

تقدیرده ، بو خدمتدن عفو اولمه می استرحام  
ایدرم .»

مالیه ناظرینک نطقندن صکره دیگر  
بعض اعضاءه ، کیمی حربک لهنده ، کیمی  
علیهنده اولوق اوزره بیان افکار ابتدیلر.  
حرب علیهنده کی فکرلر شو صورته اجمال  
ایدیله بیلور :

«شرق مسئله سنی ، اتحاد اسلاوقومیتلری  
بووقومیتلرک اساسی افکاری اولان جنرال  
ایغنائیف ابله حربص شان واشتهار کنج  
جنرالر تولید ایتمشدر . روس ملتک ؛  
وجودندن بیله خبردار اولدیغی بلغازلر ایله  
صربلیلر ایچون قان دوکک ، فقیر وشایان  
مرحمت روس کویلولرندن جبراً طوبلانان  
پاره یی بویله یابانجی ملتدر یولنده صرف ایتک  
جنایتله توأمدر . احداث ایدیله جک حرب  
نتیجه سنده ترکلره قارشو احراز نظر ایدرک  
بلغارستان ایله بوسنه مک استخلاضه حصول  
موفقیت فرض ایدلسه بیله بوندن روسیه  
ایچون طوغری بدن طوغریه بر فائده حاصل  
اولیه جقدر . روسیه نك وقتيله او قدر  
فداکار لقلر ایله تر کلرک اتندن قورناروش  
اولدیغی صربلیلر ایله یونانلیلر بوکون روسلردن  
متفرددرلر . بلغازلرله بوسنه لیلرک دخی عین  
طریق حر کتی تعقیب ایده جکلر بنسه شبهه  
ایدلاز . حرب ، ایدلامیلدر .»

ایمپراطور ، کندی منویاتنه مخالف

اولان بو فکرلردن منفعل اوله رقی نتیجه  
آرایه انتظار ایلدی ؛ مجلسک درت خمسی  
حرب علیهنده بولند یغندن خارجیه ناظری  
ایمپراطورندن تعلیمات تلقی ایده رک اعـلان  
حرب دهـا بر مدت تأخیر اولوندی .

\*  
\*

قونفرانس ائناسنده مدحت پاشا

( اودیان ) افندی یی ، حادثات اخیره مک  
انتاج ایلدیکی حال و وضعیتی تصریح ایتک  
ومشروطیت عثمانیه نك ، اوروپا دولتلربنک  
زیر تکافلنه وضع ایدلسنی تکلیف ایتک  
وظیفه سیله انکلتزه خارجیه ناظری  
( دربی ) نك زردینه کوندرمشدی .

مدحت پاشانک بو مراجعتدن مقصدی  
دولت عثمانیه نك سعادت و سلامتی ضامن  
اولان قانون اساسی یی بین الدول بر معاهده  
شکلده ایدرک اونک احکانه بر طرفدن تجاوز  
وقوعنی منع ایتک وبوصورته بقای مرعیتنی  
تأمین ایلکدن عبارت ایدی .

اودیان افندی انکلتزه خارجیه ناظری ایله  
ملاقاتنه موفق اوله رقی مومی الیهه قانون  
اساسینک خرسیتیانلرک آسایش و حقوقنی  
تمامیله تأمین ایده جکنی ودولت علیه نك  
بواداره مشروطیتی معاهده بین الدول شکلنه  
قویه بیله جکنی وبوخصوصده اوروپا دولتلری  
طرفندن طلب اولنه جق تأمینات نه شکل  
وصورتده اولورسه اولسون باب عالینک

راضی اوله جغنی بیان و بناء عالیه قونفرانسک  
روم ایلی اصلاحاتی حقیقده ویره جکی قرار  
بیهوده اوله جغنی افهام ایلدی .

انکلتره حکومتسک جواب رسمیمی  
عدم موافقتی متضمن اولغیله برابر ملهم  
افعالی ، اک حکیمانه بر وطنپرور لکدن  
عبارت اولان مدحت پاشا ، بو خصوصه دینه  
صرف مساعی ایتکدن خالی قالمادی . مشارالیه  
نهایت قانون اساسینک ، دولتک معروض بولندی  
مدهش بحرانه نهایت ویره جک بر ماهیتی  
حائز بولدیغنه انکلتره و فرانسه دولتریخی  
اقناع و تطمینه موفق اولدی .

اگر مدحت پاشا لوندره پروتقولی  
امضا ایدیلنجیه قدر موقع اقتدارده قالسه  
ایدی ، اغلب مأمول ، بو ایکی حکومتک  
معاوتی سایه سنده ، روسیه تک او قدر  
ارزو ایلدیکی حزبک اوکی آنه جق و ترکیه ده  
الی الابد بر حکومت مشروطه اوله رق  
قاله جق ایددی .

حیفاکه ، نه حاکمیت مطلقه یی تهدید  
ایدن اصول جدیده ، نه ده قازاندینی محبت  
عامه ، خوف و اندیشه تولید ایدن ، دکر و  
مزیتی باعث حسد ، عفت ذاتیه و مسلکیه سی  
موجب نفرت اولان صدراعظم ایستلمیوردی .

\* \* \*  
اجنبی مرخصلری شهری ترک ایدرک  
طوبخانه قصرینک بیوک سالونک قبولری

قپاندقدن صکره کذران اولان اون بش کون  
ظرفنده مدحت پاشا ایله سرائیک مناسباتی  
صوک درجه کر کیناشمش ایدی . بزبوصدده  
باعث الم اوله جق تفصیلات اعطاسندن اجتناب  
ایده جکیز .

مدحت پاشا ۳ شباط ۱۸۷۷ ده سرایه  
دعوت ایدلدی . مشار الیهی سرایه کلکه  
اقناعه سر یاور سعید پاشا مأمور اولمشدی .  
اشنای راهده مدحت پاشا ، اقامتکانه ک  
بولندیغی طوشان طاشی محله سنده غیر معتاد بر  
فعالیت عسکریه مشاهده ایددی . عثمانلیرک  
ولی نعمت قانون اساسیمی بیلمیوردی که  
اوکیجه عزالدین واپور هایونی طوله  
بنج ، اسکله سنک یانی باشنده لنگر انداز  
اولمشدی . سرایه مواصلتنده مشارالیه بیوک  
برصالونه کتوریلیرک اوراده اوامر شاهانه یه  
انتظار ایلمسی کندیسنه بیلدیردی .

سریاور براز صکره مدحت پاشادن  
خاتم صدارتی اخذ ایتک و مشار الیهی  
عزالدین واپورهایوننه سوق ایتک وظیفه سیله  
عودت ایددی . ذاتاً ایسلیم اوزرنده بولنان  
واپورهایون فک لنگر ایدرک بر هدف مجهوله  
طوغری مرمره اجیقیرینه عزیمت ایتدی .  
قبودانک یاننده اوامر مخومه واردی که ،  
چکمه کور فزنده یکر می درت ساعتک  
بر توققدن صکره تعلیمات جدیده المدینی  
حاله آچه جقدی .

بو مدت ختامنده بیرتیلان ظرفک  
مفادی ، مدحت پاشایی ، کندیسنک انتخاب  
ایده جکی بر اوروپا اسکله سنه ایصال ایتمک  
امرینی متضمن ایدی . عزالدین واپورهایونی  
یولنده دوام ایده رک بیوک بولجیسنی ( برندیزی ) به  
چیقاردی .

\*

\*

قونفرانسک طاغلمسیله حربک اعلانی  
اره سنده جریان اپدن وقایع دیپلوماتیکه مختصراً  
بیان ایدلمشدر :

۱ کانون نانی ۱۸۷۷ ده پرنس غور -  
چاقوف اوروپا دولترینه برنوطه کوندردی ،  
بونوطه نك مفادی « نه پابه جقسکز » سؤالیله  
اجمال ایدیله بیلیر . مع مافیله بو وثیقه نك  
بر فقره مخصوصه سی شایان دقتدر . بوققرده  
برلین مخطرهمی حقنده کی وفاق و اتحادک عمومی  
اولدینی بالخاصه استانبول اختلالدن بری  
بحران کسب وخامت ایلمش اولدیغندن قاینه لر  
یکیدن مذاکره ایتدار ایدرک انکلتزه نك  
تشبث ذاتیسی اوزرینه دولت لک اساس مسئله ایله  
استانبول قونفرانسده مناقشه ایدیله جک  
تعویضات حقنده عقد اتلاف ایلمش اولدقلری  
بیلدیرلمشدی .

ایلدیکی معناسنی متضمن ایدی واونک ایچون  
انقلاب مذکور دولت علیه قارشو بر حرکت  
خصمانه اجراسنی روسیه نظر نده لابد  
و مشروع و ضروری قیلوردی . بر بیق  
عصر دن بری دولت عثمانیه ده خرسیتانلرک  
حریت و ترقیسنک حامیسی رولنی اوینامش  
اولان روسیه حکومتی بردن بره دولت  
عثمانیه ده ، کندیسنک روس ملتله امید  
ایتمک مساعدا ایتمش اولدینی درجه به نسبتله  
یک زیاده احرارانه بر شکل اداره نك ملتله بخش  
واعلان اولدینی کور یوردی . استانبولده  
بر پارلمنتو تأسس ایده جکی فکری ترکیه  
علیه اقامه سی متصور اولان اسباب وشکا -  
یاتک اک مدهشی دکللی ایدی ؟ پارلمنتونک  
نامی بیله پایتخت استبداد اولان سن پترسبورغده  
خوف و دهشت نثار اولیوردی .

بوصدده ( ۱۸۲۸ ) ده کی شرق سفری  
انسانسنده بر روس دیپلوماتنک کوندرمش  
اولدینی بر معروف تلغرافنامه نی انظار دفته  
عرض اید یوروز :

« پترسبورغ قاینه سی باب عالی به قارشو  
استعمال سلاح ایتمک زماننک کلوب کلدیکی  
مسئله سنی تدقیق ایتدیکی زمان پادشاه عثمانیان  
سلطان محمود نانینک یکیکچریلری قالدیرمق  
و تنظیمات خیره یی اعلان ایتمک صورتیله  
اجرا ایلدیکی تنسیقانک تالیجی کافی درجه ده  
تأمل ایتمیلر نظر نده اعلان حرب کیفیتک

شبهدن آزاده در که نجبه آمالی  
اداره استبدادیه یی ازاله ایدرک ملت  
عثمانیه به مشروع بر اداره نك کفالتلری  
بخش ایتمکدن عبارت اولان استانبول انقلابی  
روس لک نظر نده بحرانک وخامت پیدا

ایدیور و مغلوب صربستانه قارشو عالیجناب طاورانہرق مارنک برنجی کونی اوکا بلا شرط بخش صلح و مسالمت ایدور ایدی . لکن قرہ طاغ ایله عقد ائتلاف دشوار ایدی .

دیگر طرفدن انکلترہ استانبولده دهاچوق مدت سفیر سز قالہ میہ جغنی اعلان ایتمش اولدینی کبی ۱۸۷۰ده کی مغلوبیتلر ندن هنوز تمامیلہ شفایاب اولماش اولان فرانسه حکومتی ده استعمال جبر و شدت ایدہ میہ جکنی بیان ایلش ایدی . المانیایہ کنجہ پرنس بسمارقک افادہ سی و جهله شرق مسئله سی «پومرانیا لی برغرہ نادیه نفرینک کی بکبری قدر بیله حائر قیمت دکلدی .»

«تبعه سنی بشقه سنه اقراض ایتک و کندی مالی وقانی ایله قومشولرینک املارینک حصوله بذل ایتک آلمانیا دولتک و طیفه سی دکلدی [\*] .»

بونکلہ برابر پرنس بسمارق روسیہ یه سیاسیة مظاہرت ایتکده ایدی . حتی قونفرانسه مأمور انکلیز مرخصی استانبوله کلیر کن ( برلین ) ده پرنس بسمارق ایله ملاقات ایتمش و اوزمان بسمارق روسلرک بلغارسستان حقنہ کی طلبی یعنی ولایت مذکورہ یه مختاریت اداره اعطاسی موافق

لزوجوم و مبرمیتی حقنہ آرزوق شبهه موجود اوله بیلیدی . فقط شمدیکی حالہ ، یامش اولدیغمز تجربہ نک بتسون آرای او زمان اتخاذا ایدلمش اولان خط حرکت لهنده جمع ایدہ جکنده شبهه یوقدر .

فی الحقیقه ایمر اطور ، ترکیه یه اعلان حرب ایتکلہ ترک اصول جدیدہ اداره سنی تجربہ و امتحان ایتدی . ذات حشمتیناہ ترکیه ده اوزمانہ قدر مشاهده ایدلین مادی و معنوی برتجدک مقدمه سنی کوردی . یکی اصلاحات و ترقی تشبثاتک ایلک ثمراتی هنوز اقطاف ایتش اولدینی برزمانده ترکیه بوقدر شدتلی و بیوک بر مقاومت ابراز ایدہ بیلد کدن صکره بوتشباته دها زیادہ بر صلابت اعطاسنه فرصت بولمش اولسه ایدی کیم بیلیر ، ترکیه یی دها نه قدر مدہش و قوتلی بوله جقدق ؟ « روسیہ نک ترکیه یه قارشی مقدمات تعقیب ایتکده اولدینی بتون سیاست اشبونقر افنامہ ده خلاصه ایدلمشدر .

قاینه لر پرنس غورچاقوفک نوطه سنه در حال جواب ویرمدیلر . جنرال ایغنائیہ ف اوروپایی دولاشه رق حکومتلرک خط حرکتی حقنہ قاینه لر دن استمزاجده بولندی .

بوانداه باب عالی ، اکثری ادنا بر امتیاز ایله اکتفا ایتکده متایل کورینن دولتلری بکدی کړندن تفریق ایتک ایچون صربستان و قرہ ملغ ایله مذاکرات سیاسیہ پی ادامه

حق و معدلت اولوب المانیا مرخصنه ده  
اوصورنده تعلیمات ویرلدیکی بیان ایلشدی .  
حقیقت حالدہ پرنس بسمارقک شرق  
مسئله سننده روسیه یه بو مظاهرتی ، برفکر  
منفعت اندیشانه یه مستندایدی .

پرنس بسمارق روسیه یی حربه تشویق  
ایدیوردی . چونکه کندیسی بیلوردی که  
حربک و قوعی حالنده روسیه ایستر غالب ،  
ایستر مغلوب اولسون ، ماده دوچارضعف  
اوله جغندن برخیلی زمان اروپا سیاسیانه  
مؤثر بر صورتده مداخله ایتمکدن عاجز  
قاله جق و بو سایه ده المانیا استفاده لر تأمین  
ایله چکدی .

آندن بشقه آلمانیا حکومتی ، کرک  
سفری و آتاشه میلیتری و کرکسه بیوک  
ارکان حربیه سنک درمیان ایلدیکی نیکبینانه  
وهدال افکار و مظالماتی ایله روسیه یی  
حربه سوق و تحریک ایدیوردی .

عثمانلی پارلمنتوسی . - ۱۸۷۷ سنه سی مارتنک  
یدنجه بازار ایرتسی کونی عثمانلی تاریخنک  
اک مقدس برکونی ایدی . مجلس مبعوثان  
آچامش ، یوز بر پاره طوپک اسمانه قدر  
اعتلا ایدرک ولوله سی شرقدہ و قوعبولان  
بیوک حادثه تاریخیه یی آفاق جهانہ اعلان  
ایلشدی .

عثمانلیلر وطنلرینک معروض اولدینی  
بونجه مصائب ایچننده اک نہایت بر مجلس

مبعوثانک اجتماع ایلدیکنی کورمک سعادتنه  
نائل اولیورلردی .

مجلس مبعوثانک ایلك اجتماعنی تعقیب  
ایدن کونلرده موقع مذاکره یه وضع اولنان  
مسئله قره طاغ مسئله سی اولدی ؛ یوقاریده  
بحث ایدلمش اولدینی اوزره ستانوقومحافظه  
ایدلمک یعنی صربیه قبل الحاربه نه حالده  
ایدیسه یتہ او حالده قالمق اوزره صربیه ایله  
عقد اولنشیددی . لکن قره طاغایلر بو  
شرائطه راضی اونیوب اوہام غالب ایله  
مالا یطاق مطالبانه قالمیشمش اولدقلرندن  
باب عالی بومطالعانک تدقیقنی مجلس مبعوثانه  
تعلیق ایتشدی . قره طاغایلر اشقودره  
طرفدن بعض قرانک ترک وقره طاغہ الحاقنی  
طلب ایدیورلردی .

خارجیه ناظری صفوت پاشا مطالبات  
واقعه نیک ماهیتنی ایضاح ودولت علیه صالح  
ارزوسننده بولندیغی جهتله قره طاغایلرک  
امالنی قسماً ترویجہ راضی بولندیغنی بیان  
ایلدی .

صفوت پاشانک نطقی بالخاصہ اعضا  
مسلمنه اوزنده سوء تأثیر اجرا ایلدی .  
اشقودره مبعوثی ، حرارتلی بر نطق ایراد  
ایتدی . مبعوث ، بونطقنده ، قره طاغانک  
طلب ایلدیکی مواقع حقنده ایضاحات  
وتفصیلات اعطا ایدرک دولت علیه طاغایلرک  
مطالباتی اسعاف ایلدیکی حالده برچوق





آلمانیا ایمپراطوری برنجی ویلهلم

آوستریا ایمپراطوری فرانسوا ژوزف

روسیه چاری ایکنجی آلکساندر

قریه ونهرلرک انلره ترک ایدلش اوله جغنی وقره طاغلورلرک شمدی به قدر قوه جبریه ایله اله کچیرمهک مقتدر اوله مدقلری محللر ایچون برر ایکیشر در سعاده مأمور اعزام و دسایس کونا کون ایله رأس اداره ده بولنانلری اقناع ایدرک بویله لکله پک چوق اراضی به صاحب اولدقلرینی و حالبوکه شمدی قدر بتون عثمانیلر هم دست وفاق اوله رق تا بصره ده بولنسان بر عثمانلی دخی مملکتک متهای شمال غر بیسنده کی حدودک برقاریش طوپراغنک محافظه سی ایچون هر نوع فداکارانی اختیاره آماده بولندیغنی و مطالب مذکوره رد اولندیغنی حالده قره طاغلیلر تکرار محاربه به مباشرت ایتسه لر بیله برشی قزانق شویله طور سون جناب حقک نصر تیله بیوک ضایعانه دوچار اوله جقلرینی بیان وبتون او حوالی اهالی اسلامیه سنک چوجقلریله برابر قره طاغلورلرک تجاوزانه کوکس کره رک پدرلرینک و بیوک برادرلرینک اثرینه اقتفاء وطنلرینک اوغرنده انلر کبی شانلی بر صورتده فدای جان ایده جکلرینی علاوه انیان ایلدی .

روسیه ایله حربی انتاج ایده بیله جکی و حالبوکه هیچ بر حکومتله متفق اولمیان، ایکی سنه دنبرو صرب وقره طاغ حربلریله مشغول وروم ایلی عصیانلریله ضعیف و بی تاب اولان دولت علیه نک روسیه ایله اجرا ایده جکی حربده مظفر اوله میه جغنی بیسان ایلش ایسه ده اعضادن بر قاجی جواباً : « مات عثمانیه نک هیچ بر نهلهکه اوکنده رجعت ایتیه جکنی ، ملنک عظیم فداکارلقلر اختیار ایدرک قره طاغیه اراضی ویرمیه جکنی » قطعی بر صورتده بیان ایتدیلر .

اک نهسایت مجلس ، اکثریت عظیمه آرا ایله قره طاغنک مطالباتی قطعاً رد و حکومتک مخبراتی قطع ایلسی لزومنی دخی بیان ایلدی . عثمانلی مجلس مبعوثاننک بو ایلک مذاکره لرنده حاضر بولنمش اولان بعض اجنبی مخبرلرینک بو بایده کی حسیات و مطالباتی شایان دقدر ؛ (دهبا) مخبری شوکله لرله حسیاتی اجمال ایتمشدی . اک زیاده حیرتمی تحریک ایدن شی ، مذاکراتک غایت منتظم و آسوده بر صورتده جریان ایتمیدر . گویا که عصر لردن بری ، ترکیه ده اداره مشروطه موجود و مؤسس ایدی .

تایمس مخبری ده دیمشدی که : «عثمانلیرک مملکتنده مجلس مبعوثان تشکیلی مطلوبه موافق اوله به جغنی ادعاسنده بولنانلرک

بونطق مجلسه پک زیاده تأثیر اجرا ایلدی واکثر مبعوثان حکومتک تکلیفی ردایتدی . بونک اوزرینه خارجه ناظری صفوت پاشا ایراد ایلدیکی نطقده مجلسک قره طاغنک مطالباتنه قارشو آلدیغنی وضعیت ، اک صکره

روسیه نك افكارى — روسیه ده حربى  
 الك زياده آرزو ایدن ايمپراطور آلکساندر  
 ايدى . بونك ده اسباب عديده سى واردى .  
 بر کره مومى اليه قريم حربى انناسنده روسيه  
 تاج حکمداريسنه وارث اوله رق طلب مصالحه يه  
 مجبور اولمش و روسيه ايچون شين آور اولان  
 پارس معاهده سنى امضالا مشدى . چار  
 آلکساندر ترکرله حرب ايدرك قزانه جنفى  
 مظفریت ايله روسيه نك صحيفه تاريخندن  
 بوشابه يى سيلمك فکرنده ايدى .  
 دولت عليه نك پریشانى حالى و هر جهته  
 تدنى و انحطاطه دوچار اولمش اولسى مومى .  
 اليه بو خصوصه مدار جرأت اوليوردى .  
 بو احوالى تقدير ايدرك آلکساندرى حربيه  
 تشويق ایدن جنرال (ايغنائيف) ايدى .  
 بوايغنائيفك دولت عليه من حقنده سن پتر-  
 سبورغه کوندرديكى راپورلر ، تاريخ عثمانى  
 ايچون برر بيوك لکهدر . بوراپورلر ، اداره  
 سابقه نك برر حجت لغتى در . (ايغنائيف)  
 خاقان اسبقك صوك زماننده کوندرديكى  
 راپورلردن برنده ديمشدرکه : «طرف چا کرانه-  
 مدن مصروف اولان مساعى نتیجه سى اوله رق  
 ترکیه ، ايله بر حاله لکشدرکه ذات حشمت  
 ما بيلرينك روسيه داخلنده ، اجرا ايلکده اولدينى  
 نفوذ ، ترکیه داخلنده عينا اجرا اولنمقده در .  
 بو مملکتده حکمدار اولان پادشاه ، بو حکومتک  
 دوار رسميه سى و على الخصوص باب على ايله

ذهابى ، حقيقت حال تکذيب ايلدى . اعضاى  
 مجلس وظائف مودو عملرينک بتون اهميتى  
 تقدير ايدرك صميمى وجدى بر صورتده ايش  
 کورمکه باشلامشدر . مبعوثلر موضوع بحث  
 اولان مسائله اودرجه بروقوف واحاطه اظهار  
 ايتمکده درلرکه قديم نبرو موجود بر مجلسه  
 بيله باعث افتخار اوله بيلور . نافذ و مؤثر  
 سوز سويلک ايچون لازم اولان استقلال  
 فکر و جسارت معنويه ده بو کنيج مجلسده  
 مع زياده وجود در . شرقيلر صافيت  
 فطريه لرینى محافظه ايدرك سفسطه ايله الفت  
 پيدا ايتماش اولدقلرندن اقوام غريبه نك  
 اکثريا بوکى احوال فوق العاده ايچنده  
 کوستردکلرى مصنع اوضاع و اطواردن  
 آزاده درلر .

قره طاغ ايشندن صکره مجلس ،  
 نظارتلر طرفندن تقديم اولنان متنوع  
 لايحه لرك تدقيقه اوغراشدى .

ايسته عثمانلى مجلس مبعوثانى بدبينانک  
 و سبک مغز انک نيات و تخميناتى خلافه اوله رق  
 هر درلو تذبذب و مشکلات ايچنده بيله ،  
 منتظم وجدى بر صورتده حرکت ايدرك  
 وطنک تأمین سلامتى خصوصه صرف غيرت  
 ايدىوردى . حيفا که بو مجلس نوزاد و معصوم  
 ايچون اليم بر عاقبت حاضر لانيوردى .  
 عثمانلير ، سريع برزواله محکوم اولان بيوك  
 بر سعادتک موقت تلذذاتى ايچنده ايديلر .

حربیه و مالیہ نظارتلری و ولایات، سفارتلریک تحت امرنده در . « ایغنائیف ) ک دیگر بر راپورینک مفادی ده شویله ایدی :

« ذات حشمتانه لری شو صروده حربی مناسب کوره رک آکانشبث اولنورسه امین اولمیدرکه ترکیه ، بتون استطاعتنی صرف ایلدیکی حاده بیله ، مملکتک مدافعه حیاتی ایچون اسلحه و تجهیزاتی نقصان ، وسائط اعاشه سی مفقود و الحاصل هر شی غیر منتظم اولمق شرطیله ۸۰ : ۱۰۰,۰۰۰ محارب نفر دن فضلہ بر قوت چیقارہ ماز . بناء علیه حرب ایتک ایچون بر قاچ قول اردو ، یدی سکیز قزاق الایی ، بر قاچ بطاریه طوب یعنی جمعاً ( ۱۵۰,۰۰۰ ) نفر لک بر قوت کافیدر .

روس لریک ضربہ لرینک تأثیر التندہ بالقان یارم اطه سنده کی خرس تیان اقوام هب برابر قیام ایده جکلر ؛ دولت عثمانیه مضمحل اوله جق . . حشمت پناه لریک اردولری ، طونه دن استانبوله بلا مقاومت ، عاداتمادی برمشی مظفرانه ایله ، داخل اوله جقدر . »

استانبول قونفر انسندن و بالخاصه مدحت پاشانک تبعیدندن صکره ایمراطور مومی الیهی حربہ تحریک ایدن اک مهم سبب اداره حاضره نکلدخی خاقان سابقک اداره سندن فرقلی اولیہ رق سرای نفوذ و تأثیراتنک ، حربک صفحات مختلفه سنده روسلره معاونت ایده جکی

فکر واطمئنانندن عسارت ایدی . وقایع جاریه ، الکساندرک اصابت نظریخی تصدیق ایتمشدر .

واقعا یوقاریده سویلش اولدیغمز اوزره ، روسیه نه حربہ علیهدار اولانلرده و ارایدیسده چارک اراده سی بتون اراده لره حاکم اولدیغندن حرب طرفداراننک افکاری مظهر قبول اولیور ، استحضارات حربیه جه التزام سرعت ایدی یوردی .

روسیه نکل استحضارات حربیه سی انکلتره نی دلکیر ایدی یوردی . انکلتره حکومتی بحر سفید و نمانسنی سفر بر حالنه وضع ایتمش ایدی . انکلتره ترسانه لرنده بیوک بر فعالیت حکمفرما اولغه باشلادی . روسلر انکلیز لریک بوتدار کاندن اندیشه ایتدیلر . مع هذا پترسبورغ سرانی انکلیز لریک بو حرکتی بر نمایش کی تلقی ایدیور و پرنس غورچاقوفی جدی بر خط حرکت آنخازینه تشویق ایدیوردی . بوضروده اوروپا بحافل سیاسیه سنک افکارینی تحقیق ایچون پایتختلره کوندرلش اولان جنرال ایغنائیف عودت ایتمش و ویردیکی راپورده اوروپا حکومتلرندن هیچ بریسنک ترکیه ایله متفقاً روسیه یه قارشو حرب ایتیمه جکنی تأمین ایلش ایدی .

لوندره بزوقولی ( ۱۸۷۷ مارت ) - لکن موسمک عدم مساعده سی ودمیر یوللرینک کفایتسز لکی روس اردو سنک

بسا را بیاده تحشدينی تصعب ایتمکده ایدی :  
 بهاردن اول حاضر اولوق قابل دکل ایدی .  
 دیگر جهتدن انکلتره حکومتی ایغنائیه فک  
 سیاحتدن صکره ، شرق مسئله سنی بردفعه  
 دها تدقیق ومذاکره ایتمک ایچون لوندرده  
 یکی بر قونفرانسک اجتماعی اوروپا حکو -  
 متلرینه تکلیف ایتدی . بو باده وقوعه  
 کلان مخبرات نتیجه سنده حکومتلر بوتکلیفی  
 قبول ایتدک لری کبی اسباب سالفه دن دولای  
 وقت قازانمق احتیاجنده اولان روسیه حکو -  
 متی ده قبول ایتدی . بونک اوزرینه حکومتلرک  
 لوندره سفیرلری انکلتره خارجیه ناظرینک  
 تحت ریاستنده اوله رق یکیدن مذاکره یه  
 باشلادیلر . باب عالی یه تودیع ایدلمک اوزره  
 سفیرلر طرفندن احضار ایدیلن قرارنامه عالم  
 سیاستنده لوندره پروتوقولی نامیله معروفدر .  
 ۳۱ مارت ۱۸۷۷ ده لوندرده امضایدلش  
 اولان بو پروتوقول استانبول قونفرانسی  
 پروتوقولنه نظر آغیر متجانس بروثقه تشکیل  
 ایدیوردی . دولترک بو پروتوقوله روم ایلی  
 اصلاحاتی حقهنده کی تکلیفاتی غایت اعتدالکارانه  
 ایدی . استانبول قونفرانسنده بوسنه وهرسک  
 قطعه لر یله بلغارستانه امتیازات مخصوصه ویریلهرک  
 بولولایتره خرسستیان والیلر تعیین ایدلمسی  
 شرط اتخا ذ قانمش اولدینی حالد لوندره  
 پروتوقولی بو کبی شرائطدن تماماً آزاده  
 ایدی . دولترلر پروتوقوله بعض تعهدات

جدیده دیپلوماتیقیه یی خلاصه ایتدکدن  
 صکره ذات شاهانه نک تنسیقات حقهنده کی  
 مواعیدینی موضوع بحث ایدرک استانبو -  
 لده کی سفیرلری و قونسلوسلری واسطه سیله  
 مواعید مذکورہ نک صورت اجرا سنه  
 نظارت ایده جکلرینی بیان ایدیورلر وشو  
 فقره ایله پروتوقوله خامه ویریورلردی :

« اکر دولترلر امیدلرنده بردفعه دها  
 آلدانه حق اولورلر و اکر تبعه خرسستیانیه نک  
 شرائط حیاتیه سی شرکک صالح و آسایشی  
 دور دور اخلال ایدن قاریشقلقلرک تکررینی  
 منع ایده جک صورتده اصلاح ایدلنر سه دولترلر  
 بوبله برحاک کندی منفعتلریله وبالعموم  
 اوروپا نک منافعیله غیر قابل تألیف اوله جغنی  
 اعلان ایتمکده کندیلرینی حقلی کوره جکلردر .  
 بونقدیرده دولترلر اهالی خرسستیانیه نک رفاه  
 و آسایشی ومسالت عمومیه نک منافعی تأمین  
 ایچون کندیلرینه اک زیاده مساعد کورونه -  
 جک وسائطی متحد آوصیه ایتمک حقی محافظه  
 ایدرلر . »

بو پروتوقول انکلتره خارجیه نظارتنده  
 امضایدلدی کی دقیقه ده اکا آروجه شایان دقت  
 ایکی تبلیغنامه علاوه ایدلمشدی که بری روس  
 سفیری طرفندن دیگر کی انکلتره خارجیه  
 ناظری طرفندن تودیع ایدلمش ایدی .  
 انکلتره خارجیه ناظری تبلیغنامه سنده :  
 « هر ایکی طرفک تعلیق سلاح ایلسندن و بر صلح

متقابلک تأسسندن عبارت اولان پروتوقولک مقصد اصلیبی حصول پذیراوماز ، یعنی روسیه حکومتی ده ترک سلاح ایتمه جک اولورسه موضوع بحث اولان پروتوقولک حکمی کان بکن عد ایدیه جکنی « بیلدی روبردی . روس سفیرینک تبلیغنامه سی ایسه شومفادده ایدی :

« اگر باب عالی قره طاغ ایله عقد مصالحه ایدر و آوروپانک نصیحتلرینی قبول ایدر و قوای عسکریه سنی تکرار حال حاضری نه ارجاع ایتمک و پروتوقولده مذکور اولان اصلاحاته جدی برصورتده تشبث ایتمکه متمایل کورینور ایسه بوشرائطه نظراً حشمتلو ایمپراطورک دخی موافقت ایدیه جکی تعلیق سلاح کیفیتی حقنیده ، مذاکرته بولمق اوزره سن پتر-سبورغه فوق العاده برمرخص اعزام ایتملدر . اگر بلغارستانده واقع اولدینی مثللو قتل عاملر یکیدن واقع اولورسه بوکجی وقوعات تدابیر مصلحانه یه شبهه سز نهایت ویرمش اوله جقلدر . »

دیگر جهتدن مرخص قونت شوووالوف روسیه نیک تعلیق سلاح ایتمسی قره طاغ ایله مصالحه نیک امضاسنه تعلیق ایتمش ایدی .

باب عالینک جوابی — ۱۸۷۷ سنه سی مارتنک اون طقوزنجی کونز لوندره پروتوقولی

دول معظمه طرفندن باب عالی یه تودیع ایدلدی . بو پروتوقولک ردی حربی انتاج ایتمش اولدینی کجی حربک نتیجه سی ده دولت علیه بی عظیم ضیاعلره دوچار ایتدکن ماعدا ممالک عثمانیه ده او قدر زحمتله وجوده کتیریلن اداره مشروطه نیک زوالنی و اونک یرینه اک منفور و مششوم براستبدادک قائم اولمسی موجب اولمش ایدی . او زمانلر مملکت مزده حکمفرما اولان حالت فکریه یه نظر آروسیه ایله حرب ایتمکدن فوق العاده بر احتراز واردی . دولتک امور مالیه سننده و بالجمله شعبات اداره سننده کی تذبذب و پریشانی یه نظراً عواقب وخیمه ظهورندن اندیشه ایدیلوردی . وکلانک همان اکثری حربیه علیهدار ایدی . مدحت پاشانک فکری یوقاروده درمیان ایدلمش ایدی . صدر اعظم محمد رشدی پاشا وخارجیه ناظری صفوت پاشا محاربه دن فوق العاده اجتناب ایدنلردن ایدی . وکلا میاننده مقدمه حجاز والیبی اولان حالت پاشاده عین فکریه اولوب استانبول قونفرانسینی ائناسننده شو یولده بیان افکار ایتمش ایدی : « قونفرا-نسک بر روسیه حربی انتاج ایلمسی ملحوظدر . عصییت وتلاشه مغلوب اولمیه رق قونفرانسک تکالیفی نظر تأمله آلوب بر نقطه استلافده اونکله برلشمکه چاره آراسه ق سلامت ملته دها زیاده موافق حرکت ایتمش اولورزه . »

ارکان عسکریه به کلنجه؛ سردار عبدالکریم پاشا اوسره ده روسیه ایله حرب ایتمکدن ضایت احتراز ایتمک لازم اولدیفنی دفعاتله اخطار ایتمش ایدی. احمد مختار پاشا دخی قره طاغده بولندیفنی صره ده روسیه ایله محاربه دن اجتناب ایدلمسی لزومنی تلفرافله اشعار ایتمش اولدیفنی کبی دولت علیه من احراز ظفر ایتمسه بیله مفید اولمیه جغنی صورت مدله ده ایضاح ایتمش ایدی. والحاصل حرب به طرفدار اولمیان مهم برفرقه واردی. لکن دیکر طرفدن افکار عوام حرب به طرفدار ایدی. هر کون بشقه برنک وخامت ارانه ایلمکده اولان شرق مسئله سی عثمانیلرک دشمنلرینه قارشو نفرت وعداوتی اویندیرمش، حرب آرزولری اشتداد ایتمش ایدی. صاحب نفوذ اولانلر میاننده ملاحظات منفعت پرستانه به تابع بولنانلر ایله سرای ارکانی ده حربی التزام ایدیورلردی.

قضیه سنه معطوف ومنحصر بولندیفنی، قانون اساسینک تأمین ایتمک ایستدیک اصلاحت ایسه یالکنز برولایته ویابر جنسه ویار مذهبه عائد اولوق کبی برماهیت منحصره وخصوصیه بی حائز اولمیه رقی بالعموم تبعه عثمانیه نیک متساویاً رفاه وسعادتی کافل بولندیفنی و حکومت عثمانیه نیک اداره داخلیه سنده تأسیس ایتمک ایستدیک قواین عالیه معدلت ومساوات ایله حکومت مشارالیه نیک حقوق استقلال وحکمرانیسنه قارشو اوروپا دول معظمه سنک کومستردکلری لاقیدی زیاده سیله شایان تأسف اوله رقی ترکیه نیک بر دولت مستقله اولوق اعتباریله متحد ویایغر متحد بر نظارت آلتنه کیرمکه راضی اولمیه جغنی وپارس معا. هده نامه سی امور دولته عدم مداخله اساسنی متضمن ایکن کرک ترکیه بی کرک دیکر طرفین عاقیدنی ربط ایدن بویله بر معاهده. نامه ترکیه نیک اشتراک ایتمه مش اولدیفنی بر پرتوقول ایله رفع والغا ایدیلیمیه جکی والحاصل حکومت سنیه پرتوقولک صوک فقره سنده کندیسسی علیهنه متعمدانه بر فکر تهدید مشاهده ایلدیکندن پرتوقولک بوصورتله قیمت ومشروعیتنی ضایع ایدرک کرک حال وکرک آتی ایچون وخیم قاریشقلقره بر منبع تشکیل ایلدیک بیلدریلیورونوطه شوققره ایله ختام بولیوردی: « حکومت سنیه بو قدر ذلیل ودنیاده امشالی کورولمین بروضعیته

لوندیره پرتوقولی باب عالی به تودیع ایلدیک زمان ویریله جک جوابک تعیینی ضمننده مجلس مبعوثانده علناً اجرای مذاکرات ایلدیدی. سلامت وطنه تعلق ایدن بومسئله خصوصی ومخفی بر صورتده تدقیق ایتدیریلهرک پرتوقوله واضع الامضا اولان دولت نره ضایت شدتلی بر جواب ویرلدی. بونوطه ده دولت لک مساعیسی تبعه شاهانه دن یالکنز بر قسمنک تأمین رفاهی


کرفتار اوله جق قدر کندیسنک شان معدلت  
ومدنیتدن تجرد ایلمش فرض ایلمسنک  
اسباجی تعیین ایده مامکده در .  
باب عالینک لوندره پروتوقوله ویردیکی

آزاده عد ایلر .  
روسیه حکومتی ، تعلیق سلاح کیفیتنی

شو جواب عثمانیلرک غرور ملیسنی  
اوخشایه جق بر صورتده اولقله برابر لازمه  
سیاسته موافق اولمادیکی آشکاردر . چونکه  
پروتوقولک احکامی اوله شدتلی اولمادیکی  
کبی باب عالینک انضمام موافقتی دخی طلب  
ایدلمه مش ایدی . حتی پروتوقول تاما قبول  
اولتمش اولسه دخی دولتک استقلال و تمام  
ملکیسنه خلل ایراث ایتیمه جک ایدی .  
اوله ایکن ویریلن جوابده لزومندن زیاده  
بر شدت استعمال ایدلمش ایدی . حالبوکه  
برلسان اعتدال استعمال ایدیلهرک مخبرات  
جدیده یه زمین ترک ایدلمش اولسه ایدی  
دولت ایچون هر حالده دهامساعد شرائط  
استیحصال ایدیله بیلیردی .

پروتوقوله مربوط اولان روس سفیرینک  
تبلیغنامه سی حقدنه شو ققره علاوه ایدلمشدی :  
« دوات علیه ده تخدمت ایتیمی و روس

اردوسنی حرکات حربیه یه سوق ایلمسی  
ماحوظ اولدیغندن بحث ایدیلان وقایع  
اغتشاشکارانه به کناجه باب عالی روسیه حکو-  
متک استعمال ایتیمش اولدیغنی تعبیرات غیر  
لایقه دن طولانی بیان تأسف ایتیمکه برابر ،  
بوولایتلرک سکون و اسایشنی اخلال ایتیمش



حسین عوفی پاشا

بوکی قیود و شروطه تعلیق ایتدیکندن  
طولانی هیچ بر صورتله تبری ایده ماز .  
باب عالینک شو افاداتی شایان دقتدر .  
فی الحقیقه دولت علیه من تعلیق سلاح  
تکلیفندن طولانی جدی بر مشکلات قارشو-  
سندہ بولنیوردی . روسیه ، اردوسنی جزؤی



تبلیغه حکومتی طرفندن مأمور ایدلمش اولدیغنی بیان ایتدی . روس سفارتخانه سی کاتبلرندن بری ده بوکون اوکله دن سوکره ، سفیردن تلقی ایتمش اولدیغنی امر اوزرینه نزدمه کله رك ، جنرالک ، اشبو متارکه احکامنه قارشو ادنی بر تجاوز و وقوعده هان استانبولی ترك ایتک ایچون تعایات آلمش اولدیغنی سویلدی . انقطاع مناسبات ایچون بو صورتله سهیل بر بهانه احضار ایدلمش اولدیغنده شبهه یوقدر .

اعلان حرب — دولت علیه لوندره

پروتقونلی ۱۸۷۷ مارتنک یکریمی سکزنجی کونی رد ایتمش ایدی . بو خبر اوروپاده بر تلاش عظیم حاصل ایتدی . ایمپراطور آلکساندر پروتقولاک ردی تلغرافی آلبر آماز بر مجلس خاص عقد ایتدی . خارجه ناظری وضعیت سیاسی بی تشریح ایتدکن صوکره ایمپراطور اعتراض ناپذیر بر قطعیت افاده ایله بتون مسئولیتی درعهده ایدرک حربه قرار ویردیکنی سویلدی .

مجلسده بولنانلر ایمپراطورک افاده سنه بر سکوت محض ایله مقابله ایتدیلر ایسه ده بعض ارکان عسکریه حرب حرب دیه باغرمشلردی . براز سکونت حاصل اولدقندن صکره صلح طرفدارلری کندی فیکرلینی ایضاح ایتک ایسته مشلر سه ده برنس غورچاقوف : « ایکی سنه دن بری

بر زمان طرفنده سفر بر ایده ییلوردی . لکن دولت علیه ، وضعیت جغرافیه سندن واو زمانکی وسائط وتشکیلاتندن طولای بومقصده واصل اولمق ایچون بالنسبه اوزون بر زمانه محتاج ایدی .

بناءً علیه ترکیه قوای عسکریه سی سفر بر ایتک ایچون بر چوق فداکارلقلر اختیار ایلدکن صکره انلری ترخیصه و مملکتلرینه اعاده یه مجبور اولور و روسیه حکومتی ، تصنیع ایده چکی بر بهانه اوزرینه اردو سی تکرار حال سفر بری یه افراغ ایلر سه دولت علیه نك مشکلات عظیمه یه معروض و خصمنه نظراً غایت فایر وضعیت دوچار اوله جفنده شبهه یوقدر . نوتقدیرده مدافعه سز قالمش اولان دولت علیه یه هجوم ایتک ایچون روسیه نك برفساد ایقاع ایتک اوزره اوزمانه قدر بر چوق دفعه لر مراجعت ایلش اولدیغنی اصوله تکرار مراجعت ایدرک بر وسیله حرب احضار ایلسنندن ده سهیل برشی اوله مازدی .

۲ تشرین ثانی ۱۸۷۶ ده سیرالیوت ، خارجه ناظری لورد دربی یه شو تلغرافی کشیده ایدیلوردی :

« جنرال ایغنانیف ایله بوسباح وقوع بولان ملاقاتم زده مومی ایله عساکر عثمانیه طرفندن ایقاع ایدیله جک هر نوع احوال غیر لایقه بی متارکه احکامنه بر تعرض کی تلقی ایدیله چکنک

مدنی عالمده ولوله لر حاصل ایدن شرق مسئله سنده روسیه ، اسلاو عناصرینی تخلیص ایتمک وظیفه سندن صرف نظر ایده جک اولورسه هم اسلاو نسلنک نقرتنه دوچار اوله جق هم ده بین الدول حائر اولدینی شرق و شان محو اوله جقدر . « دیدی . ایمپراطور ایسه خارجه ناظرینک افکا- رینی تقویه ایتمک اوزره ( شرق مسئله سی بزم ایچون آرتق ناموس مسئله سیدر . حرب ایتمه مک محالدر . ) دیمشدر .

پرنس غورچاقوف ۷ نیسان ۱۸۷۷ ده دولت علیه نک پترسبورغ سفارتی مستشارینه شومفاده کی تذکره بی کوندردی : « روسیه حکومتی باب عالی ایله تاسیس ائتلاف ایتمک واوزون بر زمان صلحی تأمین ایده جک بر معاهده عقد ایتمک ایچون هر نوع وسائل تحری ایتمش اولدینی حالده بومقصد موفق اوله مدیغندن حشمتلو ایمپراطور استحصال مقصد ایتمک اوزره اعلان حربه قرار ویرمش و بوکوندن اعتباراً روسیه حکومتی دولت علیه ایله محارب بولنمشدر . »

پرنس غورچاقوف ینه اوکون اعلان حرب کیفیتتی متضمن اولمق اوزره اوروپا دول معظمه سننک هر برینه آیری آیری بر نوطه کوندردی که شایان دقت اولان شو جمله ایله نهایت بولیوردی :

« بو وظیفه بی ایفا ایتکله ، حشمتلو

ایمپراطور ، شرقده کی تمادی اغتشاشات ایله ترقیات سکون پرورانه سی سکتهدار اولان روسیه منافقنک کندیسنه تحمیل ایلدیکی بر وظیفه بی ایفا ایلشدر . «  
الفرد قراوس اثرنده دیورکه :

« اوروپا خریطه سنه توجیه ایدیله جک بر نظر ، روسیه نک ترکیه یه قارشو اجرا ایلش اولدینی اسفارسالفه ایله بوندن صکره اجرا ایده جکی اسفارک معطوف بولن دینی مقصد حقیقی بی توضیح ایدر .

روسیه یه بالطق دکزینی قزاندرمش اولان بیوک پترو ، بحریسهاکده روسیه نک حوزه مالکیتنه کیمسنی اقصای هدف اوله رق تعیین ایتشیدی . بحریسهاک روسیه ایچون قیمتدار اولسی ایسه ، بو دکزک قبولرینی تشکیل ایدن بوزاز ایچی ایله چناق قلعه بوزازینک کندی النده بولنمنسه متوقف بولنیوردی . روسیه ، بو بوزازلری النه کچیرمه مکه موفق اولورسه ، بالعموم اوروپاده نه قدر عظیم بر نفوذ احراز ایله جکی آشکاردر . بوکون سیاست عالمده ایکنجی درجه ده بر موقع اشغال ایدن روسیه ؛ او وقت بر حمله ده اوروپانک باشلوجه طریق تجارتی یعنی بحر سفیددن هندستانه ایصال ایدن طریق تحت حاکمیتنه آلمش اوله جقدر . روسیه نک بو مقصدینه آگاه اولدیغندن طولاییدر که هر کسدن اول انکلتزه

ایدن روس سلاحرلی اوزماندن بری روسیه مملکتنده حقوقی مدافعه ایتمک ایستین بدبخت روس قومه توجیه ایدیلیور. روسیه ده وحشت و جهالت حکمفرما اولدیغندن وارو آلت استبداد بولدیغندن وزنکیلر، اصیلزاده لر و مستبدلر الک قوتلی برقرقه تشکیل ایلدکلرندن روس اختلالنک بر نتیجه مسعودانه منجر اولسی پک شبه لیدر. بونک ایچون بوهرج و مرچ دوام ایدجک و آروپا، روسیه ممالکننده فجیعهلر، هائله لرتاشا ایلجه کدر. روسیه نك بتون قوای حیاتیه سی زیر و زبر ایتمک و روسیه یی سیاسی عالمده برکیت مهمله حالته افراغ ایتمک ماهیتی حائز اولان بو حال فترت، انحطاط معناسیله توأمدر. عصرلردن بری او هیئت مهیکله موهومه سیله دنیای قور قوتان روسیه ایمپراطورلغی کیزلیدن کیزلیه بتون عناصر حیاتی تسمیم ایدن رقوتک تأثیرات تدریجیه سیله بیقلمق تهلسکسنه معروض بولنیور. بومطالعات روسیه نك ضعفنه متعلقدر. انقلاب عثمانی ایسه عثمانلیغه افاضه روح ایدرک وجه عالمی تغیر ایتمشدر. چوشیا وموقدن ماحمه لرلی ایله رسنه ومناستر شهر آینلری تاریخی جریانلره بسبتون بشقه مجرالر کشادا ایلشدر. بوملحمه لرده و بوشنلکلرده روسیه نك الک بیوک امالری، الك واسع خولیالری یا تمش، محو اولشدر.

روسیه یی بو مقصدنی استحصال ایتمکدن منع ایتمک چالش مقده در.

۷۸ - ۱۸۷۷ حربی روسیه یی بو هدفه بر خطوه دهها یا قلاش دیره جق، سطوت عثمانیه برضربه اوره رق اکا بدل بالقانده کی خرسیتان اقوامی روسیه یه ربط ایده جک؛ انلری روسیه یه مدیون شکران قیله جقدر.

\* \* \*

روسیه نك دولت عثمانیه مزه قارشو عصر- لردن بری تعقیب ایلمکده اولدیغی بو مهینه پولتیقه دن آرتق صورت قطعیده فراغت ایلش اولدیغی مأمول ایده رز.

اقصای شرق حربی روسیه نك حیات سیاسیة واجتماعیة سی ایچون مهم برضربه اولشدر. بو حرب روسیه نك خطیئات تاریخیه سنک نتیجه منطقیه سی و مجازات اولینیدر و روسیه ایچون یکی بردور کشاد ایتمشدر. بو دوره دورهرج و مرچ اطلاق ایتمک سزا اولور. فی الحقیقه درت سنه یه قریب برزماندن بری روسیه ده اختلال حکمفرما اولمقده در. بو اختلالک نصل بر نتیجه افتران ایده جکنی هیچ بر فکر دورین تعیین ایده مز. روس اختلالی اقصای شرق حربنک آروپای روسی ده دوامی دیمکدر.

مانچوری صحرا لرنده ژاپونلرک سطوت قاهره سی قارشوسنده عرض انحناء و تسلیمیت

بشقه دول مشار الیهمک ۱۸۷۱ سنه - سنه  
 لوندره قونفرانسی نامیله بریابانامه امضا  
 ایدرک بونده معاهده نامه دیمک، قانون اقواهاک  
 برقاعده اساسیه سی دیمک اولدیغندن براتلاف  
 مجانه واسطه سیله دیگر حکومتلرک موافقت  
 وتصویبیری - تحصیل ایدلمکسزین هیچ  
 بردولت نه بر معاهده نامه نک تعهداتندن  
 کندینی آزاده عد ایده بیله جکی ونه ده مواد  
 واحکامنی تعدیل وتغیر ایلیمیه جکنی تصدیق  
 ایتمش اولدقلری کیفیتی علاوه ایدلمش ونوطه نک  
 اک نهایتده دخی روسیه حکومتک بیوک  
 بریتانیا ایله دیگر دول معظمه نک منافعی  
 نامنه حرکت ایلنکده اولدینی حقدنه کی ادعاسنه  
 قارشو حکومت مذکوره نک قرار واقعی  
 اوروبادولنلرینک معاونت ویاتصویبنه مظهر  
 اوله جق برلیاقنی حائر بولمادیغنی وبوحقیقتی  
 بیوک بریتانیا حکومتک اک قطعی وعمومی بر  
 صورتده اعلان ایلنکی بروظیفه عد ایلدیکی  
 فقره سی درج اولنمشدی .

هیچ بر جواب بوندن ده منطقه ده  
 مصیب و معقول اوله مازدی . لکن دشمن  
 حریت اولان بر حکومتک پروت نهرینک  
 او بر ساحلنده طوپلامش اولدینی اردولرینی  
 نه منطق نه عقل وحکمت نده شان مدنیت  
 والنسایت توقیف ایده بیلوردی .

انکلزهنک جوابی - ۱۸۷۶ سنه سی  
 مایسنگ برنجی کونی لورددربی زوسیه نک  
 اعلان حربی متضمن نوطه سنه عثمانیلرک ابدی  
 تشکرینی موجب اولان بر جواب ویردی .  
 بونوطه ده باب عالینک اولجه موعود اولان  
 اصلاحاتی ایفایتمک خصوصنده کی تعهداتندن  
 صرف نظر ایتمش اولدینی ودولت لرک اساس  
 مقصد واملی دخی بوندن عبارت اوله رق  
 طرفین صبر و اعتدال ابراز ایتمش اولسه لردی،  
 بومقصدک ممکن الاستحصال اوله جق ایدوکی  
 ولکن حدودلرده ترکیه نک امنیت وسلامتی  
 تهدیدایدن روس قوای عظیمه سنک متحشد  
 بولنسی ترکیه نک تعلیق سلاح ایلنسی  
 عدیم الامکان قیلدینی کبی اهالی اسلامیه  
 میاننده بر حس اندیشه وتعصب تولید  
 ایلش اولدیغندن بوحال تدابیر اصلاحیه  
 وتنسیقانک اجرا وتطبیقنه بر مانع مادی  
 تشکیل ایلدیکی بیلدیرلمش ایدی . بوندن  
 بشقه مذکور نوطه ده روس حکومتک  
 داخل اولمش اولدینی طریق دهها جدی  
 وخطرناک ملاحظاته باعث اولوب طریق  
 مذکورک ۳۰ مارت ۱۸۵۶ ده کی پارس  
 معاهده نامه سی احکامنه مابین بولمادیغنی چونکه  
 مذکور معاهده نامه ایله روسیه حکومتی  
 وواضع الامضا اولان دیگر حکومتلردولت  
 علیه نک تمام ملکینسی وحقوق استقلالی  
 محفظه نی تعهد ایلش اولدقلری واوندن

## روسیه نك قوه عسكریه سی

کیفیته رغماً هر سنه سلاح طاشیمغه قابلیتلی  
 ۱۵۰,۰۰۰ قرعه افرادیله هر نوع اسباب  
 و الاحظاته مبنی خدمت موظفده دن معاف  
 طوتیلان افراد (۱۸۷۶ سنه سنده ۳۲۵,۰۰۰  
 مقدارنده ایدی) صنف مستحفظه نقل  
 ایدیلوردی. بوجهله که، بالفعل ایفای خدمت  
 ایله نقل ایدیلان معلم و اک مسن افراد  
 (۳۷-۴۰ یاشلرنده بولانلر) ایله برابر بونلرک  
 مقداری ۱۸۷۷ سنه سنده (۵۰۰,۰۰۰-۴۰۰)  
 سلاح طاشیمغه قابلیتلی فقط غیر معلم افراد  
 بالغ اولمده ایدی. ایشته بونلر استنلیدیکی  
 زمان سلاح الته دعوت ایدیله بیله چک اولان  
 جسم دبو قطعاتی تشکیل ایتکده ایدیلر.  
 اوروپای روسی؛ بالطبع دکزی سوا-  
 حلنده کی ولایتلر، پولونیا و بسارابیا مستتا  
 اولق اوزره - ۱۶۴ اخذ عسکر دائره سنه  
 تقسیم اولنشیدی. بونلرک هربری بر پیاده  
 آلانی ایچون ایدی. سالف الذکر روس  
 اولیان حوالیده کی قرعه نفراتی روس  
 آلایلرینه او صورتله توزیع ایدلمشدی که  
 هیچ بریده، روس لسانیه متکلم اولیان  
 عنصر افرادی موجودک بر ربعی مجاوز  
 ایتوردی.

خاصه، غره نادیه، آوجی، سواری،  
 طوپچی افرادی و صنوف فیه تکمیل اخذ  
 عسکر دواثرندن تفریق اولنوردی.

اعلان حرب زمانی روس اردوسی،  
 ۱۸۷۴ سنه سنده رسماً قبول ایدیلن مکلفیت  
 عمومیه عسکریه حسیده اردونک تشکیلاتی  
 اوزرنده پک بیوک تأثیری اولان. بر انقلاب  
 حالنده بولنیوردی. بر صورتله که اساساً  
 هیچ بر تبدله دوچار اولیه رق اسکیمی کبی  
 قالمش اولان اردو قطعات جسمه سنک  
 محاربه یه حاضر لقلری و قابلیت حربیه سی  
 اوزرنده تعدیلات اخیره نك همان هیچ ده  
 فائده سی اولماشدی.

یکی اخذ عسکر قانون نامه سنه نظر امکلفیت  
 عسکریه ۲۰ یاشنی اکیال ایتد کد نصکره  
 باشلایه رق ۴۰ یاشنک اکیالیه ختام بولمده در  
 بو یکریمی سنه لک خدمت عسکریه دن ۶  
 سنه سی خدمت موظفه ده، ۹ سنه سی  
 احتیاطده و متباقیمی مستحفظ صنفده کچر،  
 مع هذا خدمت موظفه ۲۱ یاشنی بر نجه  
 باشلار.

مکلفیت عمومیه عسکریه دن طولانی سلاح  
 الته اله جق افرادک مقداری بر یکون عظیمه  
 بالغ اولدیغندن خدمت موظفه مدتی اولدجه  
 تنقیص ایدیله بیلور و ایدلمسده لزوم کور-  
 ینوردی. بو صورتله مثلاً ۱۸۷۵ سنه سنده،  
 ۱۸۷۰ و ۱۸۷۱ سنه لرنده داخل اسنان اولان  
 افرادک ترخیصلری اجرا ایدلمشدی.

وقتندن اول وقوع بولان بو ترخیص

قازاقلرک کندیلرینه مخصوص نظامنا - مهلری واردی .

سفر برک . - تلغراف ایله تکمیل قوما - ندانلره و مأمورین عسکریه یه تبلیغ ایدیلن سفر برک امری بو قوماندان زمامور لر طرفندن هر طرفه نشر و اعلان ایدیلور و بالجه افراد ۴۸ ساعتک مهلتدن صکره معین اجتماع نقطه لرنده طوپلانیرلر و اورادن سفر برک جدولندن اخراج ایدلمش اولان صورت توزیعاته کوره قطعاته و ممکن مرتبه اصل منسوب اولدقلری قطعاته شمندوفرله کمی ایله و یاعربه ایله سوق ایدیلورلردی .

۱۸۷۴ و ۱۸۷۵ سنه لرنده اجرا ایدیلان سفر برک تجربه سننده پیاده فرقه لرینک بو اصول ایله ۶-۱۱ کونده موجود سفری یه ابلاغ ایدلدکلری تبیین ایلشدی .

### صحرا قطعاتی

پیاده

روس پیاده سی ۱۸۷۶ سنه - نده ۱۰ خاصه پیاده الایی، ۱۸ غره نادیه الایی، ۱۶۴ صف پیاده الایی و ۲۸ آوجی طا بورندن عبارت ایدی . [\*]

[\*] ترکستانده بولنان درت آوجی طا بوریله اسپاده بولمقده اولان ۳۴ صف طا بوری خارجدر .  
 [\*\*] بو ایلرک موجودی - حقیقت حالده ، تشکیلات عتیقه یه تابع اولان پیاده الایرینک موجودندن دهها فضله دکلدی زیرا سفر برک جدوللری و بوجودلره نظر آفرادک قطعاته توزیعی کیفیتی اعلان حرب زماننده هنوز تبدیل و تجدید ایدلماشدی . ( روس ارکان حربیه عمومیه سنک اثری ۱ نجی جلد ۹۱ نجی صحیفه )

تشکیلات . خاصه پیاده الایلری و قاققاسیاده بولنان ۴ غره نادیه و ۲۴ صف پیاده الایی - که تشکیلات جدیده دن نصیبه دار اولمشردی - دردر بلوکلوی دردر طا بوردن مرکب اوله رق هر برینک موجود سفریسی تقریباً ۸۰ ضابط و ۴۰۰۰ نفر دن عبارت بولنیوردی .

دیگر غره نادیه الایلیله بالجه صف پیاده الایرینک هر بری ۱ آوجی و ۴ صف بلو کندن عبارت اوچر طا بور اوزرینه مرتب ایدی . اسکی اصولده تشکیل ایدلمش بر پیاده الاینک موجود سفریسی تقریباً ۷۰ ضابط و ۳۰۰۰ نفره بالغ ایدی .

آوجی طا بورلری دردر بلوکلوی اولوب تقریباً ۸۰۰ نفر موجود سفریسنده ایدیلر .

بومنتظم پیاده قطعاتندن ماعدا قوبان قازاقلری طرفندن دهها ۶ پلاستون ( آوجی ) طا بورینک تشکیلی مقرر ایدی . بوبلاستون قازاقلرینک بر نصف طا بوری ، حرکات اردو سننده استعمال ایدلمشدی .

اساحه و تجهیزات . - خاصه پیاده سی یکی بردان تفکیله آوجی طا بورلری اسکی بردان تفکیله ، بتون دیگر اور و پادار الحربنده استعمال اولنان

بیاده قطعاتی قرنقا تفنگکریله مسلح ایدیلر [\*] یکی بردان تفنگی اوزمانک ترقیاته موافق برسلاح اولوب چانی ۱۰،۶ ملیمتره ، سرعت ابتدایه سی ۴۴۲ متره ایدی . بوتفنگله شرائط عاده دااخلنده ۴۵۰ خطوه لك برساحه مکملادو کیلیوردی . منزل (۱۵۰۰) خطوه به بالغ اولیوردی . سرعت انداخت دقیقه ده ۲۰ قورشونه قدر تزیید ایدیله بیلوردی . اسکی بردان تفنگی عین اوصاف بالستیکیه پی حائزدر . بونک یکی بردان تفنگندن یکانه فرقی مقانیزه سنک صورت تربیندن عبارت درکه براز دهها از سرعت انداخت تأمین ایتمکده در قرنقا تفنگی بیوک چاپده برتفنگ ایدی . ۱۵،۲ ملیمتره چاپنده ایدی . سرعت ابتدایه سی ۳۰۵ متره اولوب مقانیزه مکملاد ایشلیدی حالده سرعت انداخت ، اعظمی اوله رق دقیقه ده ۱۲ به بالغ اولیو - ردی . بوتفنگلک الکی بیوک محذوری فشنککریک

[\*] حربک اعلائی اثناسنده بیاده تک تجدید اسلحه . سی ایچون یکی بردان تفنگندن خیلی مقدارده موجود ایدی . بوتفنگله برالای قوماندانلرینک قسم اعظمی اسکی تفنگکریک محافظه سی ایچون اصرار ایدیلر . آندن طولانی سفر ایچون یکی تفنگکریک تویزی کری قالمشدی . غره نادیه لرله ۲۴ و ۲۶ نجی پیاده فرقه لری حرب سنه سی اثناسنده یکی بردان تفنگکریله تسلیح اولمشلردی . برصورتده که اوروپا دارالمرنبده ، خاصه عساکری ایله برابر ایلکر ۲۸ پیاده آلائی یکی تفنگکریله مسلح اولدقلری حالده محاربه ایشلردی .

قوغانلری طیشاری چیقدیغی زمان صیق صیق بوزو قلقلر و قوعبولسی ایدی . روس پیاده - سی دایما سونکوی تفنگه طاقلمش اولدیغی حالده طاشورلر .

جیبخانه تجھیزاتی . هر نفر اوزرنده ۶۰ قورشون طاشیدینی کبی آلایک (آوجی طابورینک) جیبخانه عر به لرنده ده آبروجه نفر باشنه ۶۰ قورشون بولنور . آندن بشقه فرقه طیار پارقنده تفنگ باشنه ۵۲ قورشون و سیار پارقده ۱۰ قورشون بولنور .

بو حسابعه اردوده جمعا تفنگ باشنه ۱۸۲ قورشون بولنور دیمکدر .

تجهیزات سائر . قابل نقل چادر تجھیزاتی موجود ایدیسده قابل نقل ادوات استحکامیه یوقدی . بناء علیه پیاده افرادی ایچون نه کورک نه قازمه موجود دکلدی . هر بلوک باشنه بیوک آغر لقلرده ۱۰ کورک ، ۳ قازمه ، ۲۴ بالطه و ۱ مانیوله طاشنور .

تعلیم و تربیه و اصول محاربه . - ۱۸۶۶ و ۱۸۷۰ : ۷۱ سفرلری تجاربی ، عثمانلی روس سفری باشلانجه به قدر هنوز روس اردوسنده تمامیه موقع استفاده به وضع اولنمامشدی . واقعا روسلر بوتجاربه نظراً تعلیمنامه لرینی دیکشیدیرمک ایچون تجارب مذکورده دن استفاده ایتمک خصوصنده تدقیقات

اجراسنه باشلامشردی. باخصوص اسلحه نك دكيشدیرلمسی ده بونی استلزام ایدیوردی. لکن تدقیقات اجراسنه مأمور اولان قومیسونك وظائف واشتغالاتی جدی بر نتیجه یه اقراران ایتدکسزین، اعلان حربك وقوعیله برابر دوچار تعطیل اولدی. زیرا قومیسونك اکثر اعضاسی حرکات اردوسنه تعیین ایدلمشردی. بناءً علیه روس پیاده سی ۷۸ : ۷۷ حربنده اصول عتیقه یه یعنی اسلحه جدیدیه هیچ توافق ایتیمان بر تعامله نظراً محاربه ایتدی.

اینک ایچون اصل محاربه نظاملری یینه دائماً یناشیق خطوطدن عبارت قالدی. فی الحقیقه طابورلر یناشیق نظامده اولدقلری حالده آتسه داخل اولیورلردی: آنک ایچون باشلوجه نوع آتس یالیم آتشدن عبارت ایدی. لکن یالیم آتس اسکی تعلیمنامه لرینه نظراً یالکز ۳۰۰ (قرانغانفسکی) الی ۴۰۰ خطوه دن (بردان تفکیکی) اجرا ایدیله بیلوردی.


بناءً علیه پیاده صورت عمومیه ده یناشیق نظامده کی قطعات ایله بومسافه لره قدر یاقلاشمغه چالیشیوردی. آوجی خطلری، ضعیف قطعله ردن تشکیل ایدیلیور و بهری درت نوردن مرکب غروپلر اوزره ترتیب اولنیوردی. بو آوجی خطلرینک وظیفه سی منفرداً اجرا ایتدکلری چاق آتس ایله

یناشیق نظامده کی قطعاتک تقریبی آنجق تسهیل ایتمک ایدی. شو حاله نظراً آوجی خطی یناشیق نظامک یالکز بر متممی کبی اولوب یکی تعلیمنامه لرده اولدینی کبی پیاده نك اصل واسطهً محاربه سی اولق اعتباریله آتس محاربه سنی باشلواشنه اجرا و اداره ایتمیوردی. اوزمانلر آوجی خطی، روس اردوسنده پیاده صنفک اساس محاربه نظامی اولق کبی بر اهمیتی اصلاً حائز دکل ایدی.

پیاده نك علی العاده محاربه نظاملری ایکی طابور خطی (قدمه لر) ایله احتیاطدن عبارت ایدی. برنجی خطده کی طابورلر آوجی خطی ایله بونک کبروسندن تعقیب ایدن بلوک خطلرینه انقسام ایدر ایدی. آوجی خطنک تشکیلی ایچون بالترجیح بهری بش بلوکن مرکب اولان طابورلرک آوجی بلوکلری استعمال اونوردی. ایشته بو نظامده بولندینی حالده، آوجی زنجیرینک آتشنک حمایه سی آتنده ایلرویه کیدیلیوردی. نتیجهً قطعیه؛ یناشیق نظامده کی طابورلر ۳۰۰ خطویه قدر یاقلاشنجه اجرا ایده. چکلری یالیم آتسه و سونکو هجومیله تأمین ایدلمکه چالیشیوردی.

روسیه نك قرانغانفسکرینک قسم اعظمی آنجق (۶۰۰) خطوه دن اعتباراً قابل استفاده بولندقلرندن، ده اوزون متزلی تفسکرک جمعیتله اجرا ایده چکلری بر آتس





قونقورتی

بارون روت  
جنرال ایفانتیف

(ترسابه قونقرانس اعضا لاری)

قونقور غوان  
لورد سالیسبوری

قونقور شوروی  
صفوت پاشا

سیر هاری هلیوت

قارشوسنده بو یولده بر ایلو حرکتک نه صورتله اجرا ایدیله چکی جای ملاحظه در . بو صیقیشیق نظامدن ، تفنکرك ساحه تأثیری آز و اراضیدن استفاده ایتک قابلیتک دخی جزئی اولمسندن ، والحاصل روس مادون قوماندانلرنده صلاحیت واستقلال حرکت خاصه سنک دخی کذلک جزئی بولمسنندن ناشی اکثریا اوقدر ضایعات وتلفاتی موجب اولان جبهه هجوملری تولد ایدیوردی .

۱۸۷۶ سنه سنده روس اردوسنده اجرا ایدیلان مانوره لرده حاضر بولنان برفرانسز ضابطی محاربه نك شکل وماهیتنی شو صورتله تصویر ایتشدی :

یایله باشلار . الك اول غایت سیرک براوجی خطی یاییلی . بو اوجی خطنی غایت یقیندن یناشیق قطعه لر تعقیب ایدر ، بو قطعه لرک کنیشلکی ، نظردها اوزاقلره توجه ایتدیجه ، دهازیاده لشور .

« الك اول سواری وتدلری و کشفلری کوریلور . بوللری اولدقجه یقین مسافه دن صورت عمومیه ده یارم طاقم قوتنده ، طوبلو قطعات تعقیب ایدر . ۴۰۰ : ۵۰۰ خطوه کیریدن قول نظامنده سواری بلوکاری کلیر .

پیاده بو صورتله آوجیلرک ارقه سنده ، بر دیوارکی ، بر برینه یقین درت ویابش صره اوزره ایرولیه رک سیاه خطلر عرض ایدر . بولنرک ارئه ایلدکاری هدف جسم در . نهایت قدر ، اودرجه بر برینه یقین بولنورلرکه حقیقت حاله جمله سی کیف بر آتسه معروض ویالکز ( ۳۰۰ : ۴۰۰ ) متره درینلکی حاوی برنک خط ، بر کتله شکانی اکتساب ایدر .

بوسواریلر ، دشمن سواریسنی اشغال ایدلش برکویک آتشی آتته کتیره رک صکره اوزرینه هجوم ایتکه چالیشورلر . سواری پیاده نك یاییلنه اساس اولوق اوزره مهم نقطه لری اشغال ایدر و پیاده یه انتظار ایلر . بر آز صکره منفرد سواریلر کورینور . بولنر بطریقه قوماندانلری اولوب اقلرنده هر بر

دشمن ( ۴۰۰ : ۵۰۰ ) متره یه یاقلاشنجه ، آوجیلر ، متعاقب صچرامه لرله ایلرولرلر . هر بر صچرامه نك طولی ( ۱۰۰ : ۱۵۰ ) خطوه قدر اولوب ، عین زمانده اوزون

خطارله، صورت عمومیه ده بتون برطابور  
جبهه سیله اجرا ایدیلور .

اکثریا طوبجی قیصه مسافه دن اجرای  
تأثیر ایتمک ایچون ایلر و کیدر. دشمندن  
۲۰۰ خطوه مسافه ده آوجی خطی ،  
یناشیق نظامده کی ایلك طاقارله تقویه  
اولنور. بونلر یایلم آتش یاپارلر، دیکر لری  
یوروشلرینه دوام ایدر . کیریده کی قطع لر  
( ۱۰۰ ویا ۲۰۰ ) خطویه کلنجه ، هجوم  
بورسی چالنور. آرق آتش کاملاً کسیدیلور  
( ۵۰ ) خطوده هجوم صیحه لر یایله هجومه  
قالقیلور .

صحرا استحکامات ک قیمتی ، طرز  
تأسیس و استفاده سی خصوصنده روس بیاده-  
سنگ قسم اعظمی کافی درجه ده معلوماتی  
حائر دکل ایدیلور .

سواری

تشکیلات — روس سواریسی منتظم  
سواری ایلمه قازاق تشکیلاتندن مرکبدر .  
منتظم سواری رینگ قوتی شیدن عبارت ایدی:

- ۱. خاصه زرهلای ایلی ؛
- ۲. خاصه دراغون ایلی ؛
- ۳. خاصه هوسار ایلی ،
- ۴. خاصه اوهلان ایلی ،
- ۱۴. صف دراغون ایلی ،
- ۱۴. صف اوهلان ایلی ،

۱۴ صف هوسار ایلی ،  
۴ قافقاس دراغون ایلی .  
هر منتظم سواری آلی درت بلوکن  
متشکل ایدی .

برسواری بلوکنک موجود شهرسی  
تقریباً ۱۵۰ آتلی اولدیغندن بوحسابجه برسواری  
آلینک، موجود سفرسی تقریباً ( ۶۰۰ )  
آتلیدیر .

مختلف قازاقلردن زیرده یالکز آوروپا  
دارالحربنه عا داولان قازاقلردن کرایدلمشدر .

مختلط خاصه قازاق آلی : سفر برک  
اشاننده بهری ۴ بلوکلای ایکی خاصه قازاق  
ایلی ایله مستقل خاصه اورال قازاق بلوکنه  
تحول ایده جکدر .

دون قازاقلری : جمعاً ۶۰ آلی یعنی  
۳۳ آلی اوچ بلوکن عبارت اولمق اوزره  
۱ ، ۲ ، ۳ نجی صنفلرک بهرندن ۲۰ آلی  
قوتنده در .

اورال قازاقلری : خاصه سواری  
بلوکلایه برابر بهری ۶ بلوکن ۹ آلی  
تشکیل ایده بیلور .

قافقاسیاده قوبان قازاقلری ۳۰ ، ترهک  
قازاقلری ۱۵ آلی ( هر بری ۶ بلوک )  
سفر بر ایده بیلور .  
بربلوکل قوتی منتظم برسواری بلوکنک  
قوتنه همان مساویدر .

اوله رق آتش محاربه سنده اولدجه تعلیم و تربیه کورم شدی. یا یا جنک ده و ایلو قره غول خدماننده سوارینک ملکه و مهارتی حائر اولسنه بالخاصه عطف اهمیت ایدلمشدر. بوکا مقابل کشف خدمتنه لایق درجه ده اعنا ایدلمه مش اولدیغندن روس سوارینسک استکشافی خدماننده بونقصانک خیلی تأثیری کورلمشدر.

### صحرا طوپچیسی

صحرا طوپچیسی پیاده و سواری طو -  
چیسندن مرکبدر.

پیاده طوپچیسی بهری ۸ طوپلو ۶  
بطریه دن مرکب ۴۸ طوپچی لواسنه [۱]

منقسم ایدی .  
سفر برلک ائناسنده بوندن بشقه سکرز  
طوپلی ۲ جبل بطریه سی یکیدن تشکیل  
ایدلی .

سواری طوپچیسی ۲۶ منتظم سواری  
بطریه سی [۲] هر بری ۶ طوپلو [۳] ۲۱  
قازاق بطریه سی [۴] قوتنده ایدی .

[۱] ۴ خاصه طوپچی لواسی ده داخل

[۲] ۵ خاصه بطریه سی داخل

[۳] تره ک ، قوبان و ماورای بايقال ، قازاق  
بطریه لری (جمعا ۹ بطاریه) بهری سکرز طو بدن  
عبارت ایدی .

(۴) پومیانده ۱ خاصه بطریه سی داخل .

اسلحه و تجهیزات - خاصه دراغونلری  
سونکولی بزدان دراغون تفنگلریله ، صف  
دراغونلری کذلک سونکولی اولمق اوزره  
قرانقا دراغون تفنگلریله مسلحدرلر .

اوهلانلر و هوسارلر : ۱ نجی صره  
مزرقات ایله ، ایکنجی صره بردان فلنطه لر به  
مجهزدر .

قازاقلر سونکوسوز بردان تفنگلریله  
و مزرقاتله مجهزدر .

هر سواری نفرینک بوندن باشقه برده  
قیلچی واردر .

جیخانجه تجهیزاتی . هر بردراغون و قازاق  
نفسکی ایچون ۴۰ فشنگ ، هر بر فلنطه  
ایچون ۲۰ فشنگ آتلینک یاننده بولنور .

هر بردراغون (قازاق) آلاینک تفنگ  
باشنه ۴۰ فشنگی حامل ایکی جیخانجه عربه سی  
اولوب دیگر سواری آلایلری ده تفنگ باشنه  
۲۰ فشنگ اصابت ایدن بر جیخانجه عربه سی  
نقل ایدرلر .

تجهیزات سائره - بلوک باشنه نظاماً  
جیخانجه عربه لر بنده طاشنان ۸ کورک و افراد  
اوزرنده طاشنان ۸ ال بالطه سی واردر .

هر بر سواری بلوکنک ، آتلیلر اوزرنده  
بولنمق اوزره ۴۸ دینامیت فشنگی واردر .

تعلیم و تربیه - روس سوارچیسی کرک  
بارکیپر اوزرنده پناشقی نظامده ، کرک یا یا

کله‌لی دانه [۷] و پشرو واردی .  
طاپه‌لره کنجه ؛ مصادمه و تانیه‌لی طاپه‌لر  
واردی .

۱۸۷۶ سنه‌سندده اشبو جیخانده ساده -  
لشدیرلدی . یالکیز اوچ نوع مریمی استعمال  
ایدلمسی یعنی مصادمه طاپه‌سیله دانه ، تانیه‌لی  
طاپه‌ ايله شرابنل و پشرو استعمالی تقرر  
ایتدی . بونکله برابرائتای - سفرده بطاریه‌لرک  
قسم اکثرندن یینه‌اسکی جیخانده ايله یعنی دانه  
یرینه ( کله‌لی دانه ) و شرابنل یرینه  
( پشرو دانه‌سی ) استعمال اولمشدر .

بو پشرو دانه‌لرینک قسم اعظمی یالکیز  
مصادمه طپه‌سیله مجهز ایدی .

موجود اولان تانیه‌لی طاپه‌لر ایسه  
مدت احتراقی پک جزوی اولدیغندن یالکیز  
قیصه مسافه‌لرده استعمال اولنه بیلوردی .

مصادمه‌لی طاپه‌لره مجهز اولان دانه‌لرک  
تأثیری دیوارلره و مبانی‌یه قارشو ایواولدیغینی  
حاله‌طو پراقندن استحکاملره قارشو ، پاره‌لامه  
حقتک آرنلی حسینیله هان معدوم ایدی .

[۷] بونلر اولجرینه ررکله ربط ایدلمش  
اولان دانه‌لرکله بکی پاره‌لامه تأثیراتیه‌اسکی  
مؤثریقوشت انداختنی مزج و توحید ایتمک امیدیه  
اعمال ایدلمشدی . لکن بومقده حاصل اولدیغندن  
۱۸۷۶ سنه‌سندده کله‌لری قالدیره‌رق عادی دانه  
کمی استعمال ایدلمسی امر اولدی .

هر برطولیجی لوانسنگ اوچ بطاریه‌سی  
طقوز فوندلق ( ۱۰,۶۷ سانتیمتره ) دیکر  
اوچ بطاریه‌سی درت فوندلق ( ۸,۶۸  
سانتیمتره ) [۵] سواری بطاریه‌لری درت  
فوندلق ، جبل بطاریه‌لری اوچ فوندلق  
( ۷,۶۲ سانتیمتره ) طوینج قویروقدن طولار  
طوپرله مجهز ایدیلر .

تکمیل بو طوپرلرک باروت حق‌لری  
جزوی اولوب آنک ایچون سرعت ابتدائیه‌لری -  
ده آز ایدی ( ۲۸۸ - ۳۲۰ متره ) . منزل  
اعظمی طقوز فوندلقلرده ( ۳۲۰۰ متره ،  
درت فوندلقلرده ۲۵۶۰ متره ، اوچ فوند-  
لقلرده یالکیز ( ۱۵۰۰ ) متره دن عبارت ایدی .

طویجی جیخانده‌سی خصوصندده روس  
اردوسی اعلان حرب ائناسنده غیر مساعد  
بردره انتقلاده بولنیوردی . اک مختلف  
جنس میناندن برچوق مقداردن واردی :  
دانه ، پشرو دانه‌سی [۶] ، حریق دانه‌لری ،

[۵] خاصه طویجی لوالری سفره کیتزدن  
اول ( ۴-۶ ) نومرولو بطاریه‌لرینه‌ده طقوز  
فوندلق طوپرلر ویرلمشدی .

[۶] بونلر برنوع دانه‌لر درکه قورشون  
وباره‌ل باروتی بربرندن تفریق ایدلیه‌رک عین  
بوشلق ایچینه موضوع بولمشدر . بالآخره قورشو-  
نلره پاره‌لامه باروتی تفریق ایدلیه‌رک بونلره ( شرابنل )  
تسمیه اولمشدر .

بودانه لرك عسكروه قارشو تاثيرينه كلنجه، پاره لاندق دن صكره حاصل اولان پارچه لرك عددی بك آز (طقوز فوندلق ده اعظمی ۳۰، درت فوندلق ده ۲۰) اولدیغندن و پارالان دانه لرك عمقاً اولان تاثيراتنك شایان حیرت بردرجه ده قیل بولمنسندن (۴ - ۱۳ متره) طولای اصلا اهمیتلی دكلدر. آچیقده یناشیق نظامده بولان قطعه لره قارشو ۲۰۰۰ متره (طقوز فوندلق) ویا ۱۵۰۰ متره (درت فوندلق) مسافه یه قدر تاثير كوزلدی. لکن یره یاتان هدف لره قارشو، آوجی خطرینه قارشو، مستوراً طوران هدف لره قارشو و صورت عمومیه ده دها یوكسك مسافات دن تاثير بك آزایدی. تنظیم انداخت ده اختیار ایدیله جك اك اوفق خطا، عمقاً اولان تاثيرك آزلغندن ناشی، طوبجی آتشی بسبتون تاثيرسز قیلوردی.

كله لی دانه لرك تاثيراتی دها جزئی ایدی. پشرو دانه لری، پاره لاندق لری زمان حاصل اولان مؤثر پارچه لرك و حاوی اولدق لری قورشونلرك عددی چوق - ۲۲۰ طقوز فوندلق لرده، ۱۱۸ درت فوندلق لرده - و عمقاً اولان تاثيراتنك دخی بالنسبه زیاده اولسی حسبیله (۱۷۰ متره)، مهم برتاثيری حائز ایدیلر. غیر مستور و یا خود قسماً مستور عسا كره قارشو بو تاثير بك ایوایدی. طوپراق استحکاملردر و ننده پیاده قدمه سنده او طوران

عسا كره قارشو بیله بومر میلرك تاثيری، فقط بالخاصه یان آتشی اجرا ایدلدیكى زمان، شایان ممنونیت بردرجه ده ایدی. لکن تانیه لی طابه لرك نواقصی حسبیله بومؤثر مرمیلرك ساحه استعمالی یالکز (۱۹۲۰) متره داخلنه انحصار ایدیوردی.

پشرو لرك تاثيری (۴۳۰) متره یه قدر ایدی.

جیخاننه تجهیزاتی. بطریه لرك جیخاننه آرابه لری ایکی درلو ایدی: یایکی تشکیل اولسان درت تکرلکلی جیخاننه آرابه لری (قباقلی اصولی) و یا خود اسکی اصوله کی ایکی تکرلکلی جیخاننه آرابه لری. حربه اشتراك ایدن بطاریه لرك قسم اکثری هنوز اسکی اصوله کی آرابه لره مجهز ایدی.

هر طقوز فوندلق بطاریه نك، بهری ۳۶ مرمی بی حامل ۲۴ ایکی تکرلکلی جیخاننه آرابه سی واردی. مجموع مرمی مقداری (قباقیلر و جیخاننه آرابه لری) بطریه باشنه ۱۰۰۴ آتیم (۴۶۸ دانه و یا خود کله لی دانه، ۴۶۲ شرابنل و یا پشرو دانه سی و ۷۴ پشرو) یعنی طوپ باشنه  $\frac{1}{4}$  ۱۲۵ آتیم (و یا خود ۱۲) درت تکرلکلی آرابه ایچنده ۱۰۴۲ مرمی) دن عبارت ایدی.

درت فوندلق هر بر بطاریه نك بهری ۵۶ مرمی بی حامل ۱۶ ایکی تکرلکلی جیخاننه حربه سی واردی. مجموع مرمی مقداری بطریه

- ۶ کوپریجی نصف طاہوری [۲]  
 ۶ صحرا تلغراف پارقی  
 ۲ صحرا مہندسی پارقی  
 ۲ محاصرہ مہندسی پارقی  
 ۱۸۷۶ کانون اولندہ ۱ نجی شمندوفر  
 طاہوری تشکیل ایدیلہ رک ۳ نجی قازمہ جی  
 لواسنہ الحاق ایدلدی [۳]  
 ہر قازمہ جی طاہوری وشمندوفر  
 طاہوری دردر بلو کدن متشکل ایدی .  
 کوپریجی نصف طاہورلرینک بہری ایکیشہ  
 بلو کہ منقسم اولوب ہربری درت قسمہ  
 اریلہ بیلان کوپریجی طاقی ایلہ مجہز بولنیوردی  
 بو کوپریجی طاقی ہر صنفک مرورینہ  
 مساعد (۲۷۳ - ۲۸۴) مترہ طولندہ بر  
 کوپری تاسیسنہ کافی مالزمہ بی حاویدر ،

### بیوک جزؤ تاملر

- لوالر — ایکی آلائی برلوانشکیل ایدر .  
 آنک ایچون آروپا دارالحربندہ خاصہ پیادہ  
 لوالری ۸ ، بتون دیکر پیادہ لوالری ۶  
 طاہورلہ محاربہ یہ داخل اولدیلر .  
 ایکی آوجی طاہوری بر آوجی لواسی  
 تشکیل ایدر . آروپا وقافقاسیادہ جمعیگون  
 ۷ آوجی لواسی متشکل ایدی .

- [۲] ۱۸۷۷ سنہ سندہ کوپریجی نصف  
 طاہورلرینہ کوپریجی طاہورلری تسمیہ اولنشدر .  
 [۳] ۱۸۷۷ سنہ سندہ دہا ایکی شمندوفر  
 طاہوری تشکیل ایدلدی .

باشنہ ۱۰۹۶ مرمی (۵۱۲ دانہ ویا کھلی دانہ ،  
 ۵۱۲ شراپنل ویا پشرو دانہ سی و ۷۲ پشرو )  
 یعنی طوب باشنہ ۱۳۷ مرمی ( ویا خود ۸  
 درت تکر لکلی عربہ ایچندہ ۱۲۶۸ مرمی )  
 دن عبارتدر .

تجهيزات سائرہ . ادوات تحکیمیہ نامنہ  
 بطریہ باشنہ ؛ ۱۶ بالطہ ، ۱۶ کورک ، ۸  
 بل ، ۸ قازمہ ۲ مانولہ دن عبارتدر .

تعلیم و تربیہ . روس طوپچیسنک تعلیم  
 و تربیہ سی درجہ کفایہ دہ دکلدی . انک ایچون  
 انداخت خصوصندہ ، علی الخصوص اوزون  
 مسافات دن و مشکل هدفلرہ قارشو ( ایوتستر  
 ایتمش عسا کرہ ، طوپراق استحکاماتہ قارشو )  
 تنظیم انداخت خصوصندہ مہارتی یوقدی .  
 مانورہ لر اٹانسنده طوپچی صنفک پیادہ  
 صنفی ایلہ بر آرادہ تطبیقات اجرا ایتسی  
 پک نادرا واقع اولمشدی . انک ایچون محاربہ  
 میدانلرندہ بوایکی صنفک بربریلہ توحید  
 و تشریک حرکت ایللری لزومنی اکثریا  
 نہ پیادہ و طوپچی قوماندانلری ونہدہ بیوک  
 قوماندانلر تقدیر ایتماشلردر .

### فنی قطعات

فنی قطعات شونلر دن عبارت ایدی :

#### ۱۵ قازمہ جی طاہوری [۱]

[۱] بومیانده ۱ خاصہ ، ۱ غرہ نادیه قازمہ جی  
 طاہوری و ۳ قانفاسی قازمہ جی طاہوری واردر .

دبکر فرقه لک هر بری ۱۲ طابور ۴۸  
 طوپدن عبارت ایدیلر .  
 ۱۸۷۶ سنه سنده شو قدر پیاده فرقه سی  
 موجود ایدی :

}	۳ خاصه پیاده فرقه سی
	۴ غره نادیه »
	۴۱ صف پیاده »

۴۸ پیاده فرقه سی

فنی صنوف و قطععات مختلف قوت و  
 ترکیده تازمه جی لواسی تشکیل ایتشدی . [۱]  
 هر قازمه جی لواسی ۳ قازمه جی طابور یله ۲  
 صحرا نلغراف پارندن مرکب ایدی . ۲ ،  
 ۳ و ۴ نجی لوارک آیروجه هرینک ۲  
 کورنجی طابوری واردی .  
 محاصره مهندس پارقی ۳ ، ۲ نجی .  
 صحرا مهندس پارقی ۳ ، ۴ نجی قازمه جی  
 لوارینه ماحق ایدی .



انکاتره سفیری سیرالیوت

سواری فرقه لری ، منتظم سواری و  
 برنجی صنفه منسوب ۱۸ دون قازاق آلابی  
 ۱۸۷۶ سنه سنده ترکیاتی مختلف ۱۸ سواری  
 فرقه سی تشکیل ایدیوردی که شونلردر :

سواری لوارینک ترکیاتی سواری  
 فرقه لری بخشده ذکر ایدلمشدر .  
 پیاده فرقه لری - ایکی لوار پیاده فرقه سی  
 تشکیل ایدر . هر پیاده فرقه سنه ده حاضر دن  
 برطوپچی لواسی الحاق ایدلمشدر .  
 پیاده فرقه لری سواری ؛ نسیقاته موافق  
 بر صورتده الحاق و ترفیق ایدلمه مشدر که الان  
 بیله بوصورتله حرکت ایدلمکده در . فرقه  
 سواری سی خدمتده اوله زق ۲ نجی و ۳ نجی  
 صنف دون قازاق آلابری استخدام ایدیله -  
 جکدی . مع هذا بو قرار ۷۸ : ۱۸۷۷  
 حربی ائناسنده اجرا ایدلمه مشدر .

انکچون آروپا دار الحربنده استعمال  
 اولنان پیاده فرقه لری ، مختلف قوتده ایدیلر ؛  
 ۳ خاصه پیاده فرقه سنک هر بری ۱۶  
 طابور ، ۴۸ طوپ قوتنده اولدقلری حالده  
 [۱] ه قازمه جی لواسی قافقا - پیاده ایدی .



هرسواری فرقه‌سی نزدنده ۲ ، خاصه  
سواری فرقه‌سی ودون قازاق فرقه‌سی ياننده  
۳ سواری بطربه‌سی واردی .

قول اردو : ۱۸۷۶ سنه‌سی نهايتنده کی  
سفر برك هنكامنده قول اردو جزوتامی  
ياكز خاصه قطعاننده موجود ایدی . قطعات



لورد بیقونسفیلد

مذکورہ ہیئت مجموعہ سیلہ پک قوتلی برخاصه  
قول اردوسی تشکیل ایدیسوردی . بوقول  
اردو بوصورتله ۴۸ پیاده ، ۴ آوجی طاہوری  
۱۱ قازمہ جی طاہوری ۴۵ سواری بلوکی  
۱۷۴ طوپ قوتنده ایدی .

۴ خاصه زرہلی آلایندن مرکب ۲  
زرہلی لوادن متشکل ۱ نجی خاصه سواری  
فرقه‌سی = ۱۸ بلوک .

بہری ۴ بلوکی ۲ آلایدن مرکب ۳  
سواری آلایندن (خاصه دراغونلری ، خاصه  
اوهلانلری و خاصه هوسارلری ) ودرت  
بلوکی خاصه قازاق آلایندن مرکب ۲ نجی  
خاصه سواری فرقه‌سی ( جمعاً ۲۸ بلوک ) [۱]  
بہری ۲ لوادن مرکب ۱۴ صف سواری  
فرقه‌سی . ہر فرقه‌نک ۱ نجی لوامی ۱ صف  
دراغون ، ۱ صف اوهلان آلایندن تشکیل  
ایدیلوب ۸ سواری بلوکی قوتنده ایدی .

۲ نجی لوا ۱ صف هوسار آلابی و برنجی  
صنفدن ۱ دون قازاق آلایندن متشکل اولوب  
۱۰ بلوکن عبارت ایدی . شو حسابجه  
فرقه‌لرک بہری جمعاً ۱۶ بلوک ایدی .

دون قازاق فرقه‌سی برنجی صنفدن  
۴ دون قازاق آلایندن یعنی ۲۴ بلوکن  
عبارت ایدی . [۲]

[۱] سفر برك حالنده ، بالادہ مذکور  
اولدینی اووزرہ ، خاصه قزاق آلایندن ۲ نجی  
صنف افرادک جلیلہ دردر بلوکی ۲ خاصه  
قازاق آلابی تشکیل ایدیلہ چکی کی ۲ نجی خاصه  
سواری فرقه‌سندن دخی ۲ و ۳ نجی خاصه سواری  
فرقه‌لوی ( بہری ۱۶ بلوکی ) تشکیل اولنہ بقدر .  
[۲] ۱۸۷۶ سنہ‌سندنہ کی سفر برك هنكامنده  
۲ ( ترہک ) و ۱ قوبان قازاق آلایندن مختلط  
قافقاس سواری فرقه‌سی تشکیل ایدیلہرک حرکات  
اردوستنہ الحاق ایدیلشدی .

قطعات سائرہ ایچون انجق سفر براك  
مناسبتیله قول اردو تشکیلاتی اجرا اولنمشدی .  
هر بر قول اردو ۲ پیاده و ۱ سواری  
فرقه سندن تشکیل ایدلدی . روس قول  
اردولرینک تشکیلاتنده جالب دقت برجهت  
واردرکه اوده فرقه سوارینسک و قول اردو  
طوبیجینسک بولنامسی و سواری فرقه لرینک  
ظوغریدن طوغری به قول اردو به الحاق  
ایدلنسی در . عین حال ، عین خاصیت  
بوکون بیله روس اردوسنده مشهود بولنیور .  
بو قول اردو تشکیلاتنه دائر بعض تفصیلات  
ویرمک فائده لی عدا ایدلمشدر . معلوم اولدینی  
اوزره ایلمک قول اردولر برنجی ناپولئون  
طرفندن ۱۸۰۰ سنه سنده فرانسه ده فقط  
یالکزر حرب زماننه مخصوص اولوق اوزره  
تشکیل ایدلمشدی . تمامیله سوق الجیش  
منصدینه مستند اولان بوتشکیلاتک دائمی  
و متجانس برشکل یوقدی .  
برنجی ایمر اطورلق اسفارندن برو ،  
بتون اوروپا اردولری ، سفر زماننده قول  
اردو حالنده تشکیل ایدلیله . یالکزر روسیه  
وروسیه بوتشکیلاتی وقت حضر دده محافظه  
ایتمشدی . روس اردوسنده ، قول اردو  
تشکیلاتی ۱۸۱۱ سنه سنده قبول ایدیلهرک  
۱۸۶۴ سنه سنه قدر ابقا ایدلدی . اوزماندنبرو  
وقت حضر دده قول اردو تشکیلاتی محافظه  
ایتمکدن صرف نظر ایدیلهرک حضر دده اک بیوک

تعییه جزو نامی پیاده و سواری فرقه لرندن  
عبارت قالای .

حالبوکه روسیه ده موظف اردونک بتون  
ملنک حرب قادروسی تشکیل ایده چکی قاعده  
اساسیه سی نظر دفته آله رقی قول اردولر بوم مقصد  
موافق صورتده تشکیل ایدلمشدر . یعنی  
پروسیا مملکتی ، هربری بر قول اردو به تقابل  
ایتمک اوزره بر طاقم دوازه تقسیم ایدلمش  
ایدی . روسیه عین زمانده ایکی مهم مقصد  
استحصال ایتمشدی ؛ برجهتدن بو صورتله  
قطعات عسکریه ایله اردونک اساسلرینی  
تشکیل ایدن عناصر مملکت آراسنده بر رابطه  
قویه تأمین ایدیور ، دیگر جهتدن یان یانه  
مچار به ایده چک اولان صنوف مختلفه قطعاتی  
بربرینه ربط ایدرک بونلرله ، انلری دشمن  
قارشوسنده سوق و اداره ایتمک مأمور  
قوماندانلر آراسنده روابطه قویه معنویه  
حاصل ایلوردی . الحاصل بو صورت  
تشکیلات اردونک سفر برحاله وضع اولنمشنی  
تسهیل و موظف اردو ایله احتیاط عساکرینک  
بربریه امتزاج صمیمیسنی احضار ایلوردی .  
روسیه ده بوملاحظات تقدیر ایدلیهرک  
ملاحظات سائر به تبعیت ایدلمش ، انک ایچون  
حضر زمانی قول اردو تشکیلاتی قبول  
ایدلمه مشدی .

وایکنجی درجه ده کی وظائفی درعهده ایتمک  
صورتیله صحرا اردوسنک خدماتی تخفیف  
ایتمک وظیفه سیله مکلف ایدی .

دوتما

روسیه نك قره دکزده هیج دونماسی  
یوقدی . ایکی آویزو ایله یالکز ساج ساحل  
بطاریه سی کی استعمال اولنه بیلان ایکی  
کار قدیم زرهلی قره دکزده روسیه نك  
تکمیل هیئت سفاننی تشکیل ایلمکده ایدی .

اعلان حرب تقرب ایدنجه ، طورپیدی  
خدمتنده قابل استخدام اولان وقولایجه  
سوق و نقل ایدیله بیلان بالطق دکزنده کی  
سفانن صغیره نك کافه سی بحر-یاه سواحلنه  
نقل ایلمشدی .

بو صورتله وجوده کتیر بلان ۲۴  
کمدن (۱۰) ی طونده متباقیسی قره دکز  
ساحلارنده بر جای استعمال بولمشلردر .

منزل و محافظ عساکری


صحرا اردوسی ایچون تخصیص ایدیلان  
سالف الذکر قطعاندن بشقه اعلان حرب  
زمانی مقاصد مخصوصه ایچون بوجه آنی  
صنوف قطعات واردی :

(۱) قلعه عساکری . پیاده و طوپچی  
صنفلرینی شامل اوله رق قلاع واستحکاماتک  
محافظلرینی تشکیل ایتمک ایچون استعمال  
اولنه جقلردی . قلعه طوپچیسی بوندن باشقه  
محاصره طوپچیسی ایچون نومرونفراتی اعطا  
ایلیه جکدی .

(۲) اجمال قطعاتی . پیاده ، آوجی ،  
سواری ، طوپچی وقازمه جی صنوفی ایچون  
آیری آیری اجمال قطعاتی واردر .

(۳) محلی عساکر . غارنیزون خدمتی  
ایفایه مأمور ایدیلمر .

(۴) احتیاط قطعاتی . پیاده ، طوپچی  
ومهندس قطعاندن مرکب اولان احتیاط  
عساکری صحرا اردوسنی تقویه ایتمک



عثمانی قوه عسکریه سی

نظر دن تشکیلات حضر به اجمالاً ذکر و اتیان  
ایدلک فائده لی عدایدلشدر .

عثمانی اردوسی (۱۲۸۵) سنه سنده  
تنظیم ایدیلان بر لایحه موجبجه یکیدن تشکیل  
ایدلشیدی . بویکی تشکیلات ۱۲۹۴ سنه سی  
ختامنده قرین کمال اوله جقدی .

مکلفیت عسکریه یالکز اهالی اسلاویه  
منحصر اولق اوزره ۲۰ یاشندن ۴۰ یاشنه  
قدر دوام و عنوف آتیه به انقسام ایدیوردی :

۴ سنه نظامیه

۲ سنه احتیاط

۳/ سنه برنجی صف ردیف

۶ سنه ردیف | ۳/ سنه ایکنجی صف ردیف

۸ سنه مستحفظده .

بوندن باشقه کوکلی افرادندن مرکب  
اوله رق معاونه طابورلری ده تشکیل ایدلشدی .  
بوندرده ایکی قسم اوله رق بعضیسی بلا تفریق  
جنس هر طرفدن کوکلی اوله رق کلان  
افراددن ، بعضیسی ده منحصر آ معین بر مملکت  
اهالیسندن مرکب ایدی .

تشکیلات مذکوریه نظراً (۱۲۸۸)

سنه سندن اعتباراً ( ۴۶۰,۰۰۰ ) ،

(۱۲۹۴) سنه سندن اعتباراً ( ۷۸۰,۰۰۰ )

عسکر بر حرب وقوعنده ال آتنده بولنه .  
جقدی .

وثائق و معلومات رسمیة مکمله نك فقدا .  
ننه منی اشبو حریده حاضر بولنان عثمانلی قوای  
عسکریه سنک . قدارینی صورت قطعیه ده  
تعیین ایتک شمیدیکی حالده غیر ممکن اولدینی  
کبی هر زمانده غیر ممکن اوله جقدر .

اوزمانلر همان تکمیل حضر جزو ناملری  
پارچه لاش ، هر طرفده بر عصیان و یا بر  
مخاربه ظهور ایلکده اولدیغندن قطعاً  
عسکریه هیچ بر ارتباط کوزه تلیه رک احتیاط  
جات و ایجابات احواله کوره ممالک وسیع  
عثمانیه نك مختلف نقطه لرینه سوق ایدلش ،  
بو صورتله نظامیه ردیف و مستحفظ صنفلری  
قطعاتی کبی بر صورتده مزج و توحید اولمش  
اولدینی کبی آیلردن بری دوام ایدن مخاربات  
حسیله قطعانک موجود و ترکیبده پک بیوک  
تبدل و تخالف حاصل اولمش اولدیجه  
اوزمانکی عثمانلی اردوسنک تشکیلات  
حضریه سنه استناداً بیله ، مختلف اردو  
اقسامنک هنگام حریده کی قوت و تشکیلاتی  
حقنده بر نتیجه سالمه استخراج ایدیله ماز .

مع هذا قوه حضریه ، عثمانلی اردو -  
سنک اوزمانکی قوه مقاومتنک ماهیتنی تعیین  
ایچون هر حالده بر معیار اولدیغندن بو نقطه

عساكر غير منتظمه : يوقا ريده ذكر ايتديكمز  
كبي ممالك عثمانيه نك هر طرفندن سوق حيت  
ايله وطنه اي فاي خدمت ايجون كلن عساكر  
معاونه دن عبارتدر .

ضبطيه ( ژاندارمه ) ٤٠٨ پياده ، ٢١٦ آتلي  
ژاندارمه بلوكي  
جمعاً يگون ١٢٩٢ سنه سنده شو قدر قطعه  
تشكيل اندلشدی :

نظاميه : ١٨٠ طابور ، ١٤٧ سواری  
بلوکی ، ١٠٣ بطاريه  
ردیف : ٢٠٦ طابور پياده  
جمعاً ٣٨٦ پياده طابوری ، ١٤٧  
سواری بلوکی ، ١٠٣ بطريه .

هر پياده طابورينك موجود سفریسی  
نظاماً ٨٢٧ نفر ( ٧٧٣ تفنك ) ؛ هر بر سواری  
بلوكنك ١٥٥ نفر ( ١٤٩ قلیچ ) ایدی ؛  
هر بطاريه آتلي طوپدن عبارت ایدی .

بوموجودلره نظراً دولت عثمانيه من ١٢٩٢  
سنه سنده ، يکيدن وقوعبولان تشکيلات  
داخل حساب اولمديني حالده شو مقدار دن  
عبارت ایدی :

نظاميه ١٣٩,٠٠٠ تفنك ٢٠,٠٠٠ قلیچ ٦١٨ طوپ  
ردیف ١٦٠,٠٠٠ »  
جمعاً ٢٩٩,٠٠٠ تفنك ٢٠,٠٠٠ قلیچ ٦١٨ طوپ

تنسيقانه نظراً تشکيلي مقرر اولان قطعات  
کاملأ تشکيل ايدلديكي تقديرده قوه حربيه  
شوکا بالغ اوله جقدی :

١٢٩٢ سنه سنده تشکيل ايدلمش بولان  
قطعات عسکر به نك صنف ومقداری آتیده  
کوسترلمشدر [ ١ ] :

نظاميه : ٨ بھری ٨ بلوکی اوچر  
١٨٠ پياده }  
طابور دن ٤٥ پياده آتلي ؛  
طابوری }  
٨ بلوکی ٤٣ نشانچی طابوری  
مستقل ٢ پياده طابوری .

١٤٧ }  
سواری }  
بلوکی }  
آلتيشر : وکی ٢٣ سواری  
آتلي ؛  
بش بلوکی ١ چرکس آتلي ؛  
درت بلوکی ١ چرکس آتلي ؛

١٠٣ }  
بطاريه }  
آلتيشر طوپلي ٩١ بطاريه دن  
عبارت ٧ صحرا طوپچی آتلي ؛  
آلتيشر طوپلي ١٢ بطاريه دن  
عبارت ١ احتياط طوپچی آتلي .

دردر طابورلی ٣ قلعه طوپچی آتلي  
مستقل ٨١ قلعه طوپچی بلوکی .

ردیف : ١ نجی صنف ردیفدن ١٥٠ طابور ،  
٢ نجی صنف ردیفدن ٥٦ طابور .

مستحفظ : مستحفظ تشکيلاتی اجرا ايدلمه .  
مش اولوب افراد جديده به نظراً وقت  
سفرده ١٨٤ طابور تشکيلي مقرر ایدی .

[ ١ ] بومعلومات ( دولت عثمانيه نك قوه  
حربيه سي ) ناميله ١٨٧١ سنه سي مایسنده  
( ويانه ) ده زايدل کتابخانه سي طرفندن نشر ايدلمش  
اولان اثر دن استخراج ايدلمشدر .

۱۲۹۲ سنه سنده معلوم ومعین اولان مقادیر رسمیه بیه بنای مطالعات ایتمک مصیب دکل و عثمانلی ملتنده مکنوز اولان قابلیت عظیمه عسکریه بی کمال اهمیتله نظر مطالعه بیه آلق الزم ایدی .

آدن ماعدا عثمانلی اردوسنه یوقاریده بیان اولدینی کبی ایالات ممتازده نده عساکر معاونه کلشدی .

آوروپا دارالحربی ایچون داخل حساب اوله جق یالکز مصر عساکر معاونه سیدر .  
بونلرک موجودی (۶۵۰۰۰) نفر و (۱۵۰) طوپدن عبارت اوله رق ۱۲ پیاده طابوری ، ۶ سواری بلوکی و ۴ بطاریه تشکیل ایتشدی .

### اسلحه و تجهیزات

پیاده صنفی ایکی نوع تفنک ایله مسلح ایدی . طابورلرک تقریباً یوزده ۷۰ ی مارتینی هازی تفنکیله تسلیح ایدلشدی . مارتینی تفنکنک چاپی ۱۱،۴ میلتره و سرعت ابتدا - ۳۱۵ متری اولوب خواص بالستیکه سی اعتباریله تقریباً بردان تفنکنه معادل ایدی . مع هذا منزلی ( ۱۸۰۰ ) خطوه بیه بالغ اولیوردی .

پیادک متباقیسی شنایدر تفنکی ایله مسلح ایدی . بوتفنکک چاپی ۱۴،۶ میلتره و سرعت ابتدایه سی ۳۵۹ متره اولدیغندن خواص فیه اعتباریله روسلرک قرانقا تفنکنه

نظامیه : ۱۸۰ طابور ، ۱۴۷ بلوک ۱۰۳ بطاریه ( ۱۳۹۰۰۰ تفنک ۲۰۰۰۰ قلیچ ۶۱۸ طوپ )  
ردیف : برنجی و ایکنجی صنف برابر ۳۶۸ طابور ( ۲۸۴۰۰۰ تفنک )

مستحفظ : ۱۸۴ طابور ( ۱۴۲۰۰۰ ) »

جمعا : ۵۶۵۰۰۰ تفنک ۲۰۰۰۰ اتلو ۶۱۸ طوپ

بویکونک ایچنده ضبطیه ، فنی و غیر منتظم قطعات داخل دکلدر .

بوتشکیلاته نظراً دولت علیه نك حیات و موجودیتی مدافعه ایتمک ایچون ؛ قابلیت اعظمیه عسکریه سنی صرف ایلدیکی حالده ، اقلی یارم میلیون تفنک ، ۲۰،۰۰۰ آتلی و ۶۰۰ دن فضله طوپنی حال سفر بری بیه وضعه مقتدر بر حالده بولندیغنی قبول ایتمک لازمکلور .

متوفی شتراکر پاشانک ( ۱۸۷۸ - ۱۸۷۷ )

عثمانلی - روس حربنه عائد ملاحظات ( نامیله متروکات قلمیه سندن مستخرج ۱۸۹۲ سنه - سنده ( میلتره وخن بلات ) د علاوه اوله رق نشر ایداش اولان ائزده حربک اثنای جریاننده ، ۷۴۰ پیاده طابوری ، تقریباً ۱۵۰ سواری بلوکی ، ۸۵۸ طوپک حقیقت حالده حربه اشتراک ایتش اولدینی بیان ایدیلور .

واقعا بو پیاده طابورلرینک موجودی موجود نظامی و سفری راده سنده دکلدی . فقط هر حالده بو حقیقتده اراهه ایدرکه عثمانلی قوای حربیه سنک تقدیر ماهیتی خصوصنده

معادل ایدی. منزلی (۱۳۰۰) خطوه قدر  
ایدی .

کچوردی ۱۸۷۷ سنه سنده تشکیل ایدیلان  
بطاریه لر چنبرلی قروپ طوپلری ایله  
تجهیز ایدلمشدر . بونلرک سرعت ابتدائی سی  
(۴۷) متره به بالغ ایدی .

هر حالده عثمانلیلرک طوپ مالز مه سی  
روسلرک کنه فائق ایدی .

سواری یالکنز قلیج وروولور ایله  
مساح ایدی . بوندن باشقه هر آلیک ۴ بلوکی  
مزراق طاشیور ، دیکر ایکی بلوکی هانزی  
وینچستر سیستمده فلنطه یی حامل بولنیور  
ایدی .

### جیخانه

بیاده : پیاده افرادی اوزرلرنده آلتش  
فشنگ طاشیرلردی . آغر لقلرده و سائرده  
نه قدر جیخانه بولندیغی معین دکلدر . انجق  
عثمانلی قوماندانلری ممکن مرتبه چوق  
مقدارده جیخانه بولندیرمه غیره ایتمشدر .  
بوصورتله تفنگ باشنه (۵۰۰-۱۰۰۰) فشنگ  
اصابت ایتمشدر .

طوپچی صنفی قوروقدن طولار  
اسکی مودلده یعنی چنبرسز قروپ طوپلریله  
مجهز ایدی . طوپلرک قسم اعظمی آلتی  
فوندلق (۸,۸ سانتیره) ایدی . سواری  
بطاریه لر ایله پیاده بطاریه لرینک بر قسمی درت  
فوندلق (۷,۸۵ سانتیره) ، جبل بطاریه لر  
اوج فوندلق طوپلرله مجهز ایدی . [۱]  
سرعت ابتدائی (۳۰۰) متره یی پک جزوی

طوپچی صنفک ۳ نوع مر میسی واردی .  
نک جدارلی دانلر ؛ که بونلرک تأثیری اوقدر  
ممنونیت بخش بر درجه ده دکلدی ؛ نانیه لی  
طابه ایله مجهز شراپنلر ؛ بونلرک غیر مستور  
عساکره قارشو تأثیراتی پک مکمل ایدی .  
برده پشرو .

[۱] درت فوندلق ، الی فوندلق کی تعبیرات چاپک  
مقدار حقیقی سنی اراهه ایتزلر . ننه کم ۹ سانتیره لک  
طوپ دینله یکی زمان تمام ۹ سانتیره چاپنده طوپ  
دیمک اولدیغی آشکاردر ؛ آنک ایچون بو کبی  
تعبیرات آز ویاچوق تقریبی درلر

طوپ باشنه ۲ جیخانه عربه سی حساب  
ایدلمشدی .

درت فوندلق طوپ وسطی اوله رق ۸  
سانتیره لک ، آلتی فوندلق ۹ سانتیره لک دیمکدر .  
بونکله برابر درت فوندلق قروپ طوپلری  
(۷,۸۵) سانتیره چاپنده اولق اعتباریله اشبو  
مقدار وسطینک دورننده قالدق لری حالده درت  
فوندلق روس طوپلری (۸,۶۸) سانتیره لک چاپلریله  
۸,۸ سانتیره چاپنده کی آلتی فوندلق قروپ  
طوپلرینه هان معادلدرلر . آنک ایچون بونلر ده الی  
فوندلق طوپ تسمیه سی جائز اوله پیلور .

### بیوک جزو ناملر

قطعات عسکریه و نفت حضرده ۷ اردویه  
منقسم ایدی لکن حین استعمالده بو جزو ناملر

هیچ تابع قائم‌مقدر. قول اردولرله اردولر تماماً ایجاب‌حاله کوره کوره تشکیل و تقسیم ایدلمشدر.

### عثمانیلرک اصول محاربه‌سی و مختلف

#### صنفلرک قیمت عسکر به‌سی

بلوک یوز باشیلری ده داخل اولمق اوزره کوچک رتبه‌ده کی ضابطانک اقدار عسکریلری درجه کفایه‌ده اولدیغی ایچون عثمانلی پیاده‌سی بالتاریح طابور ایله مانوره پایوردی. عثمانلی پیاده‌سنگ آرزو و تمایلی مساعد بر نظامدن شدتلی و سریع بر آتش اجرا ایتک اولدیغندن پیاده‌سنگ طرز محاربه‌سی، اوزون اوزادی به استحضارات ایله مشغول اولدن طابورلری کاملاً محاربه‌خطنه کتیرمک، دشمن اوزرینه شدتلی آتش ایتمکدن عبارت ایدی. بوساده بسیط و طبیعی طرز محاربه عثمانلی عسکرینک تمایلات فطریه‌سنه پک موافق کایوردی. آوجی خطنده قونک یا لکنز درنده بری بولئیوردی؛ دیگر عساکر بعضاً آوجی خطنک همان کیر بسندن بعضاً اوزاق مسافه لردن احتیاط اوله رق تعقیب ایدردی. یا لکنز ایکنجی اردوده بالنسبه بیوک جزؤ ناملرله تعلیم و مانوره پالشمسدی. انک ایچون پیاده عسکرینک تعلیم و تربیه‌سی ناقص و مانوره قابلیت مفقود ایدی. بوندن طولانی در که عثمانلی عساکری هان یا لکنز جهه‌دن هجوم اجرا ایتمشدر.

امنیت خدماتی عسکر مزه هیچ تعلیم ایدلامشدی. عسکر لر مز؛ بو خصوصه کی غفلت و نقصان تربیه لرینی انسانی حربده پک آغز بهالرله تأدیه ایتمشدر.


سواری صنفده تعلیم نامه لرده کی اصول و قواعد موافق بر طرز تربیه نک وجودندن بحث ایدیله ماز. بار کیرلر تربیه ایدلامشدی. افراده بار کیره بنمک و بار کیر اوزرنده اوطور. مقدن بشقه برشی اوکره تلامش ایدی.

یناشیق قطعات ایله اجرا ایدیلان حرکات ده انتظام و برابر لکه هیچ عطف اهمیت ایدلامشدی. انک ایچون یناشیق نظام ده بولنان بر سواری قطعه‌سی طوغر بسنی سویلک لازم کلیرسه اوزاقدن عادنا بر سور و منظره سنی حاصل ایدر و علی العموم سواری صنفی بر جوق آتیلرک بر آرایه و پلانمسندن مرکب غیر منتظم بر کتله به بکزدردی.

یا لکنز قشله میدانلرنده تعایم پایدرلمشدی. بناءً علیه سواری صنفی وظیفه اصلیه‌سی اولان کشف و وظیفه سنی هیچ ایفا ایده‌ما. مش و صورت عمومیه‌ده شایان تقدیر هیچ بر خدمت ابراز ایللمشدر که بوده طبیعی در. بر قطعه عسکریه به وقت حضرده نه اوکره تیئورسه وقت سفرده او بیچیلور.

طویچی صنفی، بالنسبه انک ایتو تعلیم و تربیه کورمش و انک منتظم بر صنف ایدی. مع مافیه بو صنفده پک نادر تطبیقات تعلیملری اجرا





قبل الحرب روسيه سفارتخانهسى

ایتمش و طویجیلرک بتون تعایم و تربیه سی ،  
نومرو افرادینک تعلیم خانه لرده کی تعلیم  
و تربیه سندن عبارت بولنمشدی . انک ایچون  
طویجی صنفی ده حرکت و مانوره قابلیتندن  
محروم بولنیوردی .

ایشته بویله جه هر صنف حرکت و مانوره  
قابلیتندن محروم بولندی ایچون بوصف لرک  
بر آرایه کلسیله وجود بولان عثمانلی اردوسی ده  
تعرضدن زیاده مدافعه یه الوریشلی بولنیوردی .  
مدافعه ده عثمانلی اردوسنک طبیعتده مکنوز  
اولان خصائل عالیه و علی الخصوص بی نظیر  
و بی امثال اولان متانت و تحمل ، حیرت افزا  
بر صورتده تظاهر ایلمشدی .

لکن نه قدر قهرمانانه ، شان آورانه  
دخی اولسه ، مدافعه ایله حرب قازانیلماز .  
تعرض ایتمک لازم ایدی . همده تعرض ایچون  
نه کوزل ، نه مستننا فرصت لر ظهور ایتمشدی .  
حیفا که قوماندانلر من ، ضابطلر من و عسکر من  
تعرض ایتمکی بیلمدک لری ایچون بتون بو  
فرصت لر غائب ایلمش ، دشمنی شانلی بر  
ضربه مظفریت ایله پریشان ایتمک پک اعلا  
امکان و ارایکن عسکر من طرفندن دفعاتله  
مغلوب ایدی لان ، عسکر منک اوکندن فرار  
ایدن بردشمنک پایتخت ساطنتمز اوکنده  
رکز رخش ایلمسه میدان ویرلشدر .

حرب ایتمک : تعرض ایتمک دیمکدر .

غولچ پاشانک اوزمانکی عثمانلی اردوسنک  
احوالنه دائر ( اردولرک سوق و اداره سی )  
نام اثر بدیعنک ۲۹۲ و ۲۹۳ نجی صحیفه لرنده  
مندراج افکار و مطالعاتی جملاً نقل ایدیورز ؛  
بو مطالعات اردومنز حقیقده شمدی یه  
قدر سویلنن و سویلنه بیله جک اولان  
سوزلرک اک طوغروسی ، اک زیاده موافق  
حقیقت اولانیدر . استاد اکرم ؛ اردومنزک  
لدنیات ماهیته انفاذ نظر ایدرک کنندیسنه  
خاص اولان شیوه ؛ لاغت ایله اوزمانکی  
احوال عسکر یه منزی توضیح و تشریح  
ایدیور :

« بالقان حربنده بولنان عثمانلی اردو-  
لری پک قیمتی عنصر لردن مرکب ایدی .  
اک اول بو اردولرک افرادی اوله کزیده ،  
مستننا بر صنف تشکیل ایدرلر که جهانک  
اک مکمل ، اک اعلا عسکر لرینه قارشو اعلان  
رقابت ایده بیولرلر . بو افراد ، قوتلی ایری  
ویوکسک بویلی اولوب ، اکثریتله طاغ  
ها ایلمسندن ایدی . قوه بدنیه و بیوک بر  
ذکای فطری ایله متمایز ایدیلر . بونلر وقت  
حضرده هر کونه مشاق ایله الفت حاصل  
ایلمش اولدقلری جهتله حربک آلام و مزاحمه  
کوکل خشنودلغیله تحمل ایتمکده  
ایدیلر . طرز حیات و معیشت لری ساده  
و بسیط اولدینی ایچون آروپا دولت لرنینک  
عسکر لرینه نظراً ده زیاده برسن و ساله

تطبیقات تعلیماری اولیور دی. لوالر فرقه لر کبی بیوک جزؤ تاملرله مانوره اجرا ایتمک بسبتون بر امر معدوم حکمنده ایدی. بوتطبیقاتسزلق، بومانوره سزلق سیئته سی اوله رق تعیبه حرکاتنده بر بطائت بر عطات و ار ایدی که سوق و اداره ایدیله جک کتله عسکر یه نه قدر قوتلی اولور سه بر بطائت و مشکلات ده اونستنده آرتیور دی. بر حالده که عثمانلی اردوسی، بزم اوروپاده تصور ایلدیکمز معناده منتظم ودائی بر اردو. دن زیاده غایت مکمل ونجیب عنصر لک بر آرایه طویلا نمسندن ترکب ایتمش بر کتله عظیمه یه بکزه یوردی .

بیوک مقیاسده سریع حرکات ایچون الزم، ضروری اولان، اولدن تشکیل واحضار ایدلمش نقلیه قطاری موجود دکلدی. مع هذا نقصان وسائط ایله برابرینه شایان اهمیت ایشلر کورپله بیله جکی آشکاردر. لکن بونک ایچون اصول سوق و اداره نک ده نوعنده فرید اولسی، بواردونک احوال و احتیاجاته خاص اولسی ایجاب ایدردی .

۱۸۷۶ سنه سننده عثمانلی اردوسی، صربستانه قارشو بر سفر اجرا ایتدی و بدایتدن نهایته قدر غالب ومظفر اولدی؛ لکن عثمانلی لک حائر اولدقلری تفوق عددی یه نسبتله، تعرض حرکاتی ینه بطائتسکارانه اولمشدی .

انک ایچون دولت علیه نه استراحتنه نه ده

قدر او صاف جنکاورانه لر بی محافظه ایده یلور لردی. عثمانلی عسکری بوندن باشقه اولدجه چوق بر استقلال ذاتیه بی حائردر. بتون مسامانلرده اولاد فایحیدن اولمق افتخاری و بو حسن ایله برابر صلابت دینه دن متولد بر اعتماد وقوهٔ معنویه حکمفرمادر. ترک عسکری اولومدن قورقادینی کبی قارشو سننده کی دشمنک تفوق عددی سننده قورقماز. چونکه قلبنک بتون صفوت و علوی ایله قاندر که اکر اراده الهیه تعلق ایدر سه، دنیانک اک قوتلی بر اردوسنه بیله احراز غلبه ایدر .

هیئت ضابطانه کاجه، مختلط و غیر متجانس بر کتله عظیمه تشکیل ایدیوردی. کنج ضابطانک اک ایوقسمی، ابراز خدمته عالی بر درجه ده، مستعددر. زیرا مایهٔ فطرتنده عسکر لکه قارشو استعداد طبیعی ایله برابر عثمانلیاغک هر نوع خصائل عالیه سنی مکنوز اولدینی کبی جدی بر مساعی ایله قزانیلان تعلیم و تربیه نظریه سایه سننده بو خصائل ترین و تکمیل ایتمکده ایدی. ایشته بو هیئت ضابطان مزیتلی و قیمتلی بر ارکان حرب صنفی ایچون بر محیط، بر مژشا تشکیل ایلشدر.

انجق بو ضابطان اغتشاش موجود اولان ولایاتده کی مصادمانده و یا خود حدودلرده تجارب و ملکهٔ عملیه اکتساب ایلش سه ده منتظم و بوکونکی اصول حربیه موافق بر تعلیم و تربیه مفقود ایدی. مفرزه لرله واسع مقیاسده

حاضر لافغه فرصت بولدن ایرتسی سنه قوتلی ، مکتتلی روسیه په مقابلہ ایتمک مجبوریتنه معروض اولنجه ، تکمیل اوروپا ترکلرک انجق پک جزوی بر مقاومت کوستره بیله - جکلر بنه مطمئن بولنیوردی .

بداية روس طرفدن حال سفر بری په وضع ایدیلان ۶ قول اردولق قوت - که همان بر آز صکره دها ۹ تول اردو ضم ایدلمکه احتیاج کورلمشدی ، حرب باشلادیغی زمان پک جزوی نک ؛ پک ضعیف اولان ترک قوای عسکریه سنی محو ومنهزم ایلد کدنصکره سرعت سریعه ایله استانبوله طوغری یورومک و آیا صوفیه جامعنه تکرار صلیک ادخالیه شاعرلرک ، رومانخیلرک تخیل ایلدکلری او - اسکی شرق ایمپراطور لغنی احیا ایلک ایچون بتون اوروپا محافل عسکریه سنجه کافی و وافی عد ایدلمشدی . عثمانیلرک قوتنی بوصورناه استصغار واستحقاره سوق ایدن سبب شو ملاحظه دن نشئت اید یور ایدی که عثمانلی اردوسی ایکی سنه دنبرو بلا فاصله قره طاغده ، بوسنده ، هر سکده ، صربستانده مشاق و مزاحم کونا کونه دوچار اولمش و اولکی اسفار و محاربات مدیده نک تأثیر ایله بی تاب و طاقت بر حاله کلش ایدی . بو ملاحظه غیر معقول بر ملاحظه دکلمدی . آندن باشقه دارالحربی تشکیل ایدن ساحه وسیع اراضی اوژرنده کی اهلینک قسم اعظمی روسیه په

عرض معاونت و دخالت ایده جکلری بر امر محقق کی ایدی . روس قول اردولرینک (طونه) - دن قولایجه سنه کچملری و روس اردوسی پیشدارلرینک و سوارینسک بالقانلر اوژرندن جزا تنکارانه ایلرو یوروشه باشلامسی اولکی تخمینات و مطالعات بد بینانه بی بیله تجاوز ایتمش کوروندی .

لکن بتون جهانی حیرتله کرفتار ایتمک اوژره ، احوال در عقب بسبتون بشقه بر طرز جریان اخذ ایلدی ( ویدین ) دن عثمان پاشا کله رک بردنبره روس تعرض اردوسنک صاغ جناخنده ظهور ایتدی . عثمان پاشا دها صربستان حربی ائناسنده بیله اوراده بولنش ایکن کندیسندن هیچ بحث ایدلمه مش ایدی .

عثمان پاشا واقعا دشمنه تصادف ایدنجه توقف ایتمش ایدی . لکن بالاخره دشمنک هجومی پارلاق و مظفرانه بر صورتده دفع ایتمش و ( پلونه ) و ( لوفجه ) ده علی العجله تاسیس ایلدیکی استحکاملرده تهدید آمیز بروضعیت آلمشدی . قره طاغی باشه مرور ایتد کدنصکره سلیمان پاشا اردوسی ده هر سکدن تراکیه دارالحربنه یتشدی . طاغیر - دن ایلرویه کچن روس اوچلری ایسه فائق بر مقاومت و دوچار اولمش و کری چکلمشدردی . اردونک قسم کلیسی دخی صول جناخنده عثمانلی اردوسنک قسم کلیسنه تصادف ایدرک آنک

قارشوسنده مجبور توقف اولدی ، پلونه یه قارشو ایکنجی دفعه ودهاشدتی اوله ررق اجرا ایدیلان هجوم یکی و خونین برانهزام ایله نتیجه لندی . ایشته بویه جه ، وضعیت حربیه بسبتون دکشمشدی . روسلر پک جزوی قوتلره حربیه باشلامش اولدق لرینی تقدیر ایلمشردی ، آنک ایچون براردودها سفر بر ایلدی . لکن بواردونک ورودی اوزون بر زمانه محتاج ایدی .

عثمانلی اردولری هیچ امید وانتظار ایدیلان بیوک بر مقاومت ، عالی بر قابلیت کوستر مشلردی . بو قابلیت ، بو مقاومت اوچنجی والک بیوک پلونه میدان محاربه سنده بر کره دها بتون قوتی ، بتون شعشعه سی ایله تجلی ایتدی .

بونک اوزرینه اوروپا افکار عمومیه سنده ، بدایتده کنک بسبتون معکوسی اولان بر حالت فکریه ظهور ایلدی . بتون اوروپا اولدن عثمانلیلرک قوتی ایله استهزایدرکن شمدی آنی افراطکارانه بر صورتده تلقی ایدیورلردی . هر کس ، مظفر عثمانلیلردن شدتلی بر تعقیب حرکتی ، پلونه ، بالقان ولوم اردولرینک کندی آرالرنده صقیشوب قالمش اولان دشمن اردوسنی محو و مضمحل ایتک ایچون هپ بر لکده تعرضه کچملرینی بو صورتله روس اردوسنی ( طونه ) یه دفع و تضییق ایلمکی طلب ایتکه باشلادی . لکن

بونک یرینه سلیمان پاشانک فقط لزومسز و مقصدسز اوله ررق ( شپقا ) بالقاننده کی روس موضع لرینه وقوعبولان مهاجمتندن بشقه برشی یاپلادی ؛ و بونک اوزرینه حرکات جسمیه متحده اجرا ایدللمه سنک مسؤلیتی وقباحتی عثمانلی اردوسنک قوماندالرینه تحمیل ایلمک ایستلندی . حالبوکه بو مؤاخذه نایجا و غیر محق در ؛ زیرا بوعدم موفقیتمک سبب حقیقیسنی اوزمانکی عثمانلی اردوسنک تشکیلات عمومیه سنده و تعلیم و تربیه سنده آراملیدر . اردو ؛ ماهیت و طبیعتک تعیین ایلمکی حدودلر داخلمده ایفایده بیله جکی خدمتاتک حدا عظمتسنی اجرا ایتش ایدی . بوندن دها فضله برشی یایمق ماده و حقیقه غیر ممکن ایدی . عثمانلی قوماندانلرینه توجیه ایدیله جک یکانه برصدای مؤاخذه و ارسه اوده ایچلرنده ؛ علی العاده و متوسط انسانلر ایچون اولان حدودلری بیقوب کچه جک وید اداره سنه تودیع ایدیلان آلتی دخی بسبتون بشقه بر حاله قلب و افراغ ایده جک اسکندر کیر کچی ، ناپولئون بوناپارت کچی بر داهی بولنمامسیدر . بو مؤاخذه ، بو مسؤلیت ایسه شایان تحمل در . لکن بونکله برابر جای تأمل اولان دیگر برجهت واردرکه اوده دولتک و اردونک اوزمانکی احوال و تشکیلات داخلیه سی بویه برداهینک ظهورینه میساعداولوب اولمدیغی در . جناب حقک بردهای مستثنا ایله ممتاز قیلدیغی

بیلیمکه آشمش اولملری دها زیاده لازمدر .  
 عکس تقدیرده اردولردن برینک ، همان  
 اقتحام و برطرف ایدمه چکی جدی برمانعه  
 تصادف ایتدیکنده هراوج اردونک ده تعرض  
 حرکتی دوچار توقف اوله جنی آشکاردر .  
 مادون قوماندانلرده بشقه درلواستحضه-  
 رات فکریه و عملیه به محتاج ایدیلر . زیرا  
 هراوج اردونک مختلف خطوط حرکتدن  
 ایلرویه حرکت باشلاملرندن اول برچوق  
 کوچک محاربه لر وقوعه بولج ایدی که بو  
 محاربه لردن هیچ اولمازسه اکثرنده نائل غلبه  
 اولق ایجاب ایدر ایدی .

الحاصل قطعات عسکریه اودرجه بر  
 مانوره قابلیتینی حائز اولمی ایدیلر که بیوک قوما-  
 ندانلر ؛ بیوک جزؤتاملره یا لککز تعرض  
 استقامتی و تعرضه باشلامق زمانی بیلدی ردگری  
 حالده بو جزؤتاملرک قوماندانلری متباقی  
 ایشلری کندیلکرلرندن یا په بیلسونلر .

غولچ پاشا بو ماسبتله غازی مرحوم ایله  
 وقوعبولان بر ملاقاتی حکایه ایدیور . غولچ پاشا  
 بو ملاقات ائساننده پلونده احرار ایدیلان  
 مظفریتدن تمامی استفاده یی تأمین ایتمک  
 ایچون پاشادن نیچون همان بتون قوتله مقابل  
 تعرضه کچمدیکنک اسبابی استیضاح ایتمشدر .  
 حضرت مشیر : « همان هیچ سواری  
 اولدیغندن صرف نظر ، ایلری حرکت  
 و لازم کلان ترتیبانی اخذ ایتمک ایچون

برداهی بیله فیض دهاسنی ثمره دار ایدمه بیلیمک  
 ایچون اسباب و وسائط مادییه ، امکانک  
 مساعدنه بخش اولسنه محتاجدر .  
 یا لککز باشنه دها بیله بر شی یا په ماز .  
 کندیسندن طلب ایدیلان شیئی ایفا ایدمه .  
 بیلیمک ایچون ، اردونک دخی بسبتون بشقه  
 بر اردو اولمی ایجاب ایدردی . اول باول  
 بر بردن مستقلاً اجرای حرکت ایتمکه  
 اولان اردو قوماندانلرینک وضعیت حریبه یی  
 کذلک عین صورته محاکمه و تدقیق ایدمه بیلملری  
 و اندن بشقه مشترکاً حرکت ایدمه بیلیمک اوزره  
 متحداً قرار اعطا ایدلمی ایچون بو قوما-  
 ندانلرک سوق الجیش علمنده متجانس برتعلیم  
 و تربیه یی حائز اولملری ایجاب ایدردی . کندی  
 شخصنی و موقعنی محافظه ایتمک ملاحظه سی  
 که شرفده دائمی بیوک بر تأثیری حائز اولمشدر ؛  
 بو ملاحظه یی منفعت عمومیه به تمامیه تابع  
 قیله جق اولان صاف و حقیقی بروطنپرورلک  
 سایه سنده وقوعه بولج تثبیت عظمآنک  
 مظفرانه بر صورتده اجراسی ده تسهیل  
 ایدلمش اولوردی .

عمومی بر باش قوماندانک موجود اولمامسی  
 ایچق بو صورته یعنی هر قوماندانک کندی  
 موقعنده حد غایه قابلیت ابراز ایتسیله تلافی  
 ایدیه بیلیردی . لکن بولک ایچون قوماندان-  
 نلرک کندی رأی و صلاحیتی ایله و بر امر  
 مخصوص بکلکسزین مستقلاً حرکت ایدمه .

(بازن) نظرآ پک بلند ، پک بالادر .  
 لکن پلونه سقوط ایلد کد نصرکه بالقانک  
 مدافعہ سی موضوع بحث اولنجه ، پلونه ده  
 او قدر پارلاق بر صورتده تجلی ایدن اوصاف  
 وخصائل بردنبره خسوف ایلمشدی .  
 شدائد شتایه رغما ، روسار ، واقعا مشکلاته  
 وضایعات عظیمه یه دوچار اولمقسزین دکل  
 فقط هر حالده ، بالنسبه سهولت ایله ، عثما  
 نلیلرک مدافعہ ایلمکده اولدینی سلاسل جبالی  
 جبراً کچدیلر . اصل مشکلات صغوقدن ویو .  
 لدرک غایت کشف برقار طبقه سی ایله مستور  
 اولمسندن ایلر وکلمشدی . لکن قرانیلان مو  
 فقیته بیوک بر موفقیته اولمش و حقیقت  
 حالده حربی ختامه ایصال ایتمشدی .

حال بوکه عثمانلی اردوسی اولدن نه  
 ایسه بودورده ینه او ایدی . یالکز قهرمان  
 عثمان پاشا اردوسنک عاقبت الیمه سندن صکره  
 اردویه علی العجله جمع ایدیلان طابورلر  
 الحاق ایلمشدی . آراده بر فریق وارسه  
 اوده بو طابورلر افرادرلینک دها اسکی  
 سنه لر افرادندن عبارت اولسی ایدی ؛  
 یوقسه عثمانلی عسکرینک مزیتی وقهرمانلیغی  
 ینه اسکیمی کبی ایدی ( دکر ن دره ) ده  
 قواد پاشانک اجرا ایلدیکی محاربات ایله  
 سلیمان پاشانک رودوب بالقاننه طوغری  
 تاریخ حربده امثالی اندر اولان یوروشی  
 بو حقیقتک ال بیوک شاهد لریدر . انهم امک

استحکاملر خطنک خارجنده بالذات اجرای  
 کشفیات ایتمک مجبوریتنده ایدم . عکسی تقدیرده  
 هیچ بر جزو نام تعرضی اختیار ایتمه جک  
 و قطعاً تمز شجیعانه فقط فائده سز و نتیجه سز  
 هجوملرله طغایله جقلردی . بویله بر عدم  
 موفقیتمدن صکره ایسه یالکز ( پلونه ) دکل  
 بالقانک شمانده کی مواضعمک کافه سی  
 معروض تهلمکه اوله جقدی .

غولچ پاشا مطالعه سنه دوام ایدرک  
 دیورکه : « بعضالینک غیر محق اوله رق صرف  
 خشین بر جسارت صاحبی اولغله توصیف  
 ایلدکاری دورین و عاقبت اندیش قوماندان  
 اردوسنک لدنیاتی او کرشمش و بو اردونک  
 قوتلی نقطه سنه استفاده ایتمکی ترجیح ایلمشدی .  
 فی الحقیقه ایلرویه طوغری بر چوق کو  
 نلک یوریش اجراسنی استلزام ایده جک اولان  
 شدتلی و عز مکارانه تشبثات ایچون شرط  
 الزم اولان سواری اولدینی کبی اولدقچه منتظم  
 و منتظماً جالشمغه مقتدر بر نقلیه قطاری ده  
 یوق ایدی . بوکامقابل ترک اردوسی پلونه  
 مدافعہ سنده محاصره نک صوک کونه قدرک عالی  
 خواص و اوصافی اثبات و اظهار ایلمش و ۲۰  
 کانون اول ۱۸۸۷ ده وقوعبولان صوک  
 خروج نومیدانه پلونه اردوسی و پلونه اردو  
 سنک قوماندانی ایچون اونوتلاز وزوال بولماز  
 بر آبدۀ شان و شرف تشکیل ایتمشدر . عثمان  
 پاشانک موقعی ، رفیق طالعی اولان مارشال

بولندیره جق یرده ، پلونه نك سسقوطندن  
 صكره اله قالان صحرا قطعاتنك كافه سنی -  
 قلاع اربعه ده بولنه جق اولانلر مستنا اولق  
 اوزره - بلا محاربه ( ادرنه ) اطرافنه جلب  
 ایدرك اوراده طویلامق ایجاب ایدردی كه  
 بوتقدیرده پلونه سخته بسالتی تكرر ایدر و  
 حرب تكرر آیلرجه اوزار كیدردی .

سبب یكانه سی سلسله جبالك پك اوزون بر  
 خط اوزردن مدافعه سی كبی یاكلش برقرار  
 ویرلسندن عبارتدر . بوصول حرکت هر  
 زمان باعث مؤاخذه ایسه ده بوراده مضاعف  
 بر مصیبتی موجب اولمشدر .  
 زیرا بالقانلر ، بویه اوزون بر خط اوزره -  
 ندن مدافعه ایدلك ایچون خیلی مقدرده



روس قیافت عسکریه سی

( ادرنه ) نك شمشندوفر خطی ایله  
 موصول بولمسی و عثمانلی دونمسانك تحت  
 حاكیمیتده اولان قره دكیزك قریبتی سایه -  
 سنده مدافعه اردوسنك دشمن طرفندن  
 احاطه ومحاصره سنی منع ایتمك سهیل اوله -  
 جنی حالده بالعكس هجوم حرکاتی غایت مشكل

مستعد وکندیلكندن حرکته مقتدر قوماندا .  
 نرله سریع حرکات اجراسنه آلمش و  
 فوق العاده متحرك قطعات عسکریه به اشد  
 احتیاج واردی . حال بو كه اوزمانکی عثمانلی اردو -  
 سی بو شرائطی حائر دکلدی .  
 سناء علیه عسکرلی بالقانده طارمه طاغیبق



حقنہ کی مشؤمانہ قرارک اعطاسندہ اسباب  
وملاحظات سیاسیہ سہ سوء تاثیر عظیم اجرا  
ایتمدی . بونکہ ہمیزک بیامکده اولدیغمز  
برحقیقت کہ سیاستک ، حرکات عسکریہ یه  
مداخلہ سی دائماً موجب فلاکت اولور ،  
قضیہ سی در عثمانلی اردوسنک فلاکتی بہاسنہ  
برکرہ دہا تظاہر ایئشدر .

اولوردی زیرا روس اردوسنک خطوط  
مواصلہ سی پک زیادہ اوزامش بولنہ جنی کبی  
قلاع اربعہ دہ بولنان عثمانلی قوای عسکریہ سی  
طرفندن دہ جدی بر صورتلہ تہدید ایدیلہ -  
جکلردی .

( ادرنہ ) دہ منزل وظائفنک بلونہ یه  
نظراً خیلی سہولتہ اجرا ایدیلہ چکی دہ



عثمانلی قیافت عسکریہ سی

الحاصل عثمانلی اردوسی بر دکز ایلہ  
اوبردکز اراسندہ کی چتالجه موضع مدافعہ  
سندہ ثبات ایدہ بیلوردی . عثمانلیرز مدافعہ دہ  
اولان قوت و تغندی بورادہ خارق العادہ  
بر صورتہ تجلی ایدہ بیلور و بلونہ دہ اولدینی  
کی مدافعینک آج بر اقبیلہرق اوصورتہ

آشکاردی . زیرا بلونہ پاتختندن او قدر اوزاق  
بولندینی حالہ ( اورخانہ ) دن بر چوق  
مدت و باخصوص او قدر شدتلی و عزمکا -  
راہ تشبثات اجرا ایدلماش ایکن بلونہ یه  
ارزاق کوندریلہ بیلمشدی . بالقان سلسلہ -  
سنک قیش اورتہ سندہ صورت مدافعہ سی

تسلیمه اجبار ایدلسی کبی بر احتمال بالطبع  
بوراده وارد خاطر اوله مازدی .

بناء علیه عثمانلی اردوسی حربك طرز  
جریاننده بر انقلاب حاصل ایتمك عزم و مصرا می  
ایله چتالجه خطنده صوك دفعه اولوق اوزره  
قطعی بر محاربه به کیریشلی ایدی . احتمالکه  
بوراده ابراز ایديله جك مقاومت عنودانه  
نتیجه سنده اختیار ایديله جك بر مقابل تعرض  
ایله روس اردوسنی ( طونه ) به قدر رجعته  
مجبور ایتدیرمك ممکن اولوردی .

الحاصل بو اردونك ماهیتی و مدافعه  
خصوصنده کی قابلیت فوق العاده سی نظر دفته  
آلتهرق آندن استفاده ایدلمش اولسه ایدی ،  
اردو مظفر اولور ، دولت ده قورتیلیردی .  
بو کبی اردولر ، ماهیت و طبیعتلری  
اعتباریله ، مواضع محاربه لرنده حرکات  
محاربه سنه نظراً دایماً قوتلیدرلر .  
آنجق عثمانلی عسکری کبی غایت نجیب  
عناصر دن مرکب اولان بر اردو ، مانوره  
قابلیتک آزلی ایله برابر تعرضه غیر مقتدرده  
دکلدی .

لکن عثمانلی اردوسی کوچك مقیاسده  
تعرضی حرکتلر اجرا ایتملی و اوزون  
اوزادی به حرکات تعرضیه به تشبث  
ایتملیدر .

عثمان پاشانك صورت حرکتی ، بو  
خصوصده غایت جالب دقت بر نمونه

تشکیل ایدر . معلوم اولدینی اوزره عثمان پاشا  
حربك بدایتنده دشمن اردوسنك جناح  
سوق الجیشیسنه قارشو ایلرو حرکتی توجیه  
ایتمش ، روس اردوسنی تهدیده موفق اولمش ،  
بناء علیه دشمنی کندی اوزرینه جلب ایدرهك  
هجوم اجرا سنه مجبور ایتمش و بو هجومه قارشو  
کمال سرعت و مهارت ایله امر مدافعه پی  
احضار ایدرهك موقعی غایت پارلاق بر  
بر صورتده مدافعه ایلمشدر .

بویله بر اردونك باشلادینی ایشی موفقیت  
و حسن طالع ایله ختامه ایردیره سیلمك ایچون  
بتون تشبثاتی بویله قیصه و ساده اولمیدر .  
قاریشقی حرکات و تشبثادن ، بر چوق  
مستقل قسملرک متحداً و عین هدفه متوجه  
اولهرق سوق و اداره لرینی استلزام ایدن  
بیوك مقیاسده حرکات تعرضیه دن اجتناب  
ایتمسی لازمدر .

اردومزك اوزمانکی تعلیم و تربیه سنه  
دائر روس ارکان حربیه سنك اثرنده موجود  
اولان تفصیلاتی ده بوجه آتی عیناً نقل ایدوروز:  
بیوك رتبه ده کی قوماندانلر ، نادر مستشا.  
لردن صرف نظرله ، وظیفه لرینه اهل دکلدی .  
ضابطانده متجانس دکل ایدیلر :  
پیاده و سواری ضابطانك کوچك بر قسمی ،  
یوزده ۵ : ۱۰ ی تجاواز ایتمامک اوزره ،  
مکتب حربیه دن نشئت ایلمش رسده اکثری  
آلایدن یتشمش اولوب بونلرک امتحانی پالکیز  
تعلیم نامه لره انحصار ایلمش ایدی .

بالعموم اشیا ، ارزاق و آلات تحکیمیه  
 هر بر پیاده طابورینه تخصیص ایدیلان  
 ویا خود تکالیف حربیه طریقہ جمع اولان  
 مکاری حیواناتی ایله نقل ایدیلوردی که  
 بو حال ، قطعاتک قابلیت حرکتی دائمًا منع  
 ایلمش وایلو یوروش ائسانسده دائمًا  
 توقفلر ، سسکتلر حصوله کتیرمش ایدی .  
 اردونک تأسیسات صحیه منه کلنجه :

احتیاجات حضریه به بیله کفایت ایتمیان خسته خانه  
 تأسیساتی حرب ایچون هیچ حاضر لائما شدی  
 چونکه سیار خسته خانه ایچون قادرو  
 موجود دکلدی .

مستقل برلوازم هیئتق موجود دکلدی ؛  
 بونلره عائد خدمات انشای حضر و سفردہ  
 حربیه نظارتندہ کی بر قومیسون ایله اردو  
 قوماندانقلری واردو قومیسوینلری طرف  
 فندن ایفا ایدیلوردی .

اردونک معاشاتی ، ارزاقی یم تعییناتی و  
 ایلمسه سی پک غیر منتظم و غیر کافی ایدی .  
 صنوف مختلفه ایله برابر مانوره هیچ  
 یاپلامشدی .

یالکز حربدن اول ، عبدالکریم پاشا  
 قوماندانسنده کی ۲ نجی اردو داخلنده ،  
 شمنی اردو کاهنده ( ۲۰۰۰۰ : ۳۰۰۰۰ )  
 کشی تحشید ایدیلهرک صنوف ، مخالفه ایله  
 تطبیقات تعلیملری یاپدیرلمشدی . مکمل  
 برتضنک ، فوق العاده چوق جبخانه و آلات

بوکا بدل طویجی واستحکام صنفی ،  
 مهندس خانه مکتبندن نشئت ایدرک ایو بر  
 تحصیل و تربیه کورمش ضابطان سایه سنده  
 مکمل عد ایدیلوردی .

متحد بر قوماندانلغک موجود اولمامسی  
 عظیم محاذیری داعی اولمشدی . اردونک باش  
 قوماندانی حرکات و مقرراتندہ سربست دکل  
 ایدی . زیراتنظیم ایلدیکی پلانی ذات پادشاهینک  
 نظر تصویبنه عرض ایتمکله مکلف ایدی .  
 ذات پادشاهی ایسه بو پلانی حرب  
 ائسانسده تشکیل ایدلمش اولان بر مجلس  
 خفی به تودیع ایتدیروب بو مجلسک نتیجه  
 مطالعاتی اردو باش قومانداننه یا طوغربدن  
 طوغری به ویا خود حربیه نظارتی واسطه سیله  
 تبایغ اولنوردی .

الحاصل دارالحرب اوزرنده طرف  
 شاهانہ دن مأمور فوق العاده ذوات واردی که  
 اردو قوماندانی بونلرک افکار و آراسنی دخی  
 نظر دقتہ آلق مجبوریتندہ ایدی .

عثمانلی ارکان حربیه سی مختلف رتبه لرده  
 ۱۳۰ ضابطدن مرکب ایدی . هر سنه یوزباشی  
 رتبه سیله مکتب حربیه دن نشئت ایدن - کز  
 ضابط ارکان حربیه صنفنه داخل اولوردی .

اردونک قابل حرکت هیچ بر پارقی  
 یوقدی . قطعات نزدنده کی آغز لقلر بهر پیاده  
 بلوکی ویا سواری بلوکی باشنه ۴ مکاریدن  
 عبارتدی .

تحکیمه ایله مجهز اولان عثمانی پیاده سی شو  
 صورتله حرکت ایدردی : اکثریا بر چوق  
 کیلومتره امتداد ایدن بر موقع اشغال ایدر ،  
 در حال و ممکن ایسه بر برینک کپروسنده متعدد  
 صره لر تشکیل ایتک اوزره آوجی خندکری  
 حفر ایدر ، آمپلاسمانلر و بطریقه لر انشا ایلردی ؛  
 آدن صکره اگر وقت مساعده ایدرسه ،  
 موضعی جوار تپه لره توسیع ایده رک اورا  
 لری ده اشغال و تحکیم ایدر ، اک مهم  
 نقطه لرده ( رهدوتلر ) تاسیس ایلر ویان  
 و آرقه آتشرینه قارشو آره و آرقه سپرلری  
 یاپاردی . پیاده طاوری نزدنده کی مکاری  
 حیوانا تندن هر بریسی بهری ( ۲۰۰۰ ) فشنگ  
 استیعاب ایدر ۲ اخشاب صندوقی حامل  
 بولنوردی .

هر بر پیاده نفرینک اوزرنده ( ۱۰۰ : ۲۰۰ )  
 فشنگ واردی ، فقط بعض کونلر اولوردی که  
 بونک ایکی مثلندن فضلہ سنی صرف ایدردی . ترک  
 عسکری منتظم و قاعده یه موافق بر انداخت  
 اجراسنه هیچ بر زمانده تعلیم و تربیه ایدلما مشدی  
 املک ایچون اکثریا طالع و تصادفه ترک ایده رک  
 عادتا نشان بیله آلمقسزین ، فقط بوندن طولانی  
 غیر متقاطع بر صورتده آتیش ایدر . آلات  
 تحکیمه ده مکاریلرله طاشنوردی .

جنرال ( اسقوپله ف ) ک معاونی اولان  
 جنرال قورویا تکین کسندی تاریخ حربنده  
 عثمانیلرک اصول تحکیماته دائر عین معلوماتی

تکرار ایلد کدنصکره شو تفصیلاتی اعطا  
 ایلدیر :

عثمانیلرک ( لوفچه ) و ( پلونه ) ده کی مستحکم  
 اردو کاھلری ، عملیات ترابیه یی بر دقیقه بیله  
 تعطیل ایتماش اولد قلوبنی کوسترمکده در .  
 ( لوفچه ) موضعه ده استحکاماتی اجمال  
 ایلد کدنصکره بر چوق غایت کوزل حجره لر  
 ترتیب ایلدکری کبی اک نهایت عساکرک  
 تأمین استراحتی ایچون محال محفوظه مکمله  
 انشاسنده باشلامشلردر . آوجی خندکارنده  
 عسکرک محافظه استراحتی ایچون اتخاذا ایدلمش  
 اولان ترتیبات شایان حیرت بر درجه ده ایدی .  
 شیواخلی ایچنده بر طاقم یووالر ترتیب ایدیلرک  
 بورایه محاربین ایچون صو ، بکسمات و ساثره  
 ادخال ایلشلردر . جبخانه قسماً بو یووالر  
 ایچنده ، قسماً خندق زمیننده کی صندوقلر ایچنده  
 موضوع بولنوردی .

ترکلر آچیق و یا خود قبالی استحکاملری  
 قوتلی بر پروفیلده انشا ایتکده ایدیلر .  
 ترکلر غلبه چالسله لر بیله ، ینه مو -  
 ضعلرینک تقویه سنه اعتنا ایدرلردی .  
 صورت عمومی ده استحکاملر احوال  
 اراضیه او قدر کوزل توفیق و تطبیق  
 ایدیلوردی که ، روسلر طرفندن ضبط  
 ایدلمش اولان ایلرویه سورولمش آوجی  
 خندکارندن هیچ بریسی ، عثمانلی طویجی  
 و پیاده سنک آتشنه قارشو روسلره امین بر

سترہ خدمتی ایضا ایتمدیلر . موقعلرینک  
ائٹای تقویہ سنده ترکر هرشیدن زیاده دشمنی  
ممکن مرتبه اوزاق بر مسافه دن وبالترجیح  
شدتلی آتشله استقبال ایده بیلمک جهته  
حصردقت ایتمکده ایدیله . آندن طولاییدرکه  
خصم ، انداخت منزلی داخلنه کیرر کیرماز ،  
شدتلی آتس آچیلور و بوئانده اصل نظر  
دقت منفرد انداختلرک ابو نشان آلتش  
اولسندن زیاده تکمیل ساحه نک آتس آلتنه  
آلتسی خصوصنه عطف و توجیه ایدیلهوردی .

کرک تعلیم و تربیه سی کرک اسلحه سی  
اعتباریه اک کوزل بر صنفی تشکیل  
ایدن طوبجی ، دانه انداختنی فسا اجرا  
ایمیوردی . بوکا مقابل شرابنل آتشنی  
حسن اداره ایده مامکده ایدی . عثمانلی  
طوبجیسی ، کندیسنه نظراً دها قوتلی اولان  
روس طوبجیسیله محاربه دن اجتاب ایده رک  
صیق صیق موقع دکیشدیرور ، نومرو  
افرادینک تستر ایلدکلری خندکلردن غایت  
واسع مقیاسده استفاده ایدیوردی . لکن روس  
پیاده سی هجومه قالدیمی ، مستثنا برشدت  
ایله اظهار فعالیت ایتمکده ایدی . طوبجی اتشی ،  
صورت عمومیه ده ، غایت اوزون مسافاتدن  
آچیلدقده اولایغندن دشمنه برکونا خسار  
ابرات ایمیوردی . جمعیتلی آتس اجرا سینه  
عثمانلی طوبجیسنک تعلیم و تربیه سی مساعد  
دکل ایدی .

ترکرک هجومی بالترجیح جبهه دن وقوع  
بولمقده اولوب یالکراندرآ ، دشمن مواضعی  
جناحدن چویرمکه تشبث ایدرلردی .  
پیاده نک جناحلرنده صورت عمومیه ده  
غیر منتظم سوارینک غیر منتظم بیغینلری  
( باشی بوزوقلر ) چرخه جیلوق ایدرلردی  
بو غیر منتظم سوارینک اک کزیده قسمی  
قافا سیادن مهاجرت ایدن چرکسلر تشکیل  
ایدیوردی . مع مافیله بو چرکسلرده اولدن  
حائز اولدقلری اوصاف جنکاورانه دن خیالیسنی  
ضایع ایتمشدردی .

هرحاله کرک منتظم کرک غیر منتظم  
اولسون ، عثمانلی سواریمی عثمانلی عسکر-  
ینک اک ضعیف ، اک فنا تربیه کورمش  
واک آز بر قسمی تشکیل ایدیوردی .

## دوتما

روس ارکان حربیه سنک اثرنده دوتماض  
حقنده شو صورتله بیان مطالعات ایلمشدر :  
« پادشاهک همت واعتناسی نتیجیسی اولوق  
اوزره زرهلی فیلوسی مهم بروت تشکیل  
ایتمکده ایدیسه ده مرتبات و ضابطانی بوفیلونک  
اهلی دکل ایدیله . »

رسمی معلوماته نظراً عثمانلی دوتماسی  
۱۸۷۷ سنه سنده ۲۲ زرهلی ، ۸۲ زرهسز  
کیندن عبارت اولوب جمماً ۷۶۳ طوب  
۱۵۰۰۰ مرتبانی حامل ایدی .

مقابل روسلر؛ اللرنده بولنان برقاچ سفینه پی  
 طونه نهرینه کتیره بیلیمک ایچون قره یولاری  
 قولانمقده و برجوق مشکلاتی دخی اقتحام  
 ایتمک مجبوریتنده ایدیلر . لکن مع الناسف  
 عثمانلی دونتماسی، عثمانلی روس حربی ائساننده  
 برقیمت حربیه ایله تمایز ایتماشدر . اکر  
 بوفیلو، تعرضی بر مقصد ایله و کمال عزم و شدت  
 ایله استعمال ایدلمش اولسه ایدی روسلرک  
 (طونه) دن مرور تشبثاتی پک تهلکلی بر  
 حاله افراغ ایتمک پک اعلا ممکن اولوردی .  
 قوه مجریه من دشمن اردوسنه ضرر  
 ایراث ایدمه مامسته بدل کنندی اردومزه  
 بیوک خدمت ، بیوک معاونت ایفا ایتمشدر .  
 فی الحقیقه نقلیات عسکریه خصوصنده کیمیلر .  
 مزک ابراز ایلدکاری خدمات عظیمه ، تاریخ  
 حربده اندر آتصادف ایدیلور و قوعا تندر .  
 تکمیل حربک مدت جریانی ظرفنده مملکتک  
 مختلف نقطه لرنده ۱۵۰ طاپور؛ وارنه ،  
 دده اغاچ ، استانبوله سوق ایدلمشدی . اک  
 مهم نقلیات ۱۸۷۷ سنسی تموز و کانون  
 اولده و حربک نهایتنه طوغری و قوعبو -  
 لمشدی .

کریک اداره مخصوصه سفائی کریک استیجار  
 ایدیلن نقلیه سفائی کافه اجمال واثق ایله  
 برلکده دفعه (۳۵۰۰۰) کشی پی نقله مساعد  
 ایدی .

دونتمامن حقنده آلمانجه بر مجموعۀ بحریده

۱۸۷۶ سنه سی نهایتنه طوغری بودونما  
 بش فیلویه تقسیم ایدلمشدی :

(۱) طونه فیلوسی (۲) هو بر پاشا  
 قومانداسنده کی مرمره زرهلی فیلوسی (۳)  
 بحر سفید فیلوسی (۴) بحر احمر فیلوسی (۵)  
 بصره کورفزی فیلوسی . بالاخره طونه  
 فیلوسی حربک بدایتندن نهایتنه قدر تدریجاً  
 نقویه ایدلمشیدی .

بحر سیاه و طونه فیلولرینک قوتی شوندن  
 عبارت ایدی :

آچیق دکر فیلوسی : ۱۹ کی } بونک آلتیسی  
 زرهلی ایدی }  
 طونه فرقه بحریه سی : ۶ زرهلی ۱۷ زرهسز  
 سفینه حربیه [ ۱۲ ساتمره لک و ۱۲ ساتمیره -  
 لکدن اشاغی اولمق اوزره ۸۰ طوپی حامل  
 ایدیلر ]

تقریباً ۱۰۰۰ مرتباتی حامل ۳ تبحار کیمیسی .  
 کوریلپورکه اوزمانکی قوه مجریه من  
 اولدجه قوتلی بر فیلو تشکیل ایتمکده ایدی .  
 باخصوص که بوکا مقابل روسلرک فیلوسی  
 یوقدی . اندن بشقه ۱۸۷۷ سنه سی مارتنده طونه  
 نهرنده تطهیرات اجرا ایدلمش اولدیغندن بو  
 سایه ده آچیق دکر فیلوسی ، لدی الايجاب مرمره  
 فیلوسی ده برابر اولمق اوزره ، (طونه) نهرینک  
 ( سلاستره ) به قدر اولان قسمنده سیر  
 و سفر ایدر و حتی صولر یوکسلدیکی زمان  
 (طوره قان) ه قدر بیله کیده بیلوردی . بوکا

قدر امين برملجا اولماغله برابر ينه سفان،  
بونلرك طوپلرينك حمايه سي آلتنه چكييلور  
واوراده خساراتي تعمير و نواقصني اكمال  
ايديه بيلوردى .

حاصلى عثمانلى فيلوسنك شو تفوق  
وحا كميته نظر آروسلرك طونه ني چمك ايچون  
مشكلات و ضايعات عظيمه يه دوچار  
اوله جقلى آشكار ايديسه ده بونك ايچون  
عثمانلى فيلوسنك بو تفوق وحا كميته ن استفاده  
ايلسي ايجاب ايدردى . طالبوكه بحريه نك  
اوزمانكي درجه تعليم و تربيه سي بوكا مساعد  
دكلدر .

شبهه يوقدر كه عثمانلى افراد بحريه سي ده،  
افراد بريه كبي عين حس و فداكارى  
ايله متحسس و متحرك بولمقده درلر . فقط  
بوفضيلت جنكاورانه نه درجه شايان  
احترام اولورسه اولسون ، يالكيز باشنه  
تأمين موفقيته نادرا كفايت ايدر . جسارت  
شخصيه يالكيز كوكس كوكسه اوله جق  
بر محاربه ده ثمره دار اوله بيلور . طونه فيلوسنك  
اجرا ايتمكه مكلف بولسد يني حرركات كبي  
وظائفى حسن نتيجه يه ايصال ايتك ايچون  
دها بشقه اوصافه احتياج واردر كه بو اوصاف  
تركلرده يوقدى . اوصاف مذكوره شونلردر:  
يورلق بيلماز و هيچ بر مانع ايله خللدار  
اولماز بر حس تشبث ، هر نوع وسايط حرييه  
جديده يه غايت درين بر وقوف ، الحاصل

او قومش اولديغمز شوقره يي كمال تاثرله  
وطنداشلمزك انظارينه عرض ايديو روز :  
« تفوق عددي عثمانليلر طرفده اولديني  
كبي احوال و شرائط موقعيه ده عثمانليلره  
يك زياده مساعد ايدى . ( ابرائيل ) ايله  
( رهنى ) آراسنده كي قسم خارج اولمق اوزره  
( طونه ) نك بتون ساحل يسارى تمايله  
دوز ، بطاقلق و برچوق جدولارله مقطارع  
ايدى . انك ايچون بو ساحله ياقلاشمق  
مشكل ايدى . ساحل يمين ايسه بالعكس ،  
هان هر طرفده صارپ اولوب اكثر محالرده  
تسويه بجردن يوز متره ارتفاعه قدر يوكسلور .  
بوندن ماعدا ( طونه ) يه حاكم اولان قلاع  
واستحكاماتك كافه سي عثمانليلرك النده ايدى .  
اعلان حربدن همان اول انشا ايدلمش  
اولان مختلف استحكام و طابيه لردن بشقه ،  
طونه نهرينك كچيد حركانه اك زياده مساعد  
اولان بالجمله نقاط مستحكم ايدى . واقعا  
بو استحكاماتك بر چوغى حربدن اول خراب  
برحاله ايديسه ده استحكاملر همان يالكيز  
طوپراقدن معمول اولمق حسييله از بر زمان  
ظرفنده تعمير لرى ممكن ايدى . هر حالده  
بدايت مخاصماتده بو استحكاماتك تقويه سنه  
مساعد زمان موجود اولديغندن عثمانلى  
فيلوسنه اس الحرركات وظيفه سنى ايفا ايديه -  
بيلورلردى .  
بوقطامستحكمه بيوك عسكرى ليمانلرى

هیچ بر بارلاق موفقیت حربه ارانه ایتیمور.  
صورت عمومیه ده ، ترکر ، ادنی بر موفقیت  
بیله احراز ایتیمکسزین ، دونمالرینی  
ضایع ایتیمکده ایدیلر . بونک سبی شودرکه  
بودونمارک رأس اداره سنه قونیلان انسانر ،  
بو قوتلی واسطه دن لایقوله استفاده ایده جک  
بر اقتداری حائر دکل ایدیلر .

وسائط حربه تکمل ایلدجه ، هیئت  
قوماندانک بو قابلیتسرلکی ، ده از یاده کنیدی  
حس ایتدیریور و وسائط مذکورنک معقول  
وسالم بر صورتده اداره و استعمالی ده  
بیوک بر صرف ذکا و عرفانه عرض احتیاج  
ایدیوردی .

سلطان عبدالعزیز ، روسیه ایله بر حرب  
وقوعنده دکره حاکمیتک تأمین ایده جکی  
قواندی تقدیر ایش اولدیغندن بتون دقت  
و همتنی بحربه نک استکماله حصر و توجیه  
ایتمشدی .

احوال مالیه دولتک بک فنا اولمسيله  
برابر یننه مکمل بر زرهل فیلو وجوده  
کتیر یله بیلمشدی . لکن بوزرهلیری وجوده  
کتیر مک ایچون میلیونلر صرف ایدلیدیکی حالده  
کمبرک تجهیزاتی تشکیل ایدن افواه ناریه  
ایچون کافی درجه ده جبخانه احضاری  
خصوصی امال ایدلشدی . حالبوکه حرب  
ظهورنده ترکیه ایچون جبخانه تدارک ایتک  
امکانی یوقدی . زیرا اوروپا دولتلری

احوال و شرائطی سرعت و صحت ایله تقدیر  
ایدرک الله بولان و هائط حرکتی اکا کوره  
و ممکن اولان اک کوزل بر صورتده تطبیق  
و استعمال ایتک قابلیت ، تعبیر اخرله عزم  
قوی ، ذکا ، تشبث ذاتی و فکر عملی .

بو اوصافک مفقود اولدینی یرلرده ،  
حاکمیت ماده نه تدربوک اولورسه اولسون  
موفقیتک حصولنه اعتماد ایدیله ماز .



روس سوارایی

تاریخ حرب کوستر بیورکه ترکر ،  
هر عصرده ، قوه بحریه لرینی حیرت افزا  
بردرجه مکملیت ده تشکیله موفق اولملردر .  
ترکرک خصائل جنکاورانه سی ده معروف  
عالمدره . او یله ایکن بوسوک ایکی عصر ظرفنده  
ترکرک تاریخ عسکریلری ، دکرده قزانلش



حقننده پک مهم بعض معلوماتلری یا وار  
یا یوق ایدی . صورت عمومی ده تشبث

وعلی الخصوص بوکیملری انشا ایتش اولان  
حکومتلر بیطرفلق شرائط وقواعد ایله  
مقید بولنیورلردی .



روس پیاده وطوپچی افرادی

ذاتی دن محروم ایدیلر . اجراسنه مقتدر  
اولدقلری یالکز برشی وارسه اوده (تلسور)  
زماننده کی کبی بر کمیدن او برکی به طوپ  
آتمق صورتیاه محاربه ایتمکدن عبارت ایدی .

ترک بحریه لیلری طوپبارینی حسن استعمال  
ایتمک خصوصنده اندر تصادف ایدیلور بر  
مهارت ابراز ایتشلردر . بوندرا کلاشیلورکه  
ترکر بتون امیدلرینی اللرنده کی طوپلاره  
حصر ایتشلر . انک ایچون ، انک تهلکه لی  
زمانلرده بیله لغم وطوپریسل استعمالی  
خصوصنده اهل کواستر مشلردر .

روسلره کلنجه ؛ روس بحریه سنک کافی  
درجه ده معلومات فیه سی واولدقجه آچلمش  
برتریه عملیه سی واردی .

ایشته بوصورتله ترکرک تفوق مادیسنه ،

بحریه ضابطانمزک عملی ونظری تعلیم و  
تربیه سی درجه کفایه ده دکلدی . یالکز ، اکثری  
پک کنیج اولان بعض ضابطان مکتسبات  
فیه یی حائر ایدیلر . فقط بونلرک ده عملیات  
جهتی ناقص ایدی . ویا خودکه رتبه لرینسک  
عدم مساعده سی حسیله فکرلرینی قبول  
ایتدیره مازلردی . بیوک رتبه ده کی عثمانلی  
بحریه ضابطاننک جهالت وقابلیتسز لکمری  
حقیقه حیرت ایدیله جک بر درجه ده ایدی .  
تعبیه بحریه ، وسائط حربیه جدیده وبونلرک  
صورت استعمالی ، خدمت اشارات .. الخ



قزاق سوارسی

ویدن ، راحووه ، نیکبولی زشتووی ، روسجق ، طوتراقان ، سیلسترده لئکر انداز ایدیلر .

طونه نك قسم سفلیسی ، منصبدن (هیرزوا) به قدر زرهلی فیلونك تحت اشغالنده ایدی .

مایس آینك ایلک کونلرنده ، ترك کیمیلر- ندن بر چوغی آشاغی طونه نك ساحل یسارنده ، یرکوک ، اولطاینج ، ابرائیل ، رنی جوارنده یرلشدیرلمش اولان روس ویا رومانیا بطریه لرینه آتش آچه رق ویاخود بو موقعلری بی فائده برصورتده طوپه طوته رق محاربه به باشلامشردی .

صورت عمومیده ، طونه نك قسم وسطیسنده کی عثمانلی سفائی ، روسلرک کچید حرکاتی باشلادینی زمانه قدر ترصد حالنده قالمقله اکتفا ایتمشله ، یالکنز آره صره ترك مواقع مستحکمه سیله صول ساحلده کی دشمن بطریه لری آراسنده وقوعبولان طوپچی محاربه لرینه اشتراک ایتمشلردر .

روسلر ، مع هذا ، عثمانلی دونمسانك تشبثاتنه نهایت ویردیله .

طونه اوزرنده اجرای حرکات ایدن ۱۴نجی روس قول اردوسنه بر بحریه مفرزه سی ایله علی الخصوص لغم و طوریبلی خدماتنده اختصاصی اولان برقاچ بحریه ضابطی ترفیق ایدلمشدی . بومفرزه نك یاننده برقاچ بخاری شالویه واردی .

روسلردها بیوک بر محصله ذکا ، دها زیاده بر فکر تشبث ایله مقابله ایده بیلورلر ایدی که بوکا کوره میزان مظفریتک هانکی طرفه تمایل ایده جسته دها بدایتدن حکم ایتمک مشکل اولماز .

عثمانلی دونمسانی ، وقایع حربیه اوزرنده جدی بر نفوذ و تاثیر اجرا ایده بیلور ایکن ، عطالت و قید سزلکی ایله بتون امیدلری ، بتون امالری آلدادی . واقعاً نتیجه قطعیه بلغارستان محاربه میدانلرنده تظاهر ایده - جکدی . لکن ترکر دونماریله ، مخاصمانك اوائلنده روسلرک حرکاتی اشکال ایده بیلور ، طونه دن کچید حرکاتنه قارشو مشکلات عظیمه احداث ایدرک روسلری بیوک ضایعانه دوچار ایدر و کچید اجرا ایدلر کدن صکره ده روسلرک رومانیا ایله اولان موصلاتی قطع ایده بیلوردی . بونلر هیچ شبهه یوق ، استخفاف ایدیلرک ، تنزل ایدیلرک فائده لر دکل ایدی . با خصوص دوشوملی ایدی که روس اردوسنك بالجمله ارزاق ولوازمی رومانیا طوپراغندن کچمک مجبوریتنه ایدی .

حربک بدایتنده ، ترك فیلونك سفائی (طونه) نك صاغ ساحلی بونجبه توزیع ایدلمشدی . بروجهله که التی ویا سکز ساعت ظرفنده ، هیچ اولزسه ایکیشر ایکیشر غروب حالنده طوپلانه بیلوردی . بوکیمیلر

طرفينك قوه عسكريه سي

۹۱

بطر به لری تأسيس ايدلسنك نتيجه سي اولمق  
اوزره بوندن صكره عثمانلي دونماسنك  
( اسس حاجي ) نك اونه طرفندن كچه سي  
منوع اولديغندن دونتامن طونه نك يالكيز  
منصبلرني ترصد ايمككه اكتفايه مجبور  
قالمشدى .

نيسان نهايتندن اعتباراً يعنى اعلان  
حربدن آتني كون صكره ، بو مفرزه تركلر  
طرفندن هيچ تعجيز ايدلكسزين ، ثابت  
طور پيللر واسطه سييله ( رهنى و ابرائيل )  
جوارنده طونه نهريني سد ايمككه موفق اولدى .  
كرك بو سد حركتنك كرك ( رهنى )  
قربنده روسلر طرفندن يوك چاپده ساحل



رومانیانک قوه عسکریه سی

جمعا : ۵۲ پیاده طاہوری ۴۰ سواری  
بلوکی ۲۶ بطاریہ ویاخود ۵۷,۰۰۰ تفنک  
۸۰۰۰ آتلی و ۱۵۶ طوپ .

مدافعہ مملکت ایچون و صحرا اردوسی  
اکال ایتک ایچون دھا شونلرواردی :

میلیس : التیشر بلوکی ۳۳ طاہور  
ہربری ۲۰۰ اتلیدن عبارت ۳۰ سواری بلوکی  
طاہورباشنہ ۱۷۰۰ فردن عبارت طولغون  
موجود ایلہ میلیس اردوسی ۵۰,۰۰۰ نفر ،  
۶۰۰ آتلی قوتندہ ایدی .

مستحفظ عساکری غارنیزون خدمتی  
ایفا ایتک ، مملکتندہ انضباط واسایشی محافظہ  
ایتک وظیفہ سسیلہ موظف اولہرق میلیس  
اردوسی حربہ اشتراک ایدہ جکی زمان سلاح  
التنہ دعوت ایدیہ جکدی .

اسلحہ وجیخانہ

پیادہ و آوجیلر ( پوادی ) سیستمندہ کی  
تفنک لراہ ، احتیاط طاہورلر ایکنہ لی تفنک لراہ  
مجهز ایدی ، افرادک اوزرنندہ (۱۰۰) قورشون  
واردی .

سواری قیلیچ و فلنظہ ( ایکنہ لی ) ایلہ  
مجهز در .  
طوپچی قسماً اسکی درت فوندلق ،

رومانیا اردوسنک تشکیلاتی مکلفیت  
عمومیہ عسکریه اساسنہ مستنددر . خدمت  
عسکرہ ۲۱ یاشنک اکلندن ۴۶ یاشنہ قدر  
دوام ایتک اوزرہ اقسام آتیہ یہ آیریلور :  
۸ سنہ دائمی اردودہ ( ۴ سنہ نظامیہ ،  
۴ سنہ احتیاطدہ ) ویاخود احتیاط اردودہ  
( ۶ سنہ موظف ، ۲ سنہ احتیاط )

۶ سنہ میلیس اردوسندہ  
۱۰ سنہ مستحفظ صنفندہ  
شو حالده صحرا قطعانی ایکی قسمدن  
مرکب ایدی :

۱ . دائمی اردو :

دردر بلوکی ایکیشر طاہور دن  
مرکب ۸ پیادہ آلابی  
دردر بلوکی ۸ آوجی طاہوری

بہری ایکیشر یوز قلیچدن دردر  
بلوکی ۲ سواری آلابی (ھوسار)  
التیشر طوپل اتی بطاریہ دن مرکب  
۴ طوپچی آلابی  
التیشر طوپل ۲ سواری بطاریہ سی  
درت بلوکی ۱ استحکام طاہوری  
۱ قازمہ جی بلوکی

۲ . احتیاط اردوسی :

ایکیشر طاہوری ( ۱۱۰۰ تفنک )  
۱۶ پیادہ آلابی  
دردر بلوکی ( ۲۰۰ آتلی ) ۸  
سواری آلابی

روس اردوسنک (طونہ) یہ تقریبی تسہیل  
ایتمک و حرکات اردوسنی، علی الخصوص  
حربک ادوار ابتدائہ سندنہ جدی بر صورتہ  
تقویہ و تزیید ایتمکن عبارت ایدی .

عثمانیلرہ کلنچہ ؛ رومانیا اردوسی ،  
روسارک تجمع سوق الجیشنی و ایلروہ حرکاتی  
تأخیر ایدر و عثمانلی اردوسنک تعرضی  
اختیاری حالندہ (طونہ) نک شمالندہ بر پیشدار  
وظیفہ سنی ایفا ایلردی . عثمانیلر مدافعہ نی  
الترام ایلدکلری حالہ دخی رومانیا ایلر بر  
کوپری یہ استناد ولدی الحاجہ (قالات) دہ  
بر کوپری تأسیس ایدرک روسارک جناحنی  
تہدید ایدہ بیلوردی .

قسماً یکی آلتی فوندلق و چنبرلی قروپ  
طوپلر بلہ مسلح ایدی .  
طوپ باشنہ بر جبخانہ عہدہ سی واردی ،

طونہ فرقہ بحریہ سی

رومانیا نک طونہ دہ بہری ۴ طوپلہ مجہز  
۲ چرخلی کمی ایلہ ۱ طوپ چکری واردی .  
فرقہ بحریہ استاسیونی قلاص ایدی .  
رومانیا نک کاغد اوزرنندہ کی تشکیلاتنہ  
نظراً اولدنجہ قوتلی و ایو مسلح بر اردو  
تشکیل ایتدیکی کوریلپور . رومانیا اردوسنک  
ہر ایک طرف ایچون بیوک براہمیتی واردی .  
روسار ایچون رومانیا اردوسنک اہمیتی ،  
انی طونہ یہ طوغری ایلرو سوق ایدرک

## روسینک استحضارات عسکریه سی و اعلان حرب

باقہلم حقیقت حالہ نہ اولدی ؟  
۱۸۷۶ سنہ سی آغستوسنندہ ، ایجابندہ  
بلغارستانی اشغال ایدہ بیلیمک ایچون رومانیا دہ  
ایکی قول اردو تحشید ایتمکہ قرار ویرلمشدی  
لکن دولت عثمانیہ مزک قابلیت مقاومتی ہیچ  
بیلما مکن نشئت ایدن بو قرار همان ترک  
ایدلمشدی .

۱۸۷۶ سنہ سی تشرین او انک برندہ  
( اودہ سا ) ، ( حار قوف ) و ( کیاف )  
دواثر عسکریه سنک بالجلہ قطعاتی ایلہ  
قافقاسیا قطعاتنک بر قسمنک سفر بر لکہ  
حاضر لانسبی امری صادر اولدی ؛ ۲۴

اسباب سیاسیہ بختندہ تفصیل ایدلمش  
اولدینی کی دولت علیہ ، روسینک  
مدعیات غیر مشروعہ سنی کمال شدت  
ایلہ رد ایلش اولدیفندن روسلر ؛ یالکز  
تہدیدات عسکریه ایلہ بزی مجبور مامشات  
ایدہ میہ جکلرینی و آنجق قوۂ عسکریه مزنی  
تمامیلہ مغلوب ایتمکہ نائل آمال اولہ بیلہ جکلرینی  
تیقن ایتمشردی .

روس محافل عسکریه سی بو جہتی  
دوشونہرک استحضارات عسکریه دہ بولنق  
و بواسحضاراتی کمال سرعت ایلہ اکمال ایتمک  
لزومنی تقدیر ایلش کی کورونمکدہ در .

ذات حشمت پناه ، ذات دولتکوزک [۱] ایلرو یوروشه باشلامق ایچون ترتیبات مقتضیه- یی اتخاذا ایللرینه مساعدده ایدیور . حدودک تجاوزی کیفیتک ، حربک اعلانی ایله عین زمانده وقوعه بولمسی مناسب اوله جغندن ذات حشمت پناه ، حدودی کچمک ایچون ایجاب ایدن استحضاراتک نه قدر زمانه متوقف بولدیفنی اوکرتمک آرزوسنده در .

۱۰ نيسانده ده شوتلغراف کوندرلمشدی :  
« حشمتلو ایمراتور ، اعلان حرب وتجاوز حدود کونی شمیدین تعیین ایتمک قابل اولدیفنی فکرنده در . ذات دولتکوزک ، موضوع بحث اولان زماندن لا اقل ۱۰ کون اول اجمال استحضارات ایلش اولملری مقتضیدر . بو صورته اعلان حربله برابر قطعاتک ایلرو یوروش حرکاتک ممکن مرتبه سرعتله وقوعه بولمسی تأمین ایدلمش اولور . »  
اک نهایت ۱۱ نيسانده شو تلغرافنامه کشیده ایدلدی :

« حال ووضعت یکیدن تبدل ایتدیکی تقدیرده ، حشمتلو ایمراتور ایلولک ۲۴ نجی کونی حربک اعلانی ، حدودک مروری کونی اوله رق تعیین ایتک فکرنده در . بو قرار شمیرلک هنوز مکتوم طونلیور . یکیدن سفر بر حاله وضع ایدیله جک قطعاتک

[۱] اردو باش قوماندانی غراندوق نیقولای نیقولای

تشرین اولده دخی موسقووا دائره سنک ۴ پیاده فرقه سنک سفر برلکه مهیا بولمسی ایچون امر ویرلدی .

روس تاریخ حرب رسمیسنک ۱ نجی جلدینک ۷ نجی صحیفه سنده دینیلورکه : « ۱۱ تشرین ثانی ۱۸۷۶ ده ایمراتور ایکنجی الکساندر ، موسقوواده اصلزادکان ایله مبعوثان بلده به خطاباً بر نطق ایراد ایدرک بو نطقده روسیه نیک باب عالیدن طلب ایتمکه صلاحیتدار اولدیفنی شیلرک کافه سنک اجرا آتی تکفل ایده بیله جک تضمیناتی ایستمکه قطعاً قرار ویرمش اولدیفنی افاده ایتمشدی ؛ باب عالی آورو بانک مطالبانه موافقت ایتیه- جک اولورسه ، روسیه مستقلاً حرکت ایده- جکدی . بو سوزلره ده زایده بر شدت وقطعت ویرمک ایچون ایمراتور ۱۳ تشرین ثانی ۱۸۷۶ ده روس اردوسنک بر قسمنک سفر برلکی امرینی اعطا ایدلدی . »  
سفر برلک وتجمع سوق الجیشی ۱۸۷۷ سنه سی بدایتده تمام اولمشدی .

مع هذا بر طرفنده مذاکرات سیاسییه دوام ایدیلوردی . روسیه انجق نیسان ابتدا سنده حرب ایتمکه مجبور اولدیفنی ادراک ایتمشیدی . ۹ نيسانده حربیه ناظری اردو باش قوماندانلغنه شوتلغرافی کشیده ایلدی :  
« استانبولدن نان سوک خبرلر ، حربدن اجتناب قابل اولدیفنی افهام ایدیورلر .

بوزهابی صورت قطعیده تکذیب ایلدی .  
 اوزمانلر ، یالکنز اوزمانلر دکل بلکه ۱۰ تموز  
 یوم اکبرینه قدر اورویانک معنأ ، ماده ، اداره  
 الضعیف ، الکزواللی بر حکومتی عد ایدیلان ،  
 ایام حیاتی چوقدنبر وصاییلی بر «خسته آدم» دیه  
 توسیم اولنان ترکیا ، خصمک سفر برلکنندن  
 قورقدی . بالعکس تهید آمیز کورینن  
 بوتعرضانه مقابله ایده بیلیمک اوزره فوق العاده  
 فداکارلقلر اختیارینه تشبث ایلدی . تاریخ  
 حربده امثال عدیده سنه تصادف ایدیلان  
 بر حقیقت که ، ناکهانی اوله رق وقوعبولان  
 تسلیحات حربیه ، اعلان حربی منع ایده میهرک  
 بالعکس انی تعجیله مدار اولور حکمنی  
 ناطقدر ؛ بر دقعه دها تظاهر ایتمش ایدی .  
 ۱۸۰۵ سنه سنده ناپولون ، کنديسنک حربه  
 آماده اولان اردوسنی انانیا اوزرینه آتمق  
 ایچون اوستریانک تجهیزات حربیه باشلامسنی  
 نعم الوسیله تاقی ایتمشدی . ۱۸۶۶ سنه سنده  
 هر ایکی طرف محافل عالیه سنده صلح ومسالمتک  
 محافظه سی ایچون حکم فرما اولان نیات  
 حسنه بر غمأ حربی منع ایتمک قابل اولمامشدی :  
 چرنکه هر ایکی طرف استحضارات حربیه  
 باشلامش بولنیوردی ، طرفیندن برینک هر بر  
 حرکتی دیگر طرفی ده صوک درجه فعلیتی  
 اظهاره مجبور ایده جکی طبیعی ایدی .  
 اوزمان تعاطی ایدیلان نوطه لرده دائمأ  
 قارشو طرفک تدارکات حربیه سی ، بالمقابله

سفر برلک امری نیسانک ۱۵ نجی کونی تبلیغ  
 اولنه جقدر . «

بوخبرات ، لوندره پروتقولی ایله روس  
 اولتیا تومنک ۹ نیسانده باب عالی طرفندن رد  
 ایدلمی اوزرینه وقوعبولمشدی .

۲۴ ایلول ۱۸۷۷ ده روسیه حکومتی ،  
 دولت علیه نک پترسبورغ سفیرینه اعلان  
 حربی متضمن اولان نوطه یی تودیع ایتمشدی .  
 بونوطه نک حین تسلیمنده روسیه اردوسی ده  
 رومانیا یه طوغری ایلو یورویشه ابتدار  
 ایدرک حدودی کچمش ایدی .

روسیه نک صورت حرکتی ایکی نطقه  
 نظردن یعنی بر کره سفر برلکک زمان  
 اجراسی و بونک ایچون احضار ایدیلان  
 اسباب ، دیگر جهتدن ایسه اعلان حربک  
 صورت تبلیغی اعتباریله شایان تدقیقدر .

روسلرک سفر برلکی او یله بر زمانده  
 باشلامش ایدی که روسیه حکومتی ، بالجه  
 مطالبی دولت علیه طرفندن قبول ایدلمدیکی  
 قدیده ده حرب ایتمه صورت قطعیده قرار  
 برمشدی . سفر برلک ، بو آرزویی جهان  
 دنیته تبلیغ ایتمک و امپراطورک تشرین ثانینک  
 ۱۵ نجی کونی وقوعبولان افادانته شکل قطعیت  
 رملک ایچون اجرا ایلدی .

سفر برلکک تأیری ایله دولت علیه نک  
 سیه مطالبنی قبوله مجبور اوله جغنی ظن  
 تخمین ایدیلیوردی . حالبوکه جریان وقوعات

تداركات واستحضاراتی استلزام ایدلیکی بیان  
ایدیلرک مسؤلیت خصمک اوزرینه تحمیل  
ایدیلوردی .  
برده بوقیل تداركات وتسلیحات؛ هنوز  
اجراسی متصور و بر نتیجه حسنه اقرانی ده  
مأمول اولان مذاکرات سیاسی تصعب  
واشکال ایدرلر . بر کره قیلیج یاری یاری به  
ویاکاملاً نیامندن چیقدیمی ، مطالبات واقعه  
کاملاً استحصال ایدلسه بیله ، آنی تکرار  
درینام ایتمک انجق بر نیم شرف ایله اولور .  
قان دوگملکسزین قابل استحصال اولان مقادیر  
صدله اکتفا ایله سیاست ائتلاف ممتنع اولوب  
هیچ اولمزه سیاست اختیار تعرض ایدن  
جهتک، تداركات واستحضارات سرعسه بیله  
قابل توفیق اولمیه جق بر رجوع، بر فدا کارلق  
ابراز ایلمسه متوقف در .

بوملاحظاتی اتیانه بزی سوق ایدن شی  
روسیه ارکان جریبه دائره سی طرفه نشر  
ایدیلان رسمی تاریخ حربده تصادف  
ایتمش اولدیغمز بر فقره در . بو اثرک ایکنجی  
جلدینک ۱۴ نجی صحیفه سنده دنیلورکه :  
« روس اردوسی - حرکات اردوسی  
بدایت امرده روس دیپلوماتلرینک مطالباتی  
تقویه ایتمک اوزره انجق بر تهدید نمایشکاری  
اجراسی مقصدیله سفر بر حاله وضع اولمشیدی؛  
مذاکرات سیاسی بد عدم موفقیته  
دوچار اوله جق اولورسه اوزمان مذکور

اردویه بر قیش سفری اجرا ایتمک وظیفه -  
سی تحمیل اولنه جقدی .  
روس ارکان حریبه سنک شو مطالعاتی  
تحلیل و تنقید مزه متحمل اولمق ماهیتنی  
حاضر دکدر . افادات سابقه مزده بوکا  
معطوفدر .  
روس اردوسنک ناموسم سفر برلکی،  
مذاکرات سیاسی اوزرنده هیچ بر فائده  
حاصل ایتمش و روسلر بالعکس بوندن متضرر  
اولمشلدر .  
۱۳ تشرین ثانی ۱۸۷۶ ده سفر برلک  
امری رسماً اعطا اولندی . حالبوکه ده  
اولدن سفر برلک حاضر ایدلمشدی . ۱۸۷۷  
سنه سی بدایتده اردو حرکات حریبه  
باشلایه جق ایدی . حرکات عسکریه  
بالنسیبه بوبله ایرکن باشلانمشک فوایدی شو  
ایدی که عثمانیلر ، هنوز خیلی کیریده اولان  
تسلیماتی اگاله وقت بوله میهرق حاضر لقسز  
بر حالده اوزرلرینه وارمق و بو صورته  
ضایعات اقل ایله هدفه واصل اولمق ممکن  
اوله جقدی انجق موسمک سفری کشاده  
مساعده اولمدیگی اکلانشیدجه ، دیپلوماتلر  
دها بر از ایشی سور وگمکه مجبور اولدیلر .  
مع هذا حرکات حریبه ۱۸۷۷ سنه سی  
کانون نایسنده باشلامق ، نیشان نهایتده  
باشلامغه نظر آدها مساعده اولوردی . یوللری  
آز ، انک ایچون صولری مبذول واووه لقی



بر اراضیدہ یوروش اجرا ایتک ، حرکتی  
تسریع ایتک نقطه نظرندن قیش ، ایتک  
بہارندن دھا مساعد بولندی فی فکرندہ یز .  
حاضر نفسی سایہ سنده اوستریالیلرہ نظراً  
خیلی چابق حرکت عسکریہ بہ مہیا بر حالہ  
کمشردی . لکن روسلرک یابدنی کی قرال



مصر عسکری

بو وادیدہ دخی تاریخ حرب بر چوق  
درس و مثال ارانہ ایتکدہ در .  
۱۸۶۶ دە پروسیالیلر تشکیلاتلرینک  
دھا ایو اولسی وسفر بر لاکک دھا اولدن  
ویلہلم دخی مذاکرات سیاسیہ نک نتیجہ  
مساعدہ سنہ انتظار ایدرک اعلان حرب ایتکدہ  
تاخر ایلدی ؟ بوندن طولانی موتکہ ،  
استحضارات حربیہ جہ اولان تفوق و تقدمک

تأمین ابتدیی بتون فوآندی زائل اولدیغندن  
بخشله شکایت ایلدی . فی الحقیقه فوآند  
مذکورہ نك قسم اعظمی ضایع اولمشدی .  
بوکا مقابل ۱۸۷۰ سفری استحضارات  
حربیه جه تقدمك تأثیر قطعیسی ارأه ایتکده  
اولوب سفر مذکور دن بری سفر برلکده کی  
سرعت ، بر حربك شرط اقدم موقیتی اوله رق  
تلقی ایدلکده در . چونکه هیچ شبهه قبول  
ایتمیان حقیقتلر دندر که بر قاج کونلک بر تقدم  
وبو تقدم سایه سنده حرکات حربیه ده  
اول باشلامق کیفیت ، دیگر خصوصلر جه  
شرائط متساویه موجود اولدینی حالده ،  
قطعی و مطلق بر تفوق بخش ایدر . بو حقیقت  
بالجمله حکومات عسکریه بی ، قوه حربیه لرینی ،  
استحضارات سفریه لرینی ویول و شمشندوفر  
شیدک لرینی ، کندیسبله محاربه ایتسی ملحوظ  
اولان خصملره بو خصوصی فائق اوله جق  
صورتده تنظیم و ترتیب ایتسه که اجبار  
ایلمکده در . [۱]

برکت ویرسون که ۱۸۷۷ سنه سنده

[۱] بناءً علیه استقباده هر دولت ، خصمنك  
قسماً وقوعه بولجق بر سفر برلکنه قارشو ده  
زیاده اندیشه ناك اوله حقددر . زیرا بوله بر حاضرلق ،  
خصم طرفنه تقدم حرکت تأمین ایدرک مساعی  
مدیده حضریه سایه سنده قرانلمش اولان استحضار  
راندہ کی تفوق بر طرف ایدہ بیلور . انک ایچون  
استقباده بوکی سفر برلکار ؛ سیاست قابل  
اجتناب اولان حربلری عدیم الاجتناب بر حاله  
کثیره جکاردر .

روسلر ، تاریخ حربك بو عیان و آشکار  
درس لرندن استفاده ایتکی بیلمامشلر و  
استحضارات حربیه لرندہ کی تقدم و تفوق  
تأمین ایدہ بیله جکی فوآند عظیمه دن محروم  
قالمشلر در . . . مع هذا بو خطالرك استقباله  
لده ده دائماً تکرر و تعاقب ایتسی اقوای  
ملحوظدر .

انک ایچون اکثر یا شوراسنی اخطار  
ایتمک لازم کلور که عمومی بر سفر برلکدن  
اول اجرا ایدیله جک استحضارات ، اعلان  
حربی تعجیل ایتکدن باشقه بر نتیجه بی  
انتاج ایتسه جکسندن بو جهت نظر دفته  
آله رق بوکی تهلکلی استحضاراتده  
بولمغه قیام ایدہ جک طرفك ده اولجه  
حربه قرار ویرمش اولسی و بناءً علیه  
بالترجیح عین زمانده عمومی سفر برلکی  
اعلان ایلسی مقتضیدر . بو صورت حرکت ،  
معنای حربی متضمن اوله جق ایسه ده  
هیچ اولماز ایسه بو سایه ده تقدم و استقلال  
لیت حرکت تأمین ایدلمش اولور ؛ قسماً  
وقوعه بولجق سوقیات عسکریه ایسه حربك  
حدوشنه بر زمین تهیه ابتدیی حالده اسفار  
اخیره ده اولدینی کبی یالکنز طرف مخالفك  
استفاده سنه خدمت ایتمش اولور . چونکه  
خصم طرفی بو صورتله استحضاراتی اکیاله  
وقت بولورویا خودده اولدن باشلا دینی عمومی  
سفر برلکه تقدم حرکتی کندیسنه تأمین

ایستورلر. حالبوکه براردونک استحضارات  
 حربیه سنده کی تفوق و تقدمندن لایقوله استفاده  
 ایلمسنه مانع اولان بر مسلک سیاسی، ارتق  
 اسکیمش اولوب زمانزک احتیاجات و تمایلاتنه  
 اصلا موافق دکلدرد. ذاتاً احوال بشر، نظر  
 حقیقت ایله تدقیق ایدیله جک اولورسه،  
 بوکبی ملاحظات سیاسیه نک شایان اتباع  
 اولمغه عدم لیاقتی تبین ایدر. سیاست نه در؟  
 سیاست دیمک، منافع و آمالک مجادله سندن  
 بشقه برشی دیمک دکلدرد. خلقت بشردن  
 بری، حرب حقنده نه کی قواعد و قوانین  
 جاری ایسه سیاست حقنده ده این قواعد  
 و قوانین جاری بولنمقده در. پولتیقه نک یالکز  
 بر وظیفه سی، بر هدی واردرد. اوده صلح  
 و یا حربدن هانکیسنه لزوم اوله جغنی تعیین  
 و تقدیر ایتمکدن عبارت در. اگر حرب ایتمکه  
 احتیاج وار ایسه، او حالده، ایجاب ایدن  
 قوتی و اکثریا ملتک تکمیل قوتی بردن  
 صرف و استعمال ایتمکه باشلامق ایجاب ایدر.  
 اگر صلح ارزوایدیلورسه، اوزمان بر مسلک  
 ائتلاف تعقیب ایتمک لازمکلور. لکن هر  
 حالده ایکیسندن بریسنه صورت قطعیه ده قرار  
 ویرمایدرد. حرب، یعنی سلاح بدست اوله رق  
 غوذا ایتمک بر دولت ایچون اک مخوف، اک  
 تهلکه لی برشیدرد. او یله اولونجه، پولتیقه جه  
 نه قدر ماهرانه عد ایدیلورسه ایدلسون، نیم  
 وسائطه و نیم تدابیره مراجعت ایتمکدن توی

ایدر. اندن باشقه حرکات عسکریه یه  
 باشلامیه جق اولدیغی حالده اجرا ایدیله جک  
 سفر بر لکلر و نقلیات عسکریه بر نیم تدبیر  
 دیمک اوله رق بر چوق محاذیری داعی و هر  
 شیدن اول تردد و قرار سزلق وضعف داخلی  
 و سیاسی اماره سی در.

بوکبی تدبیرلری و حرکتلری روسلر،  
 حربدن صکره دائم بر سوری ملاحظات سیاسیه  
 ایله تاویل و تفسیر ایتمک ایستمشلردر. لکن  
 بو تقدیرده ده تعقیب ایتمک لری مسلک سیاسی  
 شایان مؤاخذه عدایدملک لازمکلور. چونکه  
 عسکرلرک عدم موفقیاتنه و بیهوده یره  
 ضایعات عظیمه وقوعنه سببیت ویرن بر  
 مسلک، فنا بر مسلک دیمکدر.

حال بوکه دیپلوماتلر؛ عسکرلرک ضرر  
 ینه دکل، بالعکس دائمآ فائده سنه خدمت  
 ایتمکه موظفدرلر. بو قییلدن اوله رق  
 روسیه ارکان حربیه سنک اثرینک برنجی  
 جلدینک ۳۳۳ نجی صحیفه سنده شو صورتله  
 بیان مطالعه ایدیلور: « اردونک سفر بر لکی  
 متعاقباً و تدریجاً یعنی وضعیت سیاسیه نک  
 صفحات مختلفه سنه تابع اوله رق وقوع بولدی. »  
 بو مطالعه مجروحدر. یالکز بر عسکر  
 صفتیه دیرزکه روسلر سوق الجیش نقطه  
 نظرندن اوزمان اجرا ایلمش اولدقلری خطایی  
 بوکون بیله تقدیر ایتمه رک اسباب سیاسیه شکلی  
 آلتنده معقول بر حرکت اولمق اوزره ارا نه ایتمک

ایملیدر . چونکه بو، مجرمانه بر صورتله آتش ایله اوینامغه بکزه ر .

افکار مزی اجمال ایدهلم : حرب پوتیقه نك واسطه متهاسی در ، انك ایچون پوتیقه ؛ بو صوك واسطه نك سهو استعماله دوچار اولماسی ، بالعكس بتون قوتی ، بتون شدتی ایله استعمال و تطبیق ایدیله بیلمسی خصوصنه عطف اعتنا ایملیدر . دیپلوماتلر ، حربك ، سوق الجیشك قواعد اساسیه وابتدائیه سنه و قوف تام صاحی اولمیدر . قواعد اساسیه حربیه دن غافل اولان بر دیپلومات ، عسکر لر نظر نده تماماً قابلیتسز بر دیپلوماتدر . چونکه بویله دیپلوماتك حرکاتی بعضاً اردویه بر چوق کوزل فرصت لر غائب ایتدیرر ، واردویی پك بیوك استفاده لر دن منع ایده بیلور .

( آرشیدوق شارل ) بو حقیقی غایت بلیغانه اوله رق افاده ایتشدر :

« اردولرك افراط درجه ده جسامت اکتساب ایلر یله تعیبه ، قیمت و اهمیتنی ضایع ایتدی وسوق الجیش حرکات و تداییری اسفار و محارباتك موفقیته اقتران ایلمی ایچون منفرد مانوره لر اوزرنده قطعی بر حکم و نفوذ احراز ایلدی .

انجق بو تداییر سوق الجیشیه علی الاکثر قابینه نك مقرراتیله ، صحرا اردوسی باش قوماندانك ید اداره سنه تودیع ایدیله جك منابع معاونیه تابع اوله جغندن یاسر آمدان

رجال دولت فن حربك قواعد اساسیه سی حقنده افکار سالمه و صحیحه یی حائز اولمیلر ؛ و یا خودک اردولرك باش قوماندانلنی مودوع اولان ذاته نی حدود برامن و اعتماد بخش ایلیدر . عکسی تقدیرده حربك دهها استحضارات ابتدائیه سنده ایکن مصیبت انکیز سفیرلرک و بلکه ده اقراض دولتک زمینی احضار ایدلمش اوله بیلور .

بسمارقه اویوکلکی بخش ایدن ایشته بو « فن حربك قواعد اساسیه سنه و قوف صحیح » دن عبارتدی . موخی الیه اعلان حرب زمانی دائماً ک مساعد وضعیت سوق الجیشیه زمانته تصادف ایتدیره جک صورتده مذاکرات سباسبیه یی اداره و توجیه ایتمه موفق اولوردی .

اقصای شرق سفرنده ژاپونلرك احراز ایلدکاری مظفریات ده عسکر لر دن زیاده دیپلوماتلرك سایه سنده اولمش دینیله بیلور . چونکه ژاپون دیپلوماتلری مذاکرات سیاسیه یی او درجه کوزل اداره ایتشلردر که اساساً قوه بحریه جه روسلره معادل و قوه بریه جه روسلره مقایسه ایدلماز بر درجه ده ضعیف بولنان ژاپونلر ، قره ده و دکزده غایت مساعد بر وضعیت سوق الجیشیه یه کلور کلماز ؛ مذاکرات سیاسیه قطع ایدلمشدی . فی الحقیقه روس فیولری (پورا نور) ، ( ولادوستوق ) ، ( شه مولبو ) لیمانلر دن طارمه طاغنیق

پترسبورغده دولت علیه سفیرینه تبلیغ  
ایدلمشدی. عین کون صباحلین ساعت درتده،  
ایلیک روس قطعه لری روسیه ایله رومانیا  
آراسنده کی حدودی کچورلر، یعنی دولت  
علیه نک تحت تابعیتنده بولسان بر اراضی به  
پای انداز تخطی اولیورلردی. اعلان حربی  
متممن نوطه نک سفیر مزه صباحلین ساعت  
۴ ده تسلیم ایدلمش اولسی غیر قابل اولدیغندن،  
روس قطعانک کندیلرینه بیوک بر استفاده  
تأمین ایتمک مقصدیه حدودی اعلان حرب  
رسماً تبلیغ ایدلمزدن اول تجاوز ایتمش  
اولدقلری آشکاردر.

روسلرک بوحرکتی تاریخ حربده یکانه  
برمثال تشکیل ایدیور.

۱۸۶۶ سنه سنده روسیا حکومتی، آوستریا  
ارکان حربیه سنک اثرینک ۲ نجی جلدینک  
۳۶ نجی صحیفه سنده او قود یغمز کبی، اعلان  
حرب نوطه سنی، «بالجمله اصول و قواعد موضوع-  
عه خلافه اولمق اوزره، پرسیا لیر، آوستریا  
ایلری قره غولارینک یاندن حدودی تجاوز  
ایتدکلری دقیقه ده» تسلیم ایتمش لردی.  
بو حرکت تعامل شکنانه لریله پرسیا لیر  
اوزمان بر ویا ایکی کونلک بر تقدم حرکت  
قزاعش لردی. چونکه آوستریا اردوسی باش  
قوماندانلنی اعلان حربدن خبردار اوله رق  
قول اردو قوماندانلرینه او امرینی تبلیغ  
ایدنجه یه قدر بو قدر بر زمان مرور ایلمشدر.»

برحاله ایدی. روسیه دن کلن برامداد  
فیلسوی هنوز سویش قنالی کچمدیکی حالده  
ژاپونینانک ایٹالیان اشترایتمش اولدینی  
ایکی یکی زرهللی قروواروز، برر مژده  
ظفر کبی، اقصای شرق افقلرندن عرض  
وجود ایتمش ایدی. شو وضعیت اک مساعد  
بر وضعیت ایدی. اگر ده بر ایکی هفته  
کچمش اولسه ایدی، بوزلر جوزیله چکنندن  
(ولادستوق) و (پوراتور) فیلولری بربریه  
برلشه چکلری کبی امداد فیلسوی ده یتشمش  
و بو حالده روس قوای بحریه سی متحد برحاله  
بولتمش اوله جقدی که بو وضعیت قارشوسنده  
ژاپونلر یا حربی قبول ایتمکه اصلا جسارت  
ایده میه چکلر و یا خود که پک بیوک مشکلات و  
ضایعاته دوچار اوله جقلردی... حال بوکه  
دیپلوماتلرینک کیاست و بصیرت سایه سنده  
ژاپون قوماندانلری اللرنده کی قوتدن اعظمی بر  
استفاده تأمین ایتمشدر.. از قوتله چوق ایش  
یا بمش بلکه ده ژاپونینانک و ژاپونیا ایله برابر  
بتون آسیا قطعه سنک استقبالی تخلص  
ایلمش لردر..

تکرار ایدم؛ بوشرف اک زیاده ژاپون  
دیپلوماتلرینک وضعیت سوق الجیشیه یی  
حسن تقدیر ایده بیللمرینه عاندر.

\*  
\*  
یوقاریده سویلدی کمز کبی ۲۴ نیسان  
۱۸۷۷ ده روسیه نک اعلان حرب ایلدیکی

روس سره کلنجه ، حرکات حربیه به باشلا .  
 مازدن اول اصولاً اعلان حرب ایتمک شویله  
 طورسون ؛ حدودی تجاوزایتدکاری زمان  
 بیله اعلان حرب ایتمه مشلر ، بلکه اعلان  
 حرب ایتمدن اول حدودمزی تجاوز  
 ایلمشدر .

آندن باشقه اعلان حرب روسیه نك  
 درسعادت سفیری واسطه سیله حکومت  
 علیه مزه تبلیغ ایلمک لازمکلورکن یالکز  
 پترسبورغده کی سفیر مزه تبلیغ ایله اکتفا  
 ایلمش ایدی که سفیر مزك درسعادت ایله  
 مخبراتی بالانترام اشکال وتصعب ایلمه مش  
 اولسه بیله ، ینه اعلان حرب خبرینك  
 سفارتدن درسعادته ایصال ایدیله چیجه قدر  
 آز چوق بر زمان کچه جکی طبیعی ایدی .  
 شمال قومشومزك شو حرکتی ، حقوق

بین الملل و قوانین مدنیت و انسانیت ایله  
 قابل توفیق اولدیغنی سونلک کلفتی اختیار  
 ایتمه جکیز . یالکز شایان عبرت اولان برجهت  
 وارسه اوده قوتلی حکومتلرک بوکبی قواعد  
 حقوقیه و شان انسانیته مخالف اولان  
 حرکاتندن طولایی اونلری شکایت ایده جک  
 و دوچار مجازات ایلیه جک بر قوه عالیه  
 بشریه نك موجود اولماسی در .

آنک ایچون هیج بر قیمت عملیه  
 حقیقیه بی حائز اولیان صرف نظری مطالعاتدن  
 اجتابا یالکز شوراسنی بیانیه مسارعت ایده لمکه

استقبالده بوکبی « تعامل شکنانه » حرکاتک  
 بلکه دها تجاوزکارانه لرینك وقوعه انتظار  
 ایتملی بز . بوخصوصه تقدم حرکتی و تقدم  
 حرکتک تأمین ایده جکی فوائد عظیمه بی  
 دشمنمزه ترك ایتمکدن ایسه آندن بالذات  
 استفاده تهشبث ایتمک کمزهر حالده موافق عقل  
 و حکمت اولور .

هرشیدن اول شو حقیقی بیله لم که :  
 بین الملل مناسباتده ، حسن نتیجه ، اوکا وصول  
 ایچون مراجعت اولنان و وسائلی مبعجل  
 کوسترر عالی و ششعه دار بر موفقیت قارشو  
 سنده ، وقفه کیر حیرت و تجیل اولان نظر لر  
 وفکر لر ، آرتق استعمال ایدیلان وسائطک  
 نوع وماهیتی تدقیق ایچون وقت بوله مازلر .  
 و وسائلی ده ، نتایجی ده برابر تقدیس  
 ایدر لر .

بولندیغمز شو یکرمنجی عصرده ، هر  
 درلو نظریات عالییه رغماً ، ملتلرک احوالنده  
 حکمران اولان اصل قانون ، ایشته بوندن  
 عبارتدر .

حرب اعلان ایلمزدن اول ایمراتور  
 ایکنجی آکساندر رومانیا حدودنده مجتمع  
 اولان روس اردوسنی زیارت ایتمک ایسته مش  
 ایدی . مومی الیه ۲۰ نisan ۱۸۷۷ ده  
 پترسبورغدن عزیمت ایتمش ایدی . اعلان  
 حربی متمضن بیاننامه پرنس قورچاقوف  
 طرفندن ۲۴ نisanده کیشنود ، ایمراتوره

امضا ایتدیرلدی . بعده مذکور بیاننامه  
 بالجمله قطعاً او قوندی . بیاننامه نك  
 متی شوندن عبارت ایدی :

ترکیه نك زیر اداره سنده کی عناصر  
 مظلومه خرسیتانیه نك طالعلرینه دائمانه قدر  
 جدی بر صورتده اشتراك ایتمکده اولدیغمز  
 بالجمله تبعه مزجه معلومدر . عناصر مذکو -  
 ره نك حال وطالعی ترفیه و تأمین ایتمک آر -  
 زوسنده بزمله برابر تکمیل روس ملتی ده  
 مشترک اولدیغندن بالقان یارم اطه - نده کی  
 خرسیتانلرک تخلیصی ایچون متمز یکی فدا کار -  
 لقلر اختیارینه آماده بولنمقده در . بزوم صادق  
 تبعه مزك قانی و ناموسی بزجه دائم مقدسدر .  
 روسیه نك نعمت صلح و مسالمتی محافظه ایتمک  
 اخص آمانز بولدیغنه هر حرکت مز شاهددر .  
 هرسک و بوسنه و بلغارستانده جریان  
 ایدن حزین وقوعات انناسنده صلح  
 و مسالمتک محافظه سنه تمادیا اعتنا ایلدک .  
 بدایت امرده تعقیب ایتدی کمز مقصد  
 خرسیتانلرک اصلاح طالعی متفقر مز و بز  
 محب ارلان اورویا دولتلیله برلکده تأمین  
 ایلک ایدی . ایکی سنه تمادیا باب عالی پی  
 بوسنه و هرسک و بلغارستان خرسیتانلری  
 اوراده کی مأمورینک اداره کیفیه سنه قارشو  
 محافظه ایده بیله جک اصلاحات اجراستی  
 خصوصه تشویق ایتمکدن فارغ قالمقدق .  
 لکن دیگر حکومتلرک مطالبات مشترکه

دیپلوماتیقیه لرینه استناد ایدن بالجمله مسا -  
 عیمز آرزو ایدیلن مقصده اقترا ن ایده مدی .  
 باب عالی تبعه خرسیتانیه سنک امنیتی  
 حقیقت حالده تکفیل ایده جک هر نوع  
 تنسیقاتدن صورت قطعیه ده امتناع ایتمش  
 واستانبول قونفرانسی مقرر آتی ده رد ایلمش  
 ایدی . باب عالی ایله برائتلاف عقد ایتمک  
 ایچون هر نوع وسائطه تشبث ایتمک آرزوسیه  
 دیگر قابینه لره بر پروتوقول تنظیم ایتمک  
 و بزوم تکلیفات صلح پرورانه مزك منتهای حدو -  
 دین تشکیل ایدن بو پروتوقولی قبول ایتمسی  
 باب عالی دن طلب ایتمکی تکلیف ایلدک .  
 لکن انتظار لر مز تحقق ایتدی : باب عالی  
 خرسیتان اورویانک متحداً اظهار ایتدکاری  
 آرزوی قبول ایتدی و پروتوقوله بیان  
 ایدلمش اولان قرارلره موافقت ایلده دی .  
 آرزوی مسالمت پرورانه مزك صوک  
 درجه - نی صرف ایتدکن صکره بز باب عالی نك  
 بو اصرار و تعنیدینه مقابل حرکات قطعیه  
 تشبث ایلدککه مجبور قالدق . بو صورت حرکت  
 بزنی حس معدت ایله ناموس و شرف  
 مایمز سوق ایتشددر . باب عالی وقوع بولان  
 رد و امتناعیله بزنی سلاحه مراجعت ایلدکده  
 مضطر بر ایتشددر .  
 تعقیب ایتدی کمز مقصدکشان و معدلته  
 موافق اولدیغی اطمینانی و جناب حقمک مظهر  
 معاوتی اوله جغمز اعتقادیه بتون صادق

روسیه نك ایلک سفر برلکی ۱۳ تشرین ثانی ۱۸۷۶  
 و بسا اریاده تجمع سوق الجیش حرکاتی ۱۸۷۷  
 نسانده ایکنجی سفر برلک (۴،۳،۲) نومرولره  
 علاوه نظر)

۱۳ تشرین ثانی ۱۸۷۶ ده آتیده کی  
 قطعاتک سفر برلکی ایچون امر ویرلمشدی  
 (۲ نومرولی علاوه به عطف نظر):

تبعه مزه اعلان ایدرز که آرتق تعقیب ایتدی کمز  
 مقصدی بالفعل استحصال ایتک زمانی  
 حلول ایتشد. شمعی بتون روسیه ده  
 طنین انداز اولان، بو آملزک عکس صداسیدر.  
 بز احوال ایجاب ایتدیردیکی و روسیه نك  
 شان و شرف طلب ایلدیکی زمان مستقلاً



عثمانلی پیاده سی

کیف دائره عسکریه سی

۱۱، ۱۲، ۳۲ و ۳۳ نجی پیاده فرقه لری؛

۳ نجی آوجی لواسی؛

۱۱، ۱۲ نجی سواری فرقه لری؛

۳ نجی استحکام لواسی.

حرکت ایتک فکر نده اولدیغمزی اولجه بیان  
 ایتمش ایدک. قهرمان عسکر لرمزک معاونت  
 مغنویه به مظهر اولملرینی نیاز ایدرک  
 اردومزه ترکیه به داخل اولمق امرینی اعطا  
 ایلدک.



بونلردن بشقه ۲ نجى استحکام لواسنك

ايكى نصف كوپر يىچى طاבורى

عساكر غير منتظمه

۲ نجى دوردون قازاق آلايرلردن ۲۱ ،

۲۱، ۲۳، ۲۶، ۲۹، ۳۰، ۳۱، ۳۴، ۳۵، ۳۷،

۴۰ و ۴۱ نجى آلايرله ۴ دون قازاق بيطريه سى.

اوده سا دائره عسكريه سى

۱۳، ۱۴، ۱۵ و ۳۴ نجى پياده فرقه لرى ،


۴ نجى آوجى لواسى

۷، ۸ نجى سوارى فرقه لرى؟

خارقوف دائره عسكريه سى

۵، ۹، ۳۱ و ۳۶ نجى پياده فرقه لرى

۹ و ۱۰ نجى سوارى فرقه لرى



روس فزاقلىرى

۲ نجى قوباك و ولادى قافقاس ترمك

قازاق آلايى .

ترمك طاغ سوارى آلايى ، ۲ بلوك

بلاستون (بايا قازاق) .

بناء عليه ۱۸۷۶ شمسين ناييسنده قطعات

آتيه سفر بر حالنه وضع اولتمشيدى :

۲۰ پياده فرقه سى (بوميانده ۱ غره ناديه

فرقه سى)

۳ آوجى لواسى

موسقووا دائره عسكريه سى

۱۷، ۱۸ و ۳۵ نجى پياده فرقه لرى

دون قازاق فرقه سى

قافقاس دائره عسكريه سى

۴ نجى غره اديه فرقه سى

۱۹، ۳۹، ۴۱ نجى پياده فرقه لرى

قافقاس آوجى لواسى

سوارى فرقه سى

استحکام لواسى

۱۲ نجی قول اردو :

۴۸ — ۱۲ نجی پیاده فرقه‌سی

۴۸ — ۱۲ » » » ۳۳

۱۲ » سواری » ۱۸ —

۱۰۸ ۱۸ ۲۴

۴ نجی اوجی لواسی ۴ — —

۲ جبل طوپیجی بطاریه‌سی — ۱۶ —

مختلط قافقاسیا قازاق فرقه‌سی

۳۰ نجی دون قازاق آلابی،

۲ نجی قوبان قازاق آلابی،

ولادی قافقاس آلابی،

ترک طاغ سواری آلابی

۲ پلاستون بلوکی و ۴ دون

قازاق بیطریه‌سی [\*]

۹ دون قازاق آلابی — ۵۴ —

۳ نجی استحکام لواسی

۲ نجی استحکام لواسنک ۳ و ۴ نجی نصف

کوپریجی طاבורی .

فالوانوفی بلوکنک ۱ طاقی ،

۱ بحریه افرادی طاقی

جمعاً یکون: ۱۰۰ ۱/۴ پیاده طاבורی ۱۴۹

سواری بلوکی ، ۷۲ طوب ، ۳ استحکام

طاבורی و ۴ نصف کوپریجی طاבורی =

۱۹۳۰۰۰ کشی .

[\*] مختلط قافقاس قازاق فرقه‌سی بوقطمانک

سفر برلکی هنکامنده تشکیل ایدلشدی .

۸ سواری فرقه‌سی

۲ استحکام لواسی و ۲ نصف کوپریجی

طاבורی

۱۳ مستقل قازاق آلابی ،

۱/۴ پلاستون طاבורی .

بونلردن ماعدا آسیا قطعه‌سندده استعمال

ایدیلان مختلف قافقاس قازاق قطعاتی .

بوقطعات عسکریه ، قول اردو حالته

افراغ ایدیلرک شو شکلی اخذ ایتشلردر :

( ۳ نجی علاوه عطف نظر )

۱ . سیار اردو

اردو باش قوماندانی غراندوق نیقولانیقولایه ویج

۷ نجی قول اردو :

طابور بلوک طوب

۹ نجی پیاده فرقه‌سی ۴۸ — ۱۲

۱۴ » » » ۴۸ — ۱۲

۸ » سواری » ۱۲ ۱۸ —

۱۰۸ ۱۸ ۲۴

۹ نجی قول اردو :

۵ نجی پیاده فرقه‌سی ۴۸ — ۱۲

۳۱ » » » ۴۸ — ۱۲

۹ » سواری فرقه‌سی — ۱۲ ۱۸

۱۰۸ ۱۸ ۳۴

۱۱ نجی قول اردو :

۱۱ نجی پیاده فرقه‌سی ۴۸ — ۱۲

۳۲ » » » ۴۸ — ۱۲

۱۱ سواری » ۱۲ ۱۸ —

۱۰۸ ۱۸ ۲۴

سندن مرکب اولدقلری حالہ آرادہ کی فرق عظیم، برچوق قازاق قطعاتی بولمسندن نشئت ایدر .

قافقاس سیارقول اردوسنک پیاده طابور لرینک عددینک زیادہ لکی، قطعانک تشکیلاتی مختلف اولمسندن منبعث در . هر بری ۱۶ پیاده طابورندن مرکب ۴ قافقاس پیاده فرقہ سی، آندن باشقہ ۴ آوجی و ۳ استحکام طاבורی ۷۱ پیاده طابورنی تشکیل ایدر لر . قافقاسیا قول اردوسنک کری یہ قالان ۸ پیاده طابورینک هانکی قطعانہ منسوب اولدیغنه دار روس ارکان حربیہ سنک کتابندن بر معلومات استخراج ایتک قابل اولیور .

۵. آوستریا و مجارستانہ قارشو ترصد اردوسی کرک بو مقصدی تأمین ایتک کرک سیار اردونک احتیاطنی تشکیل ایلک اوزره (کیف) دائرہ عسکر یہ سنده قطعات آتیہ مهیا بولنه جقدی :

۱، ۱۷، ۱۸، ۳۵ نجی پیاده فرقہ لری، ۳ نجی آوجی لواسی، دون قازاق فرقہ سی کہ جمعاً ۵۲ طابور، ۲۴ بلوک، ۲۱۰ طوپ قوتندہ ۷۳۰۰۰ کشیدن عبارت ایدی . تکمیل بو قطعانک سفر برلکری استحضارانده کی نقصانلرله برابر سرعت و انتظام ایله وقوع بولمشدی . سلاح آلتنه جلب و دعوت ایدلش اولان (۲۵۰۰۰۰)

۱۸۷۷ شباطندہ ۲۲۰ طوپدن مرکب ۲ طوپنجی طاבורی ایله بر محاصره طوپ تشکیل ایدیلرک سیار اردویہ الحاق ایدلدی .

۲. ساحل محافظہ اردوسی

۷ نجی قول اردو :

۱۵ نجی پیاده فرقہ سی } ۲۴ پیاده طاבורی  
۳۶ » » } ۱۸ سواری بلوکی  
۷ نجی سواری فرقہ سی } ۱۰۸ طوپ  
۱۰ نجی قول اردو :

۱۳ نجی پیاده فرقہ سی } ۲۴ پیاده طاבורی  
۳۴ » » } ۱۸ سواری بلوکی  
۱۰ » سواری فرقہ سی } ۱۰۸ طوپ

جمعاً یکون : ۴۸ پیاده طاבורی ، ۳۹ سواری بلوکی و ۲۱۶ طوپ .  
یا خود تقریباً ۷۲،۰۰۰ کشیدن عبارت ایدی .

۳. قافقاسیا قول اردوسی

۴ پیاده فرقہ سی ، ۱ آوجی لواسی ، ۱ سواری فرقہ سی ، ۱ استحکام لواسی و برچوق قازاق قطعاتی کہ جمعاً ۱۲۲،۰۰۰ قوتندہ در . روس ارکان حربیہ سنک اترینک ۱ نجی جلدینک ۲۳۷ نجی صحیفہ سنده قافا- سیار اردوسنک قوتی ۷۹ پیاده طاבורی ، ۳۲ نجی یایا قازاق بلوکی ، ۱۵۱ سواری بلوکی و ۲۵۶ طوپ قوتندہ اولدینی مذکور در . ساحل اردوسیله آوستریا و مجارستانہ قارشو ترصد اردوسی دخی ۴ پیاده فرقہ-

احتیاط افرادندن یالکز (۱۰۰۰) ی دعوتہ اجابت ایتہ مش ایدی. روس ارکان حربیہ سی اترندہ بونرکده وفات ایتمش ویا خسته نمش کسه لر اولدیغنی ادعا ایدیور .

سفر برلکک ۴ نجی کوننده ، دعوت اولنان افرادک اوچ ربعدن زیادہ سی اجتماع نقطه لرینہ ککش ایدی . سفر برلکک ۱۷ نجی کوننده جملہ سی تمام اولمشدی .

حیواناتک طویلانسی ده سهولت و سرعت ایله وقوعبولدی . مع هذا روسیہ کبی حیواناتی چوق برملکت ایچون بو حال ، موجب حیرت اولہ ماز . (۶۳۰۰۰) بارکیر قید ایدلمش و بونرک طویلانسنہ سفر برلکک ۵ نجی کونی باشلانمشدی . سفر برلکک ۱۱ نجی کونی حیواناتک کافہ سی مجتمع بولئیوردی .

احتیاط افرادینک اجتماع نقطه لرندن منسوب اولدقلری قطعاهه سوق و نقلرینہ سفر برلکک ۳ نجی کونی (۱۶ تشرین ثانی) باشلانندی و سفر برلکک ۲۹ نجی کونی (۱۲ کانون اول) اکمال ایدلدی .

سیار قطعات عسکریہ نک تجمع سوق - الجیشی منطقه سنہ سوق و ایصالنہ سفر برلکک ۷ نجی کونی باشلانندی ( ۲۰ تشرین ثانی ) ( اوده سا ) شمندوفر خطک کاملاً طولوب ایشله نامسی و احوال هوائیہ نک عدم مساعده سی (قار فورطنه لر ی) یوزندن نقلیات

عمومیہ عسکریہ ده اوچ کونک برانقطاع حاصل اولسنہ رغماً سیار اردو ایله ساحل اردوسنک تجمع حرکاتی یالکز بعض نقلیه قطعاتی مستثنا اولق اوزره ۲۰ کانون اوله یعنی سفر برلک امرینک اعطاسندن اعتباراً آلتی یچق هفته یه قدر اکمال ایدلمشدر . قطع ایدیله جک مسافانک بعدیتنه ، سفر برلکک استحضارات ناقصه سنہ ، الحاصل شمندوفر یوللرینک ، قطعانک هپ برلکده سوقنه غیر مساعد بولنسنہ نظراً بو قدر مدت ده تجمع حرکانک اکالی هر حاله شایان تقدیر برایش اولق اوزره تلقی ایدیله بیلور .

قطعانک هپ بردن سوقی یوزندن حاصل اولان سکتہ لر ایله اھالینک موصلاتی لزومسز یرہ اشکال ایدلمش اولسی کبی احوالک بو موفقیتنه نظراً او قدر اھمیتی اولیوب بو احوال وظیفه دارانک (مأمورین عسکریہ ، قطعات ، شمندوفر مأمورلری) بویله جسم برنقلیانک استلزام ایدہ جکی امور ووظائف ایله اولدن کسب الفت ایتماش اولمالرندن انبعاث ایلمشدی .

سیار اردونک تجمع سوق الجیشی حرکاتندن صکره کی تربیاتی یعنی ۱۸۷۷ سنہ سی کانون نانیسنده کی حال ووضعی ۴ نومرولو خریدنه نک مطالعه سنندن مستبان اولور .

(موسقووا) دائرۃ عسکریہ سنندن (کیف)

دائرہ سنہ نقل ایدیلان قطعانک سفر برک و نقلیاتی بوزمانده هنوز تمام ایدلماشدی . روسیہ دن حرکات حربیہ ایچون سفر بر ایدیلان قطعات عسکریه نک مجموع مقداری (۶۶۰,۰۰۰) کشی راده سنده اولوب آکر اوده سا ، خار قوف ، کیهف ، موسقووا و قافقاس دائرہ لرندہ غارنیزون ، منزل و اکال خدمتی ایضا ایتمک ایچون ترتیب ایدیلان قطعات ( محلی قطعات ایله و احتیاط قطعاتی جمعاً ۸۰,۰۰۰ نفرو ۷۸ طوب قوتنده ایدی ) دخی داخل حساب ایدیلہ جک اولورسه مقدار مذکور (۵۶۴۰۰۰) رسیدہ اولور . بوقوت اولدقجه مهم برکتله عسکریه تشکیل ایتمکده در ؛ اویله ایکن ینہ جسم روسیہ الکاسنده و ارشاو ، ویلنا ، پترسبورغ عسکری دواژری کاملاً ، موسقووا و قافقاس دائرہ لرندہ . کی قطعات قسماً قالمش بولنیوردی که جمعاً دها ۲۸ پیاده فرقه سی ، ۱۰ سواری فرقه سی ۴ آوجی ، ۳ استحکام لوا بی یعنی قوۂ عمومیۂ عسکریه سنک نصفندن فضلہ سی دیمک ایدی . لکن سفر بر ایدیلان بو قطعات نہ یولده استعمال ایدلدی ؛ بوکره بوقوت آیلرجه لزومسزیره سلاح آلتندہ بر اقلمش اولمقدن صرف نظر اویله بر صورتده استعمال اید . لمش ایدی که الک نهایت اعلان حرب زمانی دارالحرب اصلی ده کی سیار اردونک مجموع قوتی حقیقت حائده یالکز ۱۶۰,۰۰۰ ،

محاربینک موجودی ایسه آنجق (۱۵۰,۰۰۰) [ ضابطان دخی داخل اولوق اوزره ] راده سنہ رسیدہ اولوردی . همان بو قوته مساوی بر قوت آوروپاده ایکنجی درجده مقصدلر ایچون ترک ایدلشدی : بحریه ساحلنک محافظه سی ، آستریا بحارستانک ترصدی کبی ... آوروپاده ۴۲۰,۰۰۰ سفر بر ایدلنش . حالبوکه ک نهایت و آیلرجه تردد و تأخر دن صکره یالکز محاربه یه مقتدر (۱۵۰,۰۰۰) کشی ایله حدود تجاوز ایدلشدی . روس اردوسنک حرکاتی ، ۱ نجی ناپولئونک دشمنلرینی مغلوب و بریشان ایتمک ایچون او جسم اردولرینی سوق و تحریک خصوصندہ ارانہ ایلدیکی شدت و سرعت ایله مقایسه اید . یلور ؛ آندن بشقه ۷۱ - ۱۸۷۰ سفر اخیرندہ روسیالیلرک صورت حرکتی - که فائق بر قوتک کمال سرعت و قطعیت ایله محاربه یه سوق ایدلسندن عبارتدر و بوطرز حرکت ، برضربه دیگر برضربه بی تعقیب ایتمک اوزره قزانیلان مظفریتک سبب یکانه سی و مولتکندک ده الک عالی اثر استادانه سی اولمشدر - ایله مقایسه اولنور ایسه ۱۸۷۷ سفرینک دور ابتدائیسی تاریخ حربک بر صفحه تدنی و رجعتنی تصویر ایتدیکنه و دائماً تکرر ایدن ویوز بیکارجه انسالرک قانی و حیاتی بدلندہ قزانیلان درسارک بیله غالبیت و مغلوبیت اسبابی و

تأثیراتی او کرمکه کفایت ایده مامکده اولد.  
یغنه حکم ایتمک ایجاب ایدر .

بو کبی صور حرکت دائماً بر طاقم  
اسبابه استناد ایتدیریلور و بو اسبابده  
ظاهر حالده اکثریا پک زیاده شایان اهمیت  
کورینورلر . موضوع تدقیقمزی تشکیل ایدن  
حال و وضعیت حقنده در میان ایدیلان اسباب  
عجبا هانکیلری در ؟

اسباب مذکورده... بحر سیاه سواحلی  
تأمین ایتمک لزومندن و روسیه نك قریم حربندن  
بری فرده کزده هیچ بر حرب فیلوسی اولمدینی  
حالده دولت علیه نك قوتلی بردونمایه مالک  
اوله رق بحر مذکوری حاکمیتده بولندیردقندن  
ماعددا قوتلی بر قول اردویی روسیه اراضیسنه  
اخراج ایتمکه مقتدر بولندینی ملاحظه و  
اندیشه سندن عبارت ایدی .

واقعا اردونک تا آرقه لرینی تهدید ایدن  
بو کبی نشبئات بر اهمیت تالیه یی حائر اولمق  
و خصم مملکتی داخلنه کمال شدتله ایلرولیان  
بر اردونک قطعی و عز مکارانه تعرضاتی بو کبی  
دشمن قوتلرینی سرعتله کری چکمه کجه  
ایلمسی اقوای مأمول بولمغله برابر حربک  
بدایتی ایچون بویله قوتلی بر ساحل محافظه سی  
تفریق ایتمک بر درجه یه قدر معذرت تلقی  
ایدیله بیلوردی . چونکه روسیه الکسانی بر عثمانلی  
استیلاسی قورقوسندن وقایه ایتمک انجیق بویله  
بر تدبیر ایله ممکن اولوردی .

لکن آوستریا - مجارستان حدودینک  
ترصدی ایچون او طرفه بیوک بر قوت تفریقنه  
عجبا نه دن لزوم واردی ؟

روس ارکان حربیه سی ، اثرینک ۱ نجی  
جلدینک ۲۴۸ نجی صحیفه سنده بو خصوصده  
شو تفصیلاتی اعطا ایدیور : « عین زمانده  
آوستریا مجارستان حدودینه الک یقین اولان  
(کیهف) دائره عسکریه سنده ، شمعی یه قدر  
موسقوا دائره عسکریه سنه منسوب اولان  
۴ پیاده فرقه سی (۱، ۱۷، ۱۸، ۲۵، نجی) ایله  
دون قازاق فرقه سی ، سیار اردونک احتیاطی  
اولمق اوزره تحشید ایدلمشدی . » بوقره یه  
متعلق اولان حاشیه ده ایسه : « بالآخره ،  
۱۸۷۷ سنه سنده بو قطعات سیار اردویه  
التحاق ایتدکلری زمان ، انلرک یرینه آوستریا  
مجارستان حدودینک ترصدی ایچون ۳،۲ نجی  
پیاده ، ۲ نجی دون قازاق فرقه لری تحشید  
ایدلمشدی » دینیلور .

شو تفصیلاته نظراً آوستریا مجارستان  
حدودینی ترصدایتمک کی حقیقت حالده لزومی  
عدایدلیکی اکلشلمه دره . بو ترصدوظیفه  
سی ده سفر بر حاله ا فراغ ایدلمش بش فرقه یه  
تحمیل اولمش ایدی .

شمعی هرشیدن اول شو ملاحظه وارد  
اولور : « بوا منیتسز لکه حقیقه محل  
واری در ووارایسه بوا منیتسز لک روسلرک  
تدابیر حربیه لری اوزرنده نه درجه یه قدر

استحصال امنیت ایلک شرط اقدم و ضروری  
ایدی . «

.....

دولت علیه ایله حرب وقوعنده ممکن  
مرتبه مساعد بر وضعیت سیاسیة استحصال  
ایتمک وظیفه سیله مکلف اولان روس دیپلوما-  
سیسی ، سالف الذکر خصوصاتی نظر تأمله  
آلمغه لزوم کورمشدرد . روس دیپلوماتلرینه  
اوروپای ترکی ده اجرای حرکات ایده جک  
اولان اردونک کیربسنی ومواصلاتی صورت  
دائمه ده تحت امنیت ده بولندیرمق وظیفه سی  
انتقال ایدیوردی . ۱۸۵۴ سنه سنده روس  
اردوسی سیلستره محاصره سنی رفع ایدرک  
کنندی ممالکی داخلنه چکلمکک مجبور اولمشدی .  
ایشته بو مثال وضوح نام ایله افهام ایدیور  
ایدی که ده اولدن اوستریا مجارستان دولتی  
ایله جدی وقطعی بر ائتلاف عقد ایتمکسزین ،  
روسیه نیک بالقان شبه جزیره سنده مستقلاً  
حربه کیریشمی غیر قابل در . «

.....

ایشته بو اسباب وملاحظاندن « روسیه -  
اوستریا معاهده نامه سی تولد ایدرک ۲۷ کانون  
نای ۱۸۷۷ ده امضا ایدلمشدی .

بو معاهده نامه ده اوستریا مجارستان دولتی ،  
بیطرف بردولته ممکن اوله بیله جکی قدر ،  
روسیه لهنده حرکت ایده جکئی بیان ایدیور ؛  
حتی دیگر دولتلرک مداخله ویا توسط تشبثانه

اجرای تأثیر ایده بیلوردی ؟ « روس ارکان  
حربیه سی بزم سؤال مقدر مزه کنندیسی  
جواب ویربور . فی الحقیقه ؛ اثرینک ۲ نجی  
جلدک ۴ نجی صحیفه سنده احوال سیاسیة  
بختنده دیورکه :

« اوستریا مجارستان دولتی ایله ائتلاف  
عقد ایدلمدیکی حالده روسیه نیک بالقان  
شبه جزیره سنده کی حرکات حربیه سی  
موقیت بخش بر اساس اوزرینه استناد  
ایتدیر یله مازدی . چونکه روسلر شبه  
جزیره نیک ایچروسنه طوغری ایلر ولدکاری  
اثناده اوستریا مجارستان تکمیل قوۂ  
حربیه سی ایله برلکده بردنبره روس اردو-  
سنگ بدایه جناحنده وبعده کروسننده  
ظهور ایده بیلور و روس اردوسنک داخل  
مملکت ایله ارتباط ومواصله سنی تشکیل ایدن  
وترانسوانیا سلسله جبالی ایله قره دکز  
اراسنده محدود بولنان طار ساحه نی هر زمان  
قطع واشغال ایلیه بیلور . «

.....

« یوقاریده ذکر ایدیلان اسبابه مبنی  
روسیه نیک دولت علیه ایله اجرا ایده جکی  
حربده بالقان شبه جزیره سی دارالحرب  
اصلی نی ، آسیای صغری ایسه دارالحرب  
تالی نی تشکل ایده جکدی ، آنک ایچون بالقان  
امور ومسائلنده علاقه شدیدیه سی اولان  
اوستریا مجارستان ایله عقد وفاق ایدرک

مخالفت ایتمک وظیفه سنی تمهد ایلوردی .  
شوحالده اوستریا مجارستان حدودنده

تحشید ایدیلان بش فرقه یه نه لزوم واردی ؟  
عجبا اوستریا مجارستانک تمهداتنه رعایت  
ایده جکندن شبهه ایدیلورده اکا قارشو  
بوفرقلر برقوه تهدیدیه می تشکیل ایده .  
جکلردی . حالبوکه بوقسدر برقوت ایله  
اوستریانک اخافه ایدیله بیله جکنه اینامق ، بیوک  
برصافدرو نلقدر .

اجنبی دولتلری طرفندن واقع اوله جق  
هر نوع مداخله تشبثلری منع ایتمک ایچون اک  
کوزل صورت حرکتک ناصل اولمق لازمکه جکنی  
( ۷۱ - ۱۸۷۰ ) سنه سی پک اعلا کوسترمش  
ایدی که اوده خصمک کمال سرعت و شدت  
ایله مغلوب و منهزم ایدلسندن عبارت ایدی .  
اگر روس قطعاتی ۱۸۷۷ سنه سی نمودنده

استانبول اوکشفده بولنه بیلسه لردی ،  
آوروبانک بالآخره وقوع بولان مداخله سی  
روسیه حقنده اودرجه شدتلی اوله مازدی .  
اگر روسلر سفر برلکی متعاقب همان  
حرکات حربیه به باشلامش اولسه لردی ؛  
اگر ساحل اردوسی و ترصد اردوسی همان  
حرکات اردوسنه التحقاق ایتسه لردی والحاصل  
رومانیا برزادها حلم و نزاکت ایله مشارکت  
و معاونته دعوت ایدلسه لردی . . بو مقصد  
استحصال ایدیله بیلوردی ، چونکه اوقت  
حرکات حربیه به ( ۱۹۰۰۰۰۰ ) کشتی برین

بلکه ( ۳۹۰۰۰۰۰ ) کشتی ایله باشلامش  
اولوردی .

اوستریا مجارستان ایله اصول وقواعدینه  
موافق بر معاهده نامه امضالنه رق بیطرفلنی  
تأمین ایدلمش اولدینی و اوستریا و مجارستان  
طرفندن بزم لهمزده اوله رق بر مداخله  
وقوعی تقدیرنده روسلرک بالقان یاریم آطه  
سندن رجعت ایللری آشکار بولندینی حالده  
اوستریا مجارستان حدودینک ترصدی ایچون  
بویله ضعیف برقوت تفریق ایدلمسی بالوجوه  
مناسبتسز بر تدبیردر .


ناپولئون و ۱۸۷۰ سنه سننده ده  
( بسهارق - مولتکه ) اوکرتدیلرکه برحرب  
قوتلی وساده بر صورتده اجرا ایدلمیدر .  
کوچک و قاریشیق تدبیرلر ضرردن باشقه  
بر نتیجه تولید ایتمز لر .

روس حرکات اردوسنک بدایت امرده  
ضعیف بولنسی ، بالآخره برطاقم بحر انلری  
انتاج ایلش ، بوجرانلرده اردونک متعاقب  
و تدریجی بر صورتده تقویه سنی استلزام  
ایتمشدی . عجبا بو بیوک خطانک منشأی  
نه دن عبارتدی ؟ بزم اطمشانمزجه تکمیل  
انسانلرک مشترک بولندقلری بو خطا یعنی  
دشمنی استحقار واستصغار ایتمک کندی  
قوتنی سهک کورمک حسی ایدی .

لکن ارکان حربیه نیک کتابنده بونک  
دخی برطاقم اسباب سیاسی دن نشئت ایلدیکی



عثمانلیلرک روسیه یی استیلا ایلمسی اندیشه سیله  
قره دکیز سواحلنده آرامساز اولمشیدی .



عثمانلی کشف قوتلی

ایشته بو صورتله پولونیا ایله سواحللی  
غایت قوتلی بر صورتده اشغال ایلمشیدی ؛  
بوتلر هپ ملاحظات سیاسیهدن انبعاث  
ایلمشیدی که بو ملاحظات نه درجه شایان  
اهمیت کورینورسه کوروتسون ، بو قدر  
چوق قوتلرک لزومسز یره کبروده براقلمال.  
سندن متولد ضررلره تقابل ایده مازلردی .  
ایمپراطور ایکنجی آلکساندر ایله صلا-  
حیتدار روس سیاسیونک دولت عثمانیه مزنی  
نه درجه استخفاف ایتمش اولدقلری شو  
ارقام ایله دهها واضح بر صورتده تجلی  
ایتمکده در :

ایچرو روسیهده — یعنی سواحل ایله  
پولونیا خارچنده — ۵ پیساده فرقه سی  
[موسقووا دائره سنک ۲ ، ۳ و ۴۰ نجی

سرد و ایان ایلمش ایسهده بو خصوصده کی  
ملاحظات اطمنان بخش اوله جق بر قوت  
وماهیق جائز بولنما مقده در .

اوستریا مجارستاندن صکره کری به یالکیز  
انکلتره قالیورکه عثمانلی روس حربنه شدتلی  
علاقه دار بولنمقده و دانما روسیه علیهنده بر  
خط حرکت التزام ایلمکده ایدی .

شایان حیرتدرکه حربک ختامنه قدر  
روسیه نیک بالعموم سواحللی قوتلی قطعاتک  
تحت محافظه سننده قالمش ایدی . ساحل  
اردوسنه کانجه ؛ بو اردو بلغاریستان  
داخلسنده کی قوتلرک کمال سرعتله تزیدینه  
غایت مبرم بر لزوم حس ایلدیکی و روسیه نیک  
بحر سیاه ساحلنه قارشو عثمانلیلرک بر حرکت



عثمانلی سوارسی

استیلاکارانه به قیاملری اصلا ملحوظ اولمدینی  
زمانده بیله ینه وظیفه سی باشنده قالمش ،

قوایه نظراً احراز موفقیت ایده مامک احتما-  
لی مستبعد عد ایدلسه بیله — پنه هر شیدن  
اول و اردو باش قوماندانک دخی آرزو  
ایلش اولدینی کبی — رومانیا ایله عقد  
اتفاق ایده رک ( ۵۰۰,۰۰۰ ) موجودنده و  
کوزل مسلح و مجهز اولان رومانیا اردوسنک  
معاونت و اشتراک حرکتی تأمین ایلك  
اقتضا ایدردی .

لکن روسلر یالکنز باشنه عثمانیلرله  
باشه چیقمق قابل اوله جغفی امید ایتدکلی  
جهتله مظفریت شان و شرفنی رومانیا لیرله  
آرالرنده تقسیم ایتمکه راضی اولمادیلر .

روس دیپلوماتلرینک افکار و نیاتنه  
نظراً بالعکس رومانیا بالذات اراضیجه فدا-  
کارلق اختیار ایلدیکی حالدیه مقابلنده تلافی  
مافات طلبنده بولنیه جقدی .

روسیه نك ، دو بریچه و بلغارستان ایله  
طوغریدن طوغری به ارتباطده بولتمق ایچون  
طونه نك منصبلرینه احتیاجی اوله جقدی ...

روس ارکان حریه سنک اثرینک ۲ نجی  
جلدینک ۸ نجی صحیفه سنده مسطور اولان  
تفصیلات هر ایکی فکری ارئه ایتمکده در .  
اردو باش قوماندان غراندوق نیقولاً ،  
النده کی قوتک ضعفنی حس و تمیز ایده رک

اردونک تقویه ایدلسی وهم احتیاط اردوسی  
همده رومانیا اردوسی ایله تقویه ایدلسی  
ایجاب ایلدیکنی دفعاتله بیان ایتشدی .

بیاده و ۱ نجی سواری فرقه سی ، ویلنا  
دائرة سنک ۳۰ نجی فرقه سی . بوقطعات مؤخرآ  
۱۸۷۷ بهارنده سفر بر ایدلمشدر [ و ۱  
سواری فرقه سی واردی .

بو حسابجه احتیاط و ترصد قطعانی  
ایله برابر الده ۹ بیاده و ۲ سواری  
فرقه سی موجود بولنیور ایدی که اشبو قوت  
سیار اردویه الحاق ایدلسه یدی اونک قوتی  
ایکی مثلنه ابلاغ ایدلمش اولوردی .

قافقاس بیاده ایسه ده ۳ بیاده فرقه سی  
واردی . بونلرده بدایت دن اعتباراً سوق  
ایدلسه یدی ، آناطولی دن آروپای عثمانیه  
سوق ایدلمش اولان عثمانی قطعات عسکریه -  
سی اسکی یرلرنده قالمغه مجبور اولورلردی .  
پک دوربینانه سیاسی اندیشه لره رغماً  
هر ایکی دارالحرکاتده کی سیار اردولرک  
بدایت امرده ممکن اولدینی قدر تقویه اید-  
لملری لزومنک اهمال ایدلسی اثبات ایدیور  
که آروپا دارالحرکاتده کی ( ۱۵۰,۰۰۰ )  
کشی ایله عثمانی اردوسنه غلبه چاله جق امید  
و تخمین اولنیوردی .

لکن عثمانیلرک بو استصغار قوتلرینک  
اک آشکار دلیلی ، روسیه نك رومانیا به قارشی  
اولان صورت حرکتی در .

حقیقه ملاحظات سیاسی ه دن ناشی  
یالکنز ( ۱۵۰,۰۰۰ ) موجودله سفری  
کشاد ایتمکه مجبوریت اولسه وشو نسبت

او کر نمک و دارالحربی تشکیلی ایدہ جک  
منطقه نك مواصلائی ، مواعنی ، استحکامات  
و منابعی دخی تحقیق ایلمکدر .

ناپولیون بوتحقیقات و معلوماتک درجه  
اهمیتی بزه او کر تمشدی : فی الحقیقه ۱۸۰۵  
سفرینه باشلامازدن اول مشارالیهک بو  
وادیده نه درجه استحضاراتده بولندیقی شایان  
تدقیق در .

طرفین مخصوصینک مساعی میدیده حضر به .  
لری اعتباریله ۱۸۷۰ سنه سنده روسیا و  
فرانسه نك ارأه ایلمکدری مثال دها زیاده  
شایان استفاده در . جنرال مولتکه : مخطرہ سنده  
فرانسه نك عناصر و مؤثرات قوتنی نصل بر  
دقت و صحتله تعین ایتمش ، و بوکا نظراً طر-  
فینک قوای متقابلہ سی حقنہ نہ درجه بر نفوذ  
و اصابت فکرله بیان مطالعات ایلمش و  
مخطرہ نك نہایتندہ نہ درجه قطعیت ایله نتیجہ  
افکارنی اتیان ایلمشدی ؟ فرانسه نك حالی  
ایسه نہ قدر بشقه ایدی ؟ ۱۸۶۶ تجربہ سنہ رغماً  
فرانسه ده روسیانک مؤثرات سطوتی حقنہ  
بر فکر سالم ایتمک شویله طور سون . جنوبی  
آلمانیانک طور و وضعیتی حقنہ بسبتون غیر  
معقول بر نیکیینی کوسترلمش ، فرانسه نك قوا  
و وسائط حربیہ سنہ کلنجه مقدار حقیقی سنک  
پک فوقندہ اوله رق قبول ایلمشدی .  
فرانسزلر نہ کندیلرینی ، نہ دشمنلرینی  
بیلیمورلردی .

۱۸۷۷ سنه سی ۲۲ نیسانندہ ایمپراطور  
اردویی نفتیش ایندیکی زمان بومنا بته مومی ایله  
اک صوگ دفعه اوله رق استرحامنی تکرار  
ایتمشدی . لکن ساحل اردوسنه منسوب  
۷ نجی قول اردونک یا لکنز برلوانسک موقه  
سیار اردویہ الحاق ایلمسندن باشقه بر نتیجہ  
استحصال ایدہ مامشدر .

روس پولتیفه سنک دولت علیه مزک  
قوتی بودرجه استصغار ایتمی نہ دن نشئت  
ایتمشدی ؟ . . .

روسلر ۱۹ نجی عصر میلادی ظرفندہ  
ایکی دفعه دولت علیه ایله حرب ایتمشدی  
هر ایکسندہ عثمانیلر قوتلی اردولر سفر بر  
ایتمشلردی ، ۲۹-۱۸۲۸ سفرندہ عثمانیلر  
۱۲۰۰۰۰ ، ۱۸۵۴ سفرندہ ۱۳۰۰۰۰  
کشی بی آوروپا دارالحرکاتندہ محاربه یه سوق  
ایتمشلردر . واقعا آرادہ کچن فاصله ظرفندہ  
عثمانیلر بر چوق مملکت ضایع ایتمش  
و « خسته آدم » آوروپالیلر نظرندہ بر چوق  
زماندنبری معلول و بی تاب بر حالده بولمش  
اولمغله برابر یه عثمانیلرک صحائف تاریخه  
شرف آور اولان اسکی و مدہش قوہ حیاء  
تیه لرینک یکی بر غلیانہ روسلرک انتظار  
ایتملری ایجاب ایدردی .

حربک اک مهم استحضاراتندن بری  
خصم اردوسنک قوتی ، ماهیت و طبیعتی ،  
اسلحه و تجهیزاتنی ایله قابلیت حربیہ سی

بر طرفه، دشمنك صحیح و موثوق استكنانه احواله مستند، مستریخانه بر امن و اعتماد و قطعی بر عزم و مرام، دیگر طرفه ایسه دشمنك قوت و احواله قارشو شایان حیرت برو قوفسزلق و بونك نتیجه سی اوله رق فرانسه نك عظمت و سطوت تاریخیه سی اطمنانی اوزرینه مستند بر استعظام قوت، بر اعتماد مفرط واردی.

پروسیا لیلرله فرانسز لرك حالی، غایت آشکار بر درس عبرت، بر مثال اتباه تشکیل ایتمکده اولدیغی حالده ۱۸۷۷ سنه سنده بو درسدن استفاده ایدله مش .. تاریخك انظار بشره عرض ایلدیکی حقیقتلر، متروك و منسی قالمش ایدی. چونکه اك بدیهی اولان شیلره قارشو بیله دائماً لایق دالمق انسانلرك خواصنددر. ۱۸۷۱ سنه سنده ویانده زاید و مخدو.

ملری کتابخانه سی طرفندن کوچك بر اثر نشر ایدلمشدی. بو اثرك عنوانی شوینله ایدی: « دولت عثمانیه نك و ایالات تابعه سی اولان مصر، تونس ایله طرابلس غربك قوه حربیه سی. »

بو اثرده دولت علیه نك قوه حربیه سی ۱۸۶۹ سنه سنده کی تنسیقات جدیدیه استناداً تصویر ایدلمش و بوتشکیلات کاملاً تطبیق ایدیلنجیه قدر - ۱۸۷۸ سنه سنده - وقوع بولان تحولات مختلفه واضح، سلیس و مجمل بر صورتده ارائه اولمشدی.

شمدی نسخه سی قابل تدارك اولمان بو اثر قیمتدارك ۱ نومرولی جدولنده عثمانلی اردوسنك صفحات مختلفه ترقیسی کوسترلمشدر. بومهم و مفید جدول ۱۱۷ نجی صحیفه یه عیناً نقل ایدلمشدر.

عین اثرك ۴۶ نجی صحیفه سنده مصرك بر موجب مقاله (۱۵,۰۰۰) کشیک بر قوه معاونه کوندره جکینی و مصرك شمدی یه قدر بو مقاله یه دائماً رعایتکار بولندینی مسطور در . ۱۸۵۴ سنه سنده مصر ۲۱,۰۰۰ نفر و ۲۴ طوپدن عبارت بر قول اردو و کرید اختلالنك تسکینی ایچون (۱۰,۰۰۰) عسکر کوندرمشدی. ۱۸۶۹ سنه سنده یونانستانه بر حرب وقوعی تقدیرنده (۲۰,۰۰۰) مصر عسکری کوندریله جکیدی.

مذکور اثر اوزمانکی عثمانلی اردوسنك تعلیم و تربیه سی و قابلیت حربیه سی حقسنده شوافا دانده بولنقده در [۵۹-۶۲ نجی صحیفه]: « پیاده نك تعلیم و تربیه سی صوك سنه لر ظرفنده همان یالکیز سلاحله طوروش وضعیتلرینك و سائر ظواهر و مراسمك طوغری بر صورتده اجرا سنه منحصر قالمشدی.

قریم حربندن اول و قریم حربندن صکرده طول مدت احوال هپ بودرگده ایدی. حالبوکه ده او زمانلرده پیاده نك تعلیم و تربیه سنده کی نقصان مشاهده ایدیلرک

۱۸۶۹ تنسیقات پروژہ سنہ نظراً (۱۸۷۸-۱۸۷۰) سنہ لرنده قابل استحضار اولان

قوای عسکر یہ بی مشعر جدولدر :

خارجدن تعرض وقوعنده		۲		۱
احوال و شرائط خارقی العاده داخلنده	۳	اغتشاشات داخلیه اشناسنده		وقت صلح و آسایشده
۱۸۷۸	۱۸۷۲	۱۸۷۰	۱۸۷۲	۱۸۷۰
سنه سندن اعتباراً	سنه سندن اعتباراً	سنه سندن اعتباراً	سنه سندن اعتباراً	سنه سندن اعتباراً
۱۵۰,۰۰۰ نظامیه ۷۰,۰۰۰ احتیاط ۱۲۰,۰۰۰ برنجی صنف ردیف ۱۲۰,۰۰۰ ایکنجی صنف ردیف ۳۲۰,۰۰۰ مستحفظ	۱۵۰,۰۰۰ نظامیه ۷۰,۰۰۰ احتیاط ۱۲۰,۰۰۰ برنجی صنف ردیف ۱۲۰,۰۰۰ ایکنجی صنف ردیف	۱۵۰,۰۰۰ نظامیه ۱۲۰,۰۰۰ برنجی صنف ردیف ۱۲۰,۰۰۰ ایکنجی صنف ردیف	۱۵۰,۰۰۰ نظامیه ۱۷۰,۰۰۰ احتیاط ۱۲۰,۰۰۰ برنجی صنف ردیف	۱۵۰,۰۰۰ نظامیه
عسکر ۷۸۰,۰۰۰	عسکر ۶۶۰,۰۰۰	عسکر ۳۹۰,۰۰۰	عسکر ۲۲۰,۰۰۰	عسکر ۱۵۰,۰۰۰

ضبط و ربط عسکر ی عثمانی اردو سنده  
کریک حضر کریک سفر زماننده جدی و طبیعی  
اولوب بلا مشکلات محافظه ایدلنکده در  
اطاعت شکنانه معاملات و حرکات اندر  
وقوعه کلور . .

عثمانی عسکرینک خصائل مایه سندن  
نشئت ایدن امتیازاتی شونلردر :

صداقت و اعتماد مجربہ؛ محاربه اشناسنده  
شجاعت و مقاومت؛ مزاحم و مشاق  
حریبه زمانلرنده ثبات و متانت، فلاکت و  
مصیبت زمانلرنده صبر و سکونت . .  
مملکتی مدافعه اتمک ایچون جلب اید.

پیاده صنفه بیوک مقیاسده تطبیقات  
تعلیمی اجرا ایدیرمک لزومی حس  
ایدلمش و فقط جدی برتشت و قوعولما.  
مشدی. استحکاماتک و مواقعک مدافعه سنده  
عثمانی پیاده سنک مستثنا بر صورتده تجلی ایدن  
قابلیتک اسبابی پیاده نک تعلیم و تربیه عسکریه.  
سنده دکل، بلکه و منحصرأ عناصر و مؤثرات  
معنویه و ترک عسکرینک مابه التمایزی  
اولان خصائل عالیہ فطریه سنده تخری  
ایتملی در . پیاده چاق و کوزل یوریر .  
یوروشلر اکثریا اوزون ، (۳-۵)  
و حتی ۶ میل جغرافی طولنده اولور . .

بو حال ، تاریخ حربك او قدر قطعیت  
و صراحتله میدان بدهته ایصال ایلمش  
اولدینی قواعد اساسیه نك نه قدر شدتله تکرار  
ایدلسه ینه کافی اوله میه جغنی اثبات ایدر .  
اشبو قواعد اساسیه نك اک مهمی شوندن  
عبارت ایدی : حربده فضله قوت یوقدر .  
ارشیدوق شارل دیورکه :

« عقول ضعیفه اربابی نابولؤنك شان  
و شرفنی تقلیل ایتمک ایچون نابولؤنك اکثر  
موفقیاتی تفوق عددی سایه سنده استحصال  
ایلمش اولدینی . ملاحظه سنی درمیان ایدر لر .  
عجبا بو بیوک آدم ایچون ، بویله برتفوق تأمین  
ایتمدکجه هیچ بر حرب و یا سفره باشلامدیغنی  
سویلك قدر بیوک بر ستایش تصور  
ایدیلورمی ؟ »

اگر روسلر ۱۸۷۶ سنه سنده بو حقیقی  
تقدیر ایده بیلمش اولسه لردی ، چوق باره  
وهله ده چوق انسان تصرف ایتمش  
اوله جقلردی .

روسلر دیگر خصوصانده ده ، اوزمانکی  
احوال و شرائطك استلزام ایتدیکی درجه ده  
حربه حاضر لانا مشلردی .

بو قبیلدن اوله رق رومانیا ده ، اولار ،  
جاده لر ، شمندو فرلر ، کوپرلر روس اردوسی  
قوماندا هیئتنه بر چوق مشغولیتلر احداث  
ایلمشدی . بعض قطععات عسکر یه ایله نقلیه  
قوللرینك ایلرو حرکاتنك غایت بطائتکارانه

بله جك قطعاتك قسم اعظمی واقعا تشکیلات  
جدیده دن عبارت ایدسه ده ینه روسلر ،  
ترکرله جزا ایلدکری اسفار سالفه تجارینی  
تخطر ایده رک قوتلی بر مقاومته تصادف  
ایده جکلرینی دوش-ونمیلیر<sup>۱</sup> و علی الخصوص  
متمدد عثمانی مواضع مستحکمه سیله (طونه)  
مانع جسیمنك و بالقان سلسله سنك امر مدا-  
فعه یی پك زیاده تسهیل ایله جکنی اونو تامیلیر  
ایدی .

کرك اشبو احوال و خصوصات کرك  
بدایت امرده روسلرک چیقارمش اولدقاری  
قوای عسکر یه ایله بونلرک صورت استعمالی  
کوز اوکنه کتیریلنجه روسلرده یالکیز  
پولتیقه آدملرینك دکل محافل عالیّه عسکر یه  
نك بیله دولت علیه نك وسائط مقاومتی  
تقدیر ایتمک خصوصنده بیوک بر قابلیتسنلرک  
کوسترمش اولدقاری و عثمانی اسفار سالفه سندن  
دکل ۷۱-۱۸۷۰ حربنك نتایجندن بیله استفاده  
ایتمنی بیلمدکری علناً تظاهر ایدیور .

روسلر ، عثمانیلری دائماً ک نهایت نسبه  
جزوی قوتله مغلوب ایده بیله جکلری قناعت  
تاریخیه سنه استناد ایدرک عینیه فرانسزلرک  
۱۸۷۰ حربندن اول یابدقاری کبی خصملرینك  
قوللرینی استخفاف ایتشلردی . بو استخفافک  
۷۱-۱۸۷۰ ده کی کبی مدهش بر صورتده  
اخذنار ایتماش اولسی روسلرک دکل عثمانیلرک  
خطاسیدر .

زیرا روسلرہ معلوم اولق لازمکاورکہ  
بالقان مملکتلرنده بالجله طرق اتصالیه حال  
وطبیعتلری اعتباریه دون برقیمتده بولمقدہ۔  
دلر۔ آندن بشقہ هانکی صومجرالرینک  
قطع ایدیلہ جسکی ، بونلرک اوزرنده نہ قدر  
کوپری بولندینی و بناہٴ علیہ نرہ لردہ نہ قدر  
کوپری انشاسنہ لزوم و احتیاج حاصل  
اولہ جغفی دہ روسلرک پک اعلا بیدملری  
ایجاب ایدر ۔

ک اهمیتلی اولان صومجرالری شونلردر:

پروت نہری : بونہر (سقولانی) نک  
آشاغیسندنہ کی ساحہ دن جریان ایدر وادیس  
(۴-۶) کیلومترہ عرضندہ اولوب اکثری  
یرلری بطاقلق در ۔ وادی بہ منتہی اولان  
صرتلر صورت عمومیہ دہ جبلاقدر ۔ نہرک  
عرضی احوال عادیہ دہ ۴۵-۱۲۰ مترہ بہ بالغ  
اولور ۔ عمقی زیادہ دکلدہر ۔

بونکله برابر یالکنز (اونکنی) نک  
یوقاری طرفندن کچیلہ بیلور۔ صولر بوکسلدیکی  
زمان نہر اودر جہ مهم برمانع تشکیل ایدرکہ  
تکمیل وادی صوآلندہ قالور۔ ہرسنہ ایلمک  
بہارده صولر منتظماً یوکسلمکدہ در۔ ۱۸۷۶  
سنہ سندہ موجود کوپریرلر، بری (سقولانی)  
دیگری (اونکنی) کوپریرلرندن عبارت  
ایدی ۔ بونلردن برنجیسی روسلر کچمزدن  
اول فیضانک تأثیریلہ تخریب ایدلمشدی ۔

برصورتده وقوعبولسی طرق اتصالیه نک فنا  
برحالده بولنمندن نشئت ایتشدی۔ شمندو۔  
فرلرک نہ طرز انشاسی نده مالزمہ متحرکہ سی  
کندیلمرینہ تمحیل ایدیلان ایشارہ وفا ایدہ جک  
بردجہ دہ دکلدی ۔

اگر روسلر طرق اتصالیه ایله کوپریرلرک  
وشمندو فرلرک احوالی دہ اولجہ تحقیق  
ایتمک زحمتی اختیار ایتیش اولسہ لردی واگر  
روس پولتیقہ سی جدی برافاق ایله رومانیا نک  
طور ووضعتی تعیین ایتسہ ایدی ایلمک سفر  
برک زمانندن حرکات عسکریه باشلانجہ یہ  
قدر کچن زمان ظرفندہ بونلرک جملہ سی  
اساسلی برصورتده اصلاح وتعمیر ایتیمک  
ممکن اولوردی ۔

طونہ کوپریرلری ایچون ایجاب ایدن  
اخشاب مالزمہ نک دہ رومانیا لیرک معاوت  
واشتراکی وتقدماً برآز فدا کارلق اختیاری  
سایہ سندنہ وقت وزمانیلہ احضاری قابل  
اولوردی۔ بویله یا پلدینی ایچوندرکہ بالآخہ  
تقدماً مصارف عظیمہ اختیار ایدلدیکی کبی  
غایت قیمتدار اولان زمانلردہ اضاعہ ایدلمشدر۔  
مع مافیہ روس پولتیقہ سی رومانیا ایله  
مشارکت حرکت فکری قطعاً رد ایتیش  
اولدینی تقدیرده سفر برحالہ وضع اولنان  
قطعات عسکریه یہ حقیقت حالہ کنہ نسبتلہ  
دہا چوق فنی قطعات الحاق ایدلمک ضروری  
ایدی ۔

کچیله جک مانعار میاننده اک نهایت (طونه)  
کیوردی. طونه نهری اطار محلنده (۷۵۰)  
متره ، فقط اکثریا (۱۰۰۰) متره دن فضاه  
کینشلیکی حائز ایدی . صولر یوکسلدیکی  
زمان کوپری قوریله جق ساحه نك عرضی  
دها زیاده لسه چکی نظر اعتباره النقی لازم  
کلوردی .

روسلر طونه نهری تکراره اجرا  
ایلدکلری بر جوق محاربانده اون دفعه دن زیاده  
وهر عصرده کچمش اولدقلری جهته بالجه  
خواص و عوارضی بیلوب کوپریچی مالزمه سنی  
کافی مقدارده و وقت وزمانیله احضار و تدارک  
ایتماری لازم کلوردی .

طرق اتصالیه تأسیسی ، علی الخصوص  
نقلیه قوللرینک بونلردن علی الدوام استفاده  
ایده بیلملری و بدایه مقصده کفایت ایده جک  
صورتده حرب کوپریسی شککنده اعمال  
ایدیلوب فقط بالاخره دائمی کوپری حالنه  
افراغ ایدیه جک متعدد کوپریلرک حسن حالده  
بولندیرلسی لزومی والحاصل طونه کوپریلر -  
ینک تأمین ایچون انشا ایدیه جک استیحکامانک  
وجوده کتیرلسی ایچون هر شیدن اول غایت  
قوتلی وسائط فیه حاضر لانسلی تحت الزمیتده  
بولنه جنی آشکاردر ، حالبوکه یالکز بهری  
۱۱۰۰ موجودلی ۳ استیحکام طاوری ،  
(۱۰۰۰) موجودلی ۱ شمندوفر طاوری  
و ۴۵۰ موجودلی ۴ نصف کوپریچی طاوری

دیگری شمندوفر کوپریسیدر . (فالچو) ده  
و (رهنی-قالاص) جاده سنه مصادف قسمنده  
مراکب بحریه واردی .

سره ت نهری: بونک عرضی (۶۰-۱۸۰)  
متره اولوب درینلیکی ۴ متره به قدردر .  
(رومان) ایله (ماراسچی) اراسنده کی قسمده  
یالکز صولر الحاله جنی زمان ، بعض نقطه لرده



صرب قرالیچه سی نانالی

قابل مرور اولوب (ماراسچی) نك آشاغیسنده  
آرتق قابل مرور دکلدر . (موویانی) نك  
آشاغیسنده هیچ کوپری یوقدر .  
طونه نهری نك دیگر ایکسچی درجه ده تابعلری  
اولان (یالومیچا) (دومبویچا) (وید) صولری  
اوقدر حائز اهمیت دکلر سه ده صولر بر از  
یوکسلدیکلری زمان یالکز کوپریلردن کچیله  
بیلان موانع تشکیل ایدرلر .



نه یولده استفاده ایلش اولدقلرینی تدقیق ایتک  
فأده دن خالی دکلدرد .

یوقاریده ده بالمناصبه سویلش اولدیغمز  
اوزره عثمانلیلر ۱۸۲۸ سنه سنده معروض  
اولدقلری حال و وضعیتک وخامت خارق-  
العاذه سنه رغماً ، فقط بر دفعه ده اولیه رق ،  
آوروپا دارالحرکاتنه ( ۱۲۰۰۰۰ ) کشیلک



صرب قرالی میلان

براردوسوق ایده بیلمشردی ، دولت علیه مزک  
اوزمانکی حالی تصور ایدیله بیله چک الک مشکل  
برحال ایدی .

ذات شاهانه ده ۱۸۲۶ سنه سنده بیکچیری  
قیامنی محو ایتشدی . انک ایچون دولت علیه نک  
هنوز براردوسی یوقدی . یونانستانده انکلتره ،  
روسیه وفرانسه طرفدن معناً تشویق وماده  
کال جدیدله معاونت ایدیلان اختلال مدهش

سفر بر ایلمکله آکتفا ایلمشدی . بو ۴ نصف  
کوپریچی طاہوری کندیلر نده موجود اولان  
مالز مه ایله یالکنز تقریباً ۷۰۰ متره طولنده  
کوپری تأسیس ایده بیلورلردی .

دها حرکات حربیه نک بدایتنده بو  
مالز مه نک عدم کفایتی تحقق ایلدیکندن ۸۱۰  
متره نک بر کوپری تأسیس ایدیله بیلمک ایچون  
۱ نجی احتیاط قازمه چی بلوکی ده سفر بر  
ایلدی . بوبلو کده اسکی یلکن بزى طومبا-  
رندن مرکب ۲۱۳ متره طولنده بر کوپریچی  
مالز مه سی واردی . اولیه بر مالز مه که بشقه  
هیچ بر مالز مه اولمدینی حالدہ بالضروره  
استعمال ایدیله بیلوردی .

بو قطعات فیه هیچ بر یرده وهیچ بر  
زمان کفایت ایتامشاردر ؛ ( زشتوی ) ده  
برسر کوپری تشکیل ایتک کی الک مهم ایشلرک  
بیله اهمال ایلمسنه مجبوریت حاصل اولمشدر .  
بو اهمالار ، نقصانلر ، بو عظیم خطالر روس  
اردوسی مدهش بر فلا کته دوچار ایده بیله-  
چک بر درجه ده ایکن بویله بر فلا کتدن  
تخلیص کریبان ایده بیلملرینی روسلر مع-  
التأسف بزم شایان عفو اولمیان عطالت  
ورخاوتمزه مدیوندرلر .

رسلرک عثمانلیلرله اجرا ایلش اولدقلری  
صوک سفرلرک وعلی الخصوص ( ۲۹-۱۸۲۸ )  
و ( ۱۸۵۵-۱۸۵۳ ) حر بلرینک نتایجندن

بر صورتده اجرای حکم ایدیوردی . تنسیقات  
واقعه دن خشنود اولیان بوسنه عسکر  
ویرمکن امتناع ایتمکده ایدی . ۲۰ تشرین  
اول ۱۸۲۷ ده (ناوارین) ده عثمانلی فیلوسی  
متحد (انگلتره - فرانسه، روس) دوتلمسی  
طرفدن احما ایدلدی . بونک نتیجه سی اوله رق  
روسیه قره دکزه حاکم اولمش وبالطق فیلوسی  
ایله چناق قلعه یی سد ایتمشدی . ینه بویه  
ایکن دولت علیه مز بویه قوتلی براردو تشکیلنه  
موفق اولمشدی .

۲۹-۱۸۲۸ حربنک طرز جریانی ،  
خطوط عمومی سی اعتباریه ، ۷۸-۱۸۷۷  
حربنک عادتاً صادق بر مثالی در .

واقعا روسیه ، سنه لردنبرو دولت علیه یه  
قارشو محاربه یه حاضر لائمش و جنوبی روسیه ده  
۳ ، ۶ و ۷ نجی قول اردولردن مرکب ۲ نجی  
اردوی حربیه مهیا برحاله محافظه ایش  
اولدینی و (ناوارین) محاربه بحر یه سی حربی  
نا قابل اجتناب برحاله کتیردیکی و آندن باشقه  
عثمانلیلر ۱۸ کانون اول و ۱۸۲۷ ده حرب  
بیاننامه لرینی نشر و اعلان ایش بولدقوری  
حاله روسیه نك اعلان حربی انجق ۲۸ ایلول  
۱۸۲۸ ده وقوع بولمشدی .

۲ نجی روس اردوسی - که ۳ نجی قول  
اردو ( ۲ سواری و ۴ پیاده فرقه سی ) ،  
۶ نجی قول اردو ( ۲ سواری و ۲ پیاده  
فرقه سی ) و ۷ نجی قول اردو ( ۱ سواری

و ۲ پیاده فرقه سی ) یعنی جمعا ۸ پیاده و ۵  
سواری فرقه سندن مرکب اولق اوزره  
( ۴۸۰۰۰ ) پیاده ۱۴۰۰۰ سواری و ۲۰۲  
طوب قوتنده ایدی ۱۸۲۸ سنه سی مارتنک  
نهایتنده تحشد حرکانه باشلامش و مایس  
بدایتنده ( موغلیف ، سقولانی ، رهنی ،  
اسماعیل ، بندر ، یالطه ) منطقه سنده حرکته  
مهیا برحاله بولمشدی .

سفر مذکورده داتر (مولتکه) نك تألیف

ایدرك ۱۸۷۷ سنه سنده (برلین) ده ایکنجی  
دفعه اوله رق طبع اولنان اترك ۶۰ نجی  
صحیفه سنده اردونك شوضعفك سبب اصلیبی  
اجنبی دولت لرینك مداخله سنی منع ایتمک ایچون  
روس اردوسنك قسم کلیسنی مملکتک غرب  
جهتتده حاضر لائمش اولمسندن عبارت  
بولدینی در میان ایدیلور .

مایسک ۷ نجی کونی روسلر (پروت)  
نهرینی کچدیلر و پرنس لکارک اراضی سنده  
( افلاق ، بغداد ) یابدیلر . ۸ جز برانده  
روسلر ( رهنی ) نك آلتدن طونه یی مرور  
ایلدیلر . مارشال مولتکه شمندی بحث ایتدی کمز  
اثرینک ۶۳ نجی صحیفه سنده دیورکه : « بو  
صورتله غایت قیمتدار اولان بر زمان غائب  
ایدلمش اولدی . زیرا دائماً حاضر اقسز برحاله  
بولنان عثمانلیلر ( طونه ) ده کی است حکام لرینی  
کمال فعالیت و غیرتله تسلیح و تجهیز ایتمک

« شوراسنی ده نظر دقتدن دور بولندیرما .  
 ملی درکه مواقع مستحکمہ یه قارشو کوندریلان  
 مفرزه لرك هر بریسی ایکشر بیک موجودنده  
 اولدینی کبی یانلرنده یالکز صحرا طویلری  
 بولندیغندن مدافعینک عزم وشدتله مقابله لری  
 حالده هیچ برینک مقصدلرینه نائل اوله میه .  
 جقلری بدیهی ایدی . »

مایسده یکیدن ایکی قول اردو سفر بر  
 ایدلی ( ۲ نجی قول اردو ایله خاصه قول  
 اردوسی ) . بوزمانده حرکات حربیه هنوز  
 مخاطرملی بر صفحه یه داخل اولماش  
 و ( طونه ) ده هنوز کچیلماش ایدی . خاصه  
 قطعاتی آنجق اغستوس نهایتنده ( وارنه )  
 اوکنه کله بیلمش ، ۲ نجی قول اردو ایسه  
 ایولده ( طونه ) یه یتشه بیلمشدی .

اثر مذکورک ۱۱۵ نجی صحیفه سنده :  
 « بو امدادک دها اولدن نظر دقت و تأمله  
 آلماش اولسی دائمی بیوک بر خطا تشکیل  
 ایدوب بونک مسؤلیتی تعقیب ایدیلان بولتیقه یه  
 عطف ایدلیدر . »

و ۲۳۰ نجی صحیفه سنده :

« سفرك جریانی اوزرنده سفره کچ  
 باشلانمقدن زیاده سوء تأثیر اجرا ایدن ماده  
 اوروپانک اک قوتلی دولت عسکره سنک  
 سفر برحاله وضع ایلدیکی قوتک عدم کفایه سی  
 اولمشدر . بو خصوصده روسلر هیچ شبهه  
 یوق که ( مونیخ ) ، ( روما زروف ) و

ایچون روسلرک بو خطاسندن استفاده  
 ایلشردی . »

بو تأخرک سببی شوندن عبارت ایدی :  
 کوپریچی مالزمه سی وقت و زمانیه حاضر  
 ایدیه مامشدی .

دولت علیه اراضیسنه داخل اولق ایچون  
 بدایه<sup>۱</sup> یالکز ۳ نجی قول اردو یعنی ۴ پیاده ،  
 ۲ سواری فرقه سنندن مرآب و ( ۲۴۰۰۰ )  
 پیاده ، ( ۵۰۰۰ ) سواری و ۱۲۸ طوپدن  
 عبارت بر قوت تعیین و تخصیص ایدلمشدی .  
 ۶ نجی و ۷ نجی قول اردولر اشبو حرکات  
 قول اردوسنک جناح لرینی ستر و تأمین  
 ایده جک ودها زیاده ایلرویه کیتمک ایچون  
 بر استنادگاه تشکیل ایله جکلردی . ( ۶ نجی  
 قول اردو برنساکلرک اراضیسنی اشغال  
 ایده جک ، ۷ نجی قول اردو ایسه ابرائیل  
 قلعه سنی محاصره ایله جکلدی ) دیمک اولیورکه  
 اساساً ضعیف اولان اردونک یالکز برضفی  
 اصل حرکات عسکره یی اجراسنه تخصیص  
 اولنش ، نصف دیکری بو حرکات عسکره یه نک  
 ستر و تأمین وظیفه سی ایچون تفریق ایدلمشدی .

سیار قول اردو ( طونه ) یی کچکدن  
 صکره باباطاغ منطقه سنده کی عثمانلی استحقکماننه  
 قارشو افراز ایلدیکی قوتلردن طولایی اودرجه  
 ضعیفلمش ایدی که ( تراجان ) خطنه کلدیکی  
 زمان ( ۱۵۰۰۰ ) کشتی یه تنزل ایتمشدی .  
 مولتکه اثرینک ۸۱ نجی صحیفه سنده دیورکه :

متباقیسی ایسه آوروپای تهید ایتک و برمداء  
خله یی منع ایلک اوزره کیروده حرکت مهیا  
برحاله بولندیرلمشدی.

هرایکی حربده اصل حرکات اردوسی  
آروپاده سفر برایدیلان قطعانک یالکز  
یاریسندن عبارت بولمش ، هر ایکسندده  
قطعی محاربات هنوز باشلامدن اول ایکنجی  
برسفر برلک وقوع بولمش و فقط قوای امدادیه  
حرکات اردوسنه پک کچ واصل اوله یلمشدی .  
هر دفعه سننده اردو ، قوای امدادیه نک  
وصولندن اقدم پک بحرانی وضعیتلره دوچار  
اولمشدر .

هرایکی سفرده حرکات حربیه نک  
باشلامسی تأخر ایش ، چونکه کوپر یجده  
مالزهمسی وقت وزمانیه حاضر ایدلامشدی .  
هرایکی حربده محاصره مالزهمسی غیر کافی  
ایدی .

کذلک هرایکی حالده بواهللرک مسؤلیت  
اصلیه سی حکومتک تعقیب ایلدیکی یولتیقه یه  
عائد ایدی .

۱۸۵۶ - ۱۸۵۳ سنه لرنده وقوع بولان  
شرق سفری ائناسندده ایمپراطور برنجی  
نیقولا طرفندن بالذات آتخا ایدیلان تدابیر  
سیاسیه ، وقوع بولان عدم موفقیتک سبب  
اصلیسنی تشکیل ایدر .

حربه مدار تشویق اولان ماده ، فلسطین ده  
برچوق زماندنبرو قنولیکلره روملر

( صوواروف ) ی ، ( ۱۷,۰۰۰ ) روس  
عسکرینک ( ۱۶۰,۰۰۰ ) عثمانلی یی دوچار  
انهزام ایلدیکی کونلری تخطر ایشلردر .  
سفر قیشین دخی دوام ایدرک ۱۸۲۹  
سنه سنه قدر سورمشدی .

مولتکه ۲۹ - ۱۸۲۸ حربک تاریخی  
شوملاحظات ایله نتیجه لندیرمشدر : صوک  
سفرلرک درسارندن استفاده ایدرک ، روسلرک  
یکیدن وقوع بوله جق برحرب ائناسندده  
دهاز یاده برقوتله بلغارستانه داخل اوله جقلری  
مأمولدر . اکر اردو یالکز ( ۱۲۰,۰۰۰ )  
محارب ایله ( هیرزوا ) جوارندن طونه یی  
کچر ، سلستره یی ( ۲۰,۰۰۰ ) ، ( وارنه ) یی  
کذلک او قدر برقوتله محاصره ایدرو ( شمن )  
نک ترصدی ایچون ( ۳۰,۰۰۰ ) عسکر ترک  
ایلرسه کیری یه قاله جق ( ۵۰,۰۰۰ ) کشینک  
قره کز لیمانلرینه استناد ایدرک همان ( بالقان ) ی  
کچمسی اصلا مأمول دکلدر .

حالبوکه روسلر بو حربک درسارلری  
۱۸۷۷ سنه سننده بو سبتون اونوتمشلردی

۱۸۷۶ سنه سننده عینیه ۱۸۲۷ ده کی  
کچی حربه قرار ویرلمش ، اردو سفر برایدلمش  
لکن حربه ۱۸۷۸ سنه سی نیساننده اعلان  
اولمشدی .

هرایکی دفعه ده دولت علیه یه قارشو  
روس قوای عسکریه سنک نسبتاً ضعیف بر قسمی  
استعمال ایدلمش ، قوای مذکورده نک قسم

احوالک سوق وادارہ سی روسیہ نیک ارادہ۔  
سندن چیقمش، ایمپراطور نیکولا بومغورورانہ  
حرکتی ایلہ روسیہ نی برجرای سقیمہ آلوب  
کتورمشدی .

اوزمانکی روس اردوسی ۱ خاصہ ،  
۱ غرہ نادیه قول اردوسندن، اندن باشقہ  
۶ پیاده و ۲ سواری قول اردوسندن  
عبارت ایدی . هر پیاده قول اردوسی  
دردر طاہورلی ایکیشر آایدن مرکب  
ایکیشر لوالی اوچر پیاده فرقه سندن ، اندن  
باشقہ بر سواری و بررطوبچی فرقه سندن  
متشکل اولہ رق جمعاً (۶۰,۰۰۰) قوتسندہ  
ایدی .

بو قوہ عمومیہ دن ، اشغال اردوسی  
تشکیل ایتک اوزرہ شو قدر قوت بکاکلرہ  
داخل اولمشدی :

تکمیل ۴ نجی قول اردو

۵ نجی قول اردو ک ۱ پیاده فرقه سیلہ  
سواری فرقه سی بعض قازاق آایلری  
یعنی جمعاً ۴ پیاده و ۲ سواری فرقه سی کہ  
تقریباً ۲۰۸ طوبلی ( ۸۲,۰۰۰ ) نفر دن  
عبارت ایدی .  
بونلردن باشقہ شو قوتلر حرہ مہیا بر  
حالہ ایدیلر :

بسار پیاده ۲ پیاده و ۱ سواری فرقه سی  
( موسقووا ) و ( طولا ) ده ۳ نجی پیاده  
قول اردوسی . لکن بو قول اردو ۱۸۵۲ تشرین

آراسندہ وقوعبولان منازعات ایلہ دولت  
علیہ ده تبعہ خرسٹیانیہ نک حال و طالعی  
اولمشدر .

۱۸۵۳ بدایتسندہ پرنس منچیقوف ،  
روسیہ نک فوق العادہ مرخصی صقتیلہ خفی  
بر مأموریت ایلہ استانبولہ کلمشدی . بو  
سفیرک مسلک حرکتی حال و وضعیتی  
بستون دوچار مشکلات ایدرک عثمانلیلری  
او درجہ اغضاب ایتمشدی کہ روسیہ ، بو  
منچیقوفک تأیید مطالبی ایچون ۱۸۵۳ سنہ سی  
بہارندہ ایالات جنوبیہ سندہ استحضارات  
حریبہ پہ باشلامش واک نہایت عثمانلیلرہ حال  
و وضعیتک جدیدتی احساس ایلک اوزرہ ۳  
تموز ۱۸۵۳ ده قطعات عسکر یہ سنہ دولت  
عثمانیہ نک تحت حمایہ سندہ بولنان طونہ  
بکاکلرینی اشغال امرینی اعطا ایشدر .  
روسیہ نک بو حرکتی دولت علیہ نی غرب  
دولتلیرینہ توجیہ انظار ایتمکہ سوق و ترغیب  
ایلدی .

( ۱۸۵۳ - ۱۸۵۶ ) در روسیہ پہ قارشو  
حرب نامیلہ تقیدات و محاکات عسکر یہ نی  
متضمن اولہ رق بر آوستریا ضابطی طرفندن  
تألیف ایدیلہ رک ۱۸۵۷ سنہ سندہ ویانہ ده  
نسر ایدلش اولان بر کوزل اترک ۲۳ نجی  
صحیفہ سندہ دینلیورکہ :

« روسیہ آتمش اولدینی بو خطوہ ایلہ  
زمام اموری لندن چیقارمش ایدی . ارتق

اولنده یوروش امرنی آدیغندن آنجق اوسنه نك كاتون اولنده بغدانه داخل اولدی .  
 آراقده دولت علیه من ۴ تشرین اول  
 ۱۸۵۲ ده روسیه یه اعلان حرب ایلمشدی .  
 ۲۲ مارت ۱۸۵۴ ده روسلر ( قالاص و ابرائیل ) جوارنده ، فقط یالکیز ۳۳۰۰۰ کشی ایله ، طونه یی مرور ایتدیله ؛ ۱۷ ما- یسدن ۲۰ جزیرانه قدر سلستره یی محاصره ایتدیله . روس اردوسنك قسم کلیسی ، اقلی ۸۰۰۰۰ کشی قوتنده اولدیغی حالده ، افلاقده قالمشدی .  
 ۲۸ مارتده غرب دولتری ده روسیه یه اعلان حرب ایتشلردی .  
 آوستریا لیلرک تجاویزی روسلری ۲۰ جزیرانده ( سلیستره ) محاصره سنی رفع ایتمکه و بکلکلیری تخلیه ایتمکه مجبور ایتدی .  
 روسیه شمدی آوستریا یه قارشوده استحضارات حربیه یه کریشدی ۱۴ ایلول ۱۸۵۴ ده تقریباً ( ۷۰۰۰۰ ) متفقین عسکری قریم ساحله چیقدیله ( ۴ پیاده ، ۵ انکلیز فرقه سی و ۱ عثمانلی فرقه سی ) قریمک مدافعه - سنه مأمورا اولان ( ۳۳۰۰۰ ) کشیلک روس قول اردوسی ( الما ) ده تارومار ایدلدی آراقده روس اردوسنك قسم کلیسی ( پروت ) ساحلنده عطا لتساز بولنیوردی .  
 متفقلر ( سیواستپول ) محاصره سنه باشلا دیله ۴ نجی روس قول اردوسی آنجق

شمدی برای تقویه قریمه اعزام اولندی . لکن قوه کلیه ینه دائماً ( پروت ) ده قالمشدی .  
 ۵ تشرین ثانی ده ( ۵۰۰۰۰ - ۴۰۰۰۰ ) روسیه لو متفقین عسا کرینه قارشو هجومه باشلا دیله ؛ اینکرمان محاربه سنده روسلر طرد ایدلدی .  
 بوزمانده روسیه نك حربیه مهیا شو قدر قوتی واردی :  
 پولونیا ده ۱ نجی پیاده قول اردوسیله غره نادیه قول اردوسنك یاریسی ؛  
 ( بودولین ) دینستر نهری ساحلنده ۲ نجی قول اردو ؛ جنوبی بسارایا ده ۱۵ نجی پیاده فرقه سی  
 ( اوده سا ) ده ۳ نجی قول اردو  
 قریم ده ۴ نجی قول اردو ۵ نجی قول اردونك بر فرقه سی و ۶ نجی قول اردونك ۲ فرقه سی ؛  
 قافقاسیا ده قافقاسیا قول اردوسی بونلردن ماعدا ایچرو روسیه ده احتیاط اردوسی اولتی اوزره ( ۱۰۰,۰۰۰ ) نفر و ۳۶۰ طوب تماماً حاضر برحاله بولمقده ایدی .  
 روسیه نك تقریباً ( ۴۰۰,۰۰۰ ) کشیلک قوه حربیه سی بو صورتله ( ۲۲۰۰ ) کیلو متره لك برخط بویجه توزیع ایدلمشدی .  
 اك نتیجه لی منطقه ده - قریم ده - اعظمی ( ۶۰,۰۰۰ ) کشی واردی . روس اردوسنك قسم کلیسی معطل برحاله قالمش ایدی .

بولندینی تقدیرده - که بو، دهاحضر زمانندن  
تقدیر ایدیه بیلور - بوقلعه نك ضبطی ایچون  
وسائط حاکمه و متفوقه استعمال ایدلک  
لازمکلوردی. ۷۱ | ۱۸۷۰ سفرنده بعض فرانسر  
قلعه لرینک اوقدر اوزون برمدت مقاومت  
ایده بیلملرینک سبب حقیقیسی، بووسائطک  
فقدانندن عبارتدر .

قریم سفرنده ده مدافعینک قوتی بدایه  
بک ضعیف بر حلاله بولنمش و بالاخره  
پیدر پی کلن قوای امدادیه دخی مملکتسه  
نفوذ ایدن خصمک بجران آمیز وضعیتندن  
مدافعینک استفاده ایتسنه مساعده بخش  
اوله مامشدی .

لکن روسلر، قریم سفرینک منفقرک  
قوتندن دکل، کندی خطالرنندن فائب اولوب  
کیتدیکنی صکره دن بیله آ کللامامشاردر .  
بوحریدن روسلرک ایتدیکی یکانه استفاده

۱۸۷۷ سنه سننده روس سواحلی حقیقه  
اوقدر بیوک بر اندیشه اظهار ایتلرندن  
عبارتدر. بواندیشه نك خطای محض اولدیغنی  
۷۸ - ۱۸۷۷ سفری کافی درجه ده اثبات  
ایلشدر .

حاصلی ۷۸ - ۱۸۷۷ - سفرینک طرز  
جریانی ، اولکی اسفار و محارباتدن روسلرک  
هیچ برشی اوکر ناماش اولدقلرینه بربرهان  
قویدر . او یله بربرهان که انسانلرک کندی  
تاریخلرنندن بیله چوق شی اوکر نمداکرینه

(اینکرمان) میدان محاربه سندن صکره  
متفقلری قریم دن تبعید ایتک ایچون ارتق  
هیچ جدی بر تشبث وقوع بولمدیغندن ،  
(سیوا - آپول) اک نهایت ۸ ایلول ۱۸۵۵ ده  
سقوط ایتدی .

بوحریده دخی سیاسی بر تضییق اجرا  
ایتک مقصدیه تدابیر حربیه مه مراجعت  
ایدله نك مضرتی مشاهده ایدلدی . امید  
ایدیلان موفقیت حاصل اولدی؛ بالعکس  
تدابیر واقعه حربی انتاج ایلدی . حربه غیر  
کافی قوتلرله کیریشلمش و انجق متعاقباً و تدریجاً  
قوه امدادیه کوندرلمشدی . لکن ایش  
ایشدن کچمشدی . اوزون اوزادی به دوام  
ایدن حرب کرکینلکی و روسیه نك اساساً  
شدت و متانتدن عاری اولان طرز حرکتی  
اجنبی دولتلرینک مداخله سنی موجب  
اولمشدی. حربک ، روسیه ایچون اوقدر  
وخیم اولان نتیجه سنک اسباب اصلیه سی ،  
قلعه محاصره لرینک اوزامسی دکل ، اجنبی  
دولتلرینک مداخله سی ده دکل ایدی . انهمام  
واقعت سبب حقیقیسی روسیه نك غیر کافی  
قوتله حربه باشلامسی ایدی . اگر طرف  
متعرض دها بدایتدن اعتباراً قوه کافیه ایله  
هجومه باشلامش اولسه یدی ، اک قوتلی قلعه ده  
نسبتاً سریع بر زمانده سقوط ایدردی . تکمیل  
حرکات عسکریه نك سرعت دوام و جریانی  
بر خصم قلعه سنک سرعتله سقوطنه وابسته

وبالذات دوچار اولدقاری مصائب و مضراتك  
بیله اونلره مدار انتباه اولدیغنه شهادت ایدر.  
روس حرکات اردوسنك بسارا بیاده کی

سوق الجیشینی نزهده اجرا ایتملی؟ رومانیا-  
دیمی بسارا بیاده می؟

دها ۱۸۷۶ اغستوسنده ایکن، ۲ قول  
اردویی رومانیا ده تجمع ایتدییره رك مناسب  
بر زمانده بلغارستانی اشغال ایتمك فكر  
و تصویری موجود ایدی، لکن بوتصوردن  
واز کچلمش ۱۸۷۶ ایلولنده قول اردودن  
مركب برسیار اردو تشکیل ایتمك فقط آنی  
بسارا بیاده جمع ایتمك قرار کیر اولمشدی.  
همان رومانیا ده داخل اوله رق تجمع  
سوق الجیشینك اوراده اجرا سنده کی فوآند  
عسکریه نظاره عیان اولدیغی حالده برطاقم  
ملاحظات عادیه سیاسیه بوتجمعی یعنی حرکات  
عسکریه به همان باشلانلسنی منع ایلمشدی.  
بالجمله یورویش حرکاتی بك مساعده بر موسمه  
اجرا ایدیله جك و قطعات عسکریه بسارا بیاده  
نظراً يك زنکین، آب و هواسی صاعلام بر  
ساحه یه ایریشمش اوله جقلردی. طونه



قافقاس افراد عسکریه سنندن

تجمعی، (اونکاتی) (روسیه  
رومانیا حدودی)، (بحر  
سیاه) و (بالطه) ایله محدود  
اولان منطقه ده وقوع بولدی.  
بوتجمعی نه کی نقاط نظره  
کوره اجرا ایدلمش اولدیغی  
بروجه آتی در:

(۱) هرشیدن اول شو سوال  
وارد خاطر اولمشدی: تجمع



حال استراحتنده



ملحوظ اولان ایلرو یورویس ایچون قطعات  
 عسگریه نك ایلرویه ایصال ایدن یوللرک  
 اوزرنده و یاخود قرب و جوارنده غروپ  
 غروپ ترتیب ایدلرلی اقتضا ایدردی :  
 ۱ . کیشنهف ، اونکنی ، یاش ، رومان ،  
 فوقشانی ، بلوئہشتی ، بکرش .



محمد ندیم پاشا

۲ . کیشنهف ، غوراغالینا ، بهشتوماق ،  
 فالچو ، بیرلات ، تکوچی ، فوقشانی ، بکرش .  
 ۳ . بندر ، کبئی ، رہنی ، قلاص ، بکرش .  
 قطعات عسگریه نك امر توزیعنده جالب  
 دقت و استغراب برشی واردرکه اوده ده  
 تجمع سوق الجیشی ائناسنده تعبیه جزؤ  
 تاملرینک پارچہ لائمنسه باشلانمش اولسیدر .  
 ۸ و ۱۱ نجی سواری فرقه لری منسوب

نهرینک مروری دخی دهاسهیل ، مکمل  
 و موافق بر صورتده وقوعبوله جق و کذلک  
 منزل خطوط اصلیه سی قولایلقله حسن حاله  
 افراغ ایدیله بیله جکدی .  
 ب ) بسارابیاده تجمع ایدلدیکی حالده  
 دشمنک بر تجاوزینه معروض اولوق احتمالی  
 همان یوقدی . بوسایهده قطعاتک محافظه امنیت  
 واستراحتلری اسبابی استکمال ایدیله بیله -  
 جکدی . بناءً علیه هر شیدن اول کنیش  
 بر صورتده قوناقلره یرلشمک ممکن  
 اوله جقدی .

ح ) تجمع قوناقله سنک اوزون مدت  
 دوام ایتمی احتمالی و تجمع منطقه سنک فقر  
 و ضرورتی ایله نفوسک کشفاتی آز اولمنی کمی  
 احوال غایت کنیش قوناقله منی استلزام  
 ایدوردی . قوناقله منطقه سی اردونک قوتنه  
 نسبتاً بک فوق العاده بیوک ایدی ( اونکنی )  
 دن قره دکزه قدر کنیشلکی ۲۵۰ کیلومتره  
 یعنی ( ۲۰ ) کیلومتره دن ۱۲ یورویس طولنده  
 اولوب ( قوبه ی ) دن ( بالطه ) یه قدرده  
 ۲۰۰ کیلومتره و یاخود ۱۰ یورویس مسافه سی  
 درینلکده ایدی .

۱۸۷۰ سنه سنده ( ۳۸۵۰۰۰ ) اکشی  
 قوتنده اولان آلمان اردولری تجمع سوق -  
 الجیشیلرینی تقریباً ۱۸ کیلومتره درینلکندنه کی  
 بر منطقه ده اجرا ایتمشردی .  
 د ) رومانیایه طوغری هر دقیقه وقوعی

اولدقلری ۹۰۸ نجی قول اردولردن آیرلمشله  
وبولاردن ۸ نجی سواری فرقهسی تکمیل  
حربک مدت جریانجه ارتق قول اردوسنه  
عودت ایتماشدی .

بو قدر چوق آدمک اوزون بر مدت  
ایچون بالنسبه کوچوک اولان بر منطقهده  
بیغلمسی ، یوقاریده ذکر ایتدی کمز وجهله  
حرکات نقطه نظرندن محاذیری اولغله برابر  
دها بیوک ودها وخیم بر مضرتی واردرکه  
اوده بر چوق قطعانک (بیساریا) کبی فقیر  
وهواسی فنا اولان بر برده اقامت ایتدیرلمسیله  
اردونک احوال صحیسهسی اوزرنده حاصل  
اوله جق سوء نتایجدر. عسکر، هنوز محاربهیه  
باشلامدن اول خسته لقدن هلاک اوله جتی  
شبه سزدر .

روس ارکان حریره سنک اثرینک مختلف  
فصللرندن طوبلانان ارقام ، بو اوزون تجمع  
قوناقلامسی یوزندن سیار اردونک موجودینه  
عارض اولان تناقص عظیمی بوجه صریح  
ارنه ایتکده درلر. ۱ نجی جلدک ۲۳۷ نجی  
صحیفه سنده هنوز سفر بر حاله وضع ایدیلان  
سیار اردونک ( ۱۹۳,۰۰۰ ) موجودنده  
اولدینی وعین جلدک ۳۲۳ نجی صحیفه سنده  
اردو لوازم هیئتک تقریرینه نظر آ ۵ کانون  
اول ۱۸۷۶ ده یعنی تجمع س-وق الجیشی  
باشلادینی هنکامده سیار اردونک موجودی  
(۱۸۵,۵۴۸) کشتی بولندینی ذکر ایدلیکی

حاله مارت نهایتنده عین اردونک موجودی  
یالکیز (۱۶۰,۰۰۰) کشیدن عبارت اولدینی  
۲ نجی جلدک ۱۴ و ۲۵ نجی صحیفه لرنده  
بیلدیرلمش و بویله ایکن ایلمک یکنونده اردونک  
قوتی ۱۰۷ پیاده طاہوری، ۱۴۹ سواری  
بلوکی، ۴۷۲ صحرا طوپندن عبارت اولدینی  
مصرح اولدینی حاله ایکننجی یکنونده قوه  
مذکورہ ۱۱۱ پیاده طاہوری، ۱۰۱  
سواری بلوکی و ۴۷۲ صحرا و ۲۳۰ محاصره  
طوپنی اولتق اوزره کوسترلمشدر ( ۲ نجی  
جلد صحیفه ۲۴ )

بو حاله خسته لقی یوزندن اردونک وچار  
اولدینی ضایعات، اقلی (۳۰,۰۰۰) کشتی یعنی  
عموم موجودک برسدسی اولتق اوزره قبول  
ایدلمک لازمکلور .

۱ نجی جلدک ۲۷۰ نجی صحیفه سنده  
اردونک تجمع منطقه سنده پی در پی (۷۰۰۰)  
خسته ایچون خسته خانه لر تأسیس ایدلمش  
ایسه ده ۲۳ نیسان ۱۸۷۷ ده حقیقت حاله  
یالکیز ۱۴۹ ضابط و ۳۵۷۳ نفرک خسته  
اولدینی بیان ایدلمکده درکه بوندن اوزمانه  
قدر تلفاتک پک مدھش بر یکنونه بالغ اولدینی  
استدلال اولتور .

۱۵ ایلول ۱۸۷۷ ده یعنی اعلان حربدن  
اول ظاهری بر سبب اولمقسزین ایکننجی  
برسفر برلک اعلان ایدلدی . بو سفر برلک  
قطعات آتییه عائد ایدی :

۱۶ نجی، ۳۰ نجی پیاده و ۴ نجی سواری  
فرقه لرندن ۴ نجی قول اردو

موسقووا دائرهٔ عسکریه سی: ۲ نجی ،  
۳ نجی پیاده فرقه لری

۱ نجی ۳۵ نجی پیاده و ۱۳ نجی  
سواری فرقه لرندن (۱۳) نجی قول اردو  
۱۷ و ۱۸ نجی پیاد فرقه لریله دون  
قازاق فرقه سندن ۱۴ نجی قول اردو .

( ۱۶ نجی و ۳۰ نجی  
پیاده فرقه لری ۴ نجی  
سواری فرقه سی )  
وارشووا دائرهٔ عسکریه سی: ۱۳ نجی

بو اوچ قول اردو بالاخره - ۸ مایس  
۱۸۷۷ ده - سیار اردویه الحاق ایدلدی ؛  
۴ نجی قول اردو لیکن تموز اواسطندن اول  
رومانیا به داخل اوله مدی . ۲ و ۳ نجی پیاده  
فرقه لرینك قول اردو ارتباطی بوقدی . بونلر  
سیار اردویه التحاق ایدن ۱۳ و ۱۴ نجی  
قول اردولرك قطعاتی یرینه اوستریا حدودینه  
مأمور اولدیلر .

سواری فرقه سی

بعده ۲ نجی استحکام لواسی

قافقاس پیاده ۲۰، ۲۱ نجی و ۳۸ نجی  
پیاده فرقه لری

بومنتظم قطعاندن بشقه جه ۲ نجی دوردن  
۱۰ دون قازاق آلاپی ده سفر بر ایدلمشدی .  
بوصورتله ۱۸۷۷ نیساننده :

۷ پیاده فرقه سی

۲ سواری فرقه سی

۱ استحکام لواسی

۱۰ دون قازاق آلاپی ( ایکنجی دور )

سفر بر ایدلمشدی .

اوروپاده کی سیار اردو بوصورتله ۴ نجی  
قول اردونك مواصلتندن صکره (۲۶۰،۰۰۰)  
کشی به (قطعات محاربه ایله عساکر غیر محاربه ده  
داخل اولمق اوزره) بالغ اولمشدی .

بو قطعانك موجود سفری به ابلاغی

ایچون تقریباً (۱۲۰،۰۰۰) احتیاط افرادی  
و (۱۹۰۰۰) بارکیر جلب ایدلمشدی .

بو افراد و حیوانانك جلبی، ایلك سفر بر لکده  
اولدینی کبی سرعت و سهولتله وقوعبولدی .  
اوروپا ایچون یکی سفر بر ایدیلان قطعات

ایله ده اولدن اوستریا - روسیه حدودنده  
سفر برحاله بولنان قطعاندن شو جزؤ تاملر  
تشکیل ایدلمشدی :

الحاصل شباط نهایتنده شو قدر قطعات  
سفر بر ایدلمش ویا سفر برحاله وضع ایدلمکده  
بولنمش ایدی :

۲۷ پیاده فرقه سی

۱۰ سواری فرقه سی

۳ اوجی لواسی [۱]

[۱] روس ارکان حربیه سنك اثرینك برنجی  
جلدینك ۲۳۵ نجی صحیفه سنده ۵ نجی اوجی  
لواسنكده ( ویلنا دائره سندن ) سفر بر ایدلدیکی

۳ استحکام لواسی	۸ سواری فرقه‌سی
۲۳ قازاق ایلی و قطعات صغیره سائرہ	۴ اوجی لواسی
بودورده هنوز سفر بر ایدلمش شو	۲ استحکام لواسی و بر جوق قازاق
قدر قطعات واردی :	تشکیلاتی
۲۱ پیاده فرقه‌سی	

دولت علیه‌نک تسلیحاتی ؛ حربک بدایتنده عثمانی قوای عسکریه سنک

### صورت استعمالی

۲ نجی فصلک بدایتنده یازمش اولدیغمز  
کبی ۱۸۷۷ و ۱۸۷۸ سنه لرنده استعمال  
ایدلمش اولان عثمانی قوای عسکریه سنک  
مقدار حقیقه‌سنی تعیین ایتمک منابع و وسائط  
موجوده‌یه نظراً اصلاً قابل دکلدر .  
آئیده کی ارقامک استناد ایتمکده اولد-  
قلری رسمی منابعدن مأخوذ معلومات ده  
بیله مختلف جزؤ نام لر همان دائماً موجود  
نظامی لرنده اوله رق قبول ایدلمش اولوب  
حالبوکه حقیقت حالده مذکور جزؤ نام لریک  
یک زیاده تخالف ایدن موجود لری ، مو-  
جود نظامی به هیچ بالغ اوله مامشدی .

مختلف عثمانی اردو اقسامنک قوتلری  
تعیین ایتمک ماده‌سنی اک زیاده اشکال ایدن

مذکور درکه بونکله سفر بر اوجی لوارنیک  
عددی درده بالغ اولبور دیمکدر . مع هذا بو  
لوانک نروده استعمال ایدلدیکنه دائر هیچ بر  
طرفده بر معلوماته تصادف ایدلامکده در .

شی شودر : سفر برلک اصول و نظامه  
موافق بر صورتده و دفعه اجرا ایدلیوب  
بالعکس پیدری ظهور ایدن اختلالات ایله  
تره طاغ و صربستان حکومتلرنیک مداخله  
سی اوزرینه ممالک عثمانیه نیک هر طرفندن  
تدریجاً قطعات جلب ایدلمش و قطعاتک  
جزؤ تام تشکیلاتنه دقت ایدلمه یرک یالکنز  
ممکن مرتبه سرعته محل مرتبلینه یتشدیرلمسی  
دوشونلش اولدینی کی اشبو قطعات کذلک  
کیفی بر صورتده جمع ایدیلهرک مختلف اردولر  
تشکیل اولنمشدی .  
فی الحقیقه احتیاط صنفی بوسنه هر سیک  
اختلالنک تسکینی ایچون ده ۱۸۷۵ سنه‌سی  
یازنده جلب ایدلمشدی . ۱۸۷۶ سنه‌سی  
ائساننده تکمیل ردیف جلب و جمع اولندی .  
آندن بشقه کولکلی و غیر منتظم قطعات  
طوپلاندقلری کبی مصر فرقه عسکریه‌سی ده  
جلب ایدلمشدی .

شایان حیرت بر قابلیت و استعداد اظهار  
ایتمشیدی . روس ارکان حربیه سنک اثرینی  
تلخیصاً آوستریالی (قرامر) ک تألیف ایلدیکی  
اثرک ۳۸ نجی صحیفه سندن بوجسته دأر اولان  
معلوماتی نقل ایدیورز :

« ایلمک اولتیا نوم تسلیم ایلد کدنصکره  
دولت علیه هم وضع الجیشی کاملاً دکشدیرمک  
هم ده اردوسنی تقویه ایلمک مجبوریتنه معروض  
قالمشدی . تقویه امرنده بدایه او قدر بر  
استعجال کوسترلمدی . ۱۳ کانون ثانی  
۱۸۷۷ یه قدر فضله ارله ق یالکز ۱۸ پیاده  
طابوری جلب ایلمشدی : طونه ایله بالقان  
آراسنده اوزمان ۱۲۵ پیاده طابوری ، ۴۹  
سواری بلوکی و ۲۶ بطاریه واردی که  
( ویدین ) و ( زایچار ) ده کی قطعات ایله  
برابر تقریباً ( ۸۰,۰۰۰ ) کشی یه بالغ  
اولیوردی .

کانون ثانی دن اعلان حربیه قدر کچن  
زمان نظر فنده عثمانلی حکومتی یکی ردیف  
قطعاتی ایله مستحفظ صنفی سلاح آلتنه  
جلب ایتمش ، صحرا و جبل بطاریه لرینک  
عددینی چوغالتمش ، ( نیش ) ، ( ویدین ) ،  
( شمعی ) ، ( ادرنه ) و مواقع سائر به ارزاق  
و جیبخانه ادخار ایلمش ایدی . او زمانکی  
خبر لره کوره عثمانلی اردوسی بوتدابیر سایه سنده  
دهامارت نهایتنده ۵۶۰ پیاده طابوری ، ۸۴۸  
صحرا و جبل طوپنی قوتنی اکتساب ایلمشدی .

بتون بو تدابیر و تشبثات نتیجه سی  
اوله رق ، ۱۸۷۶ سنه سی تشرین اولی نهایتنده  
یعنی روسلرک ایلمک سفر برلکنه تصادف  
ایدن بر زمانده ، حال سفر بری ده اولان  
قوای عسکریه عثمانیه نک مقداری ۴۴۸  
پیاده طابوری ، ۱۴۷ سواری بلوکی  
و ۶۵۰ دن فضله صحرا و جبل طوپندن  
عبارت ایدی . بو قوتدن آروپادار الحربنده  
تقریباً ۳۲۵ پیاده طابوری ، ۸۵ سواری  
بلوکی و ۴۰۰ طوپ یعنی تقریباً ( ۱۹۰,۰۰۰ )  
سونکو و قلیچ واردی .

۳۰ تشرین اول ۱۸۷۶ ده روسلر ،  
صربستان ایله تعطیل محاصمات اولنسی  
لزومنی اخطار ایدن ایلمک اولتیا نومی تسلیم  
ایلدکلری زمان دولت علیه ایکی احتمال قار-  
شوسنده بولنیوردی : روسلرک مطالبنه  
تمامیله وفا ایتمک و یا خود روسیه یه قارشو  
حربه حاضر لانتق .

باب عالی شق اخیره قرار ویرمش  
اولدیغندن دولت علیه بتون قوه حیاتیه سی  
صرف واستعمال ایتمک مجبوریتنده بولنیوردی .  
زیرا موضوع بحث اولان ماده وطنک خصم  
قدیم ارنیسی ایله حیات نجات محاربه سی ایدی .  
آنک ایچون دولت علیه نک ابراز ایده چکی  
فدا کارلق عظیم ایدی . ( محاربینک عددی )  
خصوصنده احراز ایلدیکی موفقیت ده حقیقه  
عظیم اولمشدر . دولت علیه بو خصوصده

بو قطعان دن ( طونه ) نك طوغری بدن  
 طوغری به کیریسندده شوقدر قوت واردی :  
 قلاع اربعدهده ( شمعی ، وارنه ، سیلستره ،  
 روسجق ) تقریباً ۶۰,۰۰۰ ( ویدین )  
 حوالیسندده تقریباً ( ۵۸۰۰۰ ) .

الحاصل روسلرک بخش ایلش اولدینی  
 آلتی آیلق فرصت ، دولت علیه طرفدن  
 او قدر مکمل بر صورتده استفاده ایدلمش  
 ایدی که ۱۸۷۷ مایسندده ۵۸۰ طابور ، ۱۴۷۰  
 سواری بلوکی و ۱۴۳ بطاریه ویاخود تقریباً  
 ( ۴۲۵۰۰۰ ) عساکر منتظمه و ۸۵۸ صحرا  
 طوبی ، ایدن باشقه ( ۷۰۰۰۰ ) غیر منتظم  
 عسکر حال سفر بری به داخل اولمش  
 بولنیوردی . بو قوتدن تقریباً ( ۳۵۰,۰۰۰ ) ی  
 اوروپاده استعمال ایدله جکدی .

واقعا بو قوتک قسم اعظمی تشکیلات  
 جدیده ن عبارت ایدی .

لکن اوزمان استانبولدن اداره امورده مأمور  
 اولانلر ، بوفاتشکیل ایدلمش کتله لرک ، فقط  
 فطرتلرنده موجود اولان خصائل عالیه جنسکا -  
 ورائیه هیچ اولمازسه یازی یاری به تقابل  
 ایده جک برابر اقتدار ابراز ایدمه بیاسه لردی ،  
 حرب مذکورده عثمانلی سلاحلرینک احراز  
 ایلدکلی موفقیت ، پک زیاده سهولتله قطعی  
 وشعشعلی بر مظفریت شکلنه انقلاب ایده -  
 بیلوردی . ل ن مع التأسف زمامدارانمز ،  
 استانبولده کی بیوک پاشالرمز سوق الجیش فنک

اک ابتدائی قواعدینه اولسون وقوف  
 کوستره جک قدر اظهار مزیت ایده مدیلر .  
 و بوجانیتکارانه جهالتلریله ملنک عظیم فدا -  
 کار لقلرله لرینه تسلیم ایش اولدینی او بیوک  
 اردولردن استفاده ایتسنی بیلمه دیلر . بو  
 اردولرک سنجاقلری آفاق ظفرده شعشعه نثار  
 اوله جق ایکن ، عسکر لر مرکز او کندن قاچان  
 بردشمن قارشوسندده انخما ایلدی . فی الحقیقه  
 روسلرک اجرا ایلدکلی خطا ، بزم طرفر -  
 دهده عیناً تکرار ایدلمشدی : اک اهمیتی  
 اولان ، نتیجه قطعیه نی تأمین ایده جک اولان  
 بر منطقهیه ، تدریجاً یعنی لقمه لقمه قوت  
 سوق ایدلمشدی . روسیه نک دیو آسا تفوق  
 و حاکمیت عددیه سی ، بو خطاسنی بیدرپی ،  
 قان و پارچه عظیم ، مدهش فدا کار لقلرله ،  
 تعمیر و ازاله ایلسنه امکان بخش اولدینی و  
 خطای مذکورک بتون مضراتی ، قزایلان  
 موفقیتک قیمتی تنقیص ایتمکدن عبارت  
 بولندینی حالده ، بتون قابلیت عسکریه سی  
 حد منتهای اعظمیسنه قدر صرف واستعمال  
 ایلش اولان دولت علیه ایچون عین خطا ،  
 مغلوبیت و فلاکتک یکانه و حقیقی سببی  
 اولمشدر . بو خطا یعنی الهه کی قوتک بدایت  
 امرده پارچه لامسی ، طاغیتلمسی ، دولت  
 علیه نک اختیار ایش اولدینی او حیرت افزا ،  
 او عظیم فدا کار لقلرک بی سود ، بی فائده اولسنه  
 سببیت ویرمشدی .

بوخطا ، نه بيوك ، نه مدهش برخطا  
 ايدي . وطنمك حيات واستقبالي ايچون  
 برخطا طره تشكيل ايدين مسائل معلقه نك  
 كافه سي روسيه دولتي ايله اجرا ايديله جك  
 حربك نتيجه و عاقبته مربوط ايدي .  
 شرق مسئله سنك نتيجه قطعيه سي ؛ ايسته  
 بو نتيجه يه تابع ايدي . و مادامكه دولت  
 عليه نك بالقان شبه جزيره سنده كي حاكميتي  
 موضوع بحث بولنيوردى ؛ روسلر ايله  
 اوله جق حربك نتيجه قطعيه سي تكرر  
 طونه وادي سنده تظاهر ايدجكدي . اكر  
 عثمانلي اردولرى طونه ده غالب كله جك اولور .  
 لرسه ، بوسنه و بلغارستان قاريشق قلمرى ،  
 قره طاغ ، صربستان آيلش و يريني عثمانلي  
 سلاحلرينك بو ضربه مظفرتي ايله بردن  
 برطرف اوله جقلمرى آشكار ايدي .  
 آنك ايچون نرده قابل استعمال قوت  
 وارسه ، همان جمله سنى بلغارستانه كوندرك  
 عقلاً ، منطقاً ، حكمة مرتبه بدهتمده ايدي .  
 لكن ملاحظات سياسييه ، استانبول ملاحظاتي ،  
 بو بدهتمه قارشو اغماض عين ايدي . استانبولده  
 كي بيوك پاشالمر ، زمامدارانمر ، عقل سليمك ،  
 منطقك ، و عقل سليمدن ، منطقدن باشقه  
 برشي ديمك اولميان سوق الجيشك اك اساسلى  
 قواعديله استهزا ايلديلر . ۳ نومرولى  
 علاوه ارتكاب ايديلان خطا نك نه درجه  
 فاحش اولديغنى تصوير اتمكده در . اوروپاده

بولنان ( ۳۵۰,۰۰۰ ) عثمانلى محارريندن  
 يالكز ( ۱۸۶۰۰۰ ) كشي ، نتيجه قطعيه نك  
 استحصال ايديله جكي نقطه ده - طونه ده  
 طويلانلش ايدي . بو ( ۱۸۶۰۰۰ ) كشي ده  
 يد واحد آلتند مجتمتع دكلدي ؛ برچوق  
 غروپلره و غاريزونلره طاغتمش اولان بو  
 قوت بحر سياهدن صربستانه ، ( طونه ) دن  
 ( ادرنه ) يه قد واسع بر منطقه ده يابلس  
 ايدي . او قدر واسع بر منطقه كه ۱۸۷۰  
 سنه سنده ( ۳۸۰,۰۰۰ ) كشيلىك المانيا  
 اردوسنك فرانسه يه قارشو اولان تجمع  
 سوق الجيشي منطقه سنه نظراً تام بش مثلي  
 بيوك ايدي .

بو ( ۱۸۶۰۰۰ ) كشيلىك قوتدن بشقه  
 منظم و غير منظم اولوق اوزره ( ۱۵۲۰۰۰ )  
 كشي [استانبولده ۲۰۰۰۰ ، قنده ده ۱۰۰۰۰ ،  
 بوسنه ده هر سكه ، آران اوودلقده ۱۰۷۰۰۰ ،  
 يانيه حواليسنده و تسالياده ۱۵۰۰۰ ] آسياي  
 عثمانى ده ۱۴۰۰۰۰ ، قرار كاهله مواقع سائرده  
 ۱۶۰۰۰ كشي واردى .

روس اركان خريبيه سنك اثرينك ۱ نجى  
 جلدينك ۵۶ نجى صحيفه سنده دنياليوركه :  
 « شوراسى يك زياده شايان دقدر كه حرب  
 انساننده بالجه عساكر منتظمه عثمانيه نك  
 موجودى ( ۵۰۰,۰۰۰ ) ه بالغ اولمشدى .  
 بو قوتدن بالقان يارم آطه سنده روسيه يه قارشو  
 يالكز تقريباً ( ۲۵۰,۰۰۰ ) كشي سوق

و استعمال ایدلمش ، لکن بوقوت ده عین  
زمانده دکل ، متعاقباً ، تدریجاً سوق واستعمال  
اولنمشدی . عثمانلیلر بو موجود اعظمی بی  
( بلونه ) نك سقوطندن همان اول استحصال  
ایدلمشردی .

روس ارکان حربیه سنک بوملا حظه سی ،  
ایشک بتون لدنیاتی احتوا ایتیمور . بز بو  
( ۲۵۰۰۰۰ ) کشیلیک قونی دها حربک  
اوانلنده طونه بوینه سوق ایده بیلورایدک . زیرا  
اوزمانده بوقوت حقیقت حالده المزده موجود  
ایدی . بونک ایچون یالکیز برشی کفایت  
ایدردی : قوی بر عزم ، شدتلی برقرار .  
لکن رأس اداره مزده بولنان ذوات بویوک ،  
بو جسورانه قراری اعطا ایدجک خلقتده  
یارادلامشیلردی . آنر خسیس و مسکین  
مطالعانه ، قورقاق ، ضعیف و متردانه افکاره  
اطاعت ایتیکه محکوم ایدیلر . حال بوکه وطنک  
سلامتی ، اردونک سلامتی ایکنجی درجه ده کی  
بالجه مقصدلرک علی حاله ترک ایدلمسنی و یاخورد  
لزوم کوریلن قونک حد اصغریسی استعمال  
اولنمشنی ایجاب ایدردی . . .

آنک ایچون روس ارکان حربیه سنک  
سالف الذکر مطالعه سنه اشتراک ایتیک  
مشکلدر . عین اثرک ۲ نجی جلدینک ۲۱  
نجی صحیفه سنده دنیا یورکه :

« دولت علیه طرفندن روس اردوسنه  
قارشو حقیقت حالده سوق ایدیله بیله جک

قوای عسکر به دن بحث ایتزدن اول اول  
شوراسنی نظر دفته آلمیدرکه دولت علیه ده  
روسیه کبی مجموع قوای عسکر به سندن یالکیز  
بر قسمی طونه دارالحربنه سوق واعزام  
ایده بیلور و بوده اسباب آتیه دن انبعاث  
ایدردی : عثمانلیلر ، روسلرک ( قافقا-یا )  
جهتندن دخی تجاوزلرینه انتظار ایتیک  
مجبوریتنده ایدیلر ؛ بوسنده ، هر سکه ده ،  
حتی کر بدده قوای جزئیه بولنیده مازلردی .  
آندن بشقه قره طاغ ایله حال حربده بولند-  
قلزندن قره طاغه قارشو سوق ایتمش  
اولدقلمی قوای عسکر به بی بشقه طرفه  
کوندره مازلردی ؛ الحاصل ترکار ، محافظه  
حاکمیتلرندن اندیشه ایتدکلمی بعض حوالیده  
موجود اولان قطعه سنک کافه سننی جلب و  
استخدام ایده مزلردی . »

روس ارکان حربیه سنک بتون بو  
ملاحظاتی صکره دن یعنی وقایعک طرزجر-  
یان حقیقیسنه نظراً ترتیب وتصنیع ایدلمش  
جمله لر اولدیغنده شبهه یوقدر . چونکه بوکبی  
ملاحظات اوزرینه بر سفر پلانی بنا ایدیله  
مازایدی . بنا ایدیلورسه پک جرئتکارانه ،  
پک غیر معقول برحرکنده بولنمش اولوردی .  
بوسنده وقره طاغه قارشو ( ۱۰۰,۰۰۰ )

کشیدن فضله عسکر واردی . بوسنه وهرسک  
اختلالنک تسکینی ایچون بو درجه کترتلی  
قوت استعمال ایدلمسنی نه یارادی ؟ بلغاز-



استانده کی لزوم و احتیاج، حد اعظمیسنه  
 ایلمشدی . لکن پک کچ ، ایش ایشدن  
 واصل اولدیفی زمان ال نهایت بوقوت جلب  
 کچد کدنصکره جلب ایلمشدی .



سلطان عبدالعزیز

مظفریت استحصالی ایله جهک اولدیفی  
 روسیه قارشو آچیلان حرب غائب  
 حالده بو ولایتلرده آسایش و انتظامی  
 اولدقدنصکره یالکز بوسنه ، هر سگ دکل ،  
 تأمین ایتمک ، مظفر عثمانلی اردولری ایچون  
 دها بر چوق شیلرده برابر غائب اولوب  
 دنیانک ال قولای بر مصلحتی اولوردی .  
 کیده جهکدی . بالعکس روسیه قارشو

عثمانی سنجاقلری طونه ده مظفرانه  
توج نما اوله جق اولورسه آسیا قطعه سنده  
وقوعوله جق مغلوبیتلرک نه ضرری اوله  
بیوردی ؟

آسیاده استعمال ایدلمش اولان عثمانلی  
قوای عسکریه سنک یاریسی ، قاققاسیا قطعه  
سنک او منیع ، او وحشی طانغراندی روس  
اردوسته قارشو کافی درجه ده مدافعه ایده  
مازمی ایدی ؟ . .

حاصلی دیمک ایستوروزکه روسلرک  
(طونه) دن منع مروری ایچون (۲۵۰۰۰۰)  
کشیک بر قوتی دها بدایت حربده سوق  
و تحشید ایتمکه دولت علیه نك پک اعلا  
اقتداری واردی . فقط بواقتمدار مزدن  
استفاده ایده مدک . چونکه باش قوماندانلر مز  
عین زمانده هر طرفی ، هر نقطه یی ستر و  
محافظة ایتمک ایسته مشلردی . ودوشوتما  
مشلردی که عین زمانده بر جوق ایش یایمق  
ایستین ، هیچ برایش یایه ماز .

واقعا دولت علیه نك اوزمانکی حال و  
ضعیقی ، سائر حال و وضعیتلره مقایسه  
ایدیله میه جک شکل وخاتمده ایدی . هر  
طرفده اهالی قیام وعصیانه متمایل اولدیغندن  
قوتلی غازیرونلر بولندیرلمسی شایان آرزو  
ایدی .

لکن احوال و وقایع نظر اصابت و حقیقت  
ایله محاکمه ایدیله جک اولورسه کوریلورکه

قره طاغی کلنجه ؛ قره طاغ یا لکنز مدا  
فعه حالنده قوتلیدر ؛ قره طاغک قوه تعز  
ضیه سی هیچدر . آنک ایچون بدایت امرده ،  
او حوالیدن قوای عظیمه عسکریه جلب و  
جمع ایدیله بیلور و بونلر جلب ایدلدکن  
سکره کری به قاله جق اولان قوت ، کند  
یسنی اوزون مدت مدافعه ایده بیلیمک ایچون  
پک زیاده دوچار ضعف اولمش بولنه جقندن  
اوده جلب ایدیله رک بوضورتله ، تکمیل  
قوتی جلب ایتمک کبی موافق منطق بر تدبیر  
اتخاذ ایدلمش اولوردی .

یونانستانی ترصد ایتمک ایچون آروجه  
قوت تقریب ایدلمسندکی حکمتی هیچ تقدیر  
ایده میوروز . (یانیه) و (لاریسه) حوالیسند  
بولنقده اولان (۱۵۰۰۰) عثمانلی عسکری  
یونانستانی بر حرکت تجاوزکارانه دن منع  
ایدیله میه جک قدر ضعیف ، او وراده عاطل  
و متروک بر اقیله میه جق قدر قوتلی ایدی .  
الحاصل شدتلی برسوق و اداره حرب اقتضا  
ایدردی که ایکنجی درجه ده دارالحرب  
[دارالحرب نالی] اولان آسیا دارالحربندن  
دخی قطعی نتیجه لک استحصال ایدیله جکی  
بالقان دارالحربنه قطعات عسکریه جلب  
ایدلسون .

عثمانلی اردولری طونه بویلرندی مغلوب  
ومضمحل اولدقدن سکره ، آسیا قطعه سنده  
استحصال ایدیله جک مظفریتلر نه یارار ایدی ؟

۱۸۷۷ سنه سى نيسان ومايس آيلرى  
 ظرفنده روسلك آلدقلىرى خبرلر ، مجموع  
 عثمانلى اردوسنك ۵۸۰ پياده طاپورى، ۱۴۷  
 سووارى بلوكى و ۱۴۳ بطاريه مقدارنده  
 اولديغى مفادنده ايدي ؛ بوقونك موجودى  
 تقريباً ( ۴۰۶,۰۰۰ ) كشى و ۸۵۸ صحرا  
 طوپى اولمق اوزره قبول ايديكى بونك  
 ( ۲۸۰,۰۰۰ ) ي اوروپا قطعه سنده استعمال  
 ايديلمكده يعنى تقريباً ( ۹۰,۰۰۰ ) كشى  
 بوسنه ، هرسك و ارناوودلقده و يونان  
 حدودنده ؛ ( ۱۹۰,۰۰۰ ) كشى ده روس  
 اردوسنه قارشو حرڪات حربيه اجراسنده  
 مستخدم بولمقده ايدي . [ روس اركان  
 حربيه سنك ازى ۱ . صحيفه ۵۴ ]  
 كرك بويكى معلوماتك تاثيرى كرك حر-  
 كات حربيه ايچون الهه حاضر بولنان قواى  
 مسكريه نك رومانپاده ايلرو يورويش  
 اتناسنده دوچار اولدقلىرى تناقص سريعتك  
 نتيجه سى اولمق اوزره حرڪات اردوسى ۸  
 مايس ۱۸۷۷ ده - ۴ نجى ، ۱۳ نجى و  
 ۱۴ نجى قول اردولرك - احتياط قوتى ايله  
 تقويه ايديلمشدر .

۱۸۷۷ سنه سى مايس اواخرنده روس  
 اركان حربيه سنك ، طونه ولايتنده كى عثمانلى  
 قواى مسكريه سنك صورت انقساسى  
 حقدنه كى معلوماتى شو مر كزده ايدي ؛  
 دو بريچاده تقريباً ۹۶۵۰

بوراده نه قدر آغز اولورسه اولسون ، بيوك  
 وجسورانه بر قرار اعطاسى ، معقول ومصيب  
 اولان يكانه قرار و تدبيردن عبارتدى .  
 جنرال اوبروخوفك ۱۰ نيسان نارينخلى  
 راپورينه نظراً ( روس اركان حربيه سنك  
 اثرينك ۲ نجى جلدى . صحيفه ۱۶ ) روس  
 اردوسى قوماندانى هيئتى ، عثمانلى قطعات  
 مسكريه سنك قوت و طرز انقسامنه دائر شو  
 فكبرى استحصال ايلشدى : [ علاوه ۵ ]

۸	۱۲	۶	۶۸۲۵
۲۱	—	۲۴	۱۳۸۹۰
۱۶	—	۹۰	۱۰۹۰۰
۱۴	۶	۶۰	۱۰۹۰۰
۱۴	۶	۱۸	۱۰۰۰۰
۱۱	—	—	۷۱۵۰
۷	—	—	۴۵۵۰
۲	—	—	۱۳۰۰
۱	۵	—	۱۱۵۰
۷۴	۳۰	۹۰	۵۳۱۰۰
۸	—	۱۲	۵۴۰۰
۹	—	۱۸	۶۱۵۰
۹	—	—	۵۸۵۰
۱۳	—	—	۸۴۵۰
۱۶	۱۸	۱۸	۲۲۵۰۰
۲۲۳	۷۷	۴۷۶	۱۵۸۱۱۵

بابا طاغ ده	۸	۱۲	۶	۶۸۲۵
سيلىسترده	۲۱	—	۲۴	۱۳۸۹۰
وارنده	۱۶	—	۹۰	۱۰۹۰۰
شمى ده	۱۴	۶	۶۰	۱۰۹۰۰
روس جقده	۱۴	۶	۱۸	۱۰۰۰۰
نيكبولى - زشتوى ده	۱۱	—	—	۷۱۵۰
طرنوه ، غابرووا ، لوفچه	۷	—	—	۴۵۵۰
راحوده	۲	—	—	۱۳۰۰
برقوويچاده	۱	۵	—	۱۱۵۰
ويدين ده	۷۴	۳۰	۹۰	۵۳۱۰۰
نيش ده	۸	—	۱۲	۵۴۰۰
صوفيه ده	۹	—	۱۸	۶۱۵۰
فلبه ده	۹	—	—	۵۸۵۰
ادرنده	۱۳	—	—	۸۴۵۰
استانبوله	۱۶	۱۸	۱۸	۲۲۵۰۰
جمعا	۲۲۳	۷۷	۴۷۶	۱۵۸۱۱۵

قواعدی تعلیم ایدیلیور . تعلیم اقسامه قدر دوام ایلدکن ماعدا قشلهلرک اوطه لرنده کیجه لین ده دوام ایدیور . افراد جدیده شن و شاطر و آرزوی جنکاورانه ایله مشحون و مهیج کورونیورلر .

۸۷۷۵ ، شرقی بلغارستانده  
 ۵۳,۰۵۰ کشتی واردی .  
 ۸۶۵۰ بونلردن بشقه بالقانده  
 ۱۸۱۵۰ بالقانک جنوبنده  
 ۱۲۹۰۰ کشتی استانبولده

بولنیوردی . یعنی جمعا یکونده بلغارستانده و استانبول طریق اوزرنده (۱۹۰,۱۵۰) کشتی واردی .

دیلمک اولیورکه روسلر حربک بدایتده و عثمانلی اردوسنک وضع الجیشی حقنده صورت عمومیه ده کوزل معلومات استحصال ایلشلردر . اوله ایکن روسلرک اشبو حربه او قدر غیر کافی قوت ایله باشلامش اولملری دها زیاده شایان استغرابدر . . .

\*  
\*  
\*

عثمانلی اردوسنده سفر برلنکک صورت جریان حقنده ۱۸۷۷ سنه سی کانون نایسی تاریخیه مورخ استانبولدن اوروبا غزنه لرینه کوندریلان بر مکتوبک جالب دقت اولان فقره لری بروهه آتی ترجمه ایدلمشدر :

هر کون استانبوله یکی قرعه افرادی ، سلاح آلتنه جلب ایدلمش ردیفلر و صربستان و آرن اوودلندن عودت ایدن طابورلر کلیور . افراد جدیدیه قشله لرده ، علی الخصوص یکی بیوک تقسیم قشله سننده قشکک صورت استعمالی ایله یوروش

ردیفلر ، اناطولیدن ملی البسه لری و شمندی به قدر استعمال ایلدکری اسکی چاقاقلی تفنگلر به کلیور . فقط مواصلنلری عقبنده مارتین هازی تفنگی توزیع اولیور . کندیلرینه تماماً بیانیجی اولان بوتفنگک صورت استمالی علی العجله ارائه ایلدکن صکره بلوکلر ، طابورلر تشکیل ایدله رک وارنیه و باطومه کوندریلیور . بونلر و علی الخصوص مستحفظلر ، سنلری کاله ایرمش و اکثری صقاللی افراددن عبارت اولوب نملکتک چالیشقان و مشغول اهالیسنک چکردکنی تشکیل ایدیورلر ، بوضورتله سلاح آلتنه چاغریلان افراد عالی لرینی ، حامی و ظهوردن محروم ، ایش و کوچلرینی متروک و معاق بر حالده ترک ایدیورلرکه بوحال ، واردات دولتک تناقصنی انتساج ایده چکدر . حرب ، مسعودانه بر صورتده نتیجه لنسه بیله سنه لرجه مدت ضیاع و پریشانی مادی به دوچار اولمش بولنه جقلر . حاصلی بوتدیر ، ایالتلرده ، علی الخصوص اهالینک قسم اعظمی مسلمان اولان اناطو- لیده رفاه و سعادتنی اساسندن تخریب ایتمکده

وخزینە یە عظیم ضرر لر تولید ایتمکده در .  
 صربستان وقره طاغدن کان طابو لرك  
 موجودی پک آزمشدر . اولی ( ۱۰۰۰ )  
 موجودنده ایکن شمدی الك نهایت ( ۴۰۰ :  
 ۵۰۰ ) موجودنده بولمقده در . بو طابور لرك  
 افرادی صاپ صاری و سیمالری برخسته  
 سپاسنه مشابه و قوای بدنیه لرینه ضعف کلی  
 عارض اولمش اولوب بو حال لرندن نه عظیم  
 مشاق و مزاحمه تحمل ایلش اولدقلری  
 تظاهر ایدیور . اوله ایکن کسب قوت  
 ایتمک ایچون بر ایکی کونلک استراحته بیله  
 امکان یوق . کلور کماز ، بنسقه یرلرده کی  
 یکی محاربه لره شتاب ایتمک ، روسجق ،  
 وارنه ، ویا ارضرومده دشمنه قارشو  
 کلمک ایچون پایتختی ترک ایلمک ایجاب ایدیور  
 ایدی . بو ترک عسکر لرینک قوای بدنیه سی  
 رهین ضعف اولمش ایسه ، قوای معنویه لر  
 خللدن مصون برحاله ایدی . بو شجیع  
 عسکر لر سواقلردن کچرک واپوره کیررکن  
 آرقه لرنده اشیایی بیله کتورمکه طاقتلری  
 یوق ظن ایدیلور . بونکله برابر ، عزمکار ،  
 قهرمان و متوکل ایدیلر .  
 بتون بوقطعات ایچنده ، ضابطلر علی -  
 العاده عسکر لر دن کوچ تفریق ایدیلور لر  
 ایدی . مع مافیة ترک اردوسنک هپسی عین  
 حال ، عین منظره عرض ایتیمور ایدی .  
 بلغارستانده تحشد ایدن اردوی رأی العین

مشاهده ایدن بر اوروپالینک افاده سنه نظراً  
 بو اردو ، دولت علیه نک شمدی یه قدر  
 چیقاردیغی اردو لرك الك ممتازی ایدی .  
 مع هذا بلغارستانده طوپلانان عسکرک  
 الك بیسوک جزؤ تامنی ( طابور ) تشکیل  
 ایدیوردی . انک ایچون نیسان ابتداسندن  
 اعتباراً قوای موجوده مک لوا وقرقه حالنه  
 افراغ ایدلمسنه باشلانندی که مخصوص  
 باشلامق اوزره بولندیغی بر زمانده بو ، پک  
 نازک ، باخصوص پک تهاسکلی بر حرکت ایدی .  
 ۱۳ نیسانده مشیر عبدالکریم پاشا ،  
 عثمانلی اردوسنک سرداری تعیین ایدلدی . و  
 قرارگاه عمومیسنی شمنی ده تأسیس ایلدی  
 فرانسز جنرالی بونو عبدالکریم پاشا حقنده  
 دییورکه :

« عبدالکریم پاشا اختیار ، بارکیره  
 بنمکه غیر مقتدر ایدی . ارکان حرب نامنه  
 رفاقتنده یالکیز مشیر احمد ایوب پاشا وار -  
 دی که بالفعل اردو قوماندانلی و طیفه سنی  
 ایفا ایدیوردی . درت سیویل کاتب ، و  
 درت کنج یاور و بر دو قنور ، عثمانلی اردو -  
 سی باش قومانداننک هیئت ارکانی ایشته  
 بونلرله تمام اولیوردی . مشارالیه فرقه  
 تشکیلاتی اجرا ایتمک امرینی آلدی ایسه ده  
 بوکا آنجق مایس او اسطنده و فقط پک  
 ناقص ، پک غیر منتظم اوله رق مقتدر  
 اولدی .

عزت قوٰاد پاشا ( غائب اولان فرستلر ) نام اثرینک ۱۱ نجی صحیفه سنده عبدالکریم پاشا حقنده دیورکه :

عبدالکریم پاشا شمنی ده سردارلق وظیفه سنی درعهده ایتمزدن بر سنه اول عین وظیفه یی صربستانده اجرا ایلمدی . پک یاشلی و خسته لقلی ایدی . مشارالیه ذات شجیع بر انسان ایدی و پک اساسلی اولان تربیه عسکریه سنی ویانه مکتب عالی عسکر یسندن اکتساب ایتمش اولدینی روایت ایدیلوردی .

مع مافیه قابلیت عالیه عسکریه سندن صربستانده ارانه ایلمش اولدینی نمونه لر ، منحصرأ عسکرلک نقطه نظرندن محاکمه ایدیله جک اولورسه ، آرزو ایدیله جک بر چوق شیلر ترک ایلمشدر . فی الواقع اوراده قوای موجوده نك طاغیدلمسی اساسنی مشاهده ایدیورزکه بر سنه صکره عین حاله فقط دها بیوک بر مقیاسده اولق اوزره مع التأسف طونه اردولرینه ده تصادف ایده جکنز . مشارالیه صربلورلک اوزرینه غریبدن شرقه طوغری هان تکمیل حدود لردن هجوم ایتمدرمش و جهه لرینک مجموع طولی (زایچار) دن قرا یواج ، نیش ، میتروویچه ، یکی بازاره قدر متمد اولق اوزره ۳۶۰ کیلو متره لک بر مقدار عظیمه بالغ اولمشدر . نیش اردو کاهنده کی چادرینه او طور دینی

و سفرك ختامنه قدر بورادن قیملد ائمدینی حالده ، بر بردن پک اوزاق اولان بش مو- قعدن بش فرقه عسکر به یی دشمنک اوزرینه سوق ایتمشدی .

مع هذا سردار ممتاز بر عسکر ایدی که مزیت و اقتداری ، افکار عمومیه نك توجهات تندن زیاده افعال و حرکات حقیقیه سی ایله تجلی وتین ایلمشدی .

عبدالکریم پاشا احوال عادیده دأتما سکوتی التزام ایدردی . حالبوکه اکثریا بو کی ذوات ، صاحب دها ظن ایدیلوردی . بو خصوصده اوفق بر وقعه یی ذکر ایده جکم . بو کی مناب عبدالکریم پاشانک عمق و نامحدودیت افکارینه بر دلیل کی تلقی ایدیلوردی . صربستانده ایدی . بر بایرام کونی ، بر چوق ضابطان ، جناب مشیرک بیوک و مظنن چادرینک آلتنده طوبلا- نمشلردی . ضابطانه سیغاره لر ، قهوه لر اکرام ایدیلوردی . لیکن بر سکوت ، بر سکوت مزار حکم سوریوردی . بو حال ، بر ساعت . . . ایکی ساعت . . . اوچ ساعت دوام ایلدی ، اک نهایت ضابطلر قالدیلر ؛ کیتمک ایچون استرحام مساعدده ایتمدیلر . فقط سردار ، دومانئ اسرار انکیز هلزونلر ترسیم ایدرک جو هوایه طوغری یوکسلان ، اتهانا پذیر چوغنی صوک دفعه اوله رق درین درین چکد کد نصکره ؛

زیارتجیلرہ، توجیہ خطاب ایندی و بر طور  
مطمئن ایله دیدی که : « فقط ؛ اولاد لر . .  
نہ یه قالدیکیز . . طاتلی طاتلی مصاحب  
ایدیوردک . . .

خفیف پیاده فرقه لری اوچر طابورلی  
ایکی آلا ی قوتنده ایکی لواندن مرکب اولوب  
لوالرک خارچنده آروجه بر بشنجی آلا ی  
واردی . نظامیه وردیف طابورلی قارمه  
قاریشیق ایدی . طوپلرک قوشوم حیواناتی  
عرب و مجار حیوانلرندن مرکب ایدیسه  
ده ۶ طوپلی بر بطاریه ایچون یالکز ایکی  
قیاقلی واردی . بو ایکی فرقه تزدنده طابور  
باشنه ۵۴ مکاری ( ۳۰ جبخانه ایچون ،  
۸ آلات ایچون ، دیکرلری اشیا ایچون )  
۱۳ جبخانه عرب سندن مرکب کچوک بر  
طویجی پارقی ، بر قاچ پکسمات عربہ سی و  
۴ خسته خانه عربہ سی واردی . یالکز ارکان  
وامرانک چادری واردی . هر فرقه قوماندانک  
بر قائم مقام و بر یوزباشیدن مرکب ارکان  
حریه سی واردی . نه هر کونکی وقوعاته  
دائر بر راپور طوتیلیور نه اعطا ایدیلان  
اوامر و ورود ایدن معلومات و حوادث  
منتظماً قید ایدیلیوردی . امرلرک قسم اعظمی  
شفاها ویرلمکده ایدی .

حالبوکه بر کله ، بر تک کله بیله تلفظ  
ایدله مشدی . . .  
\*  
یوقاریده مایس نهایتنه قدر طونه اردو-  
سنتک قوتی خیلی تزید ایدلمش اولدیغی  
سویلمشدک . اشبو اردو بللی باشلی آلتی  
غروپ تشکیل ایدیوردی هر بر غروپ  
فرقه لره تقسیم ایدلمشدی .

اشبو اردونک نظام حربنه دائر فرانسز  
جنرالی ( بونو ) طرفندن اجرا ایدیلن  
تدقیقات نتیجه سنده استحصال اولنان  
معلومات عیناً ترجمه ایدلمشدر :

۱۰ شمنی اردوسی ارکان حرب رئیس  
مشیر احمد ایوب پاشانک قومانداسنده ایدی .  
احمد ایوب پاشا درت فرقه تشکیل اتمشدی :  
سواری فرقه سی : فؤاد پاشا قومانداسنده  
۲۷ سواری بلوکی . ۸ ژاندارمه بلوکی  
و ۲ بطاریه دن عبارت ایدی .

ایکی خفیف پیاده فرقه سی : هر بری  
۱۶ پیاده طاבורی ، ۲ سواری بلوکی و  
۵ بطاریه دن مرکب اولوب بری نجیب پاشانک  
دیگری عزیز پاشانک قومانداسنده ایدی .  
آروجه ۱۷ طابور قوتنده ایکی لواندن

عثمانلی اردوسنتک اک مکمل اقسامنی  
تشکیل ایدن بو ایکی فرقه نک تشکیلاتنک ،  
علی الخصوص اداره خصوصنتک نه قدر  
نقصان برحالده بولندینی کوریلیور . ایشته

اردویی س-وق و تحریک ایتمکده کی او همان  
قطعی اولان عدم امکانک اسپانی بوضورتله  
تعین ایدر . بوفرقلر تموز آینده ( لوم )  
نهرینه طوغری ایلولدکاری زمان اون  
کون آچیق اردوکاهده قالمشیر ، یاکنز  
بر دفعه ات یمشیر و منحصرأ پکسمات و صو  
ایله تغدی ایلمشردی .

۲ . وارنه قوتی . مصرلی رشید پاشانک  
قومانداسنده ۲۱ پیاده طاבורی ( ۹ مصر  
طاבורی ، ۱۲ ردیف ) ، ۴ سواری بلوکی  
و ۹ بطاریه دن عبارتدی .

۳ . دوبریجه قوتی . علی پاشا قومانداندا-  
سنده ۲۴ طابور ، ۱۲ سواری بلوکی و  
۷ بطاریه دن عبارتدی .

۴ . سیلستره قوتی . سلامی پاشا  
قومانداسنده ۳۴ طابور ، ۶ سواری بلوکی  
و ۹ بطاریه قوتنده ایدی .

۵ . روسجق قوتی . مشیر اشرف پاشا  
قومانداسنده ۴۵ طابور ، ۶ سواری بلوکی  
۱۲ صحرا بطاریه سی قوتنده ایدی .

۶ . ویدین قوتی . عثمان پاشا قومانداندا-  
سنده ۵۵ طابور ، ۶ سواری بلوکی  
و ۱۵ صحرا بطاریه سی قوتنده ایدی .

بونکله برابر ملاحظات عسکریه اثنا-  
سنده ینه مذکور دولتلك منافع مخصوصه-  
لرینی نظر دفته آلمق مقتضی ایدی .

انکلتزه دولتی ، اعلان حرب انناسنده

کنندینی هیچ بر صورتله لوندره پروتقوله  
مربوط عد ایتموردی . یوقاریده ذکر  
ایتدیکنز کی انکلتزه حکومتی منحصرأ  
اوروپاده صالح و مسالمتی تأمیر ایتمک ایچون  
بو پروتقوله وضع امضا ایتمش اولمغنی و  
اگر بومقصد حصول پذیر اولمزه پروتقولی  
کأن لم یکن نلقی ایله جگنی اعلان ایتمشدی .  
مع مافیله انکلتزه تمامی سربستی حرکت  
حقیقی محافظه ایتمش اولمغله برابر طوغریدن  
طوغری به وعلماً دولت علیه منفعتنه اوله رق  
حربه اشتراك ایده جکی ماحوظ دکلدی .

مذکور پروتقوله اشتراك ایدن  
دولتاردن دارالحربه اوزاق اولان آلمانی ،  
ایتالی و فرانسه دولتلك ترکیه ده کی منافع  
اساسیه لر ی روس منافعنه منافی دکلدی .  
بناءً علیه بودولتلك روسیه علیه حرکت  
ایتمرینه اورته ده هیچ بر سبب اولمسادقن  
بشقه امپراطور آلکساندر ایله آلمان امپرا-  
طوری ویلهلم آراسنده کی مناببات غایت  
صمیمی و قریبتکارانه ایدی . کبری به  
آوستریا قابوردی . روسلرک حرکات  
حریبه سی ایکی دارالحرب اوزرنده یعنی  
بالقان یارم ، آطه سیله آسیای صغریه جریان  
ایده جک اولوب بودارالحربلر قره دکز ایله  
بر بردن آیرلمقده و قره دکز ایسه اوزمانلر  
عتمالی دونماسنک زیر حاکمیتنده بولمقده  
ایدی .



## روسلرک حرب پلانی

بو دار الحربلر کرک عسکری کرک  
سیاسی نقطه نظرندن بر بردن بسبتون بشقه  
ایدی .  
بالقان یارم آطه سنده بوسنه ، هر سک ،  
طونه کبی ترک ولایتلری واردی که حرب



سردار اکرم عبدالکریم پاشا

بونلرک یوزندن ظهور ایتشدی . بودار الحرب  
اوزرنده ، روسلرله عین مذهبدن و عین  
قاندن اولان ملتلر یاشایوردی . بو ملتلر ،  
روسیه نلرک ترکیه ایله اولان محاربه سنه بالفعل  
اشترک ایتمکه آماده ایدیلر . قره طاغ

روسلرک حرب پلانی ۱۸۷۶ سنه سی  
تشرین اولسنده ایمپراطور آلیکساندر  
( لیوادیا ) ده ایکن موسی الیهک حضورنده  
و بر چسوق جنراللر و رجال دولت حاضر  
اولدییی حالده ترتیب ایدلمشدی .  
روس ارکان حربیه سنک اثرندن اشبو  
پلانی عیناً نقل ایدیلرک ، بعدده بوبابده کی  
مطالعائیزی سرد ایلیه جکیز :

حرب پلانی - روس قطعات عسکریه  
سنک ترکیه یه قارشو آتیاً اجرا ایدیلرکی  
حرکات حربیه پلاننک اثنای تأملنده هر  
شیدن اول هدف حربی تعیین ایتمک و  
ترکیه ایشلرنده علاقه دار اولان دیگر  
دولتلرک ملاحظات سیاسیله رینی دخی نظر  
دقته آلق اقتضا ایدر .

مقصد حرب اعلان حربی متضمن  
اولان بیاننامه ده مذکور اولدییی اوزره  
عثمانیلرک بلغارستانده کی تعدیانه نهایت  
ویرمکدن عبارت ایددی .

ایمپراطور آلیکساندر ، اوزمانه قدر  
ترکیه ایله مذاکرات سیاسییه زمیننده روسیه  
ایله مشترکاً حرکت ایتمش اولان دولتلرک  
هیچ اولمازسه دوستانه بر بیطر فلغنه اعتماد  
ایتمکه کندینی مأذون کور یوردی .

ایله صربستان ده واردی . قره طاغدها حالا ترکیه ایله حال حربده ایدی ؛ صربستان واقعا مقدمه مصالحه یه مجبور اولمشدی فقط تجدید مجادله یه حاضر ایدی .

لکن بودا الحرب اوزرنده کی سرستی حرکتی اساسلی بر صورتده تقید ایدن برجهت واردی . فی الحقیقه روسیه دن بالقانہ کلان یوللرک کافه سی رومانی اراضی سندن کچور ، رومانی اراضی ده غرب طرفدن آوستریا اراضی ایله هم حدود بولنیوردی . آوستریا حکومتی ایسه بالقان وقوعاتنه اک زیاده علاقہ دار ایدی .

آوستریا مجارستان ایله بر ائتلاف عقد ایدلمدیکی تقدیرده روسلرک بالقان یارم آطه سنده اجرا ایدہ جکبری حرکات ، امنیتی بر اس الحركاتدن محروم بولنه جقدی . زیرا روس قطعاتی شبه جزیره نك داخلندہ ایلرولدیجہ آوستریا مجارستان دولتی ده تکمیل قوای عسکریه سیله بدایه روس اردوسنک جناخذہ فقط صکره تماماً کریسنده ناکہانی ظهور ایدہ بیلور ایدی . و روسلرک خطوط مواصله سنی ایستدیکی زمانده قطع ایلردی .

آسیا دارالحربنده ایسه بو کبی غیر مساعد احتمالات یوقدی . اورایه انحصار ایدہ جک و آوروپانک حدودلرندن بعید بر صورتده جریان ایلیه جک اولان حرب ، آور-

یابی دها آز علاقہ دار ایدہ جک ، و روس قطعاتی طرفندن آسیای صغریده استیلا ایدیلہ جک اراضی ، بالقان یارم آطه سنده کی اسلاولر لهنه وقوعه بولہ جق مطالبی ترکیه یه قبول ایتدیرمک ایچون الہ بر سلاح اولہ جغندن مقصد عمومی حربک حصولی بو سایہ ده تسهیل ایدلمش بولنه جقدی .

لکن آناطولی یه داخل اولمق ایچون اس الحركات خدمتی ایفا ایدہ جک اولان قافقاسیا صورت قطعیه ده فتح اولنماش و اورادہ کی قبائل تماماً خشنود ایدلمه مشدی . قافقاسیا ، وسطی روسیه دن چوق

اوزاق اولدینی کبی روسیه ایله هنوز امین مواصلات تأسیس ایدلمه مشدی . آندن بشقہ آسیا دارالحربنده اھالینک معاونت و مظاهرته اعتماد و انتظار ایدیلہ مزدی . الحاصل غایت مهم بر ملاحظہ وار ایدی کہ آسیادہ بر موفقیت فوق العادہ استحصال ایدلمش اولسه بیله ، بالقانده کی عناصر خرسینیانہ نك ترفیہ طالغندن عبارت اولان مقصد اصلی حرب طوغریدن طوغری یه تأمین ایدلمش اولیہ جقدی . بو ایالتلرک اھالیسی ، حربک دوامی مدنجه ، ترکارک تکمیل قوت و سطوتنه قارشو هر کونہ حمایہ دن محروم قالہ جقلمی کبی قره طاغ ده آوروپای ترکی ده قوای عسکریه نك تعرضاتنه یالکز باشنه معروض قالہ جقدی .

دوستانه بیطرفاغنی تأمین ایدیوردی .  
 روسیه اردوسی ، صربستان ، قره طاغ ،  
 بوسنه وهرسك حدودلری خارچنده اولمق  
 اوزره بالقان شبه جزیره سنده سربستی تامه  
 اکتساب ایلدی .

جنوه معاهده نامه سنك قواعدینه نظراً  
 [ قراقاو - لمبرغ - چرتوویچ ] شمندوفر  
 خطی ایله بو خطك ( وولوچیسك ) و  
 ( برودی ) یه طوغری اولان شعبه لری  
 اوزرنده موقت روس سیار خسته خانه لری  
 تأسیس ایدلمسی ده قرار کیر اولدی . اوستریا  
 مجارستان حکومتی « روس آخته قومیسو-  
 نچیلرینك اوستریا مجارستان اراضیمی  
 داخلمده روس اردوسنه لازم اوله جق  
 موادی اشترا ایتلمینه ممانعت ایتیه جکئی »  
 تعهد ایلدی .

بو تعهدانه مقابل ، اوستریا ایمپراطوری  
 بوسنه وهرسك ولایتلرینك زمان و نوع  
 و صورت اشتغالی انتخاب ایتك حقی  
 استحصال ایدیوردی .

رومانیانك وضعیتی اوستریانك وضعیتندن  
 بستیون باشقه ایدی .

رومانیا ، وقوع بوله جق اولان حریده  
 بیطرف قاله مازدی . ۱۸۵۶ سنه سنده عقد  
 ایدیلان پارس معاهده نامه سی موجبجه بسارا-  
 بیای روسینك طونه نك صول ساحلمده ونهرك  
 قره دکره منصب اولدینی نقطه یه قدر امتداد

بستون بوملاحظانه نظراً بالقان یارم  
 اطه سی دارالحرب اصلی ، آسیای صغری  
 ایسه دارالحرب تالی اعتبار ایدلمسی ایجاب  
 ایدیوردی .

اوستریاده کی اسلاو عناصری ، بالقان  
 ده کی مجادلاته تمایل ایتمکدن کندیلمی  
 منع ایده مزلردی . حتی بعضیلری بالقفل  
 اشترک ایتشلردی . بو قیلدن اولمق اوزره  
 اوستریالی صرب ( لیوبورانیچ ) برمدت  
 هرسك اختلاجیلرینك محرکی اولمشدی .  
 بو شرائط آلتده ، اوستریا مجارستان حکو-  
 متك ، بالقان یارم اطه سنده کی وقایعک  
 روش و جریانی کرکین بردقت ایله تعقیب  
 ایلیه جکی بدیهی ایدی . الحاصل کرک  
 سیاسی کرک عسکری ملاحظانه نظراً اول  
 باول اوستریا مجارستان ایله عقد ائتلاف  
 ایدلمسی ضرورت حکمنده ایدی .

هرایکی حکمدار ایله قاینه لر آراسنده کی  
 مناسبات دوستانه بو ائتلافی تسهیل ایلدی .  
 بو احوال نتیجه سی اوله رق ، دولترک  
 تکلیفات مسامت پرورانه لری تمی ایدیلان  
 مقصده اقتران ایلدی کی و حرب ناقابل  
 اجتناب اولدینی تقدیرده آنخاد ایدیله جک  
 صورت حرکت حقیقنده ۲۷ کانون اول  
 ۱۸۷۷ ده ( ویانه ده ) ده بر معاهده امضا  
 ایلدی .

معاهده روسیه یه ، اوستریا مجارستانك

ایدن کوچک بر قسمی رومانیایه الحاق  
 ایدلمشدی . بر صورتله که بو پارچه روس  
 اراضیسنی ، بالقان یارم اطه سنک طوغربدن  
 طوغرییه دولت علیهیه عاند اولان بما-  
 لکندن تفریق ایدیر .

لکن رومانیایه دولت علیه مک صفت  
 تابعیتی حائز بولدیغندن روسیه رومانیایی  
 عثمانلی ممالکنک اقسامندن اولمق اورده تلقی  
 ایتک حقی حائز ایدی .

دیگر جهندن رومانیانک قوای عسکر-  
 یاسی روسیه ایله محاربه ایتکه کافی بر  
 مقدرده بولمدیغنی کبی اساساً بویله بر حرب  
 نه منافع حکومته نده کنج خاندانک منافعنه  
 موافق کلردی . لکن رومانیایه غالب کلسی  
 اقوای مأمول اولان روسیه ایله برابر حرب  
 اشتراک ایده جک اولورسه ، دولت علیه نک  
 دوچار ضعف اولمسی نتیجه سی اوله رق  
 سیاستاً استقلالیت قزانه جنی درکار ایدی .

بوملاحظات نتیجه سی اولمق اوزره رومانیایه  
 حکومتی ، ترکری کندی اراضیسنه تجاوز  
 ایتدیرمامکه قرار ویرمشدی .

رومانیایه وقت وزماننده اردوسنی  
 حاضر لامغه باشلادیغنی کبی بعض نقطه لرده  
 علناً عثمانلیله قارشو اظهار خصومت ایلمش  
 ایدی . ۲۹ ایلول ۱۸۷۶ ده پرنس شارل ،  
 احتیاط عسکرینک جلیله اردوسنی  
 ( ۲۵۰۰۰ ) موجودینه ابلاغ ایتکه قرار

ویردی . رومانیایه مجلس مبعوثانی ۳۰ تشرین  
 ناییده اسلیحه ایچون حکومتیه ۴ میلیون  
 فراتفاق برقره دی بخش ایتدی . عین کون  
 ترکلرک ( ویدین ) دن بری طرفه کچماری  
 منع ایتک اوزره ( قالات ) ک تحکیمی  
 امر ایدلدی . ۲۸ کانون ثانی ۱۸۷۷ ده  
 رومانیایه حکومتی رومانیایی بر مقدار محاصره  
 طومجیسی ایله تجهیز ایتک خصوصنده کی  
 روسیه نک تکلیفی قبول ایدلدی . ( برکوک ) .  
 قدر طونه نهرنده قره غول وظیفه سنی کورن  
 رومانیایه عساکری طونه نهری اوزرنده کی  
 ( دنیو ) اطه سنندن اودون نقل ایتکه ده  
 اولان عساکر عثمانیه اوزرینه آتش ایتدیلر .  
 پرنس شارل ، عثمانلیلرک ( پروت ) نهری  
 اوزرنده کی ( باروشی ) موغنده کائن شمن-  
 دوفر کوپرسنی تخریب ایتلری اندیشه سیله  
 ۳۰ مارتده عثمانلیلرک طونه فیلوسنه قارشو  
 ایجاب ایدن استحکاماتک انشا ایدلسنی امر  
 ایتدی . بو کوپری ، روس اردوسنه پک  
 لازم ایدی . عین مقصده بناء پرنس ،  
 روس اردوسی باش قوماندانی طرفندن  
 کوندریلان ارکان حرب میرالایی ( بوریقوف )  
 ایله وقوع بولان بر ملاقاتنده کندیسنه  
 طوریدو ویرلسنی رجایتمشدی . رومانیایه  
 مجلس نظاری ۱۲ نیسانده ، بتون اردویی  
 حال سفر برییه وضع ایتکه قرار ویردی .  
 الحاصل پرنس شارل ، میرالایی

رومانياك بووضعتي روس محافل  
رسميه بنده تماميله تقدير ايدلمشدى . نته كيم  
حربيه ناظري جنرال ( ميليو تين ) ك ۱۳  
كانون ثاني ۱۸۷۷ تاريخيله مورخ اولمق  
اوزره باش قوماندانه كوندرديكي مکتوبدن  
ده كيفيت مستبان اولمقده در . بو مکتوبك  
مفادى شوبله ايدى :

« . . . . رومانيايه كلنجه ؛ مقرر اولان  
عسكرى مقاله نامه سنى ، وقت وزمانيله  
يعنى حرکات حربيه به مباشرت ايتزدن اول  
امضا ايتمك حقيقت حلاله بزم ايچون دها  
مساعد اوله جنى آشكاردر . لکن ديكر  
جهتدن رومانياك وضعت سياسيه سنك  
زراكتنى نظر مطالعه به الملق لازمدر .  
رومانيا حكومتك ، احوال كسب صراحت  
ايدنجيه قدر قطعى بر معاهده نامه ايله كندى  
تقييد ايتمكدن امتناع ايتمك آرزو ايده جكي  
طبيعيدير . »

روسيه نك بو خصوصه كي ملاحظاتنده  
ايكي جريان افكارك تاثيراتى مشهود اوليور .  
بر طرفدن روس اردوسنك باش قوماندانى  
حربه ممكن مرتبه چوق توت ايله باشلامق  
لزومنى تقدير ايلديكندن رومانياك ممكن  
مرتبه ايركن التحاقيله بالفعل اشتراك ايلسنى  
آرزو ايتمكده اولوب حتى پرنس شارل ايله  
اولان ملاقاتلر نده دفعاتله بوجهتى التزام  
ايتمشدى .

بوريقوف وباش قوماندانك ياورى پوپوف  
ايله وقوعبولان ديكر بر ملاقاتده ، تركارك  
طونه نك صول ساحلنه كچمليينه قارشو اتخاذا  
ايلديكي تدابيرى تشریح ايلدى كه بوتداير ،  
كندى فكر نجه روس اردوسنك رومانياده  
كي تجمع حرکاتنى تماماً تأمين ايده جكدى .  
بعده پرنس ، رومانيا اردوسنى ( الوطا )  
نهرينك اوبر ساحلنده ، روس اردوسنك  
صاغ جناحنى تشكيل ايتمك اوزره جمع و  
تحميده باشلادى .

ايسته بوسورتله رومانيا ايله روسيه نك  
دولت عليه به قارشو مشتركاً حرکاتى ايچون  
مكمل بر زمين حاضر لائمش ايدى . كرى به  
يالکيز بو اشتراكك طرز اجراسى ايله  
طرفينك شرائط متقابله سنى تعيين ايتمك  
ماده سى قاليوردى .

بو خصوصه رومانيا پرنسى هر شيدن  
اول « روس جنرالارينه تابع اولمقسزین »  
رومانيا اردوسنك قومانداسنى كندى النده  
بولنديرمق ايتيوردى . رومانيا نسبة ضعيف  
بولنسى حسييله رومانيا حكومتى بو خصوصه  
غایت متيقظ بولمق مجبور يتنده ايدى . انك  
ايچون ، تصادفه توديع طالع ايتامك شرطيله  
موقع و وضعيتندن استفادة اعظميه تأمين ايتمك  
مقصدى تعقيب ايليوردي . بناءً عليه  
رومانيا حكومتى روسيه دن تأمينات مخصوصه  
طلب ايتدى .

دیگر جهتیدن ، روس دیپلوماتلری  
منحصراً اسلاو عناصرینک منافی ایچون  
اختیار ایدیلان حربک مقصد اصلینسی  
استیصال ایتک خصوصنده کوستردکلری  
حرص و آرزوی شدید یوزندن روسیه یی  
تعهدات مخصوصه ایله رومانیا یه ربط ایتک  
امرنده مشکلات احداث ایتشلدی .

طونه نهرینک اوبر طرفه اجرا ایدیله -  
جک حرکاته رومانیا نك اشترا کنه لزوم  
اولدینی فکری موجود ایدی . امپراطور  
ایکنجی الکساندرده بوفکرده ایدی .

بو مختلف افکار جریانلرینک نتیجه سی  
شو اولمشدرکه حربه باشلانمزدن سکز کون  
اول یعنی ۱۶ نینسانده صرف عسکرلی بر  
مقاوله عقد ایدیلدی . بو مقاوله یه نظراً رومانیا  
حکومتی روس اردوسنک کندی اراضینسنده  
سربستی و امنیت ایله تحشده ایلینسی تکفل  
ایدیوردی . بو مقاوله نامه نك اگالی  
مقصدیله تنظیم ایدیلان دیگر بر مقاوله ده  
رومانیا شمندفرلرندن نه صورتده استفاده  
ایدیله جکنه ، قطعاتک وضع الجیشنه ، رومانیا  
مأمورین حکومت واهالیسیله مناسباتک طرز  
وماهیته دائر بر چوق مقرارت اتخاذا  
ایدیلدی . رومانیا نك قوانیننه نظراً  
مقاوله نامه نك مجلس مبعوثان ایله سناتو  
طرفدن صورت مخصوصده تصویب و تأیید

ایدینسی ایجاب ایلدی کندن رومانیا ایچق ۴۶  
نینسانده اعلان حرب ایلشدر .

روسیه ، اوستریا و مجارستان ایله رومانیا یه  
قارشو کندیسنی تأمین ایلد کدنصکره کری یه  
هدف حینی تعیین ایتک قالدوردی . روس  
اردوسنک هدف حرکاتی بالطبع بلغارستان  
ایدی . لکن یالکیز اراضی اشغال ایتک  
حصول مقصده کفایت ایتوب بالعکس خصمک  
قوای عسکریه سنی قطعی بر صورتده دوچار  
انهزام ایدرک انک اراده و مرافی کسرا ایتمک لزوم  
کوریله جکنی ده نظر دفته الملق اقتضای ایدردی .  
روسیه حکومتی بالجمله آمال و مقاصدینی  
ترکیه یه قبول و بونی بر معاهده صلحیه ایله  
تصدیق ایتدیرمک ارزوسنده ایدی . ترکیانک  
اوزمانکی حال و وضعیتنه نظراً و با خصوص  
خارجدن علنی ویا کیزی ، صرف معنوی ویا  
مادی وقوعه بلجق بر مظاهرت ترک ملتک  
مقاومت معنویه و مادیه سنی تزئید ایده جکی  
اشکار اولسنه بناءً روسلر ملاحظات  
عسکریه لرنده حربک هدف منتهاسی اولمق  
اوزره استانبولی اتخاب ایتلری ایجاب  
ایدیوردی . فی الحقیقه ، یوقاریده ذکر  
ایدلیکی کبی هدف سیاسی استانبولک ضابطی  
دکل ، بلغارستانک محظوظیتی اولمق ایله برابر ،  
دولت علیه یی کندیسنه واقع اوله جق تکلیفاتی  
قبولده مضطر قیلمق ایچون پایتخت ، روس  
اردوسنک هدف عسکریمی اولمی ایدی .

ایدیله جك اولورسه ، هرشیدن اول نظر دقتی  
شوجهته عطف ایتك لازمك لور که روس بالقان  
اردوسنك اس الحركاتی — ( پروت ) خط  
حدودی اس الحركات قبول ایدلیدیکی حالده —  
دارالحرب به يك اوزاق واکا نظراً تماماً مائل  
بر استقامتده بولمقده در . انک ایچون دها  
ایلورده یعنی طونه بونجه ایکنجی بر اس -  
الحركات تهیه ایتکه لزوم قطعی واردی .

یوقاریده ذکر ایدلیدیکی اوزره رومانیا  
حقیقت حالده روسیه نك متفق اولمش وروس  
اردوسی باش قوماندانی رومانیا اراضیسنی  
یکی بر اس الحركات اوله رق قبول ایتکه  
صلاحیتدار بولمقشدی .

بنسأ علیه ( طونه ) نهری ، روس  
اردوسنك بالقان یارم اطه سی ایچوروسننده  
اجرا ایدیه جکی حركات تعرضیه ایچون استنادگاه  
اوله جقدی .

دارالحربك مطالعه سندن مستبان اوله جنی  
اوزره روسیه دن استانبوله اك قیصه طریق  
بحر سیاه ساحلی تعقیب ایدن یعنی طونه نك  
قسم سفلا سندن باشلا به رق (باباطاغ) (دوبریجه)  
دن کچن طریق دن عبارتدر . لکن بحر سیاه  
عثمانی دونماسنك تحت حاکمیتده اولدینی  
کبی حربك اثنای جریانشده بودونمانك  
متفق بر دولت دونماسیله تقویه ایدلسی ده  
محمّل ایدی .

ایشته روس رجال عسکریه سنك طرز  
محا که سنجه ، وضعیت حقیقیه بو مرکزده  
ایدی . روس رجال عسکریه سی حربك صوك  
درجه برشدنله ، ممکن مرتبه از بروقت ضیاعیله  
سوق واداره ایدلسی لزوم و مطالعه سننده  
ایدیلر . لیکن ایشك فعایاته تطبیقی  
حالنده دیگر حکومتلره اولان مناسبات  
سیاسیه تکرار نظر تأمله الحق اقتضا ایدردی .  
ایمپراطور ایکنجی الکساندر ، دیگر  
دولترلره اولان مناسباتی ممکن مرتبه چوق  
مدت حسن محافظه ایتکه خواهشکر اولدیغندن  
غیر قابل اجتناب اولان حربی ممکن مرتبه  
حصرو متحدید ایتك فکر نده ایدی ؛ مومی الیه ،  
اعلان حربدن صکره ینه طول مدت ،  
انکلتراهی تسکین و تطمین ایتك ایچون  
بالیکز بلغارستانك اشغالیله حصول مقصد  
تأمین ایدیه بیله جکنه قائل ایدی . حتی  
روسیه نك لوندره سفیری قونت شوالدوف  
مایسك ۳۰ کونی انکلتراهه خارجیه ناظری  
لورد (دربی) یه بوبابده معلومات ویرمه  
مأمور اولمشدی .  
شوقدرکه حركات عسکریه نك قطعی ،  
روس اردوسنك بالقانك شماننده توقفی ،  
دولت علیه نك ، روسیه طرفنه واقع اولان  
مطالب و تکلیفانك کافه سننی قبول و تطبیق  
ایله جکنه اطمئنان نام حصوله وابسته ایدی .  
مقصد عمومی حربدن ، تفرعانه انتقال


مبدأ نقطه سسیله مشترک اولیه جق ایدی .  
 زیرا بونلردن هر برینک انتخابنده بشقه  
 بشقه ملاحظاته تابع اولق مجبورتی وارایدی .  
 کچید نقطه سی (روس جق) ک غریبند  
 اولق شرطیله ، هر زوده انتخاب ایدله  
 مساوی ایدی . شو قدر که پک اوزاق بر  
 موقعده اولمه سی شایان ارزو ایدی . انک  
 ایچون اردونک قسم کلیدی [ نیکبولی -  
 زشتوی ] خطدن کچیرمک فیکری تقریر ایدی .  
 (طونه) نک او بر طرفنده تعقیب  
 ایدیله جک استقامت کنیدیکندن تظاهر  
 ایدیوردی . طریق مذکور (طرنوه) دن  
 انک یقین بالقان کچیدلرینه اورادن صکره  
 مرچ وادیسنه و (ادرنه) به ایصال  
 ایدردی . [\*]

بو استقامتک محاذیر موقعه سندن بشقه  
 قلاع اربعه دن ایکی قاعه یه ، سلستره و وارنه  
 قلعه لرینه تصادف ایدیله جک ایدی که بو  
 قاعه لر دن وارنه قلعه سی ساحل بخرده کائن  
 اولق حسیله هیچ بر زمان بستون احاطه و  
 تجرید ایدیله مازدی . انک ایچون بو استقامت  
 روس اردوسی ایچون غیر قابل قبول ایدی .  
 لکن دهها غریبه اولان ایکنجی  
 استقامت ، یعنی طونه دن باشلا یه زق سلستره  
 و روس جق قلعه لر ی آراسندن کچمکده  
 اولان طریق دخی کوزل بر خط الحراکات  
 اوصاف و شرائطی حائز دکل ایدی . محاذیر  
 موقعه دن ماعدا قلاع اربعه نک اوچ قلعه .  
 سیله بردن اوغرا شمع یعنی سلستره ،  
 روس جق دن بشقه شمنی به تصادف ایتمک  
 مجبورتی واردر . آشکاردر که بو قلعه لرک  
 صورت منظمده محاصره سی ، حتی یالکنز  
 احاطه سی بر چوق وقت وقوته عرض احتیاج  
 ایده جکدی . بو قوتلرک آجیق صحرادکی  
 حرکات ایچون تصرف و استعمال ایدلسی  
 بالطبع دهها موافق اولوردی .

اسباب و ملاحظات مسروده دن خط -  
 الحراکاتک (که مؤخرآ منزل خط اصلیمی  
 اوله جقدی) دهها ایلروده ، یعنی (روس جق) ک  
 غریبند اولمی لزومی تظاهر ایتمکده در ؛  
 لکن بو حالده ، طنه دن مرور ایچون انتخاب  
 ایدیله جک نقطه سی ، خط الحراکاتک

- [\*] بللی باشلی استقامت لر شونلردر :
- ۱ (وراجه) دن باشلا بهرق کرک (ایسکر)  
 وادیسندن ، کرک اورخایه و عربه قوناق بو بندن  
 (۸۵۳ متره) صوفیه یه ؛ ارادن (اهتبان) و  
 (طرویان) اوزردن مرچ وادیسنه .
  - ۲ آروپول و زلانیجه اوزردن کچهرک  
 وراجه دن قلبیه .
  - ۳ طرویاندن (اوسما) ، شپقه بوینی  
 اوزردن (قزنانق) .
  - ۴ دو برول ، قرن آباد دن کچهرک (شمنی)  
 دن (ادرنه) به .
  - ۵ نادر دربند و ایدوس دن کچهرک وارنه  
 دن ادرنه یه .
  - ۶ الحاصل ۱۸۲۹ ده روسلرک تعقیب  
 ایدیلکی استقامتدرکه (دازنه) دن بورغازه ساحل  
 بوینجه کلن طریق .





رومیا قیاقون ساسکیرک و سوسو

طونه نهري اوزرنده كي اس الحركاتي  
توسيع ايجون ؛ ( روسجق ) ي ده ضبط  
ايمك ، فقط هدف حرکات انتخاب ايتماك  
يعني ( بالقان ) و ( ادرنه ) يه طوغري  
وقوع بوله جق ايلرو حرکتي توقيف ايتماك  
جهتي ده دوشونلشدي .

ايشته روس اردوسي باش قومانداني  
غراندوق ( نيقولانيقولايهويج ) ك افكار  
و ملاحظاتي صورت عموميه ده بوندن عبارت  
اولوب ۱۶ مارت ۱۸۷۷ تاريخيه مورخ اولان  
بر تخريراتده چار آلکساندره ابراز  
ايدلشدي .

اساس فکري ، ممکن مرتبه بر ضربه ايله  
سفری بتيرمک و بنا عليه بالجه عثمانلي قلاع  
و استحکاماتنك محاصره سنه کریشميه ريك  
( ادرنه ) يه طوغري ايلروملک ، لکن بونقطه يه  
واصل اولدقدنصکره مصالحه عقد ايدلمديكي  
حاله دها ايلرويه - استانبوله - طوغري ده  
ايلروملک دن عبارت ایدی .

غراندوق بو فکر اصلي يي توسيع  
ايدرك اردو رومانپاده اپي بر مدت قلغه  
مجبور اوله جنی و بنا عليه ۱۳ نيساندن اول  
حدود مرور ايدلميه جك اولورسه طونه دن  
كچيد حرکاتي اجرا ايديلميه جكي زمان فيضان  
زمانته تصادف ايدله جکني ، في الواقع فيضان  
مايس اواسطنده باشلايوب حزينانه قدر  
دوام ايتمکده اولد يغني اشعار ايدلشدي . بو

سببه بناء اردو باش قومانداني حرکات  
عسکريه يه ممکن مرتبه ايرکن باشلامق لزومني  
بيان و تخريراتنك خاتمه سنده ايسه طونه نك  
اوبر طرفنده ممکن مرتبه غير منقطع بر  
صورتده ايلرو حرکانه دوام ايدله بيلمک  
ايجون اردويه ورود ايدله جك اولان قطعات  
امداديه نك جناح لرك محافظه سي و قلاع و  
استحکاماتنك احاطه و محاصره سي . . الخ  
ايجون استعمام ايدلسي ايجاب ايدلمديكي اتيان  
ايدليوردی . بو شرائط داخلنده اردو باش  
قومانداني حدودي تجاوز ايتدکن اعتباراً  
۱۳ : ۱۴ هفته طرفنده ( ادرنه ) يه موا-  
صلت ايديله جکني مأمول عد ايدليوردی .  
مع التأسف غراندوق تخريراتي عينا و تمام  
نشر ايدلمه مشدر . ايلرو يورويش استقامتنك  
اتجابي حقنده درميان ايديلان اسباب و  
تفصيلات ايله طونه كچيد كدنصکره متصور  
اولان حرکات حقنده روس باش قومانداننك  
افكار و مطالعاتي اوكرنمكي پك زياده آرزو  
ايدرايدك .

غراندوق تخريراتنده ذکر ايدلمش  
اولان اوچ استقامتنك فوآند و محاذيري تقدير  
ايدله بيلمک ايجون شرائط موجوده يي دها  
زياده تفصيلاتله تدقيق ايتمک لازمدر .

۱ - ( باباطاغ ) و ( دوبريجه ) دن كچن  
استقامتنك باشلوجه محذوري شودر كه طونه  
نك جنوبنده كي تقريباً ۱۳۰ كيلومتره يعني ۶

یورویس مسافه سی درینلکنده اولان منطقه،  
 طونه ایله دکز آراسنده محصور و غایت  
 طار اولوب عرض وسطیسی ۷۰ کیلومتره  
 دن عبارت اولدینی کبی وارنه ایله سلسره  
 آراسنده کی اصل ایرو یورویس منطقه سی  
 ( قلاص دن ۲۲۰ کیلومتره و یاخود ۱۱  
 یورویس مسافه سی اوزاقدیر ) دکزدن  
 ( طونه ) یه قدر یالکز ۱۲۰ کیلومتره  
 یاخود ۶ یورویس مسافه سی عرضنده  
 بولنقده در آنک ایچون بو استقامتدن ایلولیه  
 جک اولان قوتلی بر اردونک حرکاتنده کی  
 سربستیت حد ذاتنده غایت آز اوله جنی  
 کبی قابل استعمال اولان طرق و مواصلاک  
 جزویقی دخی بو مشکلاتی تزیید ایده جکدر .  
 عثمانلیرک دکزه حاکیتلرینک بو خط  
 الحركات اوزرنده اجرا ایده جکی تأثیر منزل  
 خدماتک منحصرأ قره دن وقوع بولسندن  
 عبارت اولوب بو تقدیرده منزل خطی ،  
 دها غریبه کی دیگر خطوط الحركاته نظراً  
 پک زیاده قیصه اولوردی . دونما یالکز  
 طویلرینک غایه منزلنه قدر ساحلی تحت  
 حاکیتنده بولندیره بیلوردی . شو قدرکه  
 ( وارنه ) نک محاصره سنه تشبث اولنورسه  
 اوزمان دونما طوغریدن طوغری یه بر تأثیر  
 اجرا ایدردی .  
 بو استقامتدن ایروملکده اولان روس  
 اردوسنک کر بسنه طوغریدن طوغری یه

دونماک حمایه سی آلتنده اوله رق قوتلی  
 عثمانلی قطعات عسکر به سی اخراج ایدلسی  
 ( باباطاغ ، دوبریجه ) منطقه سنک طارلغنه  
 بناءً مخاطره لی اوله بیلوردی .  
 حاصلی بو خط الحركات ، اوله قوای  
 جسیمه نک سوق و استعمالنه مساعد دکلدی .  
 ۲ - ( بکرش ) ، ( طوتراقان ) ،  
 ( شمنی ) و کچوک بالقان اوزرندن ( ادرنه )  
 یه کیدن طریق . ( ۳۴۰ کیلومتره = ۱۷  
 یورویس مسافه سی )  
 بو استقامتک محاذیر موقعیه سی دیگر  
 استقامتککنه نظراً دها زیاده دکلدر .  
 یالکز غایت صیق اورمانلره مستور  
 اولان ( دلی اورمان ) طاغلق اراضیسی  
 بلغارستانک اک فقیر و بوللری اک آز اولان  
 بر منطقه سنی تشکیل ایدر .  
 مع هذا بواحوال و شرائط فوق العاده  
 شایان اهمیت اوله ماز . زیرا دشمن ده  
 اوراده بولندینی حالده ، عین احوال و شرائط  
 آلتنده اجرای حرکات ایتمک مجبوریتنده  
 بولنه جنی ، اندن بشقه عثمانلی اردوسنک  
 قطار و قافله تشکیلاتی دها از منتظم اولدیغندن  
 بومشکلانک دها زیاده آرته جنی طبیعیدر .  
 بوندن بشته بو استقامتنده ، عینسله  
 ( روسجق ) ک غریبده اولدینی کبی ،  
 ( ادرنه ) یه قدر دوام ایدن وا کثر اقسامی  
 جاده به مشابه ، ایکی طریق واردی : روسجق

ویا خود طوتراقان ، رازغراد ، اسکی جمعہ عثمان بازار ، قران ، یانبولی طریقہ (طوتراقان) ، شمنی ، ویریحیا ویانبولی طریق .

ص و خصوصندہ هیچ صفتی چکلمزدی . روسلر ، بلغارستانک ہر طرفندہ ارزاق و ا کولات تدارکی امرندہ دوچار مشکلات ارلہ جقلریخی نظر دقتہ لرقا کا کورہ تدابیر واستحضراتدہ بولنشلردی . اندن ماعدا تکالیف حربیہ اجرا ایدلیدیکی زمان یالکیز قطعات عسکریہ یہ طوغریدن طوغری بہ مجاور اولان حوالیدن دکل ، حوالی سائرہ دن دخی استفادہ ایدیلہ جکی اشکارور . قلاع اربہ منطقہ سندن ایلر و کیدلیدیکی حالہ بلغارستانک اک منبت وزنکین اولان اقسام وسطیہ سنک منابعندن استفادہ ایتک قابل اولوردی .

بواسنقامتک یکانہ محذوری قلاع واستحکاماتدن عبارت ایدی . بوجہت اوچنچی استقامت تدقیق ومطالعہ ایدلکد نصکرہ موضوع بحث ومناقشہ اولہ جقدر .

۳ - بکرشدن باشلا یوب (روسحق) ک غریبندن یعنی (زشتووی) ویاخود (نیکبولی) دن کچہرک طرنوہ ، غابروہ ، شبقہ کچیدی ، (قرانلق) دن ادرنہ یہ کیدن طریق [زشتوویدن کچیدیکی حالہ ۴۰۰ کیلو مترہ یاخود ۲۰ یورویس مسافہ سی] . بو طریق ، موجود خطوط الحركاتک اک اوزونی در . اشبو

طریق ، شمالہ آزادہ طونہ اولدینی حالہ قلاع اربہ نک یالکیز ۶۰ : ۱۰۰ کیلو مترہ اوزاغندن وطونہ نی کچدکدن صکرہ ایسہ روسجفک یالکیز (۵۵) کیلو مترہ اوزا . غدن کچمکدہ اولدیغندن منزل خدماننک محافظہ وتأمینی ایچون برچوق تدابیر اتخا دینی استلزام ایتکدہ در . منزل خطنک اوزو . نغندن متولد محاذیر ، بکرشدن صکرہ بالعموم نقلیاتنک فنیابولر اوزرندن واماندہ لرلہ اجرا ایدلکدہ اولمسیلہ برقات دہا آرتیوردی . یول اعتباریلہ بواسنقامتک مرور ایدہ . جکی بلغارستان حوالیسی شرق قسمنہ نظراً دہا زنکین ایدی فقط اکا بدل بو قسمہ تصادف ایدن بالقان شرقہ نسبتہ خیلی دہا یوکسک . کنیش ویولدن محروم ایدی . روس قوماندا ہیئت عالیہ سی یوقاریدہ دہ سویلیدی کمز اوزرہ وسطی بلغارستانک مصر ، حبوبات و حیواناتجہ حاز اولدینی ثروت ومبذولیتی داخل حساب ایتما . مشدی .

ساحل بونجہ کیدن خط الحركاتی و اردونک قوتی ایلہ غیر متناسب اولمق حسبیلہ طوغریدن طوغری بہ غیر مساعد کچی تلقی ایدہ جک اولورسحق کری بہ یالکیز ۲ و ۳ نجی استقامتک یکدی بکریلہ مقایسہ سی قالور . ( عاذیر موقعیہ ) نامی آلتسندہ تعداد ایدیلہ بیلہ جک اولان خصوصات کہ اراضینک

سكره واقعا روس حرکات اردوسی عثمانلی اردوسنك ایکی بیسوك غروپی آراسنه کیرمش اوله جقدی . لکن بویکی متفرق غروپلردن بریسنك اوزرینه هجوم ایدیلهرک مغلوب ایتیه جك اولدقدنصوکره بوحرکت نهیه یاراردی؟ (ویدین)ه طوغری کتمکدن هیچ بر فائده حاصل اولمازدی . او حلاله - عثمانلیرک قوه عسکریه سی ، الك مهم هدف حرکات انخاذا ایدلیدیکی تقدیرده - کری به هدف تعرض اولهرق یالکنز قلاع اربعه ده کی عثمانلی اردوسی قالیوردی .

بونقدیرده یته قلاع اربعه یه هجوم ایدلمک مجبوریتی واردی . بو هجوم ، (بکرش) دن طوغر بدن طوغری یه قلاع مذکوره علیه وقوعه بوجق بر هجوم قدر اوزون سورده جک اندن باشقه کیری طرفده (ویدین) ه ، جناحده (بالقان)ه قارشو موجود اولان تهلسکه بر طرفدن تا (ایسکر) ه دیگر طرفدن بالقان صرتلرینه قدر قوتلی امنیت قطعانک سوق واعزام ایدلسنی استلزام ایلیه جکدی . لکن بونقدیرده قوتجه اولان نقصان واحتیاج نه صورته تلافی ایدیله جکدی؟ حقیقت حلاله اجرا ایدلیدیکی کبی (طونه) امنیت قوتی (۴ و ۱۱ نجی قول اردولر) ؛ بالقان امنیت قوتی ۱ قول اردو ؛ (ویدین) ه قارشو امنیت قوتی ۱ - ۲ قول اردو - که عین زمانده (نیکبولی) بی دخی ضبط ایتمک وظیفه سیله

احوال طوغرافیه سی و اورمانلق اولوب اولمندی ، یولارک مقداری ، منابع ، نفوسی . . . الخ کبی شیلردن عبارتدر ؛ وسطی بلغارستانده اولدینی قدر قلاع اربعه منطقه سننده غیر مساعد اولدیغندن بو ایکی استقامت اراسنده کی فرق ، بونلردن برینی دیکرینه ترجیح ایتدیره جک قدر حائز اهمیت کورلییور . امک ایچون ایلرو یورویش استقامتی انتخاب ایتمک خصوصنده یالکنز ملاحظات عسکریه بی نظر دفته آلق لازمکیلیور .

اردو باش قوماندانلغنک پلانی ، (طونه) دن کچدکدنصوکره (طونه) اس الحرکاتی تأمین ایتمک ایچون (روسجق) ی حق (نیکبولی) بی ضبط ایتمک وجناحلری ستر ومحافظه ایتمک شرطیله بلا توقف (ادرنه) استقامتده ایلرویه کتمک ایدی .

۱۰ نیسان ۱۸۷۰ ه قدر آلمان معلوماته نظراً قوای عثمانیه مک طرز انقسامی ارانه ایتمک اوزره جنرال اوبروچف طرفدن ترسیم ایدلمش اولان قروکی (علاوه ۵ ، قروکی ۱) نظر تدقیق اوکنسه آله جق اولورسه کوریلورکه روسلرک خط حرکاتی ، عثمانلی اردوسنك قوای کلیه سندن احتراز ایدرک ، یک آز عثمانلی عسکرینک موجود بولمندی بی بر منطقه دن مرور ایتمکده در . (زشتوی) دن طونه بی کچدکدن

مکلف اوله جقدی - لق بر قوتدن عبارت اولدیغنه کوره کری یه قلاع اربعه یه هجوم ایتمک ایچون یالکنز  $۱\frac{1}{4}$  :  $۲\frac{1}{4}$  قول اردو (۱ ویا ۲ قول اردو ، آوجی لواسی ، بلغار اثریونی و مختلط قافقاس قازاق فرقه سی) قالیوردی . بوایسه ، قطعاً غیر کافی بر قوت ایدی .

شبهه یوق که قلاع اربعه ده استعمال ایدیلان بوقوت ، (روسحق) بردفعه احاطه ایدلدکن صوکره ۱۱ نجی قول اردونک قسم کلیسی سربست قاله جغندن مذکور قسم کلی ایله ۴ نجی قول اردونک وصولی و ۱۴ نجی قول اردونک بالعفل اشترک حرکتی سایه سنده بالآخره (  $۴\frac{1}{4}$  :  $۵\frac{1}{4}$  ) قول اردویه بالغ اوله جقدی . لکن ابسدالرده ، یعنی اک مشنکل اولان بردورده یالکنز  $۱\frac{1}{4}$  :  $۲\frac{1}{4}$  قول اردولق بر قوت قلاع اربعه ایچنده یایلق مجبوریتده بولنه جقدی .

لکن اردو باش قوماندانی بوفکرده دکلدی . باش قوماندانک پالاتی ، قلاع اربعه ده (ویدین) ده کی عثمانلی قوای عسکریه سیله اوله اوزون اوزادی یه مشغول اولقسزین ( طرنوه ) اوزرندن ( ادرنه ) یه طوغری ایلرولمکن عبارت ایدی . حقیقت حاله - یوقاریده ذکر ایدلدیکی اوزره - ۹ نجی قول اردو ( نیکبولی ) نک ضبطه و (ویدین) قارشو جناحک ستر و تأمیننه ، ۲ قول اردوده (روسحق) کضبطی و (شمقی) یه قارشو امنیتک استحصالی وظیفه سنه مأمور

اولمش و ( ادرنه ) یه طوغری ایلر و یورومک ایچون یالکنز ۱ نجی قول اردو ایله ( غورقو ) نک پیشدار قول اردوسی قالمشدی . بوقوت هر حاله پک غیر کافی بر قوت ایدی . بوبلانک موقع فعل و تطبیقه وضعی و قلاع اربعه نک غیر بنده کی هر نوع حرکاتک اجراسی ایچون روس اردوسی ، روسیه دن پک چوق قوای عظیمه آلمغه ، رومانی اردوسندن استمداد و - تعانه ایتمکه محتاج ، مفتقر ایدی .


شمیدیه ( قلاع اربعه ) یه طوغری یدن طوغری یه بر هجوم اجراسی فرضنه کوره قوای موجوده نک صورت توزیع و اتقسامی تدقیق ایده لم .

طونه نک مرورندن اول رومانیا ده  $۷\frac{1}{4}$  قول اردو واردی ( یعنی ۸ ، ۹ ، ۱۱ ، ۱۲ ، ۱۳ نجی و ۱۴ نجی قول اردولر ؛ اندن باشقه ۴ نجی آوجی لواسی ، بلغار اثریونی و مختلط قافقاس قازاق فرقه سی جمعاً یارم قول اردو حساب ایدیله بیلور ایدی ؛ ۴ نجی قول اردو سوق ایدلمکنده ایدی ) کچید حرکتی (طوتراقان) جوارنده ترتیب و اجرا ایدلملی ایدی . لکن کچید موقعنک قلاع عثمانیه یه قریبتندن ناشی کچید حرکاتنک سهولته اجراسی ایچون کوپری مالزمه - نک ۳ - ۴ منلی فضله اولمسنه ، فنی صنوف و قطعاتک قوتی ده کذلک ۴ منلی بولمسنه احتیاج واردر .

شبهه كچیدی) اوزرنده وقوعبولان حرکات  
 حقیقیه به نظراً ادرنه به طوغری ایلرو  
 کیتمک ویاخود ( ویدین ) قوتیله محاربه  
 ایتمک ایچون الیه دهافضله برقوت یعنی  $2\frac{1}{2}$   
 قول اردولوق برقوت بولنوردی .  
 روس ارکان حربیه سنک اثری ۱ نجی  
 جلدك ۲۸ نجی صحیفه منده دیورکه :  
 ( شمعی ) ۶۰,۰۰۰ کشی ایچون  
 مستحکم براردوگاهدر . محیطك طولی ۳۲  
 کیلومتره ویاخود ۴۲,۰۰۰ خطوه در .  
 روسحق ( ۲۰,۰۰۰ ) کشیلک بر  
 مستحکم اردوگاهدر . محیطی ۱۴۰۰۰  
 خطوه در . سیلسترده ( ۲۰,۰۰۰ ) کشیلک  
 اولوب محیطی ۱۶۰۰۰ خطوه در .  
 احاطه خطنك، موضع مدافعه اصلیدن  
 ( ۳۰۰۰ ) خطوه مسافه ده تأسیس ایدلدیکی  
 فرضه کوره : ( شمعی ) خط احاطه سی  
 ( ۶۰,۰۰۰ ) خطوه اولوب بهر خطوه تقریباً  
 ۲ کشی ، ( روسحق ) ده ( ۲۴۰۰۰ )  
 خطوه لك خط احاطه اوزرنده بهر خطوه به  
 ۱ کشی ، سیلسترده ( ۲۷۰۰۰ ) خطوه لك  
 خط احاطه به خطوه باشنه ۱ کشیدن براز آقوت  
 اصابت ایده جکدر . ( بهر قول اردو ۲۴۰۰۰  
 پیاده عسکری حسابیله )  
 آلتان معلوماته نظراً بوقلاعه بولنقنده  
 اولان عثمانلی عسکرینك موجودی ، تکمیل  
 استحقاقاتانی کاملاً اشغال ومحافظه به کافی  
 برمقدارده دکلدی .

خط مواصله نك تأمین ایچون تدابیر  
 آتیه به لزوم واردی : ( اشاعی طونه قول  
 اردوسی) ایلرو بوروبش ائناسنده ( ترایان)  
 خطه باغلانهرق اوراده معطل برحاله قالمیوب  
 بالعکس ( باباطاغ ) ده کی عثمانلی قوتلرینی  
 کری سورد کدنصکره ( سلیستره ) بی احاطه  
 ویاخود ( وارنه ) محافظیننی ترصد ایدرک  
 هرکونه تشبثلرینی تعقیم ایتملی وطونه شمال  
 ساحلنك ترصدی ایچون ( سلیستره ) و  
 ( روسحق ) قارشوسنه محاصره طویچیمی ایله  
 برابر جمعاً برپاده لواسی ترک ایدلملی ایدی .  
 ( روسحق ) ك اوتنه طرفنده کی طونه قسمنك  
 ترصد و تأمین وظیفه سی رومانیا به تودیع  
 اولنلی ایدی . بوحاله کری به قاله جق  $6\frac{1}{2}$   
 قول اردولوق قوت ( طوتراقان ) دن طونه بی  
 کچملی و عثمانلی اردوسی آچیق صحرا ده قطعی  
 بر میدان محاربه سی قبول ایتمکدن امتناع  
 ایلدکاری یعنی روسلر ایچون الك زیاده غیر  
 مساعد اولان برحال و وضعیت تکون ایلدیکی  
 تقدیرده قوای موجوده نك کافه سی شوصورنله  
 استعمال ایدلملی ایدی :  
 ۱ قول اردو ( روسحق ) ی ضبط ایتمک ،  
 ۱ قول اردو ( سلیستره ) بی احاطه ایتمک .  
 ۲ قول اردو ( شمعی ) بی احاطه ایتمک ایچون  
 ۱۴ نجی قول اردو ( وارنه ) به قارشوامنتی  
 استحصال ایتمک ایچون .  
 بوصورنله حرکت ایدلدیکی حالده ( زشتووی -

فرانسه، آلمانیا حربنده (بازمن) قوماندا۔  
 سند کی (۱۷۰۰۰۰) کشیک رن اردوسی  
 (غز اولوت، سن پریوا) میدان محاربه سند نصکره  
 ۱ نجی المان اردوسیله ۲ نجی المان اردوسنک  
 قسم اعظمی طرفدن (مچ) ده احاطه  
 ایدلمشدی . هرایکی اردونک مجموع قوتی  
 ۶۵۰ صحرا طوبندن عبارتدی . لکن بو قوتدن  
 وقت وقت . از آن جمله (سدان) محاربه سندن  
 همان اول قطعات جسمیه تفریق ایدیلهرک  
 بشقه مقصدلر ایچون سوق واستعمال  
 ایدلمشدی .



سردار اکرم عبدالکریم پاشایه مجار هیئت معوضه سی طرفندن مرصع قلیج تقدیمی

آلمان ایلری قره غولرینک اشغال ایتدیکی  
 خط، احاطه خطی قبول ایدلمک اوزره تقریباً  
 (۷۰,۰۰۰) خطوه طولنده اولان خط مذکور  
 اوزرنده اک مساعدا احوالده خطوه باشنه  
 یالکز (۲) نفر دن بر از فضله قوت اصابت  
 ایتمشدی . اولبه ایکن قوتلی محصور اردونک  
 بالعموم خروج تشبثانی سهولتله طرد ایدیله  
 بیلمشدی .



### روسلك حرب بلاني

پارس قارشوسنده آلمانلر ۱۹ ايلول ۱۸۷۰ دن اعتباراً تقريباً ( ۱۵۰,۰۰۰ ) كشي و ۶۵۰ صحرا طوي ايله ( ۱۱۰,۰۰۰ ) خطوه طولنده كي برخط اوزرندن اوجسيم پارس قلعه سيني احاطه ايتمشلردى . قلعه نك مدافعه سى ايچون — هر حالده قسم اعظمى قيمت عسكريه سى جزئى قطعا ندىن مركب اومى اوزره — ( ۳۰۰,۰۰۰ ) عسكرواردى . بو حسابه نظراً بداييت امرده ، احاطه خطنك هر برخطوه سنه تقريبي اوله رق  $\frac{۱}{۳}$  انسان اصابت ايتمشدى . ۱۸۷۰ سنه سى تشرين اول و ناني ايلرنده



### صرب اردوى

پارس او كنده تقريباً ( ۱۷۷,۰۰۰ ) يياده عسكرى ، ۱۲,۰۰۰ سواري و ۶۳۰ صحرا طوي واردي كه بو بحر اتلي زمانده هر خطويه تقريباً  $\frac{۱}{۳}$  انسان بر از فضله اصابت ايدىوردى . محصورينك باجمله تشبثاتي سهولته دفع ايديله بيلمشدى . بونك ايچون بو قاريدنه ذكرايديلان وقلاع عثمانيه نك محيطنه نظراً بالنسبه ضعيف اولان احاطه

قوتلرینک، اساساً ضعیف برصورتده اشغال ایدلش بولان قلعهلرک تأثیرآی ازالهیه مساعد و کافی بر مقدارده اولدیغنه اطمینان ایلک لازمکلور .

عنانلیرک دکزه حاکمیتلری حسییه ( وارنه ) نك احاطه ایدلسی بالطبع قابل اولمازدی .

مع مافیہ جنرال ( اوبروجف ) ك مخطره - سنده؛ شمنی، وارنه ، سیلستره وروسچق قلعهلرینک قوتی حقیقده اعطا اولان مقادیر روسلرک قلاع اربعه منطقه سنه دخولاری حالده قلاع مذکورہ محافظینک حد اصغریسی اولهرق تالق ایدلمک لازمکلیوردی . چونکه منطقه مذکورہ داخنده، قوای مذکورہ نك ضعیف راده سنده بر قوت موجود بولندیغنی قبول ایتک موافق بصیرت اولوردی . لکن بونقدیرده بیله، آجیق صحرا ده اعظمی اولهرق ( ۴۰,۰۰۰ ) عنانلی عسکری بولنه جق ایدی که ( ۵۰,۰۰۰ : ۶۰,۰۰۰ ) موجودنده اوله بیله جک اولان سالف لذ کر  $2\frac{1}{4}$  روس قول اردوسنه نظراً هر حالده دون بر مقدارده دیمک ایدی . انجق بو ملاحظاته بدایت امرده موجود اولان روس قوتنک، حربی بو جهت واستقامتده نتیجه قطعییه ایصال ایتکه هر احتمالہ قارشو مساعد و کافی بر مقدارده بولندیغنی بیان ایلک ایستما بورز . صوئک درجه بر قوت صرف ایدرک حتی،

ایجاب ایدرسه ۲ قول اردو ایله ده فائق بر محاصره طویجی پارتی ( ۲۰۰ - ۳۰۰ ) اغرطوب و هوان ) استعمال ایدرک ضبطی ایچون چالشمسی اقتضا ایدن ( روسجق ) قلعه سی ضبط ایدلدیکی حالده، بو استقامتده کی حرکات متعاقبه حربیه ایچون، ( زشتووی ) استقامتده نظراً غایت مساعد شرائط استحصال ایدلش اوله جقدی .

فی الواقع ( طوتراقان ) ده بر کوبری ، ( روسجق ) ده اقلی ایکی کوبری تأسیس ایدلدیکی حالده منزل خطی ، ( زشتووی ) اوزرندن مرور ایده جک منزل خطنه نظراً غایت قیصه اوله جفی کی اوزمانکی وسائط موجوده فیه ایله ( یرکوک ) استاسیوننی ( روسجق ) استاسیوننه ربط ایتک و بو صورتله ( شمنی ) و ( وارنه ) قرب و جوارینه قدر منزل خطندن استفاده ایلک قابل اولوردی . ( روسجق ) ضبط ایدلا کدن صکره ، روس اردوسی دیگر قلعهلرک ضبط و تسخیر یله مشغول اولیهرق ، حال و وضعیتک ایجابنه کوره حرکات لازمه عسکریه یه دوام ایتلی ایدی .

دیمک اولیورکه بونقدیرده حربک ایلک هدنی ( طونه ) ده امین بر نقطه استناد قرآنق یعنی ( روسجق ) قلعه سی ضبط ایتمکدن عبارت اوله جقدی . حقیقت حالده ایسه ( پلونه ) قلعه با کهایسی ، ۱۹ تموزدن

اردو دها قوتلی بولنسه بیله بومه قصدی تأمین  
ایده مازدی. دشمن اردوسنك قوه مقاومتی  
بر کره کسر ایلدن کدنصکره بالجمله جغرافیا  
هدف الحراکاتلری کنیدیلاکنندن ید غالبه  
کچردی.

لکن ضعیف بر باروانه آرقه سنندن  
وصابا صاغلام اولان دشمن اردوسنك یانندن  
کچرهک غالبانه دشمن پایتختنه ایبرولمک ،  
۱۸۷۷ عثمانلی اردوسی قارشوسنده بیله  
غیر قابل بر حرکت در.

استحصال امنیت ایچون قوتجه وقوع  
بولان صرفیانه مقابل ، پلانده کی جرأت  
طوغریسی شایان حیرتدر.

کرج دن باشلا یهرق اوده سا ، کوستنجه ،  
چرناوودا ، یرکوک دن ( لوم ) ک قسم  
وسطیسنه قدر امتداد ایدن خط اوزرنده ؛  
( ادرنه ) اوزرینه ایبرولیه جک قونک تأمین  
ومحافظه سی ایچون  $\frac{1}{4}$  ۷ قول اردولوق بر قوت  
توزیع ایلمشدی . [ ۱۰ ، ۷ ، ۱۴ نجی قول  
اردولر ، ۳ نجی آوجی لواسی ، ۴ ، ۱۱ ،  
۱۲ ، ۱۳ نجی قول اردولر ؛ ( ویدین ) .  
قارشو استحصال امنیته مأمور : ۹ نجی قول  
اردو یعنی ۲۴ پیاده طابوری ، ۲۴ سواری  
بلوکی و ۱۰۸ طوپ بوقوته داخل دکلدر . ]  
( ادرنه ) یه ایبرولیه جک قوت ایسه پیشدار  
قول اردوسیله ۸ نجی قول اردودن عبارت  
ایدی . یو حسابجه سالف الذکر خط

۱۸۷۷ سنه سی کانون اول نهایته قدر اولان  
مدت ظرفنده بتون حربك عقده سی تشکیل  
ایتمشدی .

جسورلرک ، اولوالعزم لرك طالعلری  
نه قدر عالی اولدیغی ، ( بلونه ) ده بلونه  
قهرمانلری طرفندن غایت بارلاق بر صورتده  
اثبات ایلدی . زیرا ( بلونه ) ده روسلر  
قارشولرنده ، اک چتین ، اک عزیمکار بر ترک  
باشاسی بولمشاردی کها کاتفوق ایتمک ایچون  
خارق العاده فدا کاراقلر ، خارق العاده بر همت  
وقوت صرف ایتمک اقتضا ایدردی ؛ بوا یسه  
روسلرده یوقدی .

حاصلی ستون بوملاحظات ووقایع مؤخره  
کوستریبورکه طوغری بدن طوغری یه ( قلاع  
اربعه ) منطقه سنه داخل اولوق ایچون  
( زشتووی ) طریقی اختیار ایتمک حالنه نظراً  
دهافضله بر قوته احتیاج یوقدی . وهدفه واصل  
اولوق ایچونده ( بلونه ) اوکنده حقیقت حالده  
صرف واضاعه ایلمش اولان وقتدن ، دها  
فضله بر زمان صرف ایلدیه جکدی . اکا  
مقابل استانبوله ایصال ایدن اک قیصه طریقی  
اوزرنده بولتمقدمه اولان قوتلی عثمانلی اردوسی ،  
اغلب احتمال منطقه استحصکاماتی داخنده  
کمال جرأت وشدتله اله کچیرلمش بوله جقدی .  
بومنطقه یه نفوذ ایتمک سایه سنده بر ضربه ده  
حربی نهایته اقتزان ایتمدیرمک قابل اوله .  
پیلور ایدیسه ده باش قوماندانک پلانی ، حتی

اوزرنده ۱۷۲ پیاده طاہوری ، ۱۴۰ سواری بلوکی و تقریباً ۷۶۶ طوپ امنیت خدمتی ایله مشغول ایکن بریده ۱۳۴ طاہور ۸۴ ۱/۲ بلوک و ۱۴۴ طوپ ، ( ادرنه ) یہ طوغری ظفر یوروشی یاپہ جقدی .

حرکات حربیہ پلاننده دشمن و دشمنک اجرا ایلیہ جکی حرکات و تأثیرات نظر دقت و اہمیتہ آلتقمسزین حربک بدا . یئدن تا دشمن پاتختہ واصل اولنجیہ قدر اجرا ایلیہ جک حرکات موضوع بحث اولہماز . ہر طرفہ مصدق و مسلم اولان بر حقیقتدرکہ بر حرکات حربیہ پلانندہ یالکز قوتلی دشمن قطعایلیہ ایلمک مصادمہ وقوعبولنجیہ قدر جریان ایده جک احوال و وقوعات تعیین و تشریح اولنور . وقایع حربیہ نك صکرہ کی طرز جریانی بویلمک محاربه نك نتیجہ سنہ تابع اولوب بوبابده یالکز انجق عمومی بر فکر ، عمومی بر هدف نظر دقت اوکنندہ طوتیلہ بیلور . بورادہ بالطبع دہا اوتہ سنی دوشونہ بیلمک ایچون اول باول ( طونہ ) کچید حرکاتندہ موفقیت قزاقق اقتضایدردی . انک ایچون درکہ پلان یالکز طونہ نی کچنجیہ قدر کڈران اولہ جق صفحہ نی احتوا ایده . بیلوردی .

حال بوککہ روسلر ، ترتیب ایلمش اولدقاری پلان موجبنجہ ، ( روسجق ) ک

غریبندن طونہ نی کچہ جکر ، بونک ایچون اردونک قسم کلیسی ( بکرش ) جوارندہ طویلانہ جق و بواردونک و کچیداستحضہ . راتنک محافظہ و تأمین ایچون ( رہنی ) دن ( الطا ) نہرینک منصبہ قدر اولان بتون امتدادنجه ایلو قرہ غولار ترتیب ایلیہ جک ایدی .

اشبو امنیت خطنک تقویہ سی وبعده دشمن قوتلرینک اصل روس اردوسی قسم کلیسنک چویرلسی مقصدیلہ ( اشاغی طونہ قول اردوسی ) ( قالاص ) دن نہری کچہ جک و ( تراجان ) خطنہ قدر ایلولیہ جکدی . بو قول اردونک وظیفہ سی نمایش حرکاتی اجرا ایتمک ایدی .

طونہ کچید حرکاتی موفقیتلہ نتیجہ . لندکدنصکرہ باشلا یلہ جق دور ظرفندہ ، طوغری بدن طوغری یہ ( ادرنه ) یہ طوغری ایلررولمک مقصد عمومی تعقیب ایلیہ بیلوردی لکن بونک ایچون « پلان » یالکز ترکرک بو مقصدی اخلال ایده جک نہ کی حرکات و تشبہ تده بولنہ جقلری و بو مقصدک تطبیق و اجراسی ایچون نہ قدر قوتہ احتیاج اولدیغنی و موجود اولان قوت و وسائط قلیلہ مقصد مذکورک اجراسنہ کافی اولوب اولدیغنی تقدیر و تعیین ایتمک انحصار ایتمک ایجاب ایدر . حالبوکہ ملاحظیات آتیہ دن استنباط ایلیہ جکی اوزرہ روسلر بوبولده اعمال افکار ایتمک

دن استانبوله قدر یالکیز برمشی مظفرانه  
 اجر الیه جکدر ..  
 بالاده ذکر ایدلدیکی اوزره روسیه نك  
 در سعادت سفیری طرفندن اعطا ایدیلان  
 معلوماتك ، متنی دكل ایسه ده مفادی بوندن  
 عبارت ایدی . بر فکر که سفیر مذکور  
 بالجمله اتحاد اسلاو آرقداش لرینه ، بالجمله  
 محافل عسکریه یه ، بالجمله وکلایه والحاصل  
 ایمرطور ایکنجی الکساندره القا واقعا  
 موفق اولمشدی .

روسلك بالآخره آلمش اولدقاری  
 معلوماته نظراً عثمانلیر ، بالقانك جنوبنده ،  
 بشقه منطقه لردن قوت جلب ایتمکسزین ،  
 تقریباً (۳۰۰,۰۰۰) کتیلک بر قوت چقاره  
 بیله جکدردی . لکن الك اول بالقانی کچمک  
 ایجاب ایدوردی . (مولتکک) طرفندن  
 ۱۸۴۵ ده در میان ایدیلان مطالعه یه رغماً  
 روسلر بالقانی یه حقیقت حلاله کندین  
 دها قوتلی بر مانع اوله رق فرض ایدورلر  
 ایدی . مع مافیة بالذات مولتککک ، استقبال  
 محارباتنده ، (ادرنه) نك بلامحاربه روسلك  
 اله دوشه چکنی محقق اوله رق قبول ایتمامک  
 لازمکلدیکی حقدنه ۱۸۲۹ ده (دیبیج)  
 قومانداسنده کی روسلك دوچار اولدینی  
 وضعیت مشکله یه استناداً در میان ایدلیکی  
 مطالعاتی نظر دفته آلمق اقتضا ایدردی .  
 بنسأ علیه طونه دن صکره بالقاندر

لزومندن کندیلرینی مستغنی کوره جک قدر  
 بیوک بر نیکیینی اظهار ایتمشدرده . بر حاله که  
 بر حرب پلاننك تضمن ایلمسی ضروری اولان  
 بالجمله حسابات ومحاکاتی شو: « اردویه ورود  
 ایده جک اولان قوای امدادیه ، جناح لرك  
 محافظه سی ، دشمن قلاع واستحکاماتك احاطه  
 ومحاصره سی وسائر ایچون صرف واستعمال  
 ایدیله جکدر . » جمله استغنا کارانه سیله باشند  
 آتمشدر .

حربی بر ضرر به ایله ختامه ایصال ایتمک آرزو  
 سنی پرورده ایدن روس باش قومانداننك افکار  
 ومطالعاتی ، یوقاریده ده سویلنمش اولدینی  
 اوزره ، عثمانلیرک ، روس اردوسته جدی  
 بر مقاومت ابراز ایدمه جکگری و عثمانلی عسکر  
 ینك کرک کیت و کینیت ، کرک حرکت و مانوره  
 قابلیت و افکار عسکریه اعتباریله حربك سوق  
 و اداره سی خصوصنده روسلك يك دروننده  
 بولندقاری ظن وقناعتی اوزرینه مستند ایدی .

« ترکیه ، قدرتنك تحمل ایدلیکی قدر  
 صرف مساعی ایدلیکی حاله ، مملکتك  
 مدافعه حیاتی ایچون الك نهایت ، فنا بجهیز  
 ایدیلش ، فنا بسنمش و فنا اداره اولنمش  
 (۸۰ : ۱۰۰۰۰۰) محارب چقاره بیله جکدر .  
 روسلك ایلك ضرر به لرینك عکس تأثیر یله  
 بالقان یارم اطه سنده کی خرستیان اقوام هب  
 بردن قیام ایده جکدر و چار اردولری ، طونه .

(ادرنه) به ايلرو يورويش قواى عظيمه ايله  
 — لااقل ۶۰,۰۰۰ محارب ايله — اجرا  
 ايدلملى ايدى . و بو ايلرو يورويشى تأمين  
 ايچون : نيكبولنيك ضبط ايدلمسنة ، و بدین  
 قوتنه قارشو استحصال امنيته — بوقوتك  
 مقدارى حقتده ويريلا ن معلومانه نظراً  
 ( ۶۰,۰۰۰ نفر ) لااقل ۳ قول اردويه  
 احتياج واردى — ، ( روسجق ) ك ضبطه ،  
 شمئيه قارشوده استحصال امنيته — بونك  
 ايچون لااقل ۴ قول اردو حساب ايدلملى  
 ايدى [۱] — لزوم حقيقى موجود ايدى .  
 بناء عليه ادرنه به طوغرى ايلرو يورومك  
 ايچون ۳ قول اردويه لزوم اولديغى فرض  
 ايديله جك اولورسه بوفكر ك بر درجه به قدر  
 امنيتيه اجراسى ايچون ( رشتووى ) دن هيچ  
 اولمازسه ( ۱۰ ) روس قول اردوسى كچيرملى

[ ۱ ] قلاع اربعه دهه كى قواى عثمانيه نك  
 عطالتنه رغماً ، بدايةً اورابه قارشو تعيين  
 اولنان روس فوتلرى ، طونه كوپرينى شرقه  
 قارشو تأمين ايتكه مقتدر برحاله دكل ايدى .  
 ( روسجق ) ك ضبط ايدلمسى اصلاً نظر اهميته  
 آلمدى .

ايدى . [ ۱۸۷۷ ] تشرین اول بدايتنده قلاع  
 اربعه نك غربنده وبلغار اراضيسنده ۱۱  
 روس قول اردوسى واردى [ حالبوکه حقيقت  
 حالده ( زشتووى ) دن يالكز ۱/۴ ۴ قول  
 اردو كچمش ايدى .  
 شو قوت و وضعيته نظراً تکميل تشبث ،  
 هر نوع امين اساسدن بالکليه محروم بر  
 تشبث سرسريانه دن عبارت قالمشدى .  
 بر چوقلرى واردرکه ، بيوك بر تفوق  
 عددى ايله جسورانه بر پلان ترتيب ايتمك  
 هنر اولديغى ادعا ايدرلر . بو کر چکدر !  
 لکن عين تنقيد برنجى ناپولئون حقتده ده  
 صرف ايدلمشدى . حالبوکه ناپولئونك الك  
 بيوك خصمى اولان آرشيدوق شارل پوقاريدنه  
 بيان ايلديکمز وجهله بوفكرى صورت  
 شديده ده رد و جرح ايلمشدر . بزم فکرمز جه  
 دها حربك بدايتنده دشمنه قارشو هر خصوص  
 صده كى اسباب تفوق و حاکميتى اطرافيله  
 تأمل ايدرك اسباب مذکوريه ي تأمين واحضار  
 ايدن بر قوماندان دنيا ده الك بيوك ستايشلره  
 شايسته اولان بر قومانداندر .



## عثمانلیلرک حرکات حربیه پلانی

پلان نامنه موجود اولان شیئر ، هیچ بر زمان موقع فعل و تطبیقه وضع ایدیه مامک محکوم اولان برطاقم اراده لر و قرار لر ، دها طوغریسی ارزو و امرلردن عبارت ایدی .

ایشته بو صورتله عثمانلیلر دها بدایتدن اعتباراً هر دلو تشبث و صلاحیتی روسلره تودیع ایدرک کندیلرینی روسلرک اجرا ایده جکی حرکات و تدابیره تابع قیلمشلردی . واقعا برمدت ، روس اردوسی طرفندن اشغال ایدلزدن اول رومانیا بی اشغال ایتک یعنی ایلک خط مدافعه اولان طونه بی ، متعرضانه برصوتده مدافعه ایلک ایچون بر پلان تصور ایدلش ایدی .

بالجمله متفرق عثمانلی غروپلرینک روسلره قارشو اتحاد حرکتی تأمین و تنظیم ایده جک و بونی ، هیچ اولمازسه بدایتده ، حقیقه اجرا و تطبیق ایله جک بر حرکات حربیه پلانی مع التأسف یوقدی . نه معین بر پلان ، نده آز چوق بر انتظام و قطعیت واردی . یالکن عثمانلیلر ضعیف اولدقیرینی حس ایدیورلردی . منحصرأ ناموس ملی بی قورنارمق ایچون حرب قبول و اختیار ایدلش اولدینی حس و قناعتی واردی . حتی بدایت امرده هیچ برکسه ، موسوقولرک استیلاسنه بوقدر شرف آوراه بر مقاومت عرض ایدیه بیله جکی امید ایتیمور ایدی .

طونه مانعنک کریسنده مدافعه ایله اکتفا ایتک ، ارتق عادت ، تعامل حکمنه کیرمشدی . و حقیقت حالده قوماندانلر من بوندن نمون ایدیلر . چونکه ، مستقل افکار و مقرراته مراجعته لزوم و احتیاج کورمکسزین قوتی تجمع ایتدیرمک یاخود دها طوغریسی طاغتمق خصوصنده ، اسفار سالفده اتخاذ ایدیلان اصولی تکرار تطبیق ایتک ضایت سهیل بر حرکت ولیوردی .

الاول عثمان پاشا طرفندن القا ایدلش اولان بوقر دورادور مناقشاتک موضوعنی تشکیل ایلدی . ۲۵ مایس ۱۸۷۷ ده باب عالی یه تبلیغ ایدیلان بر اراده پادشاهی ده بو فکرك تدقیق و عثمانلی اردوسنک احوالنه دأر اولان معلومات ایله حرکات مستقبله حربیه حقتنه نظارک افکار و مطالعاتنک عرض عقبه علیا قلمسی امر اولنیوردی . بو اراده پادشاهی بی مبلغ اولان تذکره خصوصیه ده « صلاحیتدار رجال عسکر به نک

استفسار ایتمک، قرار ویردیلر. بو صورتله  
مذکور پلان یالکیز تعویق ایدلمش اولمغله  
قلیبوب مرور زمانله غیر قابل اجرا اولدینی  
کندیلکندن تظاهر ایلش اولدیغندن متروک  
ومنشی اولمشدی.

روسلره قارشو ترتیب ایدیلان بالعموم  
قوای عسکریه نك قوماندانی سردار اکرم  
عبدالکریم پاشا ایدی. فقط بو عنوان،  
قوری برعنواندن عبارت ایدی. حقیقت  
حاله کافه مقررات و حرکات عسکریه ذات  
شاهانه نك نظر تصویبه عرض ایدیله چک  
اولدقدن بشقه سردارک کافه افکار و مقرراتی ده  
حریبه نظارتنه تودیع ایدیلکمه و حریبه  
مطری مجلس عالی عسکرینک رئیس صفتیله  
افکار و مقررات مذکورده اوزرنده برنفوذ  
عظیمی حاز بولمقده ایدی.

مجلس عسکریدن بشقه جه، آرا صره  
طوغریدن طوغری به ذات شاهانه طرفندن ده  
حرکات عسکریه حقدنه ارادات اصمدار  
اولنوردی. بو ارادات سنیه، مجلس عسکریدن  
مستقل وبالذات معیت سنیه ده بولمقده اولان  
مشاورلرک آرا و مطالعاتنه استناد ایدیور  
وباش قوماندانلق واسطه سیله طوغریدن  
طوغری به ایجاب ایدن قوماندانلره تبلیغ  
ایدیلیوردی. اشبو مشاورلر میاننده القو پاشا،  
پیکر پاشا، جنرال فلاپقا .. الخ .. الخ کبی  
اوروپا لیلرده واردی.

رأی و مطالعه سنجه، اک کوزل صورت  
مدافعه دار الحربی رومانیایه انتقال ایتدیرمک  
اولوب چونکه بوسایه ده بلغارستان اک امین  
برصورتده ستر و مدافعه ایدلمش اوله جنی کبی  
صنعت حربک قوانینه نظراً بوسایه ده اردوی  
هایون ملوکانه نك، اجرا ایده چکی حرکاتدن  
براستفاده عظیمه استحصال ایلش اوله جنی،  
فقره سی موجود ایدی. اندن باشقه ذات  
شاهانه نك، اعلان حربدن اول بیلره رومانیایی  
عسکر ایله اشغال ایتمک صلاحیتدار بولندی.  
قلری علاوه ایدلمشدی.

حالبوکه عثمانیلرک، طونه نك وصول  
ساحله کچمی اوزمانکی احوال و شرائطه  
نظراً، اردویی یالکیز روسلر ایچون شایان  
آرزو اولان بر میدان محاربه سنه سوق ایده چک  
و حربک عاقبتی تسریع ایلیه چکدی. فی الحقیقه  
بویانک اجرا و تطبیق، عثمانی اردوسنک  
حقیقت حاله کنه نظراً دهامکمل تشکیلات  
و تنسیقاته مالک اولمش بولمسنندن ماعدا،  
طونه نك شمال ساحلنده قوتلی عثمانی مواقع  
مستحکمه سنک یعنی سبر کوپرلرک موجود  
اولسنه متوقف ایدی.

رجال عسکریه مزده بو پلانک منتج  
موفقیت اوله یه جغه اعتماد ایتش اولمیلرکه  
«سفر واسطه سیله، عسا کر شاهانه نك  
اعلان حربدن اول رومانیایه مرور ایتلری  
حقدنه اوروپا دولترینک آرا و مطالعاتی





بلغار اھالیسینک ترکەر عاینه صورت قیامی

احوال و شرائط بومرگزده ایکن ،  
 آرتق معین بر بلاندن و اوپلانک کال شدت  
 وجدیتله موقع اجرایه وضعدن بحث ایتمک  
 شایان خنده اولور . عثمانیلرک ، کندی  
 بازوی قوی حماستلری قارشوسنده آوروپایی  
 اک نهایت تکرار مجبور حرمت و تعظیم قیلمق  
 فرصت بی امثالی ضایع ایلمش اولمیرینک  
 ایلك وصوک و یکانه سبی ، امر و قوماندانک  
 یداوحدده اولماسی .. امر و قومانداده بویله  
 شایان خیرت بر ندیذب و قارشقلغک حکمفرما  
 بولمسی در .

بو قوماندانلرک سییئات متابعه سی

بو اترک هر بر سطرند تکرار او قویهرق  
 تأثرتمزی لاینقطع تجدید ایده چکنز . انجق  
 شوراسنی ایوجه خاطرده طوتمق ایجاب ایدرکه  
 تار یخک درساری ، حقیقتلری پک بهالیدرلر  
 و پک بهالی او کرنیلورلر . واکر براردونک سبب  
 اصلی مظفرتی ، مستقل و یکانه بر باش قوما .  
 ندانک افکارینه تابع اولمقدن عبارت بولندی  
 حقیقتی .. بوندن صکره بتون کولکلرده  
 منقوش قاهره قالمشده کی جنایتلر آئیده  
 تکرر ایلز ایسه بزم ایچون بوندن بیوک ،  
 مدار شکران اوله ماز .

اعلان حربدن اول عبدالکریم باشده  
 حاضر اولدنی حالده استانبولده و قوعبولان  
 مذاکراتده « روسلرک » قلاع اربعه نیک  
 غریبندن وقوعی ملحوظ اولان ایلرو  
 حرکتلرینه ، (بلونه-لوفجه) خطنده تحشید  
 ایدیلرچسک بر اردو ایله یاندن مانع اولمق  
 و بواردونک اساسنی ده عثمان پاشانک اداره-  
 سنده کی قوتلردن تشکیل ایلمک « خصوصی  
 قرار کیر اولمشدی .

پادشاهه عرض ایدیلان بو قرار  
 اوزرینه ۲۰ نیشان ۱۸۷۷ ده مابین باش  
 کتابتدن حربیه نظارتنه شو تذکره جواییه  
 کلدی :

« ماچین دن ویدین . قدر تکمیل طونه

خط مدافعه سی مدافعه ایتمک ممکن اولما-  
 دیغندن ، اعلان حرب وقوعنده دشمن ،  
 مملکتک داخنده جلب ایدیلرک اوراده بر میدان  
 محاربه سی وردیرلمیدر . اگر دشمن مغلوب  
 ایدیلورسه ، او حالده دشمنی طونه اوزرینه  
 رجعت ایتمک مجبور ایدر و (بروت) نهرینه  
 قدر تعقیب ایلرز . عکس تقدیرده بالقانیه  
 طوغری کری چکیلور وادرنه ، بورغاز و  
 سائر مواقع مستحکمه یی المزده بولندی  
 شرطله بالقان حوالیسندن دشمنک ایلرو-  
 لسنی منع ایتمک صرف مساعی ایدرز . بو  
 مقصده بناء (روسجق- سلاستره- شمنی-  
 وارنه) قلاع اربعه سنده قوتلی براردو تحشید

ايتملى وعين زمانده صاغ جناحده (كوستنجه -  
چرناوودا) خطنى اشغال ايتمكه برابر صول  
جناحدهكى (زشتوى - راحووا) خطنى  
اشغال ايتك ايجون قواى كافيه افراز  
ايتلدير . رومانىاي ترصد ايتك وروسلك  
صربليرله اجتماعلرني منع ايتك ايجون  
(ويدن) دهده ايروجه بر قوت بولمغه  
احتياج واردر .

هر حالده محقق و قطعى اولان برشى  
وارسه اوده سالف الذكر ملاحظاتك  
نتيجهسى حريك ايتك دورنده عثمانلى اردو-  
سك بسبتون مطلق بر حال انتظارده  
بولنه جق اولسى ابدى .

بناء عليه روس اردوسى، رومانىادهكى  
اجتماع سوق الجيشتيسى ائناسنده، طرق  
حديديه نك عدم كفايهسى، يوللرك وكيديلرك  
غير مساعد بر حالده بولمسي يوزندن حاصل  
اولان مشكلات و تأخر ائدن ماعدا هيچ بر  
مشكلات و تأخر ائك وقوعندن انديشه ايتمكه  
محل يوقدى .

بو فكر لر دن هر ايكيسى ده صورت  
عموميه ده بر برينه موافق كورنمكده در .  
پلان يرينه قائم اوله مبه جق اولان بو عمومى  
فكر لر نتيجهسى اوله رق (ويدن) دن شرقيه  
قدر قواى موجوده توزيع و انقسامه  
دوچار ايدلمشدى . عبدالكريم پاشانك  
اشتراكيه پاييلان پلانده روس اردوسك  
جناخه و طونه نك صاغ ساحلندهكى خطوط  
مواصله سنه قارشو تعرض ايتك اساس  
فكرى تشكيل ايد يوردى . ما پيندن  
تبليغ ايديلان پلانده ايسه دشمنى مملكتك  
داخلنه جلب ايدرك اوراده بر ميدان  
مخاربهسى ويرلسى لزومى توصيه ايديلور  
ايدى . هر حالده ذات شاهانه عثمانلى اردو-  
سك بر مدافعه مطلقه يي اختيار ايلسنى  
تصويب ايتمه يرك طونه يي مرور ايدمك  
اولان روس اردوسنه تعرض ايدلمسنه انتظار  
ايد يوردى . بونك ايجون ك مساعد اولان  
زماك اتخا يي سرداره ترك ايديله چكدى .

مع التأسف عثمانلير ، روسلر طرفندن  
اعلان حريدن سكره كنديلرينه ترك ايدلمش  
اولان اوزون مهلتدن، قلاع اربعه ده حقيقه  
قوتلى براردو تحشيد ايتك ايجون استفاده  
ايدم مامش لدر . بو حقيقت ، حزينان  
اواسطنده عبدالكريم پاشا طرفندن ذات  
شاهانه يه تقديم ايدلمش اولان راپوردن  
مستبان اولمقده در . شپيرينكر نام ذانك  
شرق سفرينه دائر تاليف ائتمش اولدينى  
اترك ۱ نجي جلد ينك ۷۲ نجي صحيفه سنده  
تصادف ايتديكمز بر راپورى عيناً درج  
ايد يورز . (پوبتاچى) جوارندن بر روس  
قطعه سنك تجاوز ايلسى اوزرينه باش كئتابتدن  
طوغريدن طوغرى يه سرداره كشيده ايديلن

تلغرافنامه ده بوبابده ایضاحات طلب ایدلشدی .  
راپور ایسته بواسطیضاحاته جوابدر :

۲۰۰ کشیك بر روس قطعہ سی طرفدن  
(ماجین) ده مفرز بولنان پوستیه قارشو  
وقوعبولان تعرض، عسا کر غیر منتظمه نك  
رومانیاسیه اجرا ایتمش اولدقلری بوکبی  
تشبثاته قارشو براخذ نار کیفیتدن عبارتدر .  
صورت عمومیه ده ، طونه خطنك امتدادی  
اوقدر زیاده در که تکمیل کچیدلری محافظه  
ایتمک غیر قابلدر . زر هلیلر مزك عددی ایسه  
نك محدوددر . فقط صلور آلچالمد قجهر و سولرک  
مرور تشبثاندن اوقدر قورقلماز . دشمنك  
قسم کلنسیله کچیداجراسنه تشبثی تهلهکسی ،  
یالکز معین و مهم نقطه لری اشغال و محافظه  
ایتمک کلکمز لزو منی کوستر مکده در . دوریچبی  
موفقیته کارانه بر صورتده مدافعه ایتمکده کی  
مشکلات محتاج عرض و اتیان دکلدز ؛ ذاتاً  
دشمنك اصل کچید تشبثی ، (روسجق) ایله  
(ویدین) آراسندن وقوعبوله جقدر . طونه  
نهرینك بوقسمی اوزرنده نه قوتلی مواضع  
مستحکمه من نه ده دشمنه جدی بر مقاومت  
ابراز ایده بیله جک بیوک مفرزه رمز اولد  
یغندن روسلرک بوقدمدن موفقیته بر کچید  
حرکتی اجرا ایتملرندن تولد ایلیه جک هر نوع  
مسئولیتدن تماماً تبری ایدرم . هر حالده ،  
خجائتی فدا ایتمک و امکاناتک مساعد اولدینی

مرتبہ مدافعه ایتمک خصوصنه تماماً حاضر  
و آماده بولندیغی عرض ایلرم . »

ایشته بوراپور کوستریور که  
پادشاهک آرزو و اراده سی موقع تطبیق  
و اجرایه وضع ایدیله مامشدی . بتون  
بولرک نتیجه سی اوله رق سردار عبدالکریم  
باشاده کندیلکنندن قرار ویرمک قابلیت  
و خاصه سی بسبتون منعدم بولندیغی  
کورلیور . فی الحقیقه سردارک شو تلغرافنا .  
مه سندن ایله برضعف وتردد ، ایله برحس  
بدینی ، مأیوسیت و قرار سزلق تبین ایتمکده .  
در که حالت فکریه سی بو مرکزده اولان  
براردو باش قومانداننک زیر اداره سنده کی  
براردو آنجق مصیبت ادراک ایدر . عثمانی  
اردوسنک طالع و اقبالی ید اداره سنه مودوع  
اولان ذاته ، هر نوع مظفریتک ایلمک واک مهم  
شرطی اولان آرزوی مظفریت ، عزم قوی  
مظفریت تمامیه مفقود ایدی . عبدالکریم  
پاشا دها بدایتدن اعتباراً کندینی مغلوب  
و منهزم ایدلمش کورینیور ؛ روسلرک کچید  
حرکاتنه مقابله ایتمکده برحس عجز  
طویسوردی ، حقیقه سردار اگر مده یالکز  
عجز ، یالکز ناتوانی حساری واردی .  
براردو باش قومانداننک بتون سرائر ولدنیات  
اسباب موفقیته تشکیلی ایدن خاصه یعنی  
بهمه حال مظفر اولق ، شاهد افسونکار  
ظالیتی بهمه حال کندیسنه رام و مفقاد ایتمک

عزم و املی یوقدی ؛ قوه معنویه سی دها بدایتدن محو و منکسر اولمشدی .

بناءً علیه سردار ، حرب باشلامدن اول مغلوب و منهزم اولمش دیمک ایدی .

بتون بو احوالدن و بتون وقوعات تاریخیدن شو نتیجه تین ایدیورکه عثمانلیلر (طونه) کبی بر مانع قوی و جسمین استفاده ایلکدن صرف نظر ایتشار ، دها طوغری بی نه صورتلار و نه طرزده استفاده ایدیله بیله جکندن تمامیه غافل و جاهل بر حالده بولنمشاردی .

عثمانی پاشالی ، زهرک نه صورتله مدافعه ایدیله جکنی بیلیمورلردی . بتون حقیقت ، شو جملهده نمایاندر .

دائماً بر (مدافعه) دن بحث ایدیلور و فقط بو (مدافعه) هیچ اجرا ایدیلوردی اقوای مأمول . بو اوزون خطک طوغری بدن طوغری به مدافعه سنک عدم امکانی حقدنه بر قناعت حاصل اولمشدی .

حالبوکه طونه مانع جسمینک عثمانلیلر طرفندن دها بدایتدن اعتباراً دخی نه کوزل بر صورتده مدافعه ایدیله بیله جکنی ، (پلونه) تسمیه ایدیلان حادثه ناکهانی رعنا ، اثبات ایدر . عثمان پاشا ، (زشتووی) کور بیسنه قارشو اولان اومدهش تهدیداتیله ، روس اردوسنی ، طونه بی کچدکنن بر خیلی زمان

عبدالکریم پاشانک النده کی قوتی طرز تقسیم و توزیعی ، دائماً جدی تقییداته معروض بولنه جقدر . دها بدایتدن اعتباراً شایان تأسف بر انقسام ، قوای موجوده نک فرقه فرقه طاغیتمسنی مشاهده ایدیورز .

زمانبر اردولرنده (بیوک تعبیه جزو تامی) تشکیل ایدن ، (سوق الجیش جزو تامی) حکمنده اولان قول اردو ، اوت قول اردو ناموجود ایدی .

عزت قوادپاشانک (غائب اولان فرصتار) نامنده کی اثرینک (سردارک پلانی) فصلانندن شوافکاری التقاط ایدیورز :

« اردو بو صورتله ، فورطنه زمانی کندی کندینه حرکت ایتکه غیر مقتدر ، برنجی صنفدن بیسوک بر زرهللی به بکزه بوردی . اردو ، دشمنه طوغری طور پیل مقامنده فرقهلر آتیور فقط بر برینی متعاقب ایلان بو فرقهلر روس اردولرینک بحر محیطی ایچننده ،

در عقب قباستان رخنه لردن بشقه برشی  
 حاصل ایدمهیرك محو اولوب كیدیوردی .  
 بعض محررلر سرداره ، روسلرك  
 ( زشتووی ) دن و ( طرنوه ) اوزرندن  
 كله جكگرینی حس ایدرك دشمنك هر ایکی  
 جناحنی تهدید ایدمه جك صورتده اخذ موقع  
 ایتمش اولدیغنی عطف ایدیورلر . وقوعات  
 حقیقه نك تدقیق بوفكرك ، اختیار سرداره  
 اصلا تسادر ایتامش اولدیغنی کوسترر .  
 ذاتاً ، عثمان پاشا قوتندن باشقه ( یانتر ) و  
 ( اوسما ) نك غربنده همان هیچ عسکر  
 یوق ایدی .  
 دشمنك هر ایکی جناحنی تهدید ایتمه  
 مقتدر بر ترتیبات اخذ ایتك فکری  
 سردارك افکار حقیقه سی ایله بر تضاد  
 تشکیک ایدر . فی الواقع سردار روس  
 اردوسنی قلاع اربعه یه جلب ایتمه چالیشیور  
 و ( شمنی ) ده طوبلادیغنی قول اردودن بشقه  
 هیچ بریده قوت تحشید ایتمیوردی . هر  
 طرفده پریشانی ، طارمه طاغینقلق واردی .  
 حالبوکه شمنی ، بر ( انتظار موقعی ) دکلدی .  
 بو مستحکم اردوگاه ، ( مرکزی بر نقطه  
 س-وق الجیشی ) دکلدی . چونکه ( موقع  
 سوق الجیشی ) ( موقع جغرافی ) دیمك  
 دکلدر .  
 محمود مختار پاشادخی بر اترنده ( شمنی ) موقعنك  
 درجه اهمیت حقیقه شو مطالعاتی در میان ایشدر :

« بر نوع مستحکم اردوگاه تشکیک ایدن  
 بوشمنی قلعه سی ( ۲۹ - ۱۸۲۸ ) حربنده  
 مهم بر رول ایفا ایتامشدی . او دورده  
 عثمانلی اردوسنك حالی طونه بی یالکز پك  
 آز بر قوتله اشغال ایتمه مساعد بولنیوردی .  
 روسلر بوضعیف برده بی دلادکن صوکره  
 ( دوبریجا ) دن ایلرولدیلر . عثمانلی اردوسنك  
 قسم کلیسی ده هوز ( شمنی ) و ( وارنه ) ده  
 تحشید ایله مشغول بولنیوردی . بناء علیه  
 ایلك مصادمه لر ، طبیعتی ایله بورالده وقوع  
 بولدی ، فقط ۵۴ - ۱۸۵۳ ده شمنی هیچ  
 بر رول اجرا ایتامشدی . ۱۸۷۷ ده ایسه  
 بتون حال ووضعیف ، شمنی بی اك آز شایان  
 اهمیت موقعلر عدادینه تنزیل ایلدی . شمنی  
 ( طونه ) دن ( ۱۳۰ ) کیلومتره مسافده  
 بولمقده در . بناء علیه بورایه قوای مهمه اقامه  
 ایتك ، او قوتلری نقطه متوجه دن لا اقل  
 ۵ کون اوزاق بولندیر مق معناسنی متضمندر .  
 وقایع اثبات ایتدی که احتیاط عمومیت بوقدر  
 اوزاق اوله جقلری حالده اك زیاده معروض  
 ته که اولان خطك یعنی ( نیکبولی ، زشتووی )  
 خطنك همان کیروسنده بولسه یددی روسلر  
 کچید حرکتی اجرا ایدمه جکلردی .  
 فی الحقیقه ( زشتووی ) ده کی ضعیف قوه  
 محافظه - که ۶ طاوور و ۱ بطاریه دن عبارتدر -  
 نام ۱۱ ساعت روسلرك هجوملرینه مقابله  
 ایشدی . اگر بو ائشاده ( بیلا ) و ( بلغارنه ) ده

بر قول اردو بولنوبده زشتووی مفرزه سنک  
 امدادینه کلش اولسهیدی ، کچید حرکتک  
 وقوعوله میه جغندن کیم شبهه ایدر ؟  
 عبدالکریم پاشانک فکر و مطالعه سنه  
 نظراً روسلر ( طونه ) یی ( روسجق ) ک  
 قربندن مرور ایده جک اولسه لردی بیله .  
 ( بیهلا ) ده بولنه جق قوتلر ( شمنی ) یه  
 نظراً ده از یاده ایشه یاراردی . ( زشتووی ) دن  
 یالکز یارم کوناک یورویش مسافده بولنان  
 بونقطه ( یانتره ) وادیسنک اناختاری مثابه سنده  
 ایدی ، لکن عبدالکریم پاشا بوراسنک بتون  
 اهمیتی تقدیر ایتکدن پک اوزاق کورونیور .  
 عبدالکریم پاشا مدافعه نامه سنده یورکه :  
 « بیهلا دنیلان موقع روسجقندن  
 طرنوه یه کیدن شوسه نک یانتره صونئی قطع  
 ایتدیکی نقطه نک پیشکاهنده واقع برقریه در .  
 یانتره صونیک اوزرنده کی کورپی یه ده بیهلا  
 کورپییی تسمیه ایدیلور . بوکوپردن کچن  
 شوسه فی الواقع طرنوه یه کیدر ایسه ده  
 بوشوسه ، اساساً یالکز ( روسجق ) دن  
 کلنلر ایچوندر . حالوکه ( زشتووی ) دن  
 ( سلوی ) یه غایت کوزل بر شوسه واردر که  
 ( بیهلا ) نک درت بش ساعت آچیغندن کچر  
 وطوغریدن طوغری یه ( طرنوه ) یه کیدر .  
 ( زشتووی - سلوی ) یولندن آریله رقی  
 ( طرنوه ) یه ایصال ایدن بشقه بر شوسه طریق  
 واردر . روسلر ( طرنوه ) یه کیتمک ایچون

بوصوک طریق اختیار ایتشلر ، ( بیهلا )  
 موقعندن کچه مشلر درر . بوحاله نظر ( بیهلا )  
 موقعنک الله طوتلمسی دشمنه ( طرنوه ) یه  
 یول ویرمامک دیمک اولمیه جنی جهته فائده سنر  
 اوله جنی کچی اولیه جزوی قوتله اوراده  
 طورلمسی نه درجه تهله کلی اولدینی ده ارباب  
 فنک معلومیدر . زیرا بیهلا روسجق دن  
 طقوز اون ساعت مسافده بولندیغندن  
 ( زشتووی ) ده بولنان دشمنک بومسافه دن  
 بالاستفاده ( یانتره ) یی مناسب محللردن کچرک  
 بیهلا ده کی قونک آرقه سنی آلمسی پک قابلدر .  
 ایشته بواسباب و مطالعانه و ذاتاً اوراده قوت  
 بولندیرمقدن هیچ بر استفاده حاصل اولمیه .  
 جغه و دشمن بوصورتله موضعک آرقه سنی  
 آله جق اولورسه تخلیص ایچون الله کافی قوت  
 بولنمامسنه منی و روسجق فرقه سنندن بیهلا ده  
 بولنان مفرزه یه فآلزوم کورنمسندن طولانی .  
 اشبو مفرزه ، روسجق ایله تأمین مواصله ایتک  
 ایچون ( تیرسنک ) . قدر چکدیرلمشدی .  
 عبدالکریم پاشانک بومحاکمات منطقیه سی  
 کندیسندن باشقه هیچ بر عسکره قناعت  
 بخش اوله جق برماهیتی حائر دکلدر . ذاتاً  
 مرحوم مشارالیه بوراده ( بیهلا ) یی انجق  
 روسلر طونه دن کچدکدنصکره نظر دقنه  
 آلیور . طونه نک مدافعه سی ایچون هیچ  
 دوشونیمور بیله .

الحاصل انهم املك اصل ميقروبي قوتى طاغتمق دن  
عبارتدى. بو طاغتمقلىق كىفئىتى حربك بدايتده  
اولدينى كىي نا نهايتده قدر دوام ايده جكدرد.  
عزت قواد پاشا بو خصوصده شو مطالعاتى  
سرد ايتمشدر :

« بو حربه، بتون ديكر حربلرده اولدينى  
كبي، شفا ناپذير مفرزه خسته لغنه دوچار اولدق.



محمد رشدى پاشا

صره سى كادجه كوره جكمز اوزره، هر برده،  
باشقه باشقه هدفلر تعقيب ايندن متفرق قوتلر  
بولتيوردى. شيبقه اردوسى، خصوصى بر هدفه  
قارشو كندى باشنه. حركت ايدبور، رازغراد  
اردوسى خفيف و طيار فرقه لرينى كنيش  
بر جبهه اوزرنده يوروته ترك ايلرويه يالكر  
مفرزه لر سوق ايليوردي. پلونه بيله بر

مفرزه دن بشقه برشى دككلاى . حرب  
باشلا دىنى زمان طونه به اك يقين اولان  
قطعات عسكرىه (ويدن) ده عثمان پاشانك  
ضعيف قول اردوسندن عبارت بولتيوردى.  
بوشهر ايله نيكبولى آراسنده بر قاچ پياده  
طاבורى واردى . (نيكبولى) نك كندىسى  
بر پياده لوانسى طرفندن محافظه ايدليوردى.  
(روسجق) ده بر فرقه واردى . بو فرقه  
(زشتووى) به برلوا ، (روسجق) ايله  
(ساستره) آراسنه بر قاچ طابور اقامه  
ايتمشدى. فقط بتون بو قوتلر قارمه قاريشق  
ارتباطسز ومواصله سز وانتظامسز بر حالده  
ايدى . بر هرج ومرج واردى كه تصويره  
صيغماز . (شعنى) ده سردار ك قرارگاهى  
وايكى پياده فرقه سى طويلانميشدى . بر  
طرفندن ده بر سوارى فرقه سنك تشكيلاتيله  
اوغراشيليور ايندى . او مدهش روس  
سواريسنه قارشو تكميل روم ايلي قطعه سنده  
المزده بولنان ييكانه سوارى فرقه سى ايشنه  
بوندن عبارت ايدى .

سردار نه تخيل ايدليوردى ؟ نه بايق  
ايسيوردى ؟

سردار ك مدافعه نامه سى شو بر قاچ كله  
ايله خلاصه ايديله بيلور :

« روس اردولرينك ابر كچه بر كچيد  
نقطه سى بوله رق هر چه باد آباد كچه جكلرى  
محقق بولنديغدن انلرك كچمسنه مساعده



ایتمک ، صوکره قلاع اربعه یه جاب ایتمک  
و بردقمه بومنطقه ایچروسنه کیردیلمی ،  
بی تاب برحاله کتیره رک آری آری منہزم  
ایتمک . »

آشکاردرکه بوبلان اساسندن مجروحدر:  
زیرا روسلرک مطلقاً بو صورتله حرکت  
ایده جکلرینی نصل امید ایتملی ؟ روسلرک



راشد پاشا

هدف اصلی به ایصال ایدن اک طیبی واک  
طوغری طریق انتخاب ایده جکلرینه نهدن  
حکم ایتمه ملی و ایلرویه طوغری یورو-  
یشلرینی ایکنجی درجده هدقلر قارشو-  
سندہ بتمز توکنمز حرکتلرله بالذات  
تعطیل ایده جکلرینه نصل اطمئنان ایدیه  
بیلر ایدی ؟

فی الواقع قلاع مستحکمه خصوصی  
ومستقل برمنطقه تشکیل ایدیوردی . دشمن  
زشتووی دن کچدیکی حالده خطوط مواصله سنی  
طوغری بدن طوغری یه و مؤثر بر صورتده تهدید  
ایتمور و پاتخته خط مستقیم اوزرندن ایصال  
ایدن بیوک طریق سوق الجیشینک تماماً  
خارجنده قالیوردی .

اگر بو کذرکه بوینجه مثلاً زشتووی ،  
طرنوه ، شبقه ، اسکی زغره ، سیملی و  
ادرنده مواضع مستحکمه ویا هیچ اولمازسه  
توقیف طابیه لری بولمش اولسه ایدی مدافعینه  
فوائد جدیه تأمین ایدردی . اوندن بشقه  
خط مذکورک یان طرفنده کائن اولان  
استقامتده یعنی اورخانیه ، اهتمان ، تانار  
پارارجق ، قلبه اوزرنده بوقییل استحکامات  
موجود اولسه ایدی ینه عین تأثیر حاصل  
اولوردی .

پلونه نك بغته ظهور ایدرک روسلرک  
استانبوله متوجه اولان تعرضلرینی توقیف  
ایلمی بو محاکمتمزه بر برهان مؤیددر .

مع هذا شونی ده سویلکه مسارعت  
ایده لم که پلونه حوالدینده استحکاملر اولدیغی  
ایچون روس اردوسی دورغه مجبور اولمادی .  
خیر بو توقف استحکاملردن نشأت ایتمه مشدر .  
باخصوص که هرا یکی اردو یکدیگرینه تصادف  
ایتدکلری زمان استحکام دکل اک ادنا آوجی  
خندقی بیله یوقدی . برکیجه ایچنده توقیف

طایه‌سی ایجاد ایدلدی . احوالک سوق و ابرامیله واکهانی برصورتده ایجاد ایدلدی . ایشته بودرکه عین ضربه ایله شیلدئر شولدئرک و (قرودر)ک مصادماتیله برابر (غورقو) نک ده صولتنی توقیف ایتشدی .

روسلر بوصولته جرأت دورندن اصول وقاعده دورینه رجوع ایتدیلر . لکن عین زمانده روسلرک سوق الجیش یالسی مدھش برسکتیه دوچار اولمشدی . ایشته بوسکتیه نی حاصل ایدن قلاع اربعه اولامشدر . وبالآخره پلونه بالذات محاصره و تجرید ایدلدیکی زمان نه شرقده کی نه غربده کی عثمانلی اردولری روسلرک بالاده ذکر ایدیلن ایکی سوق الجیش استقامتدن استانبوله یورویشلرینی منع ایدمه مشدر .

سردار قلاع اربعده برپلونه ظهورینه انتظار ایتمش اولسه یدی پک چوق بکلیه جکدی . وقتا که روسجق اردوسی زشتووی اوزرینه تشبث ایلدیکی یورویشده عدم موقیته دوچار اولدی . اگر روس اردو سنک صاغ جناخنده پلونه ظهور ایتمه مش اولسه یدی روس اردوسی عظیم بر قوتله شپقه دن دولا شرق ادرنه یه کله جک و سردار ، دشمنلرینک زیارتنه بیوده یره انتظار ایدمه جکدی .

عبدالکریم پاشا عجبا قلاع اربعده قالمقله بریان موضعی می اشغال ایتدیکنه

ذاهب اولیوردی . حالبوکه بوذهاب برخطیئه عظیمه در . بونی بروجه آتی اثبات ابده جکئر بریان موضعی کندیسندن بکله نن فوانده وفا اینک ایچون شو اوچ شرط اساسی نی حائر اولسی لازم کلیر :

۱ — بوموقعه بر قاق ساعت ایچر و سنده قوه کلیه ایله طوبلانیه بیلملی .

۲ — بوموقع دشمنک خط الحراکنندن برویا اعظمی ایکی کونلک یورویش مسافه سندن دها اوزاق اولماملی .

۳ — منطقه تمشد ایله دشمنک یورویش استقامتی آراسنده قابل مرور عرضانی یوللر موجود اولملی . بلا مشکلات ؛ (تهدید) دن (اجرا) یه کچه بیلملی .

حالبوکه (شمینی) دن (زشتووی) ، بالقان) خطنه قدر ۱۵۰ کیلو متره لک بر مسافه اولدینی کچی بومسافه اوزرنده قابل مرور هیچ بر یول یوقدر . اولا (روسجق) قدر چیقمق و صکره دشمنک جناحنی ویا کیریلرینی تهدید ایتمک جهتی اختیار ایدیه جک اولسه بونک یوزندن یولک طولی ۱۰۰ کیلو متره دها زیاده اوزاردی !

(تهدید) دن (اجرا) یه کچمک مانوره . سنک صورت اجراسنه کلنجه ؛ سریع بر تجمع و تمشدک عدم امکاننه مبنی بومانوره دادتا عدیم الامکان ایدی ؛ زیرا ، الله موجود

آرتق بر کویک ، بر قصبه نك محافظه سی  
خصوصی اونو تلمیدی .

« الحاصل کافی درجه ه ایضاح ایدلمش  
ظن ایدرز که سریع رتجشده امکان موجود  
اولمازسه ، قلاع اربعه ، نه قدر ایو بر صورتده  
مسلح اولمش بولنورسه بولنسون ، هیچ  
بر زمان بریان موضعی تشکیل ایده مازدی .

بالعکس ونته کیم حقیقت حالده واقع اولدینی  
کبی ، خاصة چارویچ اردوسنک ، ، استیلا  
اردوسنک حرکاتی شرقه طوغری ستر  
ایتمک وظیفه سنی ایفایه تخصیص ایدیله جک  
اولسنه وبوصورتله ، کندیسندن خارقه لر  
بکلنان قلاع اربعه نك تمامیله تجرید ایدیله جکنه  
انتظار ایتمک لازمکلوردی . غراندوق بزم  
اوزرمزه بو مواضع مستحکمه ده هجوم  
ایتمکدن امتناع ایده جکنده و وظیفه سنک  
منحصراً ، خط الحركات اوزرنده بولنسان  
دیگر اردولری ستر و محافظه دن عبارت  
بولنه جغنده شبهه ایتمامیلدی .

(لوم) ایله (یانتره) - بویکی موازی  
خط آراسنده - شرق روس اردوسی  
(تامپون) وظیفه سنی ایضا ایدیور . . .  
هیچ برشی کوستر مکسزین ، وظیفه سنک  
ایجابانه کوره گاه ایلرولور ، گاه کری  
چکیلیوردی . . . سردار اونوتیوردی که  
کورمک ایچون اکثریا محاربه لر ویرمکه لزوم  
واردی وبومحاربه لری ویرمک ایچون روسلرک

اولان قطعات ، لاتیحصی مواقعه طاغتملش  
اولدقدن ماعدا بومفرزه لری اعلان حربدن  
بری اقامه ایدلمش اولدقلری مواقعدن قالدیره -  
بیلیمک ایچون اوزون اوزادی به مجادله ایتمکه  
مجبوریت واردی .

هر نه وقت که بومفرزه لری بشقه بریره سوق  
ایتمک ایچون بولندقلری مواقعدن قالدیرمغه  
تشبت ایدیلیوردی ؛ درحال پریشان برخلقک  
اینن وشکایتلری ، فریاد تظلم کارانه سی عیوقه  
حقیقمغه باشلار ، فلان ویا فلان موقعک تخلیه  
ایدلامسی استرحاماتی حاوی بر باران استدا  
یاغاردی .

متصرفلر ، قائمقاملر ، علی الخصوص  
تلغراف مدیرلری بتون بو خصوصی منطقه لریک  
تعیبه استادلری ایدیلر . . . بومتصرفلر ،  
بو قائمقاملر ، بومدیرلر حرکات پلانلرینه  
قاریشیورلر ، استانبوله تلغراف کوندریورلر  
وبوصورتله اکثریا ، فلان مفرزه نك فلان  
موقعده ، فلا طابورک فلان قصبه ده براقلمسی  
اسرینی استحصال ایدیورلردی . بونک  
سیئته سی اوله رق بر چوق موقعلر ، لایعد  
امتیازلی موقعلر تکون ایدیوردی که بر  
سردارک فائده لی بر صورتده بر آرایه طوبیلایه -  
بیله جکی بتون قوتلری ایله معطل بر حالده  
براقیوردی .

بو حال ، اک فنا بر حال ایدی ؛ وطنک  
سلامت عمومی سی ایله اوغراشلدینی بر زمانده

روسلر بزم اراضیمزه داخل اولور  
اولماز (هدف اصلی) نك استحصاله توجه  
اظار ایتشلر ایکن عبدالکریم پاشا بالعکس  
یالکنز ایکنجی درجهده هدفله عطف  
اهمیت ایتکله مشغول اولیوردی . ماوره  
ایتمک فکری ، سردارک تربیات و تصور اتنده  
اصلا داخل دکلدی . سردار ، صرف تعیبه  
ملاحظاتیله هینوتیزه اولمشدی . دهاغری  
شودرکه خصمنکده مانوره یاپهجنفی قبول  
ایتمک ایستمیوردی ! خصمنی کندیسندن  
باشقه درلو دوشونمکنن قابلیتسر عد  
وتخمین ایدیوردی . سردار ، اکتساب  
ایلمش اولدینی قاریشیق ویاککش برسوق-  
الجیش افکارینه نظراً قوتلرینی طاغتمقله ،  
هر طرفه عسکر اقامه ایتکله خصمنه کندی  
مقصدینی القا واونی او یولده حرکت اجبار  
ایده جکنسه قائل بولنیوردی . نه بحرمانه  
فکرلر ، نه خطرناک قناعتلر ، نه مصیبت  
انکیز خولیلر ؛ نه شین آور جهالت !  
سردارک قلاع اربعه بی مرکز مدافعه اولمق  
اوزره انتخاب ایتسنک بر دیگر سببی ده ارزاق  
وما کولانک تأمین وتدارکی غائله سنندن عبارت  
ایدی . اردونک اس اللوازمی بالضروره (وارنه)  
ایدی . وارنه پایتختدن بحر آ برکونک مسافهده  
ایدی .

لکن بو سبب ، (زشتووی) ده طوب  
باطلادینی زمانده شمینی ده قاپانوب قالمق ایچون

کندی اشغال ایتکده اولدقلری کوزل  
مواضعی ترک ایدرک بزم او مکمل مستحکم  
اردو کاهلر مزه هجوم ایده جکلرینی ظن ایتک پک  
معصومانه و طفلانه اولوردی . بیوک فره دریق :  
« محاربه بی قبول ایتمالی اونی قبول ایتدیرملی . »  
دیشدر . حالبوکه بر طرف ، اولدینی یرده  
عاطل قالمقله خصمنی محاربه بی قبوله اجبار  
ایده ماز . بناءً علیه دشمن اردونک تشکیل  
ایلدیکی پرده نك آرقه سنندن جریان ایدن وقوعاتی  
کورمک و دشمنک کورمسی منع ایتک ایچون  
خصمک قوای اصلیه سنی تخری ایدرک میدان  
محاربه سی ویرمک اقتضا ایدردی .

حالبوکه سردار ، منحصر آ تدافعی اولان  
پلانندن بولزوم حقیقی سوق الجیشی بی اصلا  
کوزه تماش ، یالکنز روسلری چکمک ،  
مغلوب ایتک وبعده تعقیب ایتک امللرندن  
بحث ایتکله اکتفا ایشدر . لکن (تفوق  
سوق الجیشی) ضایع ایدلکدن صکره بوکبی  
عودت تعرضیلر اجراسی قابل دکلدر .  
ناپولئون . « صنعت ظفر ، بعضاً پک جرأتکار ،  
بعضاً پک احتیاطکار اولمق صنعتندن عبارتدر »  
دیشدی . حالبوکه سردارک تربیاتنده یالکنز  
احتیاط بر رول اوینایوردی که بو موجب  
شامت در .

الحاصل بردفعه دهانکرار ایده بیلورزکه  
روسارک قلاع اربعه یه کله رک بزه هجوم ایده .  
جکلرینه انتظار ایتک طفلانه بر فکر در .

برسبب مهم اولوق ماهیتینی حائز دکلدی .  
 سردارک مانوره ایتمک فکرینه قارشو  
 درمیان ایلدیکی اک صووک اعتراض ، اعاشه  
 واداره مسئلهسی ایدی . اکر اوزون یورو-  
 یشلر ، برچوق مرحلهلر ، قوناقلر والحاصل  
 بیووک مقیاسده برتعرض موضوع بحث اولمش  
 اولسه ایدی وسائط اعاشه واداره لک شایان  
 تأسف حائنه نظراً بوخصوصده سردار حق  
 قرانه بیلیردی ... لکن بز موسقوه به کیتیمک  
 املنی پرورده ایتمیوردک . یاییله جق ک اوزون  
 یورویش اعظمی ۱۵۰ کیلو متره طولنده  
 اوله جقدی . باخصوص که حربک بدایتده  
 تکالیف حربیه صورتیله مملکتدن ارزاق  
 ندارک ایتمک دائمی ممکن اولدینی کبی بو  
 ( یورویش ومانوره ) ، ایستر مسعودانه  
 ایستر بدبختانه اولسون ، پک قیصه برمدتی  
 حاوی اوله جقدی .

نصل حاضرلامش اولدینی کورهم .  
 حرب ۱۰ نیسانده اعلان ایدلمش ،  
 مخصصات ایسه انجق حزیران نهایتده  
 باشلامشدی . دیمک که تقریباً اوچ آیلق  
 برزمان واردی . یعنی فطرة جنکاور اولان  
 قطعات عسکریه یی حربیه حاضرلامق ایچون  
 ایجاب ایدن زماندن دهافضله برزمان  
 واردی . کمال عزم وشدتله چالشلمش  
 اولسه ایدی قادرولر احضار ایدیله بیلیردی .  
 واک زیاده لازم اولان و . . . . اک امین  
 یاییله بیله جک اولان شی ده بو ایدی .  
 سردار روسلرک طونه پیشگاهنده  
 عرض وجود ایتمک ایچون بو قدر اوزون  
 برمدت تأخر ایده جکلرینه انتظار ایده-  
 بیلیرمی ایدی ؟  
 شهه سزکه انتظار ایدردی . موسم  
 یاغور موسمی اولدیغندن وولار صولرک  
 فیضانیه استیلا ایلدیکنندن روس اردولری  
 رومانیا ده تجمع و تحشد ایتمک ایچون پک  
 عظیم مشکلاته دوچار اوله جقلری بدیهی  
 ایدی . باخصوص که روس طرق حدیده سی  
 رومانیا طرق حدیده سنه نظراً ده اکنیش  
 اولدق لرنندن شمندوفرلرله کلن قطعانی  
 رومانیا حدودنده شمندوفردن ایندیروب  
 یکیدن بیندیرمک اقتضا ایدیلیردی که جسم  
 براردو ایچون بونک پک بیووک تأخرله  
 بادی اوله جنی آشکاردر .

عجبا بزم آبا واجدادمز ، شوسه ، عربه ،  
 شمندوفر قطعاً مفقود اولدینی وهر برطوپ  
 کله سی شمندیکی بر جبخانه عربه سی قدر  
 اغر اولدینی بر دورده (ویانه ) یی محاصره  
 ایتمک ایچون استانبولدن قالقوب سفره عزیمت  
 ایتدکاری زمانده نه صورتله اداره مصلحت  
 ایدیورلردی ؟  
 بز اولرک اولاد واحفادی دکلی بز ؟  
 پلانک ماهیتینی کوردک . شمدی  
 سردارک ، یاننده کی قطعانی بو بیووک غوغایه

بتون بواحوالی تخمین ایدرک وقوع بوله جق مصادمه بی قبوله فعالانه بر صورتده حاضر لائق بر امر ممتنع دکل ایدی .  
ار قدر قیمتلی اولان بورچوق هفته لر ظرفنده شمنیده نه یاییلیور ایدی ؟

عبدالکریم پاشا وارکان حرب رئیس مشیر احمد ایوب پاشا اوایی کوزل پیاده فرقه سیله آلتی آلی و کترتلی برچرکس سوار بسندن مرکب سواری فرقه سنی تعلیم ایتدیرمکه مشغول اولمقده ایدیلر .

فقط بسبتون مفقود و معدوم اولان برشی واردی که اوده اردو ارکان حربیه سنک تشکیلاتی ایدی !

دها اوزماندن اعتباراً منتظم براردو قرارگاهی تشکیلی ایتمک و بو قرارگاهده خدمات آیه بی تنظیم و تأمین ایلمک ایجاب ایدیوردی :

- ۱ . استخبارات خدمتی ؟
- ۲ . منزل خدمتی ؟
- ۳ . اردونک هر کونکی وضع الجیشینک تنظیمی و حرکانک تعقیبی ؟
- ۴ . روس اردولرینک هر کونکی وضع الجیشلرینک تنظیمی ؟
- ۵ . رومانی اردوسنک هر کونکی وضع الجیشینک تنظیمی ؟
- ۶ . موصلات و کریده کی خدماتک تأسیس و تنظیمی .

اوندن بشقه سردار بو تعطیل مدتی اناسننده ضابطانه صباحدن اقشامه قدر خدمت سفریه تطبیقاتی یاپدیرملی ایدی .  
خدمت سفریه تطبیقاتندن مقصد براردونک تعرض نقطه نظرندن تعلیم و تربیه سنندن عبارتدر ! برقاچ هفته ایچنده هر کس بو مقصده کوره تربیه ایدلمش اوله بیلیردی .

بزه ، شمنی ده برکون ، یالکز برکون سواری به کشف تعلیمی یاپدیرلمش ایدی !  
خاطر لیورم که بزاردو کاهلردن اون کیلومتر و قدر اوزاقلاشمشوق . . . .

کشف خدمتی کنج سواری ضابطاننک تربیه سوق الجیشیه سیدر . حالوکه بونکه هیچ اوغراشلماش ایدی .

کذلک بز نه دشمنه تمس پیدا ایتمک ونه ده شاید تصادفاً تماس پیدا ایدیلر سه اونی محافظه ایتمک ، نه کیزلنمک نه ده دشمنه دائر بر معلومات آلتی اصولنه واقف دکل ایدک .

بونکه برابر بوزمان ، کرک شمنی ده کی فرقه لر ایچون کرک دولتک قطعات سائره سی ایچون بر دور استحضار دیمک ایدی . هر کس ایش باشنده ایدی . هر کس - فقط اولدینی یرده - اوغراشوب دور یوردی .

عجبا نه یاییلیوردی ؟

هیچ - یا خود همان هیچ برشی .  
نه ایچون ؟ چونکه روس اردولرینک بزه بخش ایتدکبری بوش زمانلردن استفاده

اردو کا ہدہ حاضر بولنان ضابطہ اردن  
بالکنز بر قسم قلیلی حائر اولدقلری رتبیہ  
عادلانہ بر صورتہ احراز ایتمش ایدی ؛  
اکثریتی محیلر، ملتسملر تشکیل ایدیوردی!  
التماس، کیف و هوس وانتساب: قدم وانتخاب  
یرینه قائم اولیوردی .

هر آدیم باشنده، هر طرفده، آلایلرک،  
لوالرک فرقلرک باشنده بیوک بیوک امرا  
وارکان کورولیوردی که بعضلری مجلسلرده،  
دیوان حر بلرده، قلملرده دیگر بعضلری  
فابریقلرده، آنبارلرده قطع مراتب ایتمشلر  
ایدی ... چونکه بونلر یا برباشانک دامادی  
ویا اوغلی ویا بر صاحب نفوذک منسوبی ایدی!  
لکن هیچ بر تحصیل کورمش ضابط یوقی  
ایدی؟ فصل یوقدی هم پک چوق واردی ...  
قوزموغرافیا بیلان، کیمیا، حکمت طبیعیه،  
میخانیک آسمانی، تقسیم اراضی، حساب  
تمامی وتفاضلی بیلان ضابطلر واردی. حیفا که  
بوضابطلر بر بیوک قره غولی یرلشسدرمک  
ویا برقولی یوروتمک ایجاب ایتدیکی زمان  
پک صیقیلیورلر، شایان مرحت بر حاله  
کیورلردی .

سوق الجیشه دائر کتابلر، اسفار سالفه  
کیبره نك تاریخچه دائر اثرلر لسانمزده عادتا  
یوق مثابه سنده ایدی. نظری اولهرق پک  
آشانی، عملی اولهرق هیچ درکه سنده  
بولنیوردق. فی الواقع سلطان عبدالعزیز

ایتمک ایچون نه یایمق لازم کله جکنی کیمسه  
بیلمیوردی ؛ — حالبوکه بووقتلر آلتوندن  
دها قیمتدار ایدیلا!

هر حربک بدایتنده عجمی قطعلر وبا  
خصوص عجمی بر سواری بولنور. کشف  
خدمتی کافی درجهده بیلمین بر چوق عجمی  
ضابطانده بشقه .

بوکبی احوالده اکر دشمن اعلان حرب  
ایله سفرك بدایتی آره سنده بر ویا ایکی آیلق  
برفاصله ویره جک اولورسه بومدته بر چوق  
نقائص اصلاح ایدیله بیلیر. بو آئنده اوقات  
سائر دن زیاده بر فعالیت ایله چالیشیلیر .

حالبوکه بزم ششمی ده مانوره تسمیه  
ایتدی کمز شیلر ساده جه تعلیم و تربیه ابتدائیه دن  
عبارت ایدی که ذاتاً بونی هر کس کافی درجهده  
بیلمیوردی ؛ اصل او کر نلسی لازم اولان  
شی بیلمین شیلر ایدی و بوشیلری او کر تمک  
لزومنی کیمسه خاطرینه کتیر میوردی ؛  
بالکس هر کس کندیسنی مکمل عد ایدیور  
وهیچ رکیمسه بیلدیکی محقق اولان شیلری  
او کر تمک احتیاجنی حس ایتمیوردی ...  
وامرلر مز کندیلرینک اساساً حائر اولدقلری  
معلوماتی بزه تعلیم ایتمک ایچون بالطبع هیچ  
براحتیاج دویمیورلردی !

— او مشعشع ونظر فریب نشانلر  
وعلی الخصوص « پاشا » عنوان افسونکاری،  
برانسانک حد ذاتنده لازم اولدینی کی طائلسی  
ایچون کفایت ایدیوردی !



« سلطان عبدالحمید خان ثانی »

[ جلوسدن اولکی رسمی ]





رو-یه چاری ایک-جی آکساندر

زمانندہ یا لکنز بر تک مانورہ اجرا ایدلیدی  
خاطر لانہ بیلور؛ و بومانورہ دہ یا لکنز بر کون  
دوام ایتمش ایدی !

اجداد من محاربہ ایدہ ایدہ بعض  
قواعد سوق الجیشیہ او کرشمہ لردی . انلر  
دائما بارکیر اوزرنندہ بولنورلردی ؛ ملت  
عثمانیہ ، بر ملت مسلحہ ایدی . ہر کسک  
عسکر لکہ انجذاب و محبتی ، ہر کسک  
عسکر لکہ استیناس و الفتی واردی . اک  
کوچک برضابطک ، اک عادی بر مأمورک بیلہ  
بر قاچ بارکیری واردی . بارکیرک کندیسیدہ  
پک مبذول ایدی . بتون جان صقیتیلر منک  
و بتون فلاکتلر منک اس الاساسی اولان  
جہالت ، بوکون آرتق موجود اولیان ،  
او اجداد منک باعث مباحاتی ، مدار سعادت  
حیاتی عرب آنلرینی محو ایتمک ایچون نہ  
زمان نددہ امکان بولہ میوردی .

ضابطلر ، کو بریدن حربیہ نظارتہ  
کیتیمک ایچون او آغر قابو طرینک اوستنہ  
بر پلہ رین کچیر میورلر ، نظرلری زمینہ  
معطوف و باشلری یقہ لرینک ایچنہ کومولش  
بر وضعیت آلیورلردی !

پایتخت دولت اہالیسی کندیلرینی  
خدمت عسکر یہ دن استئنا ایدن بو مجرمانہ  
امتیازی بو کونکی کبی سوء استعمال ایتیمور-  
لردی !

جرید کبی ، اوق آتمق کبی ، یایا و آتلی

مصارعہ لر ، بارکیرلہ خصوصی و یا خود  
جمعیتلہ اوزون سیاحتلر کبی کونا کون اسپورلر ،  
اہالیسک زندگی بدنی و معنوی لرینی محافظہ  
ایدیور و قانی ایی جولان ایدن ہر انسان  
کبی ، سالم دوشونورلر و دوشوندکلرینی  
تطبیق ایتمکہ مقتدر اولیورلردی .

پایتختندہ حکم فرما اولان بو فعالیت ،  
استانبول لیلرک بو اسباب زندگی و چالاکیس بو  
تعلیملر ، ممارسہ لریرینہ بو کون اوروپانک بیوک  
ملتلری نزدندہ بر تئمال قوت و شجاعت  
حکمندہ اولان دیکر نوع اسپورلر قائم  
اولماش اولدینی ایچوندرکہ الحالہ ہذا  
مملکتتمزدہ ، کینچلر میانندہ بیلہ ، صاعلام  
بر وجودہ مالک و برچوق ساعتلر سرعتی  
ویا درت نعل کیتیمکہ مقتدر ضابطانک عددی  
پک فیلدر .

سرعتی ! درت نعل ! ہیہات کہ سپا  
ہیلر منک و آقینچیلر منک او درت نعل  
دورلری پک کریدہ قالمشدر .

سرعتی ! درت نعل ! دور استبداد  
زمانندہ برضابطک بارکیرلہ خیزلی خیزلی  
کتدیکنی کورسہ لر ، در حال شہہلی اولمق  
اوزرہ تلقی ایدرلردی . ہم اوزمانلر پک  
بیوک بر پاشادن آلمش اولدینغ بر مکتوب وارکہ  
بونہ پاشا ، بارکیرمی چوق سرعتی سوق  
ایتمہ مملکتیمی ، چونکہ بونک محافل عالیہ دہ

اردوسی سرداری وظیفه سنی نه یولده ایفا  
ایده بیلیور ایدی ؟

طونه نك شمال ساحلنك طبیعتی و تشكلاقی  
حسیلیه طونه منصبندن ( ویدین ) ه قدر  
یعنی ( ۷۰۰ ) کیلو متره طولنده کی قسم  
اوزرنده بر کچید حرکتی اجراسنه بالنسبه  
مساعده اولان نقطه لر پك آز ایدی . بو  
نقاط مساعده ده ( ویدین ) قارشوسنده کی  
( قالات ) ، ( راحووه ) ، ( طورنوماغورلی )  
و ( نیکبولی ) نك قارشوسنده کی آطا منصبنده  
کائن ( فلاناندا ) حوالیسی ایله ( زینینجا ) ،  
یرکوک ( روسجق ) ، اولطانیجا ( طوتراقان ) ،  
قالاراش ( سیلستره ) ، حرزووا موقعلرندن  
و [ ابرائیل - قلاص - رهنی ] قسمندن  
عبارت در .

یوقاریده ذکر ایدلش اولدینی اوزره  
روس اردوسنك قسم کلیسنك ( بابا طاغ )  
منطقه سنندن کلسی ملحوظ دکلدی . بو  
منطقه نك اساساً طار و محدود اولسنندن  
ومدافعینك ( حرزووا ) نك شمالنده کی قوتلرینی  
بوموقعدن چورمک ممکن بولمسنندن طولانی  
( بابا طاغ ) منطقه سنك طوغری بدن طوغری به  
مدافعه سنندن صرف نظر ایدرک روسلری ،  
ایستر قوتلی ایستر ضعیف قطعات ایله ایلرو-  
لسونلر ؛ طوغری بدن طوغری به ( تراجان )  
خطنده و یا خود ( سیلستره - وارنه ) خطنده  
قارشولوق ده معقول و مصیب بر حرکت  
اولوردی .

پك فنا برتائیر اجرا ایلدیکنی توصیه و بیان  
ایلشدی ! . . . . .

ایشته سردارک ، حقیقت حالده کوسترمش  
اولدینی آثار رخاوت و عطالتدن طولانی  
یکانه معذرتی ، بتون بواحوال و وقوعانک  
سلسله ارتباط و نتایجی اوله بیلیورکه برباش  
قوماندانی اختیار تعرض ایتمک سوق و  
ترغیب ایده جک بر ماهیتی حائر دکلدر .  
بونکله برابر سردار ، قومانداسنی قبول  
ایتمش اولدینی ضابطان و وضعاته ، اعلان حرب  
کونندن روسلرک مملکت مزه داخل اولدقلری  
کونه قدر محتاج اولدقلری شوق و فعالیت  
القا ایتملی ایدی . — یکریمی درت ساعت  
ظرفنده چوق ایشار یاپیله بیلیوردی !

\*  
\*\*

الحاصل کوریلدورکه او زمانکی حال  
و وضعیت عمومی به نظراً روسلرک طونه دن  
کچملرینی طوغری بدن طوغری به منع ایتمک  
مشکل اولوب لکن بوکا مقابل روسلرک کچید  
حرکاته باشلاملرینی متعاقب همان ممکن مرتبه  
چابق یعنی روسلر قوتلرینی کاملاً نقل ایدرک  
طونه نك جنوب ساحلنده حریت حرکات  
اکتساب ایلدن اول آنلره هجوم ایتمک مقتضی  
وبونی یاقمق پك ممکن وقولای ایدی .

۱۸۷۷ سنهنده بو مقصدی ایفا ایتمک  
ایچون احوال و شرائط نصل ایدی ؟ عثمانلی

اشترا کرپاشا (خاطرات) نك ۳۵۵ نجی  
 صحیفه سنده دیمشدرکه :

«ایشته بومطالعاته بناء درکه عبدالکریم  
 پاشا ، (دوبریجه) یه بر قوت افراز ایدرک  
 اردوسنی حد ذاتنده ایجاب ایلدیکندن دها  
 زیاده طاغتمقدن اجتناب ایلشدی . بونکله  
 برابر (آشاعی طونه) یی بسبتون محافظه سز  
 براقعی غیر جائز عد ایلدیکندن علی پاشایه  
 ۸ پیاده طابوری ، ۱ سواری آلابی و ۳  
 بطاریه دن عبارت بر مفرزه ایله اوراده ،  
 برنمایش اجرا ایلك وظیفه سنی تودیع ایلدی .  
 بومفرزه یه طونه فیلوسنك بر قسمی استناد  
 ومعاونت ایلیه چکدی .»

بومدافعه نمایشکارانه نك اقتران ایلدیکی  
 عاقبت ، معلومدر . روسلره ، دها بدایت  
 امرده بویله سهیل بر مظفریت بخش ایتمک  
 مقصده دها موافق اولمازمی ایدی؟ روسلره  
 تماسی محافظه ایدرک کری چکیله چک اولان  
 ترصد قطعانی ۱۴ نجی قول اردویی اوزون  
 برمدت توقیف ایده بیلورلردی .

مع هذا (حرزوروا) دن چویرنك ممکن  
 اولسنه ورجعت حرکاتنك ده غیر مساعد  
 بولنسنه رغماً (حرزوروا) جوارنده بر منطقه یی  
 مدافعه ایتمک مطلوب اولدینی حالده بومقصدی  
 ایفا ایتمک ایچون شرائط مساعدده موجود  
 ایدی . بونك ایچون مدافعه یه فوق العاده  
 مساعد اولان (حرزوروا) ، (ماچین) ، (ایساقچی)

مواقعی جزوی قوتلره اشغال ایدلمی ومثلاً  
 (چرکس سلاوو) موقعنه احتیاط عمومی یی  
 اقامه ایتمی ایدی . بوموقعدن سالف الذکر  
 نقطه لره ایکی یورویشده یتشمک قابل اولوردی .  
 (هیرزووا) ایله (سیلستره) آراسندن  
 روسلرک کچمسی غیر قابل ایدی . روس  
 قسم کلینسك طونه نك اسکی یتاغی دینیلان  
 قسمدن مرور ایلمسی احتمالندن ده اصلاً  
 اندیشه ایدلمه ملی ایدی . شاید بویله بر حال  
 واقع اولسه بیله ، عثمانلیلر ، ائی تنظیم واداره  
 ایدلمش اولان بر خدمت استخباریه سایه نده  
 وقت وزمانیله بوندن خبردار اوله بیلورلردی .  
 انك ایچون روسلرک اصل کچید حرکتی  
 بدایت امرده یالکنز سیلستره ایله (الونا)  
 نهرینك منبعی آره سنده کی تقریباً ۲۱۰ کیلو  
 متره ک قسم اوزرنده وقوعه بوله چقدی .  
 انحق (قالاراش) و (یرکوک) نقطه لری ،  
 کچید حرکاتنه غایت مساعد ایسه لرده  
 (سیلستره) ، (روسجق) قلمه لر یله مسدود  
 اولدیغندن کری به کچید حرکاتی اجرا ایتمک  
 ایچون یالکنز (اولطانچا - طورتراقان) ،  
 (زیمینچه - زشتووی) و (طورنوماغورل) ،  
 فلانماندا ) مواقعی قالیوردی .

بوصوک موقعه ده واقعا (نیکبولی) قلعه سی  
 وار ایدیسده بوقعه طرز عتیقده اولدیغندن  
 موقعک مدافعه ومحافظه سنی تأمینه کافی  
 اوله مازدی .

بواج نقطه ، قوتی طاغتمق تهلکهسی اولقسزین ، قوتلی مفرزه لرله اشغال ایدیه . بیلوردی . قوای سیاره نك قسم کلیسی ایسه مثلاً جمع طرق اولان (رازغراد) و (بیله) ده حرکت آماده بر حاله بولندیرملی ایدی . بونقدیرده سیار اردونك کافهسی ، حتی (طوتراقان) و (نیکبولی) موقعلرینه قارشو بیله ، ایلك خبرورود ایلدکن صکره انک نهایت بشنجی کون ، محاربه یه ایشترک ایتدیریه . بیلوردی .

دولت علیه قلاع اربعه منطقه سننده هر نوع فداکارلقلر و مساعی ایله برابر (۱۲۰,۰۰۰) نفر دن فضله برسیار قوت جمع و تحشیدینه موفق اوله مامش اولدینی فرض ایدلدیکی حاله بیله بوقوت (۵ نجی علاوه ، قروکی ۲) ده ارا نه ایدلدیکی اوزره تقسیم ایدلمش اولسه ییدی معروض تهلکه اولان موافقه بروجه آتی مدت ظرفنده یتشمسی قابل اولوردی :

(طوتراقان) ه } خبرك و رودندن } سیلستره دن ۱۲۰۰۰ کشی } یعنی قوه محافظه } خبرك و رودندن }  
 ۴۸ ساعت } روسجق » ۱۲۰۰۰ » } ایله برابر } ۴ کون صکره }  
 صکره } رازغراد » ۳۰۰۰۰ » } ۶۰۰۰۰ کشی } ۹۰,۰۰۰ }  
 دیگر ۴۸ ساعت ظرفنده (بیله) دن ۳۰۰۰۰ کشی ؛ کشی

(زشتوی) ه } خبرك و رودندن } ۲۴ ساعت صکره بیله دن ۳۰۰۰۰ کشی } خبرك و رودندن }  
 ۴۸ » } روسجق دن ۱۲۰۰۰ » } ۳ کون صکره }  
 ۷۲ » } رازغراد دن ۳۰۰۰۰ » } ۷۸۰۰۰ کشی }

(نیکبولی) ه } خبرك و رودندن } ۶۰ ساعت صکره بیله دن ۳۰۰۰۰ کشی } خبرك و رودندن }  
 ۱۱۰ » } رازغراد دن ۳۰۰۰۰ » } ۵ کون صکره }  
 و } روسجق دن ۱۲۰۰۰ » } ۷۸۰۰۰ کشی }

طرز انقسام بو وجهله اوله بیلوردی و یا خود بشقه درلوده اوله بیلوردی . هر حاله اساس اولان عزم و مقصد در طرز انقسام ایکنجی درجه ده حائز اهمیت قالوره الحاصل بو طرز انقسامه کوره عثمانلی اردوسی قوماندانی اننده کی تکمیل قوتی دشمن هانکی نقطه دن کچید حرکتی اجرانسه تشبث ایدرسه ایتسون او نقطه یه طوغری ( احاطه کاری ) بر صورتده س-وق ایتمه که موفق اوله بیله جکدی که بونقدیرده (طوتراقان) ه

قارشو روسلرک کچید حرکانه باشلادقلری  
زماندن اعتباراً بشنجی کونی ، (زشتوی) ه  
قارشو ۴ نجی کونی ( نیکبولی ) به قارشو  
۶ نجی کونی تکمیل عثمانلی اردوسی محاربه به  
اشترک ایتمکه باشلامش اولوردی .

بزبوراده برکونلک یورویش مسافه سنی  
( ۳۰ ) کیلومتره اوله رق حساب ایلدک .  
بومقدار اورویا اردولرنده وسطی اوله رق  
قبول ایدلمش برمقداردر . حالبوکه عثمانلی  
عسکری ، باخصوص بویه احوال و شرائط  
فوق العاده داخلنده ، برکونده ۳۰ کیلومتره  
دکل ، ۶۰ کیلومتره حتی دهافضله مسافه قطع ایده  
بیلور . انک ایچون بوزمانی یاری یاری به ، هیچ  
اولمازسه برثلث تزییل ایتمک لازمکلور .

اندن باشقه (روسجق) ده و (نیکبولی)  
نک یوقاری جهتده تقریباً (وید) نهرینک  
منصبنده طونه فیلونسک قسم کلیسی بهری  
۶-۵ سفینه حربیه دن مرکب اولمق اوزره ایکی  
فیویه منقسم اوله رق حاضر بولندیرلملی و بونلره  
جسیم نقلیه کمیلرندن برقاچ سفینه ترفیق  
ایدلملی ایدی . بو سفینه لرک باشنده صاحب  
عزم و متانت قبودانلر بولنلق شرطیه ،  
روسلرک ( طونه ) اوزرنده کی اشتغالاتی  
طورپیل موانعه رخماً ، هر ایستلدیکی  
زمان قطع ایدیه بیلوردی . دروننده مرتبات  
بولمیان جسیم نقلیه سفینه لرینی نهرک جریانه  
ترک ایدرک طورپیل خطنه سوق ایتمک

صورتیه طورپیل خطنی تخریب و برهوا  
ایتمک عزم و ذکای شرک تحت اقتدارنده در .  
الحاصل ملاحظات سالفه دن شو حقیقت  
تیین ایدیورکه ممالک تمزه تجاوز ایدن  
روسلری دوچار مغلوبیت ایتمک ایچون  
امکان پک اعلا موجود ایدی . لکن بونک  
ایچون اردونک رأس اداره سنده عزمکار  
ونه ایستدیکتی بیلور بر قوماندان بولنسی  
شرط اقدم ایدی .

یوقاریدن بری سرد ایتدیکمز مطالعاتی  
اکمال ایتمک ایچون عزت فؤاد پاشانک عثمانلی  
اردوسنک تجمع سوق الجیشی حقه ده کی  
مطالعاتی ده نقل ایتمک ایستدک :

« یوقاریده دیمشدک که ( شمعی ) ده  
ایکی پیساده فرقه سی و برسواری فرقه سی  
واردی . ( شمعی ) ، برکوکب ایدی که  
حزبک بدایتده بتون امیدلر انک اطرافنده  
دوران ایتمکده ایدی . انک کوزل عسکرمن  
اوراده ایدی . لکن نه یأس آور بر منظره  
عرض ایتمکده ایدیلر : بعض کار قدیم آصمه  
ساعتلرده کی متادیا کیدوب کلن قورشوندن  
عسکرلر کی مشیرک چادرینک اطرافنده دونمک ،  
لایتنقطع دونمک ایجاب ایدیوردی . نصل که  
بعض آدملر ، برچفت کوزل چیزمه یی اسکیتامک  
ایچون اونی استعماله جسارت ایده مازلر ! ایسه  
سردارده بو عسکری استعمال ایتمکدن اردو-  
کاهدن پیشاری حیقارمقدن تماشای ایدیوردی .

ایدی ! لکن تعقیب ایدیلان مسلك (طونه) بویجه کوچك کوچك مفرزه لر طاغتمق دن عبارت ایدی . بومسلك شوقاعت بدبختانه اوزرینه مستند ایدی که بو مفرزه لر جدی بر صورتله تشبث ایدیله جك اولان برکچید حرکتی منع ایتمکه مقتدر اولورلر . حالبوکه جریان وقایع بو فیکرک عکسنی اثبات ایتمشدر !

بوکی مفرزه لری ، (منع) ایتمک ایچون دکل ، بلیمکه (کورمک) و (بیلدیرمک) ایچون اقامه ایتملیدر ...؛ و بر دفعه خبر آلتنججه ، عجله ایتماک لازمکلور؛ حتی دشمن قوتندن برقسمنک کچمنسه مساعده ایتملی ، لکن اجرا ایدیله جك سریع وقیصه بریورویش سایه سنده ، کچید نقطه سی اوزرنده قوای عظیمه ایله اثبات وجود ایلملی در . خریطه یه بر نظر عطف ایدیله جك اولورسه ، بونک اک ساده ، اک بسیط بر حرکت اولدینی تین ایدر . بونک ایچون ساده جه ، مثلاً (بیلا) کبی دشمنی تهدید ایدن بر موضع انتخاب ایتمک واوراده بکلمک ایجاب ایدردی . لکن دشمنی ایقاظ ایتماک ایچون ممکن اولدینی قدرصاقلانملی و تجمیع امری ویریلورودشمنک مقاصد حقیقیه سی کشف ایدیلور ایدلمازهان بو نقطه اوزرینه هر طرفدن یاقلاشملی ایدی . دیمک اولیورکه متعاقب ویکدیگرینه قریب برطاقم انتظار موضعه لرنده بولنقی

دها دشمن طرفندن احاطه ایدلمدن اول قرارگاهده بر احاطه نك حس اندیشه سی حکمفرما ایدی .

شو ملاحظه شایان دقتدر : اختیار سردارک عتیق فکرلریله امتزاج ایتمکه قرار ویریله جك اولسه بیله ، بو ایکی فرقه نك هیچ برزمان ، محیطی اوقدر واسع اولان ویا لکنز بر صره استحقکات ایله مدافعه ایدلمکده بولنان بومستحکم اردوکاهی مدافعه ایدمه جکلرینه حکم ایتمک ایجاب ایدر . (شمعی) ده مقاومت ابراز ایتمک ممکن اولدینی فرض ایدلسه بیله ، نتیجه بر محاصره یه منجر اوله جق یعنی اصل سیار اردومزک کاملاً تجرید ایدلمسندن عبارت قاله جقدی .

باش قوماندان (روسجق) ، (زشتوی) ، (نیکبولی) ، (طوتراقان) ، (وارنه) مواقعه ، حاصلی روسلرک کلمی ملحوظ اولان مواقع ایله هیچ برزمان کلیه جکلری مواقعه قوت اقامه ایتمشدی . عادتاً سردار ، عین زمانده هر نقطه ده ضعیف اولق ایچون انده کی قوتی کلیشی کوزل هر طرفه توزیع ایلمشدی . حالبوکه تکمیل بو قوت ، نقاط مناسبه سوق الجیشیه ده جمع و توحید ایدلمش اولسه ایدی ، ایلرولمکه تشبث ایده جك اولان ایلمک روس قول اردولری قطعی برانهزامه دوچار ایدیلورلردی . ایشته اصل بومیدان محاربه لرینه کندمزنی حاضرلا مقلغمز مقتضی

اقتضا ای دیوردی . بوموضعلرک نه برنهرک  
ججراگی ، نه قلاع واستحکامات منطقه سی  
اولسنه لزوم یوقدی . بلکه تقاطسوق الجیشیه  
متوسطه دن عبارت اوله جقلردی .

حال بوکه بویله حرکت ایده جک یرده سردار ،  
متصل قورشوندن عسکرمانیوله سنی چویربور-  
دی . ویا تخت سفر برحاله وضع ایده بیله جکی  
عسکرک کافه سنی سفر بر ایتک ایچون عظیم  
فدا کارلقلر اختیارایدرایکن بریده سردار ،  
کندیسی ، شرق اردوسنده نه قدر معطل  
براقیله سی ممکن عسکر وار ایسه هپسنی  
معطل بر اقیوردی .

بو یحیی ختامه ایردیرمزدن اول طونه نک  
ایلرودن مدافعه سی حقدنه بعض محررین متمازه  
عسکریه طرفندن درمیان ایدلمش اولان بر  
فکری ده موضوع بحث ایتک ایستورز .  
بوفکر بروجه آتی تشریح ایدلمشدر :

«دها بدایتدن اعتباراً طونه نک دها  
متعدی ، دها فعال و متشبثانه بر صورتده  
مدافعه سی نظر تأمله الخلی ایدی . بونک ایچون  
(طونه) بی بالذات کچمک و بناء علیه سرکوپریلر  
تأسیس ایلک ایجاب ایدردی .

اردو قسم کلیسنک تحشد نقطه سنه کلنجه ،  
ناپولئون بونی بزه اوکر تمشد : «دشمنک نه کبی  
برحرکنده بولنوب بولنیه جغنی دوشومکه حاجت  
یوقدر... اویله بر موضع آلملیسکز که اوراسی


بر دشمنک آرزو و مرانندن تماماً سزی مستقل  
قیلسون و دشمن هر نه یاپارسه یاپسون سزاوه وضعی  
محافظه ایده بیله سکنز و دشمن سزی چویرمک  
ایچون اوزرکززه گنکه مجبور اولسون ؛  
یویالکیز تعرضی بر موضعک نتیجه سی اوله .  
بیلور . « آشاغی البک ، متفقرله قارشو  
مدافعه سنه دائر ناپولئون دیمشدی که :  
«اگ کوزل بر موضع وارسه ، اوده (ماغاه  
بورغ) اوکنده کی موضعدر . بوموضعدن  
هر آن دشمنی بر تعرض تهلمکسی ایله تهدید  
ایده بیله جکیز کبی اکر عظیم بر قوت ایله  
کلیه جک اولورسه حقیقه اوردن دشمنک  
اوزرینه هجوم ایده بیلورسکنز . »

احوال و شرائط موجوده یه نظراً طونه  
اوزرنده بویله بر موضع (طوئراقان) ک  
قارشوسنده کی (اولطایجا) یه یقین اولان  
موضعدر .

بوراده ، بر مستحکم اردوگاه شکلنده  
تأسیس و صاغ طرفدن طونه یه ، صول طرفدن  
(آرجیس) نهرینه استناد ایتدیریله جک  
برسر کوپری بکرش اوته سنده روس اردوسنک  
هر حرکتی توقیف ایده بیلودی . عثمان پاشا  
صر بستان حر بنده بی تاب اولمش اولان  
قوتیله روسلرک صاغ جناخه قارشو  
(قالافات) ایلروسندن حرکت تعرضیه  
اجراسنه کندیسنده اقتدار مشاهده ایلدکن  
صکره عبدالکریم پاشا ، دها تازه اولان بر



اردو ایله او قدر برابر فعالیت نهدن کوستره -  
 مزدی ؟ فی الحقیقه طونه نك ( طولچه ) دن  
 ( روسحق ) . قدر اولان قسمنی اوتوز  
 بیک کشیک براردو ایله تأمین ایلد کد نصکره  
 عبدالکریم پاشا ، ده مايس آينک واسطه  
 طوغری ، ( اولطه نیچا ) او کنده ۶۰ ؛  
 ( ۷۰,۰۰۰ ) کشیک براردو جمع ایده یلوردی .  
 اوندن صکره ( بکرش ) ی بر مفرزه ایله  
 اشغال ایتمی وبعده روس اردوسنک موصلته  
 و مختلف قولارندن هر برنی آری آری  
 ازمنک فرصتک حلونه انتظار ایتمی ایدی .  
 ( طونه ) نهرنده حاضر اولان مبذول وسائل  
 نقلیه سایه سنده ( طوتراقان ) و ( سیلستره ) ده  
 کوپر یلر انشا ای دیله یلور و بوسورته اتصالات



ترسانه قونفرانسی : صفت پاشایه اولتیماتوم تیلانی

تحت امنیته آنوردی . بوسایه ده رومانیا  
 اردوسنی بیطرف براقدر مق و یا خود روسلر  
 گلزدن اول محو و پریشان ایتمک فائده عظیمه -  
 سیده حاصل اولمش اولوردی .  
 لکن ایش دها بدایتدن اعتباراً عقیم  
 قالمشدی . باش قوماندانک اردوسنه هیچ امنیتی  
 یوقدی . عثمانلی اردوسنک حرکات عظیمه  
 تعرضیه یچون حاضر لانتاماش اولدینی بر امر  
 آشکاردر ؛ لکن بر مدافعه متعدیه تشبث  
 ایتمک ، ( طونه ) کبی بر مانع عظیم سوق -  
 الجیشی سایه سنده او قدر سهیل اولوردی که  
 باخصوص الله ترک عسکری کبی بر واسطه

حرب اولدقدن صکره بویله بر تشبث ، هیج بر صورتله پک جرأتکارانه بر تشبث اولمازدی . ذاتاً حربده بر درجه یه قدر تهلسکی کوزه آلدیرمدن هیج برشی قزاقمق قابل دکلدرد . بر اردویی تهدید ایده بیله جک اولان اک بیوک مصیبت ، رأس اداره سنده عسکرینه اعتمادی و مظفر اوله جقنه اعتمادی اولمیان بر قوماندان بولنسیدر . تاریخ اثبات ایدیورکه عسکرک ابرازینه اظهار اقتدار ایلدیکی مائز موفقیت اکثر با یالکنز قوماندانک عزم و شدتک اثریدر . کذلک علی الاکثر فنا عسکر و فنا اردو یوقدر ؛ بلکه یالکنز فنا قوماندانلر واردرد .

(۱۸۷۷-۷۸) سفرنده ، تمامیه مطلق برمدافعه اجراسنه آنجق اقتداری مساعد اولدینی ادعا ایدیلان او شجیع ترک عسکر بنک بر عثمان پاشانک زیر قومانداننده خارقلر اظهار ایلدیکنی کوریوروز . بو عین عسکری (شپقه) ده ، حتی برقرار سزواققدار سز قوماندانانک اداره سنده بیله ، دهاعالی بر مقصده شایسته قهرمانلقارله مشحون کوریوروز . بو قهرمان عسکرلر ، نیجه قهرمانلقارله ، کندیلرینه ارانه ایدیلان هدفه طوس طوغری قوشمشلر ، طریق مظفریتلری اوکنده ، ظهور ایدن موتی فداکارانه دیاغوش ایتشلدی . ده صکره ، استانبوله طوغری وقوعبولان او عمومی رجعت حرکاتی ، اک غیر مساعد

احوال و شرائط ایچنده بیله عثمانلی عسکر بنک نه قدر عالی بر قابلیت حرکاتی حائر اولدیغنه بر دلیل دیگر تشکیل ایتشدر .

احمد مختار پاشانک آسیای صغری ده انظار تقدیره عرض ایلدیکی اوشایان حیرت مدافعه متعديه ايله هرچشید مشکلاته رغماً ایکی مثلی فائق بر دشمنه قارشو احراز ایلش اولدینی موفقیتلر ، بویله بر عسکر ايله هرشی امید ایدیله بیله جکنه بر برهان کافی دکلیدر ؟ الحاصل (قلاوزویچ) ايله برابر دیرزکه : « صورت عمومی دهه ، کمال اطمینان ايله و بر عزم قوی ايله اجرا ایدلمیان هر بر حرکت نتیجه سی عقیم قالمق تهلسکسنه معروض بولندیقندن بر محاربه میداننده دشمنی قارشو-لامغه کیده جک قدر بر جسارتله ابراز ایدلمیان بر نهر مدافعه سنک دخی نتیجه سز قالمسی پک طبیعیدر . بو صورتله حرکت ایتک ، حال و وضعیت حقنده او قدر آز بر اعتماد معناسنی متضمندر که صورت عمومی دهه قوماندان اولسون اردو اولسون بر طاق مصیبتلرک علامت قبل الوقوعنی تشکیل ایدرلو بو مشوم علامت تحقق ایتکده ناخر ایتزلر . مصمم بر محاربه بر دوئلوده اولدینی کبی تمامیه مساوی احوال و شرائط آتنده جریان ایتز . اونک ایچون نه مدافعه نك شکل خصوصیتی نه سرعت حرکت ویا اراضینک احوالنه وقوف وحرکاتده سربستی کبی شپارله کندیسنه

( علاوه ۴ )

روسلك رومانیاده اجتماعی . - حرکات  
عسکریه به هان باشلانسنه انتظاراً اردو  
باش قوماندانلی طرفندن دها مارت نهایتده  
قطعات عسکریه نك دها طار بر صورتده  
تجمعی ایچون اوامر اصدار اولمشدی .  
بو مقصدی انتاج ایده جك اولان حرکات  
۱۳ نيسانه قدر ختام پذیر اوله جقدی .

اشبو سوقیاك اك مهملری شونلردن  
عبارت ایدی : ۵ نجی استحکام طابوری ،  
هان حدودی کچد کدنصکره ( لئو ) ده  
( پروت ) نهری اوزرنده بر کوپری انشا  
ایده بیلیمك ایچون ( بشطوماق ) ده حرکته  
مهیا بولنه جقدی ؛ ۱۱ نجی پیاده فرقه سی  
( ۱۱ نجی قول اردویه منسوب ) که بی [ ۱ ] ده تحشد  
ایده جك و که بی نك غریبنده حدود اوزرنده  
کائن ( نوایا بلغاریا ) موقعه قدر بر پیشدار سوق  
ایلیسه جکدی ؛ ۳۲ نجی پیاده فرقه سنك  
۱ نجی لواسی [ ۲ ] شمندو فرله اولالا ( ابرائیل ) .

[ ۱ ] خریطه ده ( که لر یازمشدر .

[ ۲ ] برای اختصار زبرده لوالرشو صورتله اراشه  
ایدلشدر ۳۳ نجی پیاده لواسی . ۳۳ نجی سواری  
لواسی .

[ ۳ ] اشاغی طونه قول اردوسی ۱۱ نجی  
قول اردودن ( ۱۱ نجی سواری فرقه سی یوق ) ،  
۲۹ ، ۳۱ و ۴۰ نجی دون قازاق آلایلرله ۲  
دون قازاق بطریه سندن ، اندن بشقه بدنجی قول  
اردونك ( ساحل اردوسی ) مونتة الحاق ایدیلان  
۳۳ نجی پیاده لواسیله ، ۱ سواری آلابی

و ۴ بطریه سندن عبارت ایدی .

تفوق تأمین ایده مین مدافینه هیچ برشی  
معاونت ایتمز . حتی نه قدر عریض اولورسه  
اولسون موضوع بحث اولان نهرك وادیلی بیه  
بو خصوصده معاونت بخش اوله ماز »

محمد مختار پاشا طرفندن بسط ایدیلان  
بو مطالعات بك مصیب بك عالیدر . انجق  
او زمانلر طونه نه رینی ایلروسندن یعنی بر  
صورت تعرضکارانه ده مدافعه ایده بیلیمك  
ایچون حقیقت حالده موجود اولان وسائطدن  
دها مکمل وسائطه احتیاج واردی . اندن بشقه  
طونه نه رینی ایلروسندن مدافعه ایده بیلیمك  
ایچون عثمانلی اردوسنك رأس اداره سنده  
یالکیز وسط درجه نك فوقنده بر قوماندان  
دکل بلکه بردهای مستثنای عسکری ایله متمایز  
بردهای به احتیاج واردی . بویله بردهای  
موجود اولان وسائطك بتون ضعفیت  
ونقصاتی انجق کندی علو عزم ودهاسیله  
تضمین ایدرك عسکری افعال بسالتکارانه  
اجرا سنه سوق ایده بیلیردی . حیفا که او  
زمانکی عثمانلی اردوسننده بویله بردهادن  
اثر اولمادیگی کبی اردونك اساس تشکیلاتی  
ومماکتک احوال عمومیة سیاسیة واجتماعیة .

سیله شکل اداره سی دخی بویله بردهاینك یتشمه سنه  
اصلاً و قطعاً غیر مساعدیدی . محیط استبداد  
ایچنده فیض دهاتجلی وانکشاف ایده مازدی .

روسلك رومانیاده اجتماعی

طونه ده امنیت ترتیباتی . رومانیا نك حال و وضعیتی .

بعده (بکرش) سوق ایدیله بیلیمک اوزره  
(یتراپول) گری آندی .  
اعلان حرب کوننه دئر اولان خبرک

ورودندن صکره قطعات متبایه نك دخی  
تعقیب ایده جککری یئرلر اوزرنده تحشیداتی  
امر ایلدی .

رومانیاده اجتماع ترتیباتی، تکمیل نفرعات  
و تفصیلاتیله برابر اردو باش قوماندانلی  
طرفدن تنظیم اولمشدی . تکمیل یوروش  
حرکاننک اک صوک نقطه لرینه قدر تنظیم  
ایدیش اولان یوروش پلانری قطعاته دها  
۱۵ نیسان ۱۸۷۷ ده تودیع ایلمشدی .

ترتیبات متخذه به نظراً؛ آشاعی طونه  
قول اردوسی، اعلان حربی متعاقب هر  
کسندن اول (باربوش) کوپرینی تأمین  
ایده جک، بعده ابرائیل، قلاص، رهنی،  
اسماعیل و کیلیانی اشغال ایده جک و بوضورتله  
اردونک جناحنی ستر ایلیه جکدی .

۲ بطاریه ایله برابر ۱۱ نجی پیاده  
لواسی ششمند و فرله ابرائیل - باربوشی به  
وبوموقعلر اشاعی طونه قول اردوسی  
طرفدن اشغال ایدیله جک و بومهم موقعی  
(بکرش) سوق ایدیله جک و بومهم موقعی  
عنانلیرک مهاجماتنه قارشو تأمین ایده جککری .

۴ بطاریه ایله برابر ۱۱ نجی لواء و ۱۱ نجی  
قول اردونک تکمیل نقلیه قطاری  
ایکی کونلک یوروش قدمه سنه منقسم

اولدقلری حالده ۱۱ نجی فرقه نك کیریسندن  
(و کهنی)، رهنی اوزرندن (ابرائیل) .  
کیده جککری .

اردونک قسم کلیسی ۳ قول ایله بروجه  
آتی ایرولیه جکدی :

صاغ قول: ۸ و ۱۲ نجی سواری فرقه -  
لری، دون قزاق لواسی و ۳۷ نجی دون قزاق  
آلایی (۵۴ سواری بلوکی) ۶ کونلک  
یوروش قدمه سنه مرتب اولدقلری حالده  
(سقولانی) دن یاش، رومان، ماراسچی،  
فوقشانی، پلونه چی به کیده جککری .  
پلونه چی دن :

۸ نجی سواری فرقه سی (آلکساندریا) به  
۱۲ و ۱۴ مایسده؛ دون قزاق لواسی  
(آلکساندریا) به ۱۸ مایسده؛ ۱۲ نجی سواری  
فرقه سی بکرشک جنوبنده کی قوپاچنی به ۱۴  
و ۱۵ مایسده؛ دون قزاق آلایی بکرشک  
شمالنده کی (بانچه) به ۱۶ ده مواصلت ایده جککری  
و اشبو آلای اوراده ۱۲ نجی قول اردوی به  
التحاق ایلیه جکدی .

مرکز قولی: ۱۲ نجی قول اردو  
(سواری فرقه سی یوق) ۵ قدمه ایله  
(سقولانی) دن یاش، بیرلات، تکوچو  
[تکوسییه] فوقشانی، پلونه چی دن (بانچه) به  
کیده جک و اوراده قول اردو ۲۳ مایسه قدر  
طوبلاننه جقدی .

لوا و بطاریه لر ، ۱۱ نجی فرقه ( ابرائیل ) ی  
اشغال ایدر ایتماز ، ( بکرش ) ه کوندربله -  
جکلردی . قطعات سائر آشانی طونه قول  
اردوسی داخلنده قاله جقلری .

( ۲ ) تکمیل ۹ نجی قول اردو ( سلاتینا ) به  
کیده جکدی .

مع هذا شمندوفر نقلیاتی باشلامازدن  
اول ، رومانیا شمندوفر خطوطک  
قابلیت جزئیة نقلیه سی اردو باش قوماند  
انلغنججه نظر دفته آنه رق اشبو نقلیات  
پلانی دیکشیدرلمش و ۹ نجی قول اردونک  
یالکیز سواری فرقه سی ایله ۳۱ نجی پیاده  
فرقه سی ( سلاتینا ) به نقل ایدیلوب ۵ نجی  
پیاده فرقه سی ایسه ( بندر ) ده شمندوفر دن  
ایندیر یلرک اورادن بورویشله اولافالچی [ ۱ ] به  
قدر یورویشه ، بعده ( بیرلات ) ه اورادن  
۱۲ نجی قول اردونک کیرینه ( بانه چا ) به  
کتمسی قرارلشدیرلمشدی . بوفرقه اورایه  
۲۶ و ۳۰ مایس آراسنده واصل اوله جقدی .  
۹ نجی قول اردونک نقلیاتنک اکلاندن  
صکره شمندوفرله ده ، کوپرچی ترنی ایله  
برابر کوپرچی طابوری ، محاصره طوچی  
پارقتک متباقیسی ، سیارخسته خانهلر واردونک  
مؤسسات سائره سی نقل ایدیله جکدی .

حدود ، آشانی طونه قول اردوسیله

[ ۱ ] علاوه ده فالچیری یازلشدیر .

صول قول : سقولبلف مفرزه سندن [ ۱ ] ،  
۱۱ نجی سواری فرقه سی و ۸ نجی قول  
اردودن مرکب اولان اشبو قول ۱۰ قدمه یه  
منقسم اولدینی حالده ، ( بشطوماق ) اوزرنده  
له اوو ، فالچی ( فالچیو ) ، قلاص ، ابرائیل  
کیده جک و بورادن :

اسقولبلف مفرزه سی بکرش اوزرندن  
۱۴-۱۵ مایسده ( یرکوک ) ک شمالنده کی  
دایچایه ؛

۱۱ نجی سواری فرقه سی ، ۱۰ نجی لواسیله  
۱۲ مایسده ( سلوبوزیا ) یه ، ۲ نجی لواسیله  
۱۴ مایسده ( اویباچی ) یه ؛

۸ نجی قول اردو ( بلو بوجا ) به کیده جک  
و اشبو قول اردو ۲۳ مایسه قدر اشبو  
موقعه ده طوبلانده جقدی .

شمندوفرله و قوعوبله جق نقلیات شوه لردن  
عبارت ایدی :

( ۱ )  $\frac{1}{3}$  پیاده لواسی ، ۷ نجی استحکام  
طابوری ، ۲ بطاریه و قابل نقل طوریدو  
سفینه لرله برابر بحریه مفرزه سی ، آندن  
صکره محاصره طوچی پارقتک ۱ نجی طاقی  
( بار بوشی - ابرائیل ) ه ؛ اورادن  $\frac{1}{3}$  نجی

[ ۱ ] بومفرزه ۲۳ نیاندنه قطعات آتیه دن  
تشکیل ایدلشدی : ۱ نجی اوجی لواسی ، ۲ قزاق  
باوک ، ۵ نجی استحکام طابوری ، مختلط قزاق  
فرقه سی ، ۲۳ نجی درت قزاق آلای و ابکی جبل  
بطاریه سی .

توقف اوله رق ایلك قطعائیه ۲۵ ایلول  
اوکلهین (قالاص) واصل اولمشدی .  
(بروت) و (سرت) منصلارنده طولاشمقده  
اولان ایکی عثمانلی مونیتوری ، روسلرک  
ایرو یورویشتی منع و توقیف ایچون هیچ  
برتشبنده بولنقمیزین روساری کورر کورماز  
چکلمشدر .

۲۶ نیسانده صباحلین میرالای سترو-  
قوف ۲ سوازی و ۲ پیاده بلوکیله (ابرائیل) .  
کتمشدر . عین کونک اقساشی تکمیل  
پیشدار (قالاص) ده طوبلانشدی . (قالاص)  
دن اوزاقنی انک نهایت ۲۰ کیلومتره اولدینی  
خالده ابرائیل ، مذکور میرالای طرفندن  
انجق ۲۷ نیسان اوکلهین اشغال ایدیله-  
بیلمشدی . بوتأخرده ، وسائط موجوده  
ایله (سرت) ی چمک خصوصنده کی  
مشکلاتدن ایرو کلمشدی .

(رهنی) ایله (قالاص) اراسندن پروت  
نهری اوزرنده مالزمه معاونه (حسب  
الضروره قوللانیله جق مالزمه) ایله بر  
کوپری تأسیس ایدلدی که ۲۷ نیسانده ،  
بعداظهر ساعت ۳ ده حاضرلانشدی ،  
بوصورتله ۲۶ نیسان اقساشی (بروت) نهرینه  
واصل اولان ۱۱ نجی فرقه نك پیشدار قسم  
کلیسی اوزمان نهری کجه بیلمشدی .

شمندوفرله (باربوشی) یه چیقاریلان  
۱۱ لوانسنگ ایلك قدمه سی اورایه ۲۸

صول وصاغ قوللر طرفندن هان اعلان حربی  
متعاقب ، مرکز قولی طرفندن (۲) کون  
صکره تجاوز اولنه جقدی . آنک ایچون  
باشده کی قدمه لر حدودک همان قرب وجوارنده  
حرکته مهیا بولنه جقلر و  $\frac{۲۲}{۳۳}$  نیسانده  
کیجه سی یورویشه آماده برحاله بولنه جقلر  
ایدی . اعلان حربک وقوع بولدینی خبری  
صورت مخصوصده تعیین ایدیلان ضابطان  
واسطه سیله تبلیغ ایدیله جکدی .

اعلان حرب ۲۴ نیسانده پترسبورغده  
سفارت عثمانیه بیلدیرلشدی ، عین کونده  
صباحلین الافرانغه ساعت ۴ ده اشاغی طونه  
قول اردوسنگ پیشداری (نویا بلغاریا)  
جوارنده حدودی تجاوز ایدیوردی .

اردو باش قوماندانک یاورى میرالای  
(سترو قوف) قومانداسنده کی ۲۹ نجی  
دون قازاق آلابی اقسام ساعت ۶ ده  
(قالاص) و ۷ ده (باربوشی) کوپریسنه  
کلرک اوراسنی اشغال اتمشدر .

پیشدارک متباقیسی — ۲ پیاده طابوری ،  
۲ دون قازاق آلابی و ۳ بطاریه — ۱۱ نجی  
قول اردو ارکان حرب رئیس میرالای  
(یسقوبسکی) نك قومانداسنده اوله رق همان  
۲۹ نجی قازاق آلابی تعقیب ایتمش (افرادک  
چانظهری عربهرده اولدینی خالده) و  
(رهنی) نك غربنده پروت نهری اوزرنده کی  
کوپریسنگ بوزولمسندن طولای دوچار

یوروش ایچون مهم بر مانع حالی اکتساب  
ایلمشدی . (سقولانی) قربنده (پروت)  
اوزرنده کائن اولان یکانه کوپری ، فیضان  
طولایی بوزولمش و ۲۴ نیسانه قدر هنوز  
تعمیر ایدله مامشدی .

صاغ قول : اشبواحوال حسبيله ۱ نجی  
۴ مه انجی ۲۴ نیسان اقسامی کچ وقت (باش) .  
کله بیلدی . دیگر قدمه لر ، چوق کیریده قالدیلر .  
۸ نجی سواری فرقه سی ، دون قازاق لواسی  
و ۳۷ نجی دون قازاق ایلی یوروش  
هدفلرینه ایکی کونک ، ۱۲ نجی سواری  
فرقه سی ۳ کونک تأخرله اصل اولدیلر .  
مرکز قولی . احوال هواثیه نک عدم  
مساعده سی مرکز قولی ده توقیف ایتمشدی .  
۶ مایسده بوقولک باننی (نه کوچی) ه کادی .  
لکن بورادن صکره ، (موویلینی) قربنده ،  
(سرت) اوزرنده کی کوپری فیضانک  
تأثیریه بوزولمش اولدیغندن (ماراسچی)  
اوزرندن طولاشمق ایجاب ایلدی . قول  
اردو ، (بکرش) قربنده کی قوناقلرینه بر  
چوق طولاشمه لردن صکره ۲۶ مایس :  
۳ حز برانه قدر یعنی ۱۱ کونک تأخردن  
صکره اصل اوله بیلمشدر .

صول قول . فیضانلک تولید ایلدیکی  
موانع و مشکلات اشدتلی بر صورتده صول  
قول نزدنده کندینی کوسترمشدی . ایلك  
قولنه نک (له اوو) یه وصولنده کوپری واقعا

نیسانده اصل اولمشدی . بو آراق کرک  
(باروشی) کوپریسی کرک (ارائیل) ۱۱ نجی  
پیاده فرقه سنک قطعاتی طرفندن اشغال  
ایدلمش بولنیوردی .

۱ مایس اقشامی طونه قول اردوسنک  
وضعیتی شوپله ایدی :

پیاده سواری			
طابوری بلوکی طوب			
ارائیل ده	۸	۸	۱۴
باروشی ده	۳	۴	۱۴
قالاص ده	۳	۶	۱۲

پروت کوپریسنده (ردنی) ده ، ۲ پیاده  
طابوری ، یارم سواری بلوکی ، ۱۶ طوب ؛ و  
(اسماعیل) و (کیلیا) و ساتونوف ده ۷ نجی  
قول اردویه منسوب مفرزه واردی .

۲ لواسی ، ۴ بطاریه و قول اردو نقلیه  
طاقی یافلاشورلردی ؛ ۱ لواسنک قسم کلیسی  
و محصره طوپچیسی شمند و فرله نقل ایدلمکده  
ایدیلر .

۴ مایسده ۱۱ نجی پیاده لواسی (ارائیل) ده  
طوپلانمش بعده (بکرش) ه طوغری تقیاتی  
باشلامش ایدی . اردونک قسم کلیسی  
تشکیل ایدن قوللرک ایلرو یوروشی بوقدر  
سهولته وقوع بولمامشدی .

دواملی یاغمو رلر یوللری بوزوش و  
بالعموم صو مجرالری اودرجه طاشمش  
ایدی که اک کوچک چاپلر و دردلر بیله

حاضر ایدی . لکن قطعات کورینک یانیه  
یا فلاشه میوردی . وادی تمامیه صو آلتنده  
بواندیغدن کوپری به قدر دمتدن یول انشاسنه  
مجبوریت حاصل اولمشدر . بوبول آنجق  
۱ مایس ده قابل استفاده برحاله گلش اولدیغدن  
۳ نجی قدمه ( ۴ نجی اوجی لواسی ، ۲  
پلاستون بلوکی ، ۲ طاغ بطاربه سی و ۱  
دون قازاق الای ) کوپری بی کچدیله ۲



رو-یه حربیه نظری جنرال میاموتین

مایس کیجه سی دمتدن یاپیلان یوللری یکیدن  
صو آوب کتوردی . انک ایچون صول  
قولک بتون دیکر قطعاتی ۱ و ۲ نجی قدمه لری  
تعقیب ایتمک مجبور اولدیلر . بو قدمه لر ده  
اولجه ( پروت ) نهرینک صاغ ساحلندن  
( فالچی ) به قدر یورومشله واوراده کی مرا کب

موجوده سایه سنده نهری کچه بیلیمشدری  
( له نوو ) ده کوپری تأسیسی عدم الامکان  
اولدینی آ کلاشینجه ، اوراده کی کوپری  
قالدیریله رق ۱۰ مایس ایشامی ( فالچی ) ده  
اشسا ایدلمش ایدی ؛ بر صورتله که قولک  
متباقیمی پروت نهری ۱۱ و ۱۲ مایسده  
یعنی بر سکنز قولک تأخرله کچه بیلیمشدی .  
بتون بو احوال ، شایان دقتدرکه ، روس  
حدودندن یالکنز بر قولک یوروش مسافه سی  
اوزاقده وقوع بولیوردی .

( قلاص ) ده صول قولک یوروشی  
تکرار دوچار توقف اولدی . ( سرت )  
نهری اوزرنده کی کوپری ۸ مایسده حاضر  
اولمشدی ( باروشی به ایلک روس قطعه لرینک  
ورورنده ۱۴ کون صکره ) . اوزمانه قدر  
سرت اوزرنده قلاص ایله ابراهیل اراسنده  
یالکنز فنا برباق مواصله بی تأمین ایده .  
بیلوردی ۸۰ : ۱۰ مایسه قدر سقوبلف  
مفرزه سی بو کوپری بی کچدی ۱۱۰ مایس  
کیجه سی صو کوپری بی آوب کتورمش  
و آنجق ۱۴ مایسده تکرار قابل استفاده  
برحال کسب ایلشدی . لکن ۲۰ مایسده  
کوپری یکیدن تخریب ایدلمش ، ۲۳ مایس  
ایشامی یکیدن تنظیم اولنه بیلیمشدی .

بوحداتات ، تأخرات عظیمه بی انتاج  
ایلیوردی . سقوبلف مفرزه سی و ۱۱ نجی  
سواری فرقه سی یوروش هدفلرینه آتی



واغونلردن چيقاريليوورى! فيضاندىن طولانى  
خطك دفعاتنه بوزولسى، بوتأخراته كندى  
حصه تأثيرلىرى علاوه ايتىشلردىر.

طونهدە امنيت ترتيباتى . يورويش  
هدفلرينه واصل اولدقدنصكره ، الك اول  
طونهدە بولنه جق اولان غروپلر ساحلدهكى  
ك مهم نقطه لرى اشغال وكشف قوللارى و



سرعسكر رديف پاشا

قره غوللر ترتيب ايدهرك ارقه دن كلن قسم  
كللى تايمين ايتك وعين زمانده كچيد  
ترتبات واستحضاراتنى دشمنك استكشافاتنه  
قارشو محافظه ايتك ايچون (طونه) نى سد  
ايده جكلردى .

بوسد كىفتى شو صورته اجرا ايديله .

جكدى :

كونلك ، ۸ نجى قول اردو اون ايكي كونلك  
تأخرله واصل اولديلر .

شمندوفر تقلياتى . شمندوفرله وقوع  
بولان تقليات دخى تأخرات مهمه يه دوچار  
اولمشدى .

بو وجهله ۱۱ پياده لواسى — كه ۱۱ نجى  
پياده فرقه سنك ورودينه دكين باربوشى  
كوپريسيله (براىلى) حيايه ايتكه مأمور  
ايدى ؛ بوفرقه دن صكره (باربوشى) يه  
كله بيلمشدى .

۹ نجى قول اردونك شمندوفرله سوق  
ايديلان اقسامى ۲۹ مايسنده (سلاتينا) يه  
كله جكلردى . خطك تخفيف خدمتى ايچون  
(باش) دن اعتباراً ايكي بطاريه ايله طوبجى  
پارقى يورويش ايله (سلاتينا) يه سوق  
ايدلمش اولقله برابر، تقليات ينه ۳ خزي رانه  
قدر دوام ايتمشدى .

كوپريجى طابورلرى و كوپريجى ترنلرى  
ايله محاصره طوبجيسنك ووسطى طونهدە او قدر  
لازم اولان طور پيدورلك تقلياتنده تام بر  
ايلق تأخر وقوعه ككشدى! كوپريجى ترنك  
كچ واصل اولسى ، (زيمينچه) دهكى كچيد  
حر كتنك اوچ كون تأخر ايلسنى ايچاب  
ايلمشدى .

بو كچيكمه لرك باديسى خطك فضله نجميل  
ايدلمسى وهرشيدن اول روس شمندوفرلرينك  
كنيشلكى ايدى : تكميل تقليات (باش) ده

۸ نجی سواری فرقه‌سی آلتا نهرینک منصبندن (وید) منصبه قدر؛ سقوبلف مفرزه سی وید منصبندن غراسیلور کوله قدر؛ ۳۱ نجی و لواسی و ۳۳ نجی دون قازاق آلابی (۲۹) مایسده بگرشدن اولطانیچایه واصل اولمشدر) ایله ۲۸ مایسده کلیمکه باشلایان تکمیل ۳۲ نجی پیاده فرقه‌سی طرفندن (اولطانیچا) حواله-نی؛ ۱۱ نجی سواری فرقه‌سی، اشبو غروپدن اعتباراً (حرزووا) یه قدر اولان حوالی بی محافظه ایده جکوردی. بک آزابعث خسار اولان طوب آتشلریله طونه آطلرینه و شمال ساحانه قارشو اجرا ایدیلان کوچک حرکتلردن باشقه، عثمانلیلر، بوسد تشبثانه هیچ بر مقاومت کوسترما- مشلردر .

روسلرک ورودینه قدر اکمهم موقعلری اشغال آلتنده بولندیرمش اولان رومانیا عسکری، روسلرله عقد ایدیلان معاهده موجبنجه، آلتا نهرینک غریبنده کی ساحه یه چکلدیلر .

روسلرک رومانیا ده اجتماعی و طونه نك شمال ساحلنك سدی، بوقاریده کی تفصیلاتدن مستبان اولدینی وجهله، عثمانلیلرک برکونه ممانعتی اولمقسزین، واقع اولمشدی .

بونکله برابر، حرکات حر بیه نك بو صفحه‌سی، شایان استفاده برچوق درس لر ارانه ایتکدهدر .

اک زیاده شایان حیرت اولان جهت ، اردو باش قوماندانلنی طرفندن تکمیل حرکاتک عادتاً بر سیاحت مشیتی ایمش کی تلقی ایدیلهرک اکا اویله بر شکل وماهیت اعطا ایدلمش اولمسیدر .

حالبوکه امنیت ترتیباتنک دخی اثبات ایلدیکی اوزره؛ یورویشک دشمن طرفندن بر تاثیر و ممانعت وقوع بولمقسزین اجرا ایدیله جکنه امنیت ایدیله مازدی . آندن بشقه باش قوماندانک اوامر و تعلیماتی، یورویش قوللردن هر برینک تفرعات ترتیباتنه قدر مداخله ایتمشدر که بوده جالب دقتدر . یورویش قدمه لرندن هر بری لوا قوتسده ایدی . بو صورتله صاغ قول ۶ قدمه دن مرکب یعنی برکونلک یورویش مسافه‌سی وسطی اوله رق ۲۵ کیلو متره قبول اولندینی حالده ۱۳۰ کیلو متره درینلکننده ایدی . وسط قول ۵ قدمه دن عبارت یعنی وسطی ۱۵ کیلو متره لک یورویشله ۷۰ کیلو متره طولنده ایدی . (پیرلات) دن اعتباراً و بر قاج کونلک یورویش مسافه‌سیله آرقه دن ۵ نجی پیاده فرقه‌سی ۴ قدمه ایله تعقیب ایدیلوردی . تکمیل قولک درینلکی لا اقل ۱۶۰ کیلو متره یه رسیده اولیوردی . (فوقشانی) دن اعتباراً صاغ و اونک کیریسنده وسط قول عین جاده اوزرنده بولنیوردی . بو (فوقشانی - بکرش) جاده سنک (۳۰۰) کیلو متره لک

هرشی پروغرامه موافق صورتده جریان  
ایده بیلمشدی. وظیفه اردو قوماندانی طرفدن  
تعیین ایدلملی و محلنده تقدیر ایدیه جک اولان  
تفرعاتک تعیینی قول قوماندانلرینه ترك  
اولمیدرکه اصول و مقصده موافق ترتیبات  
ممکن اولسون .

اندین باشقه شوراسی ده شایان حیرتدرکه  
عین بریوریش استقامتی یعنی (بندر-ره-نی-  
قلاص) خطی اوزرنده اوکده کی قطعانک  
حرکتی قول قوماندانی طرفدن ، آرقدن  
کلان قطعاتکی ایسه باش قوماندان طرفدن  
تنظیم ایدلمش و بواسطه طونه یه اک یقین  
اولدینی حاده یینه قدمه واری ترتیب واتخاذ  
اولمیشدی .

شایان حیرت اولان مواددن بری ده  
مواصلاتی و کورپسی پک آز اولان و تکمیل  
صو مجراری یوروش استقامته عمودبولنان  
بوحوالیده کی ایلرو یوروش ائناسنده  
کوپریجی طابورلری و کوپریجی ترلری  
شمندوفرله نقل ایدلمشردی . بونلر (بکشرش)  
۱۳-۲۰ جزیرانده یعنی پک کچ ککشلردی .  
برصورتله که بتون اردو ، کچید محلنده اوج  
کون کوپریجی مالز مهسنه انتظار ایلشدی .  
کوپریجی مفرزلری قوللرله برابر حرکت  
ایتمش و تصادف ایدیلان صومجراری اوزرنده  
کندیلرینه عائد وظیفه لری ایفا ایلش اولسه .  
لردی هم وقت وزمانیله یتشمش اولورلر

طولی هپ عسکر و قافله ایله ستر ایدلمشدی .  
طونه یه اک یقین اولان صول قول بربری  
کیروسنده ۱۰ قدمه دن متشکل ایدی که  
باشده کی قدمه نك یومیه ۱۹ کیلومتره قطع  
ایتدیکنه نظراً تقریباً ۲۰۰ کیلومتره ک بر  
درینک حاصل اولیور ایدی .

حقیقت حاده ایسه بو قوللر ده ا زیاده  
درین ایدیلر . زیرا یومیه اجرا ایدیلان  
یوروشلر ، ذکر ایدیلان مقداردن ده ا  
زیاده اولمشدی . مرکز قولی نزدنده اورال  
قازاق بلو کندن بشقه هیچ سواری یوقدی .  
دشمنک تأثیراتی و ظهوری ملحوظ  
اولان موانع نظر دفته آئیمه رق اکثری طونه  
اوزرنده اولان یوروش هد فلرینه مواصلت  
ایدیلنجیه قدر یوروش حرکانک بتون  
تفرعاتنک باش قوماندانلق طرفدن تنظیم  
ایدلمسی ، ایلك غیر منتظر تاخرانک و قوعنده  
مذکور قوماندانلق جانبدن یکی تعلیمات  
اعطا ایدلمسی استلزام ایلشدی . بویله بر  
ترتیبات هنکامنده ، قطعاً ساجه امکان  
داخننده اولدینی وجهله ، قوتلی بر عثمانلی  
قولنک طونه نك شمال ساحلنده ظهور ایلسی  
کیم بیلور نه نتیجه لر حاصل ایدردی ؟ یالکنز  
آشاغی طونه قول اردوسی قوماندانته ،  
کندی قطعاتنک بر قسمنه عاند صلاحیت  
بخش ایدلمش و یالکنز هدف و وظیفه تعیین  
اولمیشدی . و ایسته یالکنز بو قول نزدنده

همده یورویس قوللری یورویس انساننده  
بهوده تاخراندن وقایه ایدرلردی .

تعییه جزؤ ناملرینک پارچه لانتسی هیج  
بر فائده نی منتج دکلمدی و بوندن سهولانه  
اجتناب ایتمک ممکن ایدی .

اردو باش قوماندانک رومانیا خطرینک  
قابلیت نقلیه سی حقدنه کی یا ککش معلوماتی  
بک مضر اولمشدی . شمندوفرله قطعات  
عسکریه نک نقلیاتی اجرا ایدلسی یوزندن  
دیگر مهم مقصدلر طائب اولمش و اجتماع  
حرکتی جزؤی درجه ده بیله تسریع  
ایدلماشدی .

( پروت ) نهرینک یاننده اوزون بر  
مدت قوناقلرده قالمش اولدینی حالده اک  
مساعد کچید نقطه لرینه دائر هیج بر معلومات  
استحصال اولنماشدی . صول قول ایچون  
( له اوو ) ده کچید حرکتی امر اولمش  
حالیوکه بر کونلک مسافه جنوبنده کاش اولان  
( فالچی ) ده تکمیل قول کویولرک استعمال  
ایدلیکی صراکب عادیه ایله نهری مرور  
ایتمشدی .

رومانیا لیلره براز مامشات ایدلسه و نقداً  
جزؤی برفدا کارلق اختیار ایدلمش اولسه یدی  
قوناقلامه انساننده ( له اوو ) ویا ( فالچی ) ده،  
( رهنی ) و ( باروشی ) ده کوپریلر تأسیس  
اولنه بیلوردی .  
شایان دقتدرکه اک قیصه یورویس خطی

اولان ( بندر - کهنی - رهنی - قلاص )  
استقامتی اوزرنده اک آز عسکر واردی .

طونه نک سدیته مأمورا اولان مفرزه لردن ،  
هر برینک تعقیب ایده جکلری مسافه لر  
آراسنده کی عظیم فرق و تفاوته رعماً ، بونلرک  
یورویس ترتیباتک ، جمله سی هان عین زمانده  
طونه ساحلنه واصل اوله جق صورتده ، اتخاذ  
ایدلمسک اسبابی ده آکلاشیله میور .

فی الحقیقه :

۸ نجی سواری فرقه سی : سقولانی  
— الکساندریا ( ۴۸۰ کیلومتره ) مسافه سی  
۲۴ نیسان : ۱۲ مایسه قدر یعنی ۱۹ کونده —  
یومیه ۲۵ کیلومتره ؛

اسقولوبف مفرزه سی : بشطوماق  
— دایچا ( ۳۸۰ کیلومتره ) ۲۴ نیسان :  
۱۴ مایسه قدر یعنی ۲۱ کونده — یومیه  
۱۸ کیلومتره ،

۱۱ نجی سواری فرقه سی : بشطوماق  
— سلاووزیا ( ۲۶۰ کیلومتره ) مسافه سی  
۲۷ نیساندن ۱۲ مایسه قدر یعنی ۱۶ کونده —  
تقریباً یومیه ۱۶ کیلومتره قطع ایده جکلدی .

روس سواریسنک ابرائیل دن الطا  
منصبته قدر تکمیل طونه بوینده عین زمانده  
کورونمسی بعض طرفلرجه بالخاصه موافق  
تلقی ایتشلردی . بزم فکرمزجه بو برابرلک ،  
مانع مذکوره عموداً تقرب ایدیله جک  
اولدینی حالده ، موافق اولوردی .

۲۵ نيسان صباحين ( قلاص ) ده مجتمع بولنه بيلوردي . واقعا عثمانليلر بوتشني هيچ تعجيز ايتماشلردر . لکن ايتش اولسه لردی ، روسلرک بو اهالي يوزندن نتايح وخيمه حاصل اوله بيلور ایدی .

بوتشنت ، استقبالده ، فعال برخصم ايله وقوعه بولان برحربده ، حدوده يقين اولان بوکي مهم نقطه لره قارشو اولدن نه درجه استحضارانده بولمق ونه قدر متيقظانه حرکت ايلک ايجاب ايلديکني کوستر مکده در . اشبو پيشدار مفرزه سنک امر وقوماندا سي ده پک غريبدر . تکميل پيشدار قول اردو ارکان حربيه رئيسک تحت امرنده ایدی . قازاق آلاينک کيندي قوماندانندن ماعدا بر قومانداني ده واردي که اردو باش قوماندانک يا ورحربي ميرالاي سترو قوف ایدی . بو ميرالاي سترو قوفه بوندن صکره ده بر چوق يرلرده تصادف ايده جکتر .

بو نوع امر قوماندا واقعا بعض کنيچ ضابطانک حرص تشبشکارانه لرينک ارتقاسنه خدمت ايدرسه . صورت عموميده فائده لي دکدر زيرا نظاماً وقاعده امرعي اولسي لازمکلان قوماندا حقوق و امتيازاتي ازاله ايدرک امر وقوماندا قارغشلق توليد ايدر . تکميل شومطالعاتمزي خلاصه ديرزکه روسلرک حرکات تعرضيه لرينک ايلک صفحه سني تشکيل ايدن اشبو اجتماع حرکاتي

حالبوکه بوراده کي برابرک طونه نک شرق قسمنک يعني ايلرو يورويش انناسنده اک زياده مهم اولان قسمنک سد و تأمين ايدلسي خصوصنده بيهوده برتاخر وقوعه بادي اولديني کي صاغ قولک واسقوبلف بياده سنک دخي کذلک بيهوده يره فضله يورويشلره يورولسي انتاج ايلشدر . بالطبع اشبو برابرلکک بوقدر مشکلاته دکري يوقدي .

باربوشي کورپيسنک محافظه سي حقدنه کي طرز تشبث دخي پک زياده دفته شاياندر .

ميرالاي سترو قوفک الايني نوايا بلغاريا ، رمني - باربوشي کورپيسي مسافه سني - - که ۷۰ کيلومتره در - ۱۵ ساعته قطع ايتش ، سراکب واسطه سيله پروت نهرينک مردري ۵ ساعت دوام ايلشدي . ميرالاي بيسقوبسکي ۱ نجی قدمه ايله ( ۱ پياده طاבורي ، ۶ سواري بلوکی ، ۲ بطاريه ) ( قلاص ) ۰ ۲۵ نيسان اوکله ين يعني تقريباً ۳۲ ساعت صکره واصل اولش يعني بو قدمه پروت نهريني کچمک ايجون ۱۵ ساعت اليقونمش ایدی . انجق ۶۳ ساعت صکره پيشدارک تکميل قوتی : ۲ طابور ، ۲ قازاق الايني و ۳ بطاريه ( قلاص ) ده طوبولانه بيلمشدي . اکر بومفرزه نک ياننده بر نصف کورپيجي رني ايله ۱ کورپيجي طاבורي اولسه يدي ده

حرزرووا - اولطاینجقا قسمنی سدد و محافظه  
ایده جگدی .

رومانیانک حال حرکتی - دولت علیه نك  
امارتی اولان، حربه طوغریدن طوغری به  
اتراکی ضروری اولان رومانیانک وضعیت  
پك مشکل ایدی .

روس پولتیقه سی رومانیانک بو وضعیت  
مشکله سندن صورت منفعت پرستانه ده استفاده  
ایتمک یولنی بولمشدی . روس ارکان حربیه -  
سنگ اثرنده بیان ایلدیکی اوزره رومانیایه ،  
حربك وقوعی حالنده بیطرف قاله مازایدی .  
حربك نتیجه مأموله سنه و روسیه یه قارشو مقا  
ومت ایتمه نك امکان سزلغنه نظراً کندیلک سندن  
روسیه نك مظاهرته شتاب ایده جگدی .

دیگر جهتدن ، روسیه ، کندی دیپلو -  
ماترینک طرز تلقیسنججه ، رومانیایه ممالک  
عثمانیه نك بر قسمی نظریله باقق حقیقی حائز  
ایدی .

ایشته بوتلق ذوالوجهیه ، روسیه نك  
رومانیایه قارشو طور و حرکتك محرکی  
اولمشدر . روس پولتیقه سی رومانیا یی بر افاق  
ایله کندیسنه ربط ایتمکی لزومی عدا تیموردی .  
چونکه « رومانیا لیلر ایسترا یستماز روسلره  
معاونت ایده جکلردی . » و رومانیایه منتدیر  
قالماق ولدی الا یجاب بلا احتراز ممالک عثمانیه کبی  
معامله ایده بیلمک ایچون رومانیا یی اهل  
ایتملیدی . رومانیایه وضعیت قارشو سنده

هیئت عمومی ه سی اعتبار یله لزوم سنزیره  
قاریشدرلمش و صنعی بر شکل اخذ ایتمش  
اولدینی کبی امر و قوماندا کیفیت ده پك فضله  
بر صورتده تمرکز ایتمدرلمشدی .

۸ مایسده ایمپراطور آلکساندر ، سفر  
برلکی اجرا ایلمش اولان ۳ قول اردونك  
یعنی ۴ ، ۸ ، ۱۴ نجی قول اردوسی حرکات  
اردوسنه الحاق ایلمسنی امر ایلمشدی . دها  
بوزمانلرده یعنی عثمانی لره ایلك قورشون  
هنوز تعاطی ایلمدن اول وقوعات حقیقیه ،  
سیار اردونك عدم کفایه سنی کوسترمشدی .  
اردو باش قوماندانلغی بو قول اردولرك  
رومانیا ده تحشدی ایچون شوامری ویردی .  
۱۴ نجی قول اردو آشانی طونه قول  
اردوسی تشکیل ایده جك ، انك ایچون  
قلاص - ابرائیل منطقه سنده کی ۱۱ نجی قول  
اردو قطعاتی تبدیل ایلیه جگدی .

۱۴ نجی قول اردو قسماً شمند و فرله  
قسماً یورویشله ۲۳ مایس : ۱۳ جز برانه  
قدر طونه یه واصل اولدی .

(رزولوا) ده شمند و فردن اخراج اولنان  
۸ نجی قول اردو فالجی ، بیرلات ، فوتشانی  
اوزرندن جزیران نهایتده بانه چابه کلدی .  
۴ نجی قول اردو ۸ نجی اردوی تعقیب  
ایتمدی . بو قول اردو ، تموز اورتیه سنده  
بکرشه کله جگدی .

۱۱ نجی قول اردو ، بعدالمبادله طونه نك

تعرضی تشبثل اجرا سندن ده صرف نظر  
ایدلمش اولسی بر درجهیه قدر معذور  
کوریله بیلور ایسهده قوتلی طونه عثمانلی  
فیلسونک کوستردیکی عطالت، هیچ بر  
زمان اونوتلیه جق و دو تمامزی جاهل ولاقید  
وعاطل قوماندانلرک مجرم اللرینه ترک ایدن  
اسباب دایما تلعبین ایدیله جکدر .

(پروت) و (سرت) نهرلرینک اقسام  
سفایه تی سیر سفائنه یک مساعد و صولری  
یوکسک اولدیغندن طونه فیلسوی (باروشی)  
کوپریستی و (ابرائیل) ه قدر شمندوفر  
خطنی تخریب ایلدکدن باشقه بو نهرلرک  
اقسام مذکور سه سنده کوپری قورلمسنى  
خارق العاده بر صورتده تصعب و حتی بسبتون  
منع ایتمکده مقتدر ایدی .  
عزت پاشا دیورکه :

طونه بر مانع و بر پرده تشکیل ایلدیکندن  
قارشویقه ده، رومانیاه داخلنده جریان ایدن  
احوالی کورمه مانع ایدی؛ لکن روسلر،  
نهری صندال ایله مرور ایدن بلغارلر واسطه -  
سیله، بزم احوالزده دائر منتظماً خبر  
آلیورلردی .

ایشته بوسایهده اونلر سردارک، کندی  
قرنال یوواسندن چیقمهغه هیچ میل و خواهشی  
اولدیغنی یک اعلا بیلورلر و روم ایلینه  
دهشت نثار اولمق ایچون جنرال غورقوینی

دسیسه کارانه حرکت ایلدی . فی الحقیقه  
هر شیدن اول روسیه ایله عقد اتفاهه ساعی  
اولمش، لکن برنسک، مستقلاً اردو قوماندانی  
اولسنی و روسیه طرفندن رومانیاه تأمینات  
مخصوصه اعطا ایدلمسنى معاونت کامله ایچون  
شرط اتخاذا یلمسنى . اشبو تأمینات، روسیه نیک  
غالیبتی حالنده رومانیاه ملککنک تمامیتی و روس  
اردوسی ایچون وقوع بوله جق صرفینک  
اکمالی ماده لرندن عبارت ایدی . لکن  
روسیه بوکا قارشو جواب رد و یردی .

آنحوق روسلر، بالاده ذکر اولدیغنی اوزره  
(صرف عسکری بر معاهده) عقد ایلدیله که  
بوکا نظراً روس اردوسی دوست بر اردو  
معامله سینه مظهر اوله جقدی .  
روس پولتیقه سنک عسکرک نقطه  
نظر نندن نه قدر غافلانه اولدیغنی نتیجه و قوعات  
انبات ایتمسدر .

فی الحقیقه معند، منفعت پرست و مقاصد  
عسکریه بی اهل ایدن، بناءً علیه فنا اولان  
بر پولتیقه هیچ بر زمان بوراده کی قدر شدید  
بر مجازاته دوچار اولما مسدر .

عثمانلیلرک حال و حرکتی — یوقاریده  
درج ستون تألم ایلش اولدیغمز کی عثمانلیلر  
دها نیسان اواسطنده هر نوع تعرض فکرینی  
ترک ایتمسدردی . رومانیاه تعرض ایدلمه جکی  
جهتله، روسلرک تحشد حرکتی منع و تعجیز  
ایتمک ایچون طونه نیک شمال ساحلنده کوچک

بالقائرك اوتەسنە آتمغە كندیلرینی حاضر -  
لا یورلردی .

دشمن كل يوم بزدن خبر آلوركن  
عثمانلی ارکان حربیه سی دشمنه دائر معلومات  
آلمق ایچون هیچ بر واسطه یه مراجعت  
ایتموردی . و حالبوکه بزم بلغار قایغه فائق  
وسائطمز ، کوزل طونه نك جریان تیز  
وشدیدینه مقاومتدن عاجز و مسکین موسقوف  
بارکیرلندن دها قوتلی مرا کیمز ، یعنی بر  
زرهلی فیلومز واردی .

بز بوفیلو ایله دکل یالکز قارشو ساحله  
استکشاف مفرزه لری سوق ایتمک ، بلغارلرک  
بری طرفه کچمسنده مانع اوله بیلور ایدک .  
حیفا که بو قوتلی معاون ، کندیسندن

امید ایدیلان ایشلردن هیچ برینی ایضا  
ایتمدی و حال استراحت و عطالتی اختیار  
ایدن زرهلی و نیتورلرمن بکلدیله که چوروك  
قایقلرک اوزرینه بنش جریشکار روس  
ضابطلری کلوبده کندیلرینی برهوا ایتسونلر!  
هیچ بر حربده بو قدر کوزل فرصتله  
ضایع ایدلاماشدر .

ایشته بز کوزلرمن باغلی و قولاقلرمن  
طیقالی اولدینی حالده ایلك ترتیباتی اخذ  
ایدیور ایدک . روس اردولری رومانیا  
اکمال تحشیدات ایدرکن بز اك عادی بر  
معلومات بيله آمیور، حتی اوروپا غزته لرندن  
تعقیب و قوعات ایتمک کلفتی بيله اختیار  
ایتموردک ....

### کوپری مالز مه سنک احضاری . محاربات بحریه و نتایجی

دمیر ، چابا کبی مالز مه تدارک اولدینی کبی  
رومانیا یه ده کشف وظیفه سیله درت ضابط  
کوندرلدی . نتیجه کشفیاتده قلاص جوارنده  
جسیم اختشاب مالز مه بولندینی ، اکا مقابل  
وسطی رومانیا یه بوقبیل وسائطک چوق  
اولدینی اکلاشلدی . (الطا) نهرینک تابی  
اولان لوترو صوی اوزرنده کی کرسته  
قاریفه می صاحبی ، همان سپارش ایدمک  
شرطیه ، ایستیلان مقدرات تحتہ اعمال ایدک  
ایدی . بو ائنده وسطی طونه [ نیکبولی -  
سلستره قسیمی ] اوزرنده اصل کچید حرکتی

اردونک یانده کی کوپری مالز مه سنک  
طونه نهری اوزرنده بر کوپری تأسیسنه  
بيله کافی اولدینی یوقاریده سویلمشدی .  
مالز مه مذکورہ نهر اوزرندن مرا کبله مرور ایتمک  
هله هیچ کافی دکلدی . لکن طونه اوزرنده  
ایکی کوپری انشا ایتمک قرار ویرلمش  
اولدیغندن ۱۸۷۶ کانون اول بدایتده اردو  
باش قوماندانلی طرفندن سرمهندسه ، بر  
سال کوپری انشا ایتمک ایچون ایجاب ایدن  
مالز مه نك حاضر لائمی امر ایدلدی . بو امر  
اوزرینه تحشد منطقه سندن ، زنجیر، خلاط،



تقدأ مصارف جسیمه اختیار ایدلش اولماق ایچون تداییر مقرره نك بر مدت تعویق ایدلسی مناسب کورلدی .

نیسان بدایتده درت استحکام ضابطی کوربیجی مالز مه سنی حاضر لاق و ایجاب ایدن مقاوله نامه لری عقد ایتمک ایچون رومانیا به کوندرلدی .

عین زمانده طونه نك کچید نقه لسی انتخاب ایدلسی الك زیاده ملحوظ اولان نقطه لرنده ایلك دفعه اوله رق اجرا سنه باشلانان استکشافاتده مجرا نك عرضی ظن ایدلدی کندن دها بیوک اولدینی تین ایدلدی . انک ایچون مالز مه نك دها واسع مقیاسده تداوک ایدلسی ایجاب ایلشدی .

لوتروده اغاچلر هوز قطع ایدیله چک اولدیفندن ایشلر اوقدر بطی کیدوردی که متعهده بدایه بر ، بعده ایکی استحکام بلوکی ترفیق ایدلکه لزوم کورلدی . لکن بویوزدن الك مساعد اولان زمان فائب اولوب کیتمشدی . ایشه باشلاندینی زمان اغاچلره صویورومش ایدی . اغاچلرک بر چوغی چاتلا یوب طاغلدینی کبی آغر لقلرندن طولانی قوه تحملیه لری خیلی آزالمشدی . انک ایچون عملیات تعطیل ایدیله رک متعهده ک پک آز ایشه یارایان یدک مالز مه سنی اشترا ایدلدی . بومالز مه الطال اولتی ) نهرندن ( سلاتینا ) به سوق ایدلدی . الك نهایت بونکده

ایچون ایکی کوربری یعنی جمعاً یکون اوچ کوربری انشا ایتمک قرار ویرلدی . بونلر دن ایکلسی سال کوربری بری طومباز کوربری اوله جقدی . طومباز کوربری ایچون اقتضا ایدن مالز مه ( قلاص ) ده حاضر لانه جق و شمندوفر و عر به ایله وسطی طونه به کتوریله . چکدی .



بحر سیاه فیلوسی قوماندانی آمیرال هوبارت باشا بو خصوصده تنظیم اولسان مفصل پروژه اردو باش قوماندانی طرفندن تصویب ایدلش ایسه ده موقع فعله ایصالی ایچون امر ویرلماشدر . زیرا وضعیت سیاسیه نك هنوز غیر معین اولسی حسسیله بیوده یره

روسلرک طونه دن مرورنی اشکال ایتک  
ایچون عثمانلیرک النده قسماً پک قوتلی ۲۰  
سفیته حربیه (بونلر ایچنده ۵ مونیاتور) ایله ۲۶  
سفاثن سائره (نقلیه کیسی، شالوپه، معونه)  
واردی .

اشبوسفاثن حربیه انکلتره لی هو بر پاشا  
قومانداسنده ایدی .

بوسائطه بدل روسلرک قوای محاربه سی  
پک قیمتسز ایدی . ۱۴ قوطره و شالوپه ،  
۴ اخراج ضدالی ، ۱۷ قایق، روسلرک  
طونه ده کی تکمیل هیئت سفاثنی تشکیل  
ایتمکده ایدی . بونلر شمندوفرله طونه یه  
کتیرلشاردی . بو کیلردن یالکز ایکسینک  
سرعتی بالذسبه زیاده اولوب (۱۲) سی یالکز  
۲،۵ - ۴ بارکیر قوتنده ایدیلر و جریانه  
قارشو ساعتده ۴ کیلو متر دن فضله مسافه  
قطع ایده میورلردی .

روسلر ، نهری مرور ایتمکه و یا خود  
کوری انشاسنه تشبث ایتزدن اول عثمانلی  
فیلسونی محو ایتمک و یا بر ضرر ایقاع ایده میه .  
جک بر حاله افراغ ایلک مجبوریتنده ایدیلر .  
بو مقصده بنساء طونه نك متعدد یرلرنده  
طوریل خطلری تأسیس و بو خطلری قوتلی  
ساحل بطاریه لریله مدافعه ایتمک ایجاب  
ایدردی .

آنان معلوماته و عثمانلی کیلیرنک پک  
نادراً کوستر دکلری فعالیته نظراً عثمانلی

عدم کفایتی آکلاشایدغندن (اولتی) نهری  
اوزرنده کی قایق و ضدالیرک هپسی، کوپری  
مسندینی تشکیل ایتمک ایچون، صاتون الندی .  
حزیران اورته سنده کوپری مالز مه سنک  
قسم اعظمی، ان نهایت حاضر لانه بیلمشدی .  
نادراً تاریخ حربده بو قدر موجب  
استفاده بر بخته تصادف اولنه بیلور .

فی الحقیقه، ۴۶۰،۰۰۰ کیشیک براردو،  
مذاکرات سیاسییه بر نتیجه قطعییه باقتران ایتدن  
اول سلاح آلتنه آلهرق ایلرجه بسندلیکی  
و بوضورتله بر جوق میلیون وغایت قیمتدار  
برخیلی زمان ضایع ایدلدیکی حالده کوپریچی  
مالز مه سی تدارکی خصوصنده شایان حیرت  
بر اقتصاد کوسترلش و بواقصد یوزندن  
مناسبتسز بر موقعه و مناسبسز بر زمانده  
بر جوق میلیونلر و تلافیسی غیر قابل و قتلر  
غائب ایدلمشدی .

لوترووادینسند کی متعهدله وقت وزمایله  
بعض شرائطه مستند بر مقاوله نامه امضالمنلی،  
بو مقاوله یه نظراً متعهد ، قیشین ، قطعیه انه  
باشلامغه مجبور اولمی ایدی . حرب تهله لکسی  
زائل اولدینی حالده متعهد یالکز تضمینات  
و یریلوردی .

\*

عثمانلیر قوتلو فیلولرینی ، هیچ بر مقصد  
و پلانه مستند اولمقسزین ، (ویدین) دن  
قره دکزه قدر تکمیل طونه بویجه  
طاغتمشردی .

فیلسنک طرز تقسیمی شویله ایدی : منصب جوارنده ۳-۴ ، ماچین قولنده ، ابرائیل قارشوسنده و (حرزووا) ده اوچر کمی ، سلسترده ۱ کمی ، روسجوده ۶ ویدین ده ۳ کمی لشکر انداز ایدی .

باربوشی کوپرسنک و منصب جوارنده پروت اوزرنده تأسیس ایدیلان کوپرنک محافظه سی ایچون اول (ره نی) ده و (سرت) منصبک ایلروسنده او یله برطورپیل خطی تشکیل ایدلمشدی که باربوشی کوپرسی طوب آتشنه قارشو بیله تأمین ایدلمش ایدی . عین زمانده سرت منصبی ایله ابرائیل ده محاصره طوبلری ایچون بطاریه لر انشاسنه باشلانیدی .

۸ مایسده بو بطاریه لر تجهیز ایدلمشدی . بتون بوزمان ظرفنده عثمانلی کیلریله بدایه یالکنز صحرا طوبلریله مجهز اولان ساحل بطاریه لری آراسنده غایت اهمیتسز محاربه لر وقوع بولدی .

برنجی مصیبت بحریه - ۱۱ مایسده ماچین قولندن ابرائیل اوکنه کلان ( لطف جلیل ) نامنده برعثمانلی مونیتوری محاصره طوبیچینسک بر مریدسیله برهوا اولمشدی . بو محاربه یی رأی العین تماشا ایدن بر فرانسز طوبیچی یوزباشیسی اثرنده شو تفصیلات الیه یی اعطا ایدیور :

۱۱ مایس ایکندی وقتی ایدی « لطف جلیل » نامنده بر بیوک عثمانلی مونیتوری ابرائیل قارشوسنه کله رک شهر ی بومباردمان ایتمک ایستدی . لکن ۳ و ۴ نومرولی روس بطاریه لری و روس فرقه بحریه سی اونک بو مقصدینه ممانعت ایتدکلرندن لطف جلیل کری چکلدی . سفینه دروننده بولنان پاشا و یاور حربی مونیتوری ترک ایدرک عمومی قوماندان ایله مذاکره ایتمک اوزره صندال ایله ( ماچین ) طوغری عزیمت ایلدی لر و سفینه ضابطاننه ، کندی لری عودت ایتمزدن اول اتش اچماملرینی تنبیه ایتدی لر .

روس لر شمندی ۴۰۰۰ متره دن اتش اچمشاردی . عثمانلی لر مقابله ایتمدکلری جهته روسلرک طوب اتشی ، مجازاتسز ، دوام ایلدی تقریباً یکریمی انداختدنصکره ، مونیتوردن بیاضمسی بر دوام چقیمغه باشلادی و بودومان سفینه یی کاملاً احاطه ایتدی . متعاقباً مخوف براشتعال وقوع بولدی . برقاچ دقیقه صکره دوام زائل اولنجه ، مونیتور ، طالفه لر ایچنده کاملاً غائب اولوب کتمشدی . طونه نهرینک سطحی اوزرنده یالکنز عثمانلی سنجاغنک بوزمکده اولدینی کوریل سیوردی . دمین ، بیوک برعثمانلی سفینه حریه سنک اوزرنده شان آورانه طالفه لانان بو یایراق شمندی بر

فلاکتی اخطار ایتمکده ایدی . میرالای  
سترو قوف برصداله آنلایه رق بوقیمتدار  
غنیمتی المغه کندی ؛ وعین زمانده طالغله لرك  
ایچنده چابالایان بر عثمانلی بحریه ایسنی ده  
قورناردی .

.....

ایشته بو صورتله زرهلیمز، بومباردمان  
ایتمک کندیکی بردشمن طرفندن باتیرلمشدر ...  
بونک مسئولیتی کیمه عاندر ؟

اولا عموم فیلو قوماندانسه : چونکه  
حربده بویله طاغنیق و متفرق ایش کورلماز.  
بر مقصد ، بر هدف تعیین ایدیلور او هدفه  
کوره بر قرار وریلور اندن صکره اجرا-  
آنه باشلانیلور . ابرائیلی بومباردمان ایتمک  
مطلوب ایدیسسه ، بوتشبتک منتج موفقییت  
اولسنه کفایت ایده چک قدر قوت ووسائط  
جمع ایدلمک اقتضا ایدر ایدی .

ثاباً : کینک قوماندانسه . — بر قوما-  
ندانک تدبیر اولوق اوزره، ید قوماندانسنه  
تودیع ایدیلان برکمی بی دشمن قارشوسنده  
ترك ایدرک مذاکره یه کیتیمی وکندیسی  
عودت ایدنجه قدر آتش آچامسنی تنیه  
ایتمی هر حالده بسیط بر تدبیر دکلدر .

حربده بوکمی قاریشیق تدبیرلر و امرلر  
دائماً موجب فلاکت اولور .

ثالثاً : کینک ضابطانسه . — آتش  
آچیکنز « امری ، دشمن آتش آچدینی

حالده ینه مقابله ایتمک معناسنی متضمن  
اوله ماز . بونی بویله تفسیر ایدرک سفینه لرینی  
دشمنک هدف تخریبی قیلمق ایچون بر  
ضابطک مابه التمازی اولان هر نوع مزایادن  
محروم بولمق ایجاب ایدر . مادامکه وضعیت  
دکشمشدر ؛ بو وضعیت کوره بر قرار ویرمک،  
یا چکیلوب کیتمک ، یا کمال شدتله مقابله  
وهجوم ایتمک مقتضای عقل وحکمتدر . بونی  
درک و ایفایده میان کمی ضابطانی ، آمرلرینک  
خافلانه خطاسنی کندی مجرمانه عطاتلریله  
آمام ایتمشدر وبتون بو خطالرك مجازاتی  
اوله رق ، عثمانلی بایراغنی دشمنه ترك ایدرک ،  
کیلریله برابر قهر نهره کیتمشلدر .

بومونیتور ، بو بدیخت حربک ایلک  
قربانی ایدی که عثمانلی سلاحلرینک عاقبت  
فلا کتته مشوم بر علامت تشکیل ایدیلوردی .  
طونده کی عثمانلی فیلوسی بو صورتله  
ایلک جزؤ تامنی ضایع ایتمشدی . بو ایلک  
ضیاعی ، برسلسله ضایعات ومصائب تعقیب  
ایده چکنی .

عثمانلی زرهلی فیلوسی ، اتخاره باشلامش  
ایدی .

( لطف جلیل ) مونیتورینک نصل غرق  
اولدیغنه دائر روس ارکان حربیه سنک  
اثرنده کی تفصیلات شایان نقل کورلمشدر :  
« ایلک مرمری بی ، بعدالظهر ساعت ایکی  
بچقده ، ۴ نومرولو بطریه ( ۴۶۸ )

اسملرنی بکا بیلدیر . طوپچیله سلام  
وتشکر می تبلیغ ایت .

۱۵ مایسده ابرائیل قارشوسنده کی  
ماچین قولى طورپیل ایله سدايدلمش [۱] و ۱۹  
مایسه قدرطونه نك بيوك قولى ده (ابرائیل)ك  
یوقاریسنده كذاك برطورپیل سدیله قیاتمشدی .  
ایشته بو صورتله آشانغی طونه قول

اردوسنك كچید حرکاتی اجرا ایده جك اولان  
قسم هر ایکی طرف سد ایدلمش بولنیوردی .  
دها زیاده استحصالی امنیت ایچون  
۸ و ۹ حزرانده (ماچین) قولنك جنوب  
نهائی و طونه نك بيوك قولى اروجده (حرزووا)  
جوارنده دخی سد ایدلدی .

### ایکنجی مصیبت بحریه - ۲۵ و ۲۶

مایس کیجه سی دوت روس شالوپه سی (ماچین)  
قولنده و ابرائیل قارشوسنده طوران عثمانلی  
کیمیلرینه هجومه کیتدیله . و روس شالوپه لری  
برطورپیدو مر میسیله عثمانلی مونیاتورلرندن  
برنی برهوا ایتدیله .

سالف الذ کر طوپچی یوز باشیسی بو محاربه  
حقنده ده شو تفصیلاتی اعطا ایتمکده در :  
« بو وقعه بحریه ، عسکرلک نقطه نظرندن  
برنجیسنه نظراً دها مهم ایدی .

[۱] بوراده قوماندایدن میرالای ستروفوف  
ایدی که طورپیل عملیاتی محافظه ایچون قره به  
برلوك چیقارمشدی .

متره دن ، ایکنجی مر می بی ۳ نومرولو بطریه  
۳۶۲۸ متره دن انداخت ایدلدی . مر میله ،  
سفینه نك یانی باشنده پاره لانیور ، لکن عثمانلی  
کیسی جواب ویرمایوردی . ساعت تام  
اوچی چاریک کچه ۴ نجی بطریه دن ایکی  
مر می اتلدی : بری ۳۴ فوندلق طویدن  
دیگری ۶ پوسلق هاوندن .

مر میلرک ایکیسی ده مونیاتور اصابت  
ایتدی . عقب آنده مونیاتور برهوا اولدی .  
اغلب احتمال مر میلردن بری جیخانہ انبارینه  
اصابت ایتمشدی ؛ دومان زائل اولتجه ،  
مونیاتور باتمش ، یالکنز بایراقله دیرکک اوچی  
کوریلپوردی .

اوچ روس سندالی همان سفینه نك انقاضنك  
یانه کیدمرك بایراغی الیقندن صکره کری به  
دوندیلر . بدایت وقعه ده « لطف جلیل »  
التحاق ایتمش اولان دیگر ۳ دشمن کیسی ،  
برتك انداخت بیله اجرا ایتمورلردی . بو  
موققتک خبری عین کون اقصاشی (کیشنه ف) .  
کلدی . باش قوماندان ساحل طوپچیسی  
قومانداننه شو تلغرافی چکدی :

« طوپچیمنك اتشندن حاصل اولان  
شانلی نتیجه دن طولانی سنی وعسکرمری  
بتون قلبمله تبریک ایدرم . صحیح انداختی  
ایله زرهلی بی برهوا ایدن نشانجی نومرو  
نفرینه حرب مدالیه سی ویردیکمک تبشیر  
ایدلمسنى امرایت . وانك وطاقم ضابطنك

بك قراكلق ایدی . کیمیلر یکدیگرندن  
( ۴۰ ) ر متره مسافه ایله ، نصف الیلدن  
ایکی ساعت صکره ( ماچین ) ک اشاغیسنده  
کائن ( پترافی ) موقعنه مواصلت ایتمشدی .  
اوراده ، عثمانلی کیمیلرینی فرق و مشاهده  
ایتدکلرندن ، ایکی خط اوزرنده یعنی چارویچ  
وکسه نیا اوکده ، دیکرلری آرقده اولدیغی  
حاله ایلر اولدیلر .

عثمانلی کیمیلرینک وضعیتی شو ایله ایدی :  
« سیف » وسط ایلیسینده ، آنک صاغنده  
فتح الاسلام ، صولنده ( قلیج علی )  
بولنیوردی .

روس صندالترینک کلدیکنی اک اول  
« سیفی » مشاهده ایتشدی . نوتجی نفری  
کیمدر او دیه باغردی . ملازم دوباسوف  
ترکجه یا کلش بر تلفظ ایله جواب ویردیکندن  
بوندن شبه لنان نوتجی نفری سلاح باشنده  
باغردی . عقبنده نومرو نفراتی طوپلرینک  
باشنه قوشمشلرسده باروت حق آتش  
آمامش ایدی . هیچ بر انضباطه تابع  
اولیان بر تفنک آتش ایچینده ، ملازم  
دوباسوف ، حقیق بر صغوق قانلیق ایله  
سیف کیمسنک تا یانه قدر ایرولیه رک  
زره لنینک مرکزینسه طوریلانی انداخت  
ایلدی ؛ بوغوق بر اشتعال طویولدی .  
مشئوم بر آلو ، کیجه نك وحشت انکیز  
وايصالق قراکلغنی آیدینلاندی . بو

۲۴ مایس کیجه سی ملازم دوبازوف  
( ماچین ) جهتنده صندال ایله بر استکشاف  
اجراسنه تئبث ایلدی و « فتح الاسلام »  
« سیفی » و قلیج علی « ناملرنده کی اوچ  
عثمانلی سفینه حربیه سنک وضعیتنی تحقیق  
ایتدی .

استکشافنی برتدکدنصکره ، ملازم  
دوبازوف ، ایرلسی کیجه ایچون بر  
هیئت سفریه ترتیب ایلدی . بو هیئت  
سفریه ، بخارلی درت عادی شالوپه دن  
عبارت ایدی : ( چارویچ ) ه ملازم  
دوباسوف قوماندا ایتمکده اولوب ۱۴ کیچی  
ایله محاربه یی او اداره ایتمشدی ؛ « کسه نیا »  
ده ایکی ملازم و ۹ کیچی واردی . « دیزیت »  
و « چاره ونا » ده برر چاوش و سکزر نفر  
واردی . بو شالوپه لرک هر بر یانه دینامیت  
ایله دولدیرلمش برر طوریلربط ایدلمشدی .  
شالوپه لرک یانی عادی ساچ لوحه لر ایله  
ستر ایتک ایچون ضابطانک بالذات مرتبات  
ایله برابر ، چالشدق لرینی کورمش ایدم . بز  
کوکرته اوزرنده شاطرانه طولاشیرکن ،  
آنلر ، اللرنده چکیچ متبادیاً چالیشورلردی .  
اشنای عزیزتمده حرارتلی مصافحه لر  
ایتدک . بر آرز صکره شالوپه لر نظردن  
نهان اولیورلردی .

بو کچوک فیلو ، کیجه یاریسندن صکره  
حرکت ایتمشدی . هوا ، یاغمرولی و کیجه

سلاحلری استعمال ایتسفی بیلمیورلر ، قره  
دکزه حاکم اولان بر دونمانک جزؤناملری  
خصمک قره دن ، عربہ لراہ طاشیوب کتیردیکی  
شالوپلر طرفدن هجوم ایدیلیور ، مغلوب  
ایدیلیور ، بر هوا ایدیلیوردی .

عثمانلیرک فلاکتی تعاقب ایتسکه باشلا-  
مشدی .

اوجنجی وقعه بحریہ - (دوباسوف ک  
(و شستاقوف) [ کسه نیا قوماندانی ]  
موفقتیلرله نشئه لنان ، قوماندان ماقاروف  
۹ حزیرانده ( سنه ) منصبده کی عثمانلی  
سفن حربیه سنی تحریب ایتک ایچون  
ایکنجی بر هیئت سفریه ترتیب ایلدی .  
اوده سادن عزیمت ایدن قوه سفریه  
شونلردن عبارت ایدی :

غراندوق قسطنطین واپوری : قوماندانی  
ماقاروف

۱ نومرولو طورپدو : قوماندانی  
ملازم پوشکین

۲ نومرولی طورپدو : قوماندانی  
ملازم روجوه نسکی

چشمه زرهللی قایبی

مینور  
سینوپه  
ناوارین  
کیملری

بو کیلیرک جمله سنک هر بر یانی دینامیتلی  
طورپیلرله مجهز ایدی .

آیدینسلق ایچنده ، کشیف بر دومانک  
یوکسلیدیکی و عثمانلی سفینه سنک پاره لانان  
یانلرندن ایچرویه طالعہ لک هجوم ایلدیکی  
کوربلیوردی .

اشتعالک عکس تأثیریه صندال بر طرفه  
دورلدیکندن ، ملازم دوباروف صندالک  
باته جغه ذاهب اولمشدی . ایچرویه او قدر  
چوق صو طوا مشدی . لکن بر اختیار  
کیچی ، تهلکه اولدیغنی سویلدی . مونیتور  
بآتمده اولدینی حالده بیله ، عثمانلی کمیجیلری  
روس صنداللری اوزرینه تفنک آتشی اجرا  
ایتکدن واز کچمیورلردی . او زمان کسه نیا  
« سیفی » ک اوته طرفه ایلرولیه رک ایکنجی بر  
طورپیل انداخت ایلدی . بو دفعه بسبتون  
ایکی پارچه یه بولونان سفینه ، طالعہ لک  
آلتده غائب اولوب کتدی .

کچوک روس فیلوسی ، بر تک نفر بیله  
ضایع ایتسکیزین ، چکیلدی .

بو وقعه روس بحریه سنک اونوتلساز  
وقایعندن برینی تشکیل ایدر .

وقعه ، عثمانلی بحریه سی ایچون دخی ،  
فقط بشقه بر نقطه نظر دن اونوتلازوقایعندن  
برینی تشکیل ایتسکده در .

سیفی مونیتوری عثمانلی دونماسنک  
موسقوف سلاحلریله پاره لانان ایکنجی  
عضوی ایدی .


قودانلرمنز ، اللرینه تودیع اولنان

فیلسونک ایستیکلرینه رغماً ، ۴ نومرولو  
 طورپیدو هیچ کورلمکسزین ، (اجلالیه) مک  
 ۴۰ متره قدر یانته صوقولغه موفق اولدی .  
 نصف الیلی تقریباً ایکی ساعت کچوردی .  
 عثمانلیلر ، کلیشی کوزل ، تفنک آتشنه  
 باشلامشلردی .

باران مرعی آلتده ، ملازم روجوه نسکی  
 یواشجه ، اجلالیه یه یاقلاشدی و طورپیلنی  
 آتدی . «اجلالیه» محاربه دن خارج برحاله  
 کلامکله برابر خسارات جدیده یه دوچار اولمشدی .  
 روس طورپیدوسی برقاچ یرندن خسار زده  
 اولمش و ایچنه صوطولمش ایکن یه قاچه بیلدی .  
 لکن ۱ نومرولی طورپیدو قاچه ما .  
 مشدی ؛ بونک طورپیلنی بر زنجیره چاره برق  
 وقتدن اول باطلامش و عثمانلی طوبلرینک  
 کسب صحت ایدن آتشی ، بر مرعی ایله  
 طورپیدوی قعر بجره ایصال ایلشدی .  
 روسلر ، دکزه آتلادیلر . استقبال امیرالنک  
 رفیق سیاحتی و بش روس کمیجیسی عثمانلورک  
 انه دوشدی .

قسطنطین قره یه او طورمش ونا بصباح  
 بحرانی بروضیتده قالمشدی . آندن صکره  
 تکمیل کورمالزمه سنی دکزه آتهرق قورتلغه  
 و ۱ نومرولو طورپیدو نا موجود اولدینی  
 حالده دیکرلری ایله برابر ( اوده سا ) یه  
 عودته موفق اولدی .

مصطفی پاشا قومانداسنده ، سنه  
 لیمانده لنگر انداز بولنان عثمانلی کمیاری  
 شونلردن عبارت ایدی .  
 فتح بلند زرهاییسی  
 اجلالیه  
 مقدمه الجیش »



دولت علیه بحریه ناظری قیصریلی احمد پاشا  
 قرتال کمیسی ( بو کمی مجهز ، لکن  
 زرهسز ایدی )

ملازم پوشکین ایله ملازم روجوه نسکی یعنی  
 استقبال چوشیا امیرالی اک اوکجه ایلرولدیلر .  
 کیچه او قدر قراکلق ایدی که ، عثمانلی



بووقهٔ بحریه بزم ایچون موجب شرف  
اوله‌ماز . وسائط مدافعه‌دن محروم قالان  
روس کیلرینی تمقیب ایتمک و هله (قسطنطین)  
کیسنی اخذ ایتمک عفو ایدیه‌ماز بر امال  
وتسامحدر .  
روسره کلنجه ؛ سنه فراریلرینک



روس فیلسی باش قوماندانی غراندوق قسطنطین نیقولایه ویج

قوماندانلری اولان ( ماقاروف ) و ( روجوه  
نسکی ) نک بوتشباری روسیه‌ده آلقیشلا-  
نیوره . و بوکنج ملازم لری ( پور آرتور ) ده  
روس دونماسنک طالع فلاکتی کندی عاقبت  
فلاکتی ایله تختیم ایتمک ، دیگرى دونماسنی قسماً  
اسیر قسماً ده قهر دریا به ایصال اینتدیرد کدنسکره

بر نحو محققدن قورتلدینی تسلیتی ایله بردها  
تشبندده بولنماش و روسلر کمال حضور  
واستراحت ایله ایشلرینه دوام ایلمشدر .

روسلرک قره دکز مفرزه سی وظیفه سنی  
بو قدر طالعی بر صورتده ایفا ایدرکن ،  
خاصه قطعات فیه سی ده ، طونه نک وسطی  
قسمنده کچیدا اجراسی ایچون اتخاب ایدیلان  
قسمک طرفینی سد ایتمکله مشغول ایدی .

روسلر پاراپان ده ( روسه جقک ) براز  
اوزرنده ( وقورابیا ) اولتی منصبک بر آز  
یوقاریسنده ( طورپیل ) وضع ایتمدی .  
قورابیا ده کی سد ۲۴ جزیرانده حاضر اولمش  
اولدینی کی ۲۷ ده ( فلاماندا ) ده بر ایکنجی  
طورپیل خطی احضار ایدلمشدی .

( پاراپان ) ده کی سد عملیاتی ، عثمانلیرک  
تأثیرات متقابله سی نتیجه سی اوله رق الک  
زیاده مشکلاته معروض قالدی . ۲۰ جزیرانده  
طورپیل اکلمک باشلامش ایکن زمینچاده  
کچید اجرا ایدلیدی کونه ( ۲۷ جزیرانه )  
قدر تکمیل سد عملیاتی تمام ایدیله مامشدر .  
بحث ایتمدی کمز ممانعت ده ضعیف بر عثمانی  
قطعه سی ایله بر بطریقه نک اجرا ایدلیدی  
آشندن عبارت ایدی .

قارشو ساحلده موضوع بر پیاده قطعه -  
سیله بر بطریقه بو درجه بر تأثیر اجرا  
ایتمکد نصره عثمانی فیلوسی بر آزر فعالیت  
وعزم کوستریدی نه یامازدی !

غالب و عالیجناب نیونلره تسلیم اولمق ایچون  
آرادن یکر می بش سنه صکره روس دوئمالرینه  
باش قوماندان نصب اولنیوردی .

دردنجی وقعه بحریه - ۲۰ جزیران

نصف الیلدن ۴ ساعت صکره روسلر یوزباشی  
نوویوقوف قومانداسنده اوله رق طورپیل ایله  
نهری سد ایتمکله مشغول ایدیلر .

صباحه قدر روس بحریه لیری رومانیا  
جهننده ایشلرینی بترمشلر ، لیکن عنانی  
ساحلنه یاقلاشنجه تفنک آتشیله قارشو -

لامشلردی . عین زمانده بر عنانی مونیتوری  
ایرولیه رک روس قایق لری شدتلی بر آتسه  
طوتدی و پک آز بر زمان ظرفنده اوچ  
طورپیدوی محاربه دن خارج برحاله کتیردی .

یوزباشی نوویوقوف ( شوتقا ) طورپیدوسنه ،  
مونیتوره هجوم ایتمک امرینی ویردی . ملازم  
( سقریدلوف ) قومانداسنده کی ( شوتقا )  
طورپیدوسنک اوزرنده رسام شهیر  
( وره چاکین ) ایله التی بحریه لی واردی .

طورپیدو بر قورشون سیلابه سی آلتنده  
زره لیک تایانه صوقوله رق طورپیلانی آتمش  
ایسه ده قورشونلر ، تللری کسمش اولدیغندن  
آتش آلمدی .

طورپیدو بر چوق محلندن خسار زده  
اولمق له برابر قاچدی . بو حادثه نک نتیجه سی ده  
روسلر ایچون پک مهم ایدی زیرا عثمانی  
قودانی ، تصادفک مستثنا بر مساعده سیله

بتون تفرعاتی ایوجه مشاهده ایدہ بیلدک .  
عثمانی قرووا زورینہ ، اللری جیندہ  
اولدینی حالہ کو کر تہ اوزرنده آیاقده طوران ،  
لاقید طورلی ، برقپودان قوماندایدیوردی .  
بو قپودان امرلینی شایان حیرت برسرین  
قانلیق ایله اعطا ایتمکده ایدی .

زرهلی کوریلور کورلنز ، جنرال لئونوف  
۱۵ نجی بطریه نک درت طوپنی طرفدن اکا  
قارشو آتش آچدیردی . عثمانی قپودانی  
دونوب باقغه بیله تنزل ایتدی ویولنه دوام  
ایتدی .

بوصرده ( شوتقا ) و ( مینین ) کیملری  
محاربه یه کیریشمک اوزره ایلر ولدیلر . بو کیملر ،  
دها ایلیک آندن اعتباراً ، شمدی یه قدر محاربه  
ایتمکد آیشمش اولدقلرینه هیچ بکنزه میان  
بردکز آدمک قارشوسننده بولندقلرینی  
او کورنمشلردی .

روس کیملری طورپیل ایله مجهز  
اولدقلری حالده زرهلی یه یاقلاشمغه  
اوغراشدیلر لکن عثمانی زرهلیسی او قدر  
بیوک برمهات ایله مانوره ایدیورلردی که  
آنک دیو آسا اولان حرکتلری ، کوچک  
طورپدولر ککنه نظراً یوز مثلی دها چویک  
کورونیوردی .

عثمانی قپودانی بو آتسه قارشو ، اللری  
دائماً جیندہ اولدینی حالده ، او قدر صحتلی  
برائش اجرا ایتدیردی که اون دقیقه صکره

یرکوک ، فلانماندا وطورنو ماغوره لده  
محاصره طوپلری ایچون بطریه لر تأسیس  
ایدلمش و یرکوک ده ۲۳ حزیرانده ۲۸ وطور-  
نو ماغورل و فلانماندا ده ۲۶ حزیرانه قدر  
۸ بطریه تشکیل ایدن ۳۳ آخر طوپ  
وضع اولمشدر . ایشته بویله جه حزیران  
نهایتسده اک زیادہ مأمول اولان کوپری  
موقعلری طورپیل سدلیله تأمین ایدلمش و  
اندن بشقه بو خطلرک زور لائمنسی منع ایچون  
برجوق اخر بطریه لر احضار اولمشدی .

بتون بو دوره وقایع بحریه اتناسنده  
عثمانی بحریه سنک شان قهرمانیسنه لایق  
یالکز بروقه جریان ایتمشدر که اونی بیطرف  
برقلمدن دکمک موافق اولور .

یوقاریده اسمی کچن فرانسز طوپچی  
یوز باشیسی مارکی وستین دیورکه :

«دیہ بیلورم که حزیرانک ۲۳ نجی کونی  
تصویر و تماشاسی ممکن اولان اک کوزل  
منظره لردن برینی تماشایلدیم . بو منظره  
کریک محاربه نک کنسیدیسی کرک انی اجرا  
ایدنلرک شخصی اعتباریله بی نظیر ایدی .

او کون ، بعدالظهر ساعت اوچه طوغری  
یعنی ، کوپه کوندوز روس فیلوسنه هجوم ایتک  
مقصدیله نیکسبولی دن بر عثمانی زرهلیسی  
چیقمش ، ( فلانماندا ) یه طوغری ایلر اولمشدی .  
طونه نک بو نقطه ده کی عرضی ۷۰۰ متره در .  
رومانیا ساحلنده بولندیغمزدن محاربه نک

(مینین) يك زياده خسار زده اوله رق  
چكلمكه مجبور اولدی .

شمدی نوبت هجوم (شوتقا) به كمشدی .  
لكن عثمانلی مونیتوری تدافعی بروضعیتده  
قاله جفنه، بالعكس او، طوریدویي طور پیلله.  
مكه تشبث ایلدی . وخارق العاده برهمت  
ایله اجزا ایلدیکی مانوره لاله (شوتقا) بی  
طونه نك ساحلنه او طور تدی وبعده مهموزی  
ایله انی ایکی به بولمكه طاوواندی . بونی کورن  
روس کیمجیلری وضابطلری دکزه آیله رق  
ساحله ایریشدیله .

زرهلی یاندن ساحله تقریباً ۳ متره قدر یا قلاشد .  
یعنی بر صرده ایدی که روس ضابطلرندن بری  
قره دن وانجق یکر می متره دن عثمانلی قبودانی  
اوزرینسه اوچ ال طباخچه اتدی . عثمانلی ،  
ایلك دفعه اوله رق برالی جینندن چیقارمغه  
تزل ایلدی : وروس ملازمی و محاربه بی  
تماشا ایله مشغول اولان همیزی سلاملادی  
وبعده کمال سکونت ایله تباعد ایتدی .

زرهلی ۱ : ۸ نومرولو بطریه لرك  
جمله سنه قارشو طوپ اتشنه دوام ایدرك  
بر قاقچی خسار زده ایتدی لكن اك نهایت  
بالذات بر قاق برندن دوچار خسار اولدینی کبی  
قپودان ده بردانه پارچه سیله یاره لندیغندن  
(اوسما) منصبده کی نیکبولی کور انبار لرنیک  
کیرینسه چکلدی .

عثمانلی تاریخنه علوی بر حقیقه شرف علاوه

ایدن بو قپودانك اسمنی مع التأسف بيلمه .  
یورز . فقط بو قهرمان عثمانلینك حرکت  
واقعه سی الی الابد خاطره آرای مفخرت  
اوله جق بر ماهیتی حائزدر .

طونه فیلوسنی تشکیل ایدن زر هیلیرك  
قپودانلری هپ بویله اولسه یدی ویا  
هیچ اولزسه مذکور فیلونك رأس اداره .  
سنده بویله جسور بر ضابط بولنسه یدی ؛ اغلب  
احتمال حربك طرز جریانی بسبتون بشقه  
درلو اولور و بالقان یازم آطه سنك خریطه .  
سی بوکون بلکه بشقه بر شکل ارانه ایدر  
ایدی .

بوضابط مجروح اولدینی آدن اعتباراً  
عثمانلی دونمسی بتون حربك دوامی ائناسنده  
آرتق هیچ بررول ایفا ایتماشدر .  
آوستریا ارکان حرب قائم مقامی قراوس  
دیورک :

«روسلرك طور ییل تشبث و محاربه لرنیک  
نتایج موفقیتی بك ششمه بار اولمشدی .  
چونکه ایچارندن ایکی سفینه نك محوایدلمسیله  
قورقوتیلان ترك سفائن حربیه سی روسلرك  
انخاذا ایلدکلی ترتیباتی عقیم بر اقق ایچون  
آرتق هیچ بر تشبثده بولنمیدیلر .

پاراپانده کی سد عملیاتی ائناسنده تصادف  
اولنان مشکلات ، روسلرك تکمیل تشبثاتی  
غایت محاطره ناك برحاله افراع ایتمك ایچون  
ترکر طرفندن نه قدر جزوی بر صرف

ایدلیدیکنی ایشتمک ، بزم ایچون نه قدر الیم  
بر مجاز اندر !

عثمانلی فیلوسی ، عثمانلی اردوسنک طالع  
ادبارینه دها بدایتدن راضی اولمشدی .  
هیچ بر زمان بر دونما ، اردوسنک  
مقدراته بر قدر لاقید قالماشدی .  
بدبخت بر اردونک زواللی دونماسی !

طونه دن کچید ایچون پلان . اشاعی  
طونه قول اردوسنک ( قلاص .

ابرائیل ) دن مروری

۶ نومرولی علاوه نظر

یوقاریده ذکر ایدلیدیکی اوزره ، حرکات  
حریبه نیک بدایتده طونه دن کچید حرکاتی  
ایچون حرکات اردوسی باش قوماندانلی نزدیک  
موجود اولان پلان موجبجه قسم کلی ( نیکبولی  
- زشتوی ) اراننده کی قسمدن قارشو ساحله  
کچمکه تشبث ایده جک ، بوسروده اشاعی  
طونه قول اردوسی قلاص - ابرائیل دن  
طونه نی کچمکه غیرت ایله جکدی . بو قول  
اردونک وظیفه سی یا لکزر اردوی اصلینک  
خطوط مواصله سی تأمین ایتمک دکل ، بلکه  
عین زمانک « نمایش » ایله عثمانلیلرک انظار  
دقتی وقوای عسکریه سنی وسطی طونه دن  
اوطرفه جلب وتوجیه ایتمک ایدی .  
بناءً علیه ( قلاص - ابرائیل ) دن

قوتک کفایت ایده بیله جکینی رعنا اثبات  
ایتمشدر .

لیکن طور پیل سدلری تأسیس ایدلیدن  
صکره بیله عثمانلی فیلوسی کچید حرکات سنک  
منعی ایچون پک فائده لی ومؤثر بر معاونت  
ابراز ایده بیلوردی .

اگر کچید نقطه سی اوله رق انتخاب  
ایداسی اک زیاده ملحوظ اولان موقعه  
یوقاریسنده قوتلی بر فیلو طوپلانوبده مرتبائی  
تخلیه وجریانه ترک ایدلش کیلرله ساده بر  
صره اوزره ترتیب ایدلش اولان طور پیل  
سدلری دلتمش اولسه ایدی ، فیلو ، جرأتکار  
قبودانلرک اداره سنده اولمق شرطیله ، روسلرک  
اک قطعی بر زمانده کچید حرکاتی قطع وتهدید  
ایتمک پک اعلا موفق اولوردی .

فعالیت ، حریده احراز موفقیت ایچون  
اک مهم شرائط اساسیه دن برینی تشکیل ایدر .  
بوراده ضعیف ، لیکن متبادیا فعال وحرص  
تشبث ایله ممتاز بر قوتک ، کندیسنه نسبت  
قبول ایجاز درجه ده فائق ، فقط حرکاتنده  
غایت بطی وعاطل بر دشمن کتله قواسنه  
قارشو پارلاق وشمشعه بار بر موفقیتله محاربه  
ایتمکینی کورپورز .

ابحار وسیعہ نی عصر لرجه رایت عظمتنه  
جولانکاه اتحاد ایدن قهرمان عثمانلی بحریه -  
لیرینک احفادی حقنده بویله بر مطالعه درمیان

اردو باش قوماندانی (اولتی) دن منصب نقطه سنه  
قدر تکمیل طونه بویجه بر استکشاف اجرا  
ایدلسنی امر ایلدی . اشبو استکشاف ۱۴  
مایسده باشلادی و طقوز قسم ضابطان  
طرفندن اجرا ایلدی . اشبو استکشافاتک  
نتایجی حاوی راپورلر ۱ جزیرانده قرارگاه  
عمومی به ورود ایلدی .

بواننده آشانجی طونه قول اردوسنک  
۱۱ نجی پیاده فر قاسی ۱۴ نجی قول اردو  
ایله تبدیل ایدیور . و جنرال چیرمان  
(زاروان) تپلرینه و (ماچین) ه قارشوبالذات  
اجرای کشفیات ایدیوردی . بو کشفیاتک  
نتیجه سنده جنرال ۶ جزیرانده قرارگاه  
بر راپور کوندردی که انده ابرائیل ده کوپری  
قورلسنه بیان موافقت ایدیور لکن فیضان  
حسیله زاروان تپلرینه قدر (کهست) ایله  
(ماچین) آراسنده هیچ بر مواصله  
تأسیسی ممکن اولدیغنی علاوه ایدیوردی .  
جنرال ، عسکرک (زاروان) صرتلرینه  
چیقارلسنی (پک جراتکارانه) و اورایه  
طوب نقلی پک تهلکلی اولمق اوزره عد  
ایدیوردی . اندن باشقه بوتپلرک ضبیطی  
بیوک بر فائده تأمین ایتیه جکدی زیرا جیجیلا  
وادیس طاشدیغندن (زاروان) ایله (ماچین)  
آراسنده کی مواصله منقطع اولمقده ایدی .  
اندن بشقه مذکور چایک جنوبنده بر عثماني  
استحکامی واردی که ضبیطی «سپیل دکل» ایدی .

وقوع بوله جق کچید حرکتی بالطبع اصل  
کچید حرکتدن اول اجرا ایدلسی ایجاب  
ایدیوردی .

مع التأسف روس ارکان حربیه سنک  
آرنندن بو قدر مهم اولان کچید حرکتک  
زمان وقوعی حقیقده قطعی بر معلومات  
استحصالی قابل اولیور . اثر مذکورده  
صورت عمومیه ده کچید حرکتک  
نه زمان اجرایی متصور بولندیغنه دائر  
معلومات اولدیغنی کی طونه قول اردوسی  
قوماندانی جنرال (چیرمان) ه کندی  
کچید حرکتی ایچون بر زمان تعیین ایدیلوب  
ایدلدیکنه و یا خود مومی الیهه بو خصوصه  
سربستی انتخاب ترک ایدلدیکنه و الحاصل  
قسم کلینک کچید حرکتک جنرال چیرمان  
طرفندن انتخاب ایدیله جک کچید زمانه معلق  
بولندیرلدیغنه دائر هیچ بر ایضاحات موجود  
دکلدر . اثرده مذکور و تاریخی  
معلوم اولان او امر و راپورلردن استنباط  
ایدلدیکنه کوره حقیقت حالده بو صوک شق  
تطبیق ایدلمش وعین اثرک مختلف یرلرنده  
اصل کچید حرکتک، کوپریجی مالزهمسی  
کچ حاضر لائمش اولسی یوزندن بر قاچ کره  
تعویق ایدلدیکی صورت صریحه ده افاده  
اولمشدر .

اک مساعد کچید نقطه لری حقیقده بر کره  
دها معلومات صحیحه استحصال ایتک ایچون

بر مفرزه بولنديني و بوقوتدن ماجين ده  
 (۱۵۰۰) ايساچي ده (۹۵۰) حيرزو واده  
 (۲۲۵۰) طولچاده (۷۵۰) كشي اولديني  
 معلوم ايدي . فراري بلغارلر بو معلوماتي  
 تايد ايدورلردي ؛ (ماچين) و (حرزو و)  
 ده ، بونلك شهادت لرينه كوره ايكي شير  
 بيكدن فضله عسكر يوقدي . روس اركان  
 حريه سنك اثرى ، قلاص - ابرائيل قارشو-  
 سنده كي منطقه ده قوردون حالده تقسيم  
 ايدلمش اولان عثمانلي قوه عسكر به سنك  
 مقداري نيسان اواسطنده ( ۴۰۰۰ ) نفر  
 اولديني ذكر ايدلمكده در . بوقوتدن بر قسمي  
 (بوكسو) شبه جزيره سنده (زاروان تپه لرنده)  
 و قسم كليسي (ماچين) ده ايدي .

ماراليان امر اوزرينه جنرال چيمرمان  
 كچيد ايجون شوتر تيباتي تصور ايلدي :  
 اك اول طونه نك اصل قولى اوزرنده  
 كوپرى قوريله جق كوپرى بتد كد نصكره يعنى  
 ۲۲ حزران صباحلين قلاصدن پيشدار  
 قطعه لرى (زاروان) تپه لر ينك شمال غربى  
 منتهاسنه چيقاريله جق ايدي . بو قطعه لر مذكور  
 تپه لرده كي عثمانليرلى اورادن تبعيد ايدمك  
 و ماچين ايله ايساچي آراسنده كي مواصله يني  
 قطع ايله جكدى .

۲۲ حزران افشامى بر مفرزه ماجين  
 قولى اوزرندن صندال لره (ماچين) ه چيقا-  
 ريله جق و ايرتسى صباح ايركندن (ماچين)

طونه دن طوغرى دن طوغرى به (ماچين) ه  
 قارشو بر تشبث اجراسى كچه ممكن ايسه ده  
 بوده كذلك (بك جرأتكارانه) اولوردي .  
 جنرال چيمرمان اك نهايت آشاغى طونه  
 قول اردوسنك ساتونوف و ايساچي  
 جوارندن كچيد حركتى اجرا ايتمى نكليف  
 ايليوردى .

۱۲ حزران تاريخيله مورخ بر امرده  
 بوراپوره شو يولده جواب ويرلدى :  
 « آشاغى طونه قول اردوسى حركات اردوسنك  
 مواصلاى تا مين ايتمكه مأموردر . بو مقصدك  
 استحصالى ايجون غراندوق ، ذات والا كزك  
 قومانداسنه مودوع قول اردونك طونه يني  
 (قلاص) و (ابراييل) جوارندن كچمى نى  
 امر ايديور ... »


فايت عمومى بر صورتده قلمه النمى اولان  
 بو امرده اشاغى طونه قول اردوسنك  
 كچيد حركتى ايجون نه بر كون نه بر مدت تعيين  
 ايدلمش اولديني كوريلمكده در .

بو امرك هنگام ورودنده ۱۴ نجى قول  
 اردو قسم كليسيه (قلاص) جوارنده ،  
 ۴ پياده طا بورى ، ۲ سوارى بلوكيله  
 (ابراييل) ده ۱ پياده طا بورى ، ۱ بطاريه  
 ايله (غورا - يالوميچا) ده بوليوردى .

عثمانليره دا اثر جنرال چيمرمانك قرارگاه  
 عمومى دن آلديني خبر لره نظراً (دوريجه)  
 قطعه سنده تقريباً ۱۱,۰۰۰ كشى قوتنده

موقفه ایکی جهتدن هجوم ایدیله جگدی .  
 (ماچین) ضبط ایدلد کدنصکره کهست - ماچین  
 یولی قابل مرور برحاله کتیربله جگ وبعده  
 قول اردونک قسم کلیسی کوپریدن کچمکه  
 باشلايه جقدی .

بوتریبات حقمده ۱۹ جزیرانده قرار-  
 کاد عمومی به باراپور معلومات ویرلدی .  
 ۱۸ جزیرانه قدر قطعاتک یاقلاشدیرلمسیله  
 اشتغال ایدلدی . بوصورتله (ابرائیل) ده یوم  
 مذکوردن اعتباراً ۱۴ پیاده طابوری ، ۲۴




(لطف جلیل) مونیتورینک برروس بطریقه سی طرفندن صورت غرق

سوارى بلوکی و ۶۶ سحرا طوبی، (فالاص) ده  
 ۸ طابور ، ۴ بلوک ، ۳۸ طوب مجتمع بولنیور  
 ایدی .  
 جنرال کوپرینک ۲۲ جزیرانه قدر اتمام  
 ایدیله میه جگندن اندیشه ایدرک ۲۰ جزیرانده  
 قرارگاه عمومی به ، ۲۳ ویا ۲۴ ده عسکرک  
 نقل ایدیله جگنی و (ماچین) هجومنک دخی  
 برکون صکره وقوعبوله جغنی بیسلدیردی .  
 کوپری انشا آتته ۱۳ جزیرانده باشلانمش  
 ایدی . ایشلرک بطائله ایرولمسی حسیدله ،



مع هذا ۲۱ حزيران جنرال چیمرمان شو  
تلفرافی اخذایدیوردی :  
«اخراج حرکتی و (ماجین) هجومی ،  
دون طرفکیزدن بیلدیریلان اساسله حرفیاً  
اتباع ایدیلرک اووجهله اجرا ایديله جکدر .»  
بوامر اوزرینه اخراج حرکتی، بوجه  
قرار ، ۲۲ حزيرانده وقوعبولدی . ذاتاً  
سال کوپری ده ۲۱ حزيران بعدالظهر  
ساعت بشده تمام ایدلمدی .  
فرانسوزباشیسی بوراده کی مشاهداتی  
شوصورتله نقل ایدیور :  
« صوآلتنده کی اراضینک مقاومترینک



ماجین ده برعثمانلی مونیتورینک صورت غرق

درجه سنی اولدن تعیین ایتک قابل اوله میور  
ایدی . کتهنایت ۱۰ حزيران آقشامی ایکی  
ثابت کوپری یاپلش وسایج کوپرینک تأسیسه  
باشلامش ایدی که اوده ایرتسی اقشام تمام  
ایدلمدی .  
عثمانلیلر بتون بو عملیاته لاقیدانه نکران  
اولمقده ایدیلر . انشآتی تعطیل ایتک  
ایچون نه برال تفنک انداخت ایدیلیور نه ده  
بر حرکت وقوعبولیوردی . کویا که روسلر ،  
انلرک حساب ومنفعتنه چالشمقده ایدیلر .»

اخراج مالزمه سی نامنه ۳۵ اخشاب  
طومباز ، مختلف جسامتده تقریباً ۲۵۰  
استیجار ایدلمش صندال ، طویچی ایچون  
۱۵ سال ، اندن بشقه برقاچ بیوک قایق ،  
۳ نقلیه کیسی ۱ سفینه حریره (رومایا  
حکومتندن آلمش) . ۲ شایوه یعنی غایت  
زنکین وسائط موجود ایدی .

اخراج حرکتی ایچون جنرال زوقوف  
قومانداننده ۶۹ و ۷۰ نجی آلیلر و یارم  
بطریه تعیین و بوکا ۲۵ طومباز ، ۸۰ صندال ،  
و ۱۵ سال تخصیص اولندی . ایلمک قدمه  
اولوق اوزره هر ایکی الایدن بشر بلوک ایله  
نصف بطاریه چیقاریله جقدی .

فیضان آلتنده کی ساحده یالکیز آتی  
دوز طومباز وصالر قولانیله بیلپوردی .  
ایلمک قدمه ۲۱ جزیران آقشامی ،  
اصل قولی کچدکدنصکره بروجه آتی اجتماع  
ایده جکدی :

طونبازلر و صندالربباده عسکری ایله برابر  
آزاقلاوده طویچی زاتوقده . اقشاملین  
شفق زمانی پلوسقه کولنه قدر قایقده  
کیدیه جک و اورادن قمرک غروبنی متعاقب  
یعنی اورتهلق تمامیه قراکلق اولنجه ۶۹  
نجی آلیک بلوکاری و طویچی ، بالقچی  
کله لری جوارینه و ۷۰ نجی آلیک بلوکاری  
شبه جزیره نك ، بوکه سوتپه سنک جنوبنده کی  
اک طار محله حقیقه جققلر و اورادن شاید

عنازلیلر بوغرو و پلردن برینه مقاومت ایده جک  
اولور لرسه اونلرک جناح و کپروسنی احاطه  
ایده بیله جکلردی . بوکه سوتپه سنک ضبطدن  
صکره مذکور تپه تحت اشغالده بولندیر -  
یله جق وانجق ایکنجی قدمه نك وصولنی  
مه اقب تکمیل ۲۰ بلوک غاوان تپه لرینی  
ضبط ایده جکلردی .

اقشام ساعت ۷ ده پیاده آزاقلاردن  
حرکت ایتدی . جنرال زوقوف هر ایکی  
آلای قومانداننه پلوسقه کولنه قدر کیدوب  
اوراده کندی و رودینه انتظار ایدلمسنی امر  
ایتدی . ساعت ۱۰ ده تکمیل صندال لر  
اورایه طویلاشمش لردی . کیجه یاریسی ،  
ارزمانه قدر بتون پارلاقلغیه سواده پارلامقده  
اولان آی بلوطلر ارقه سنه کیزلندی .  
حرکت ایتمک ایچون زمان کلش لکن جنرال  
زوقوف هنوز کله شدی

هر ایکی میر آلای یکدیگریله مشاوره  
ایتدیله . ۶۹ نجی آلای قوماندانی اورتهلق  
بستون قراکلق اولور اولماز اخراج ایچون  
حرکت ایدلمسنی عزم قطعیسنی بیان ایتدی .  
اوتنه کی میر آلای ایسه جنرالک کلسنه انتظار  
ایتمک قرار ویردی . نصف الایدن صکره  
ساعت ۲ ده آی باشمشدی . هر طرف زینفیری  
قراکلق اولمش جنرال زوقوف آلان برینه  
کله مشدی . سنه نك بوموسمنده ساعت ۴ ده  
فجر باشلا دیغندن ۶۹ نجی آلیک میرالاین

و آنجق تفك آتشی سایه سنده تعیین استقامته  
موفق اولمشدی . تأخرینه سبب بوایدی .  
عثمانیلر صندالارک یا قلاشدیغنی مشاهده  
ایتمش و کندیلیرینک دوچار تهلیکه اولدیغنی  
کوردرک کری به چکلمشلردی .

جنرال زوقوف قره به چیقنجه ، پلان  
موجبنجه ایلرو یوروشی توقیف ایتمک  
ایستدی . لکن ۶۹ نجی آلی عثمانیلیرک  
تعقیب ایله مشغول اولدیغندن بوکه سوتپه سنی  
چوقدن چکمشدی . آتی هیچ بر کیمسه  
اولدیغندن خبر کوندرمک قابل دکلدی .  
اونک ایچون مذکور آلی تعقیب ایتمکدن  
بشقه چاره یوقدی .

عثمانیلر بو آره لق ماچین دن امداد  
آلمش و تقریباً ۳ بیسک کشی و ۲ طوب  
ایله مدافعیه فوق العاده مساعد اولان  
غاروان صرتلرنده اخذ موقع ایتمشلردی .  
اوکله دن ۳ ساعت اول عثمانلی طوپچیسی  
روسلره آتش آجدی و روسلر یا قلاشدقلمی  
صرده کندیلیری بالذات هجومه قالفدیلر .  
روسلر جبهه لرینی فوق العاده توسیع ایتمش  
اولدقلمی جهتله هیچ احتیاطلری بولمده .  
یغندن بک کوچ بر وضعیته ککشلردی . اک  
نهایت اوکله به طوغری بر روس طوبی  
امداده یتیشدی بو طوب هنوز آتش آچمشدی که  
عثمانیلر (ماچین) کری چکلدیلر .

عزم و قرارینه صداقت کورتره رک ۵ بلوکی  
ایله برلکده تلغراف خطی بونجه ایلرویه  
حرکت امرینی ویردی . ساعت ۳ .  
دوغری صندالر شبهه جزیره نک شمال  
منتهاسی ایلرو سنه کلدکاری زمان عثمانیلیرانلری  
مشاهده ایتمدی . عثمانیلر همان شدتلی بر تفک  
آتشی آچمشلردی . بویک اوزرینه صندالر  
کیزلیمکه ویواش یوش ایلروملکه مجبور  
اولدیلر . فخرک ضیای اولینی بلیردیکی زمان  
میر آلی کندیسنی اخراج محلنک تام قارشو .  
سنده بولدی . بوراسی صیرت ارزرنده  
طوران عثمانیلر طرفدن قوسپاره شکنده  
اشغال ایلمشدی . میر آلی عثمانیلیرک  
صول جناحنی احاطه ایتمک قراریه همان  
صندالیرینی قره به دوغری سوردی .

۶۹ نجی آلیک ۵ بلوکی بک کوچ بر  
وضعیته اییدی . تام بوسرده عثمانیلر  
موضع لرینی تخلیه ایدرک غاروانه کری  
چکلدیلر . بورجتمک سببی ۷۰ نجی آلیک  
یا قلاشمسی اولمشدی . بو آلی قوماندانی  
ساعت ۳ ده عثمانیلیرک شدتلی تفک آتشی  
ایشیدیر ایشتمز ، جنرالک کله سنه ادهاز یاده ،  
نظار ایتمیرک ۶۹ نجی آلیک مظاهرتنه شتاب  
ایتمشدی . تقریباً بر کیلو متره قطع ایدر  
ایتمز جنرال زوقوف یتیشه رک اک قیصه  
استقامت دن ساحله ایلرو له مک امرینی ویردی .  
جنرال قیا کتله لری ایچنده یولنی شاشیرمش

ماركى وستين شاهد علميى اولدينى بو محاربه  
حقنده شو تفصيلاتى ويرويور :

«صباحين ساعت ۲ ده هنوز كوپريدن  
كچن ايكي بچق بلوك ايله ۴۰۰ باشى بوزوق  
آراسنده ايلك چارپشمه اولدى .

اراضى قاييچى وايصلاق اولمغله برابر  
روسلر بوجاق صرتلرينه طرمانديلر . ساعت  
اوچده محاربه اطرافه سرايت ايتمشدى . . .

عثمانلير اثنائى انشاآتده نه قدر ساكن  
ايديسلر ، شمدى ، كنديلرندن ذاتاشبه ايدلميان  
برشجاعت ايله روسلرى بوسكورتيورلردى .

روسلكر صول جناحه قارشو چركسلكر  
طرفده اجرا ايديلان بر هجوم واقعا رد  
ايدلمش ايسهده يانلرنده هيچ طوپچى اولميان  
روس بلوكلرينك طالعلى اصلا اصلاح  
ايدلمه مشدى .

اك نهايت روسلره يكيدين قوه امداديه  
ورود ايتمسيه عثمانلير خطوه بخطوه مدافعه  
ايدرك كرى چكيديلر بو محاربه دن عثمانليرك  
ضايعاتى ۲۵ شهيد ، ۳۲ مجروح روسلكرى  
۵ ضابط و ۱۵۲ نفر دن عبارت ايدى .

بو مقاومت ، عثمانليرك (دوبريچه) نك  
استيلاسنه قارشو اختيار ايلدكلىرى يكانه بر  
مقاومتدن عبارتدى .

عبدالكريم پاشانك پادشاهه كوندر -  
ديكى راپورده كورلديكى اوزره قواى عثمانيه  
چكلمك امرينى المش اولدقلرندن روسلر ؛

سهولتله (ماچين)ه كيرديلر . بلغارلر جنرال  
چيبرمانى ، شوق و هيجان ايله استقبال ايتمشلردى  
دها صكره (ايساچى) و (طولچه) نك  
تخليه سى خبرلرى تعاقب ايدى . سردارك  
راپورينه مطلع اولنجه ارتق (دوبريچه) ده  
هيچ بر جدى محاربه ارليه جغنه قناعت  
حاصل ايدرك دارالحربك ده مهم جهتلرينه  
كتمك اوزره ۲۲ حزيرانده (قلاص) دن  
مفارت ايلدم .

طوپچى ۲۱ حزيرانده قايقلر طرفندن  
چكيلن ۹ طونباز ايچنده اولدقلىرى حالده  
زاتوق دن عزيمت ايتمشدى . مع مافيه نك  
زياده بطائله ايلروليه بيليوردى . صباحين  
ساعت ۸ ده ۴ طوب بالقجى كلبه لرينه واصل  
اولمش ايسهده طوپچى حيواناتى حامل  
ايلك طونباز انبجق ساعت ۱۰ ده كلدى .  
طوپچينك تاخر ظهورينه بادي بو اولمشدر .

۲۲ حزيرانده محاربه نى قلاص دن ترصد  
ايتمش اولان جنرال چيبرمان ايرتسى صباح  
ماچينه هجوم ايتك حقنده كى قرارندن بردن  
بره نكول ايتدى . بونك اسبابى جنرالك  
بر راپورنده ذكر ايدلمش اولوب اشبور راپور  
اهميتنه بناء عينا درج ايدلمشدر :

«عثمانليرك (ماچين) ده قواى مهمه  
امداديه المش اولدقلىرى ، بناء عليه خصمك  
مقدار قوتى اوزرينه بنا ايديلان اولكى  
پلانلرك آرتق حكمدن ساقط اولدقلىرى

شبهه دن آزاده در . معلوم اولدینی اوزره ،  
 حربك برقاعده اساسیه سی ده ، احواله كوره  
 تنظیم حرکت ایلكدره . اندن بشقه (دوبریجه)  
 نك اشغالی بختنه كننجه ؛ بومقصدك برایکی

کون دها اول ویادها کیچ حصولی اوقدر  
 شایان اهمیت دکدر . انجق (ماجین) ایله  
 (ابرائیل) آراسنده قابل مرور برموا-  
 صله تأسیس ایلدل کدنصکره (ماجین) دن  
 ایلو و کیتمک قابل اوله بیلور . صولرشمدی  
 سرعتله الحالمقده در . دها برایکی کون صبر  
 ایدیلورسه ، یارم قدم صوقالور . اوزمان  
 عربه یولندن (ماجین) ه طوغری ایلرولیه  
 بیلور و بوموقعك قارشوسنده قوتلی بر  
 طوبیجی به خط آچدره بیلورز . شمیدیکی  
 حالده (ماجین) ه شالویه ، قایقر و صندالرله  
 هجوم ایتمک ، يك جراثکارانه اولور . برده  
 (جیجیلا) کوی ایله (ماجین) شهری  
 اراسنده کی صرتدخی عثمانیلر طرفدن تحکیم  
 ایلمشدر . حاصلی ائ مهم ماده (ماجین)  
 ساحلنده پیاده بی اخراج ایده جك موافق  
 بر محل هنوز بولنماسیدر .

بر قوماندانك ویردیکی امر ویا کوندردیکی  
 راپور کندی قابلیت واحوال روحیه سنك  
 معکسیدر . بوراپور واضحاً کوستریورکه  
 طونه قول اردوسی قوماندانی هر نوع فکر  
 نشبندن وجسارت فکریه دن محروم جر آتسز  
 وقورقاق بر قوماندان ایدی .  
 اوهاملی قوماندان بوراپوری یازوب  
 کوندررکن ، ۲۲ حزیران اقشامی ،  
 راپورك ارسالندن آنجق برایکی ساعت صکره  
 بلغارلر ، عثمانیلرک (ماجین) ی نخلیه ایلمش  
 اولدقلمی خبرینی کتیریورلردی ! قصبه  
 ۲۲ حزیران اقشامی کولکلیلر طرفندن اشغال  
 ایلدیکی کبی ۲۳ حزیران بعدالظهر ۶۸ نجی  
 پیاده الایی و برنصف بطاریه ، هر بر طرفده  
 اکلمش اولدینی ادعا ایدیلان طور پیللره رغماً !  
 (ماجین) ه نقل ایلمشدی . ۲۴ حزیرانده  
 جنرال (زوقوف) ده (ماجین) ه واصل  
 اولدی .

ماجین قولنده طور پیللر وضع ایلمشدر .  
 بوکا دائر هر طرفدن خبرلر کلیور جنرال  
 زوقوفی هر نوع وسائط لازمه ایله تجهیز  
 ایدرک اونك غروپنی مستقل برحاله افراغ  
 ایتمک ایچون چالیشیورز . افراد ، جیخانہ  
 وارزاق کوندریورز . زوقوف ، ۶۹ و ۷۰ نجی

۲۳ حزیرانده عثمانیلر (ایساقچی) بی ،  
 ۲۴ ده حرزووانی تخلیه ایتمشدر و بوموقعلر  
 قارشولرنده کی روس قطعاتی طرفندن اشغال  
 ایلمشلدر .

۲۴-۲۶ حزیران اثناسنده دون قازاق  
 فرقه سی کوپریدن کچرک الان صو آتنده

زیاده موجب استفا در ، جنرال چیرمان  
عالی بر تحصیل کورمش او جنرال اردن برینه  
بکزرکه حال و وضعیتی تقدیر ایتک  
خصوصنده کی قابلیتلی ، عالی بر متانت  
و بیوک بر عزم و جسارته اقتران ایلش  
دکدر .

بو نوع قوماندانلرک اول مشکلات  
و مخاطر موجوده بی کوررلر و آنی اعظام  
ایدلر . هیچ برقرار قطعی اعطاسنه موفق  
اوله مازلر .

حالبوکه حربده ، هیچ اولمازسه باری  
بر کره واک ایوسی ، اکثریا اختیار «جرات»  
اولنلیدر . زیرا کیم جراتکارانه حرکت  
ایده جک اولورسه . آنجق او قازانیر !

جنرال چیرمان ، آلدینی شدتلی بر امر  
اوزرینه ایدی که ایلک راپورنده اظهار  
ایلدیکی تردد و قرار سزلقلری اقتحام ایده-  
بیلیدی . طونه ک صاغ ساحلنه کچمک ایچون  
تصور اولان پلان واضح و واعد موفقیت  
ایدی . کچید حرکتک ایلک صفحه سی  
پارلاق بر صورتده ونسبه قولایلقله منتج  
موفقیت اولدی . لکن تکرار قوماندانی  
اندیشه لر ، ترددلر استیلا ایتمکه باشلادی ؛  
خصم تزیید قوت ایتمش ، تهلهکه بیومش  
و تعقیب اولنان اراده و مقصدک حصولی غیر  
قابل اولمش ! جنرال چیرمان (ماچین) ه  
هجوم ایتمکی کوزینه آدییره ماز . لکن جنرال

بولنان یولک اوزرندن (ماچین) ه کلدی  
۲۷ ده ۱۰ سواری بلوکی برای استکشاف  
(باباطاغ) ایلرلدیلر ۲۸ ده اورایه یتشدیلر .  
عثمانلر جنسوده ترایان خطنه قدر  
چکمه شلردی . تموز ۷ ده ، صولر ایوجه  
الجاله رق (ماچین) عربه یولی تاسیس  
ایدیلنججه ، ۱۴ نجی قول اردو طونه ک  
جنوب ساحلنده طوپلانه بیلیدی .

مع هذا آرتقده ایلر و یوروش باشلا-  
مش ایدی . ۶ تموزده قول اردو ک باشلری  
(حرزووا - قارتال) خطنه ایرشیدیلر .

کچید باشلادقن ۱۵ کون صکره ک  
اوکده کی روس قطعاتی کچید محلتک تقریباً  
۸۰ کیلومتره جنسونده بولورلردی .

\*  
\*  
\*

طونه قول اردوسنک سرورنده هر  
شیدن اول ، بو کچید حرکتی ، اصل کچید  
حرکتی ایچون بر نمایش خدمتی کوره جک  
اولدینی حاده ، اردو باش قوماندانلی طرفندن  
بو باده هیچ بر معین زمان تعیین ایده مش  
اولدینی نظرلره چاریه ور . آنک ایچون  
نمایش حرکتی ایله اصل کچید حرکتی  
اراسنده صحیح بر ارتباطک تاسیسی ماده سی ،  
مکمل بر سوق و اداره دن زیاده طالع و  
تصادفک لطف و عنایتته تودیع ایدلمشدی .

جنرال (چیرمان) ک راپورلری ایله  
وقایع جاریه اراسنده کی مناسبتک تدقیق پک

«دشمن نہ قدر چوق اولورسہ ، قزانیلہ جق شرفدہ او قدر چوق اولور» ضرب مثالی ہر بر عسکر کوکنہ نقش ایلیدر . ہر بر تشبث ، سانکہ دشمن دائرہ امکان داخلندہ اولان اعظمی قوتی حائر ایش کبی اجرا ایلیدر . یعنی الہ موجود اولان قوتی طاغتمقسزین ، ہیچ بر پارچہ سنی معطل بر اقمسزین ، ہدنی استعمال ایتلیدر . بویلہ یاییلہ جق اولورسہ آرتق دشمنک قوہ ملحوظہ سندن ایشہ ایتکہ محل قالمش اولور . اکثریا ، مغلوب ایدیلان دشمنک حقیقت حالہ نہ قرر قوتلی اولدینی حربدن طول مدت صکرہ او کرنیلور . بعضاۓدہ ہیچ بر زمان او کرنمک قابل اولماز . انک ایچون الک ایوسی یالکز شو سؤالی ایرادیلہ اکتفا ایتکدر : بنم مقصدم نہ در ؟

اندن صکرہ دشمنک اجرا ایدہ جکی تأثیرات مقابلہ دن ہانکیسنک بومقصد ایچون انک ناخوش اولہ بیلہ جکی دوشونیلور و پلان اکا کورہ انشا ایدیور . انشا ایدہ جکمز تکمیل پلانلرک اساسنی دائما کندی وظیفہ من و کندی آرزو ومرامز تشکیل ایتلیدر . ہر کیم کہ دشمنک نہ حالہ اولدینی ، نہ یابدینی ، زہدہ ونصل یورومکدہ اولدینی ، نہ قدر قوتلی بولندینی تماماً اوکرتیحہ قدر انتظار ایدہ جک اولورسہ ، ہیچ بر وقت صریح وقطعی برقرار اعطا ایدہ ماز . دشمنی

(زوقوف) ی ، او بر ساحلہ کسب قوت ایدن دشمنلہ تماسدہ بر اقیر . نہ درجہ بر تضاد! « او قدر جرأتکارانہ » دیہ توصیف اولان (ماجین) ہ هجوم تشبثی ، بوکہ سو تپہ سنہ عسکر اخراجیلہ برابر عین زماندہ اجرا ایدلمش اولسہ ایدی ، نہ کوزل بر تیبہ موفقیتی استحصال ایدیوردی ؟

ضابطہ دائماً شونی کوزینک اوکندہ بولندیرماید کہ بر تشبثک تہاکلرنی تمیز ایتمک خصوصندہ کی قابلیتدن ، یالکز او تشبثک منجر موفقیت اولسی ایچون اقتضایدن شرائط اولہ یی او تہاکلرہ کورہ احضار ایتمک خصوصندہ استفادہ ایتلیدر ؛ او ، ہیچ بر لحظہ خاطرندن چبقار ماملیدر کہ الک پارلاق موفقیتلری ، اپی دوشونلمش ، اپی حاضرلا نتمش واپی اجرا ایدلمش اولمق شرطیلہ اک جرأتکارانہ تشبثلر حاصل ایدرلر . بو خصوصہ منتظم بر ممارسہدہ بک چوق فائدہ لر بخش ایدر .

بر تشبثک اجراسنی و بونک ایچون تنظیم ایدیلان پلانی منحصرأ دشمنک قوتنہ دائر آلان خبرلرہ بنا ایتمک تمامیلہ یاکلمش حرکتدر . زیرا ، بورادہ اولدینی کبی ، اکثریادشمنک قوتنہ دائر یاکلمش برحوادث ، شرفلی و نتیجہ لی بر تشبثدن صرف نظر ایدلمسہ سببیت ویرہ بیلور ؛ قرار سزلق و تردد ایشہ بوضوئتہ حاصل اولور .

دائماً کندی آرزو وسرازمزه رام ومنقاد  
ایتملی بز .


بناء علیه تصمیم وامر ایدلمش اولان  
برتشبندن ، دشمن کسب قوت ایتمش دیه ،  
صرف نظر ایتمک ، غیر قابل عفو برخطادر ،  
اعتقادنده بز .

شوراسی ده شایان دقتدرکه صاغ ساحله  
حاکم اولمدن اول ( ابرائیل ) ده کی کوپری  
احضار ایلمشدی . مع هذا ، بو ، فیضانک  
حمایه سی التنده ممکن اولمشدو . بونک بر  
نمونه امثال کبی عدایدیلوب ایدیله میه جگنی  
ویا ایدلمسی ایجاب ایدلیکی جای شبهه در .  
عثملیلر ، کوپری عملیاتنه هیچ ممانعت  
ایتماشلردی .


مع مافیہ متیقنانه حرکت ایدرک کیریدن  
قوه امدادیه جلب ایتمش اولملیلر ویا هیچ  
اولمازسه جلب ایدیه بیلورلردی انک ایچون  
بوراده ده انک موافقی اخراج حرکتی ایله  
کوپری انشاستنه عین زمانده باشلامق اولوردی .

ارکابک صورت اجر اسنده شو ملاحظت  
شایان دقتدر : ایلك قدمه یه طوبجی ترفیق  
ایدلمسی موافق دکل کی کورونیور . واقعا  
( غاروان ) اوکنه کلان ایلك طوب محاربه .  
نک نتیجه سنی تعیینه مدار اولمشدر . لکن  
نصف بطریه یرینه طقوز طومباز ایچنه  
وبونلری چکمکه تخصیص ایدیلان معونه لره  
لاقل ۲ - ۳ بلوک ارکاب ایدیله بیلور وبونلر

روسلرک طوبه نیر اوزنیته کوپری انشا ایتملی .







(روسین) طر فندن طونه مهرور

(غاروان) ده کی محاربه بی ده اچاق بر نتیجه  
مساعده اقران ایتدیره بیلوردی .

بو قدر زنگین بر ارکاب مالز مه سندن  
بو قدر آز استفاده ایدلمسی و بوندن طولایی  
قدمه نك قوتی غایت آز اولمسی شایان تعجیبر .  
بیاده ایله طو پوچینک آیری آیری ترتیب  
ایدلمسند هیهچ بر حکمت و سبب تحری  
ایتملیدر ؛ بو یوزدن بتون تشبث ، قاره  
قاریشیق بر شکل آلمشدی .

بیاده بی هراکی آایدن تفریق ایتمک شایان  
مؤاخذه در . بالخاصه کیجه لین اجرا ایدیلان  
تشبثانده ، ذاتاً دائماً محافظه سی الزم اولان  
تعیه جزؤ تامنک محافظه سی فوق العاده شایان  
اهمیتدر .

جنرال زوقوف حادثه سی ده پک اکلاجه لی  
اولمشدی . بو حادثه ده ، کچید حرکتک طرز  
احضارینک پک قاره قاریشیق اولدیغنی  
اثبات ایدیور .

بویله بر تشبثی اداره ایدن قوماندانک  
مادونلرینه اعتمادی اولمیدر . جنرال زوقوفک  
(زاتوق) سیاحتی طو پوچینک ارکابی تعجیل  
ایتماش ، لکن تشبثک هیئت عمومیه سنی  
تهلکجه القا ایلشدر .

پلوسقا کولنده تکون ایدن صحنه ده  
شایان تماشایدی . بزم نظامنامه لرمزه کوره  
القدملی میرالای امر و قوماندایی در عهده  
ایتمسی لازم کلوردی . عین نظامک ، روس  
اردوسنده موجود اولدیغنده شبهه بو قدر .

هر حاله منازعه واقعه ده ، ۶۹ نجی آلی  
 قوماندانه حق و یرمک ایجاب ایدر زیر آنجی  
 آنک حرکت مستقله بی سایه سنده باشلانیلان  
 تشبثی قورتارمق قابل اولمشدی ؛ بلان معلوم  
 ایدی . بو وضعیتده و اخراج خصوصنده اسما .  
 شایان نظر اوله بیله جک عناصر ، ( قراکلق )  
 ایله ( کیزلی صورتده تقرب ) ایتمکدن عبارتدر .  
 جنرال ( زوقوف ) هر حاله بو عناصر  
 عدادینه داخل اوله مزدی که آنک وجودی  
 شرط الزم اولسون . جنرال ( زوقوف ) ک  
 باشه بر فلاکت کلش اوله بیلوردی . اگر  
 اخراج قدمه سی یالکز بر آایدن مرکب  
 اولسه ایدی ، بو حادثه تکون ایتسه جکدی .  
 او وقت آلی قوماندانی هر ایکی غروپک  
 قوماندان مستقلی اولور وساعت ۲ ده یاهپ  
 برابر حرکت ایدیلور یا بسبتون انتظاره  
 قرار ویریلوردی .

قلاص - ابرائیل کچید حرکتک ، اصل  
 کچید حرکتی ستر ایتک ایچون برنمایش  
 اولمق خصوصنده کی قیمتی اعظام ایتما ایدر .  
 ۲۲ جز برانده کچید باشلامشدی ؛ ۲۷  
 جز برانده - که ( زشتووی ) دده کچید  
 حرکتی باشلا یوردی ؛ یعنی بش کون صکره  
 طونه ک جنوب ساحلنده بش پیادطابور یله  
 دون قازاق فرقه سی آنجی بولنیوردی .  
 ۶ تموزده یعنی کچید حرکتک باشلانغچندن ۱۵  
 کون صکره قول اردونک او جلری کچید

محلک آنجی ۸۰ کیلو متره جنوبنه ایلرولیه .  
 بیلمشردی .

جنرال چیمیرمان « نمایش » وظیفه سی  
 ایکنجی درجه ده شایان اهمیت اولمق اوزره  
 تلقی ایتمش کورونیور . فی الحقیقه ۲۲ جزیران  
 تاریخی راپورنده : « دو بریچه نک اشغالنه  
 کلنجه ، آنک بر قاج کون دها اول ویا صکره  
 وقوع بولمسنده بیوک برفرق یوقدر . . . .

برنمایش حرکتی ، دشمن اونک  
 حقیقت اولدیغنه اینانه جق ارلورسه فائده لی  
 در . بناءً علیه بوراده عثمانیلره ایناندرملی  
 ایدی که اصل اردو ویا هیچ اولمازسه حقیقت  
 حاله کنه نسبتله پک زیاده قونلی روس  
 قطعاتی ( قالاص ) دن کچید حرکتی اجرا  
 ایتکدر . بویله بر اطمینان حاصل ایتک  
 ایچونده قونلی بر اخراج حرکتی اجرا  
 ایدلمی یعنی فیضان منطقه سندن کی یولدرک  
 قابل استفاده اولماسی حسیله ۱۴ نجی قول  
 اردویی کاملاً مراکب بحریه ایله کچیرملی  
 وقره به چیدقدن صکره کمال سرعتله ایلرولتملی  
 ایدی .

اخراج حرکتی وایرو یوروش اسما .  
 سنده اعاشه خصوصاتی ایچون بو مقصده  
 کوره تدابیر لازمه اتخا ایدلمیدی . موضوع  
 بحث اولان مسئله دو بریچه بی اشغال ایتک  
 دکل ، عثمانیلرک انتظار دقتی او طرفه جلب  
 وتوجیه ایلک ایدی . اندن باشقه طونه قول

پك اعلا امكان وارايدى؛ چونكه بوزمانده طونه ك جنوب ساحلنده برقاچ طابور و بر ايكي سواری بلو كندن عبارت پك جزوى بر قوت بولنيوردى — او وقت ۱۴ نجى قول اردونك تكميل كچيد تشيئي عقيم قالمش اوله جنى كبي اردو باش قوماندانلى خطوط مواصلا ك محافظه سى انديشه مترايده سيلاه اردو قسم كلديسنك كچيد حركتنى تعويق ايتمكه مجبور اوله جقدى . روس اردوسى قرارگاه عاليسنه بالفرض ۲۵ ويا ۲۶ جز برانده نافرار خطى «عثمانيلر (دوبريچه) ده تعرضه كچدكلى و طونه ك جنوب ساحلنه كچمش اولان روس قطعاتنى طونه يه طوغرى طرد وتبعيد ايلدكلى» خبرنى ايصال ايتسه يدى، قرارگاه مذكورك دوچار اوله جنى حال و وضعيت پك بحرانلى اوله جغنده شهبه يوقدر . هر بر كچيد حركتنده طرف مهاجم ، تكميل قوتى نهر دن كچير مادكجه بر عدم موفقتدن اجتناب ايتمك خصوصنده بتون استعاضتنى صرف ايتمش صاييلماز؛ مهاجم ، صبر و تائيسيله ايكي قسمه آيرلش بولندجه ، دائما خطرناك بر اهاك كوسترمش ديمكدر . اندن بشقه تكميل قوت كچيرل كدنصكره بيله ، مهاجمينك همان ارقه سنده مانع بولندينى مدتجه ، ينه ضعيف و تهلكلى بر وضعيته بولنياور .

نهر دن نه قدر چوق اوزا فلاشيلور

اردوسنك اساس وظيفه سى اولان روس خطوط مواصلا سنك تامينى مسئله سى دنخى تكميل قول اردونك برابر اخراج ايدلسى و تران خطه طوغرى شدتله ايلروملى ايله اك سهيل بر صورتده حل ايدلمش اوله جنى كبي ذاتاً وظيفه مذكورنك ايفاسى ده بو صورتله حركتى طلب و استلزام ايدرايدى . روس قومادا هيئت عاليه سى خطوط مواصلا ك تامينى مقصدينى تبرضى بر صورت ايله استحصال ايتمكه قرار و يرمش ، اك ايچون طونه قول اردوسنى (تران) خطنه ايلرومك ايله مكلف قيلمشدى .

زيرا شماله طوغرى بر چيقتى تشكيل ايدن دوبريچه قطعه سنده قوتلى عثمانلى عسكرى بولندجه اصل روس اردوسنك خطوط مواصلا سى جدى بر تهلكيه معرض بولنوردى .

۱۴ نجى روس قول اردوسى كچيد حركتنده بر عدم موفقيته دوچار اولمش اولسه يدى ، بوموفقيتمزلك روس قرارگاه عموميسنده مدھش بر عكس ضربه حاصل ايدر ايدى .

فى الحقيقه دوبريچه قطعه سنده كى عثمانلى قوه عسكريه سى ۲۴ : ۲۶ جز بران ظرفنده ، ۱۴ نجى قول اردونك برى طرفه كچمش اولان افساننى بر حمله تعرضيه ايله طونه يه دفع و طرد ايتمش اولسه يدى ، — كه بوكا

ایسه، نهره آتلق تهلکهسندن ده اوقدر  
تباعدا ایدلش اولور .

بناء علیه جنرال چیمرمان، قول  
اردوسنی چابق چیقارمق و ترایان خطنه  
طوغری چابق ایلر و ملکه مکلف ایدی :

۱ . چونکه بو قول اردونک سلامتی  
تأمین ایتک ایچون جنرالک ساحه اقتداری  
داخلنده کی یکانه واسطه بوندن عبارت ایدی .

۲ . چونکه قول اردو طونه نک بری  
طرفه کچرک اردو قسم کلینک موصلاتی  
مؤثر بر صورتده حمایه ایتکه وظیفه دار  
ایدی . حالبوکه کچد حرکتک موفقیتمز لکی،  
قرارگاه عمومینک، خطوط موصله نک  
محافظه سی خصوصده کی اندیشه سنی ده  
تزیید ایده جکدی .

۳ . چونکه انجق بو صورتله عثمانلیلر  
تزدنده روس قوای عظیمه عسکریه سنک  
کچمش اولدینی ظن وقناعتی حاصل اوله .  
بیلور ایدی که « نمایش » وظیفه سی ده بونی  
طلب ایتکده ایدی .

\*

\*

عثمانلیلرک صورت حرکتیه کلنجه ؛  
آوستریا ارکان حربی : « بوکا تعجیدن باشقه  
برشی یا بیله ماز » دیور . بزایسه اغلاملی ؛  
اغلاملی دیرز .

عثمانلی باش قوماندانلنی دو بریجه نک  
موفقیتی بر صورتده مدافعه ایدیله میه جکی

فکرنی التزام ایتش و انک ایچون یالکز  
بر « مدافعه نمایشکارانه » اجراسنی تصور  
ایلش ایدی بو فکر موافق اولسه بیله  
( ۱۱،۵۰۰ ) کشی قوتنده بولان دو بریجه  
فرقه عسکریه سنک نهدن طولای ۱۰ روس  
بیاده بلوکنک قارشوسنده تا ( ترایان ) خطنه  
قدر کری چکلدیکنی توضیح ایلیه جک هیچ  
برسبب درمیانی قابل اوله ماز . بویله بر  
حرکت ، دکل بویله قوتلی بر فرقه ایچون ،  
حتی ضعیف ، عاجز بر ترصد پوسته سی  
ایچون بیله رهین جواز دکدر .

جنرال (چیمرمان) ک ۲۲ حز برانده کی راپوری  
عثمانلیلرک جنرال ( زوقوف ) قارشو  
قسماً بر موفقیت قزاقق خصوصده نه قدر  
بیوک بر فرصتی غائب ایلش اولدق لینی رعنا  
کوستر مکده در . ( دو بریجه ) ده عثمانلی سلا .  
حارینک قزانه جنی بویله بر موفقیتک عثمانلیلر  
وروسلر ایچون نصل بر قیمت و اهمیت اوله جنی  
ملاحظات سالفه دن استتاج ایدی لور .

روسلر ؛ عثمانلیلرک قوتسندن توحش  
ایدرکن عثمانلیلر ، موضع لرینی روسلره ترک  
ایدوب رجعت ایتشلردی .

بورجعت ، قره ده کی ایلک حجالت ،  
بورجعت امری قره ده کی ایلک جنایت ایدی .  
سردار اکرم آشانغی طونه قول اردو .

سنک مرورنی شوشو نلقرافنامه ایله مابین  
هایون ملوکانه یه عرض ایتشدی :

۱ — ۱۱ نجی قول اردو طونہ نك ويد منصبندن (قالاراش) ہ قدر شمال ساحانی اشغال ایده جك . (یر كوك) ده کی سقوبلف مفرزه سی دکشدریله جك . قول اردونك وظیفه لری: (یر كوك) و (اولطانیچا) دن عثمانلی قوتنك كچمسنی منع ایتمك و بوصولته (بكرش) ی تأهین ایلمك ؛ (یر كوك) ی و (پاراپان) ده کی طورپیل سیدنی تأمین و بونكچون ساحل بیطریه لری تأسیس ایلمك . (اولطانیچا — طوتراقان) ده نمایش یایمق و طونہ كچلد كدن و روس قطعانی (روسجق) . یافلاشدق دن صكره (اولطانیچا) دن كچمك ، (طوتراقان) ی آلق و (روسجق — وارنه) شمندوفرینی كسمك ؛ الحاصل ۱۴ نجی قول اردو ایله ارتباطی محافظه ایتمك .

۲ — قطعات آتیه ، الك نهایت ۲۳ حزیرانه قدر ، شو موقعله مواصلت ایدیله جكدی : ۱۴ نجی پیاده فرقه سی ، ۷ نجی استحکام طابورینك ۲ بلوکی ، ۴ استحکام طابوری و کوپریچی طاقلری و اوراق قازاق بلوکی (سچا) ده

۹ نجی پیاده فرقه سی [۱] ۴ نجی اوجی لواسی و ۷ نجی پلاستون طابورینك ۲ بلوکی پیاتراده

[۱] ۳۵ نجی پیاده آلابی و بر بطریه بر مدتدبری (زیمنیچه) ده بولمقده اولوب ینه اورادم قاله جقلردی .

د روسیه لونك حرکات و تداركاتندن معلومات صحیحه استحصالی و قتیله خفیه مأمورلری تدارك و استخدا منه متوقف اولوب بوده خارجه نظارت جلیله سنك معاملات و اجرا آنه مربوط بولندیغی و شمدیلک اجرا ایدیلان تدابیر ایسه قوه موجوده عسکر یه نك روسیه لوطرفه و قوعوبله جق حرکته كوره ترتیب و مواقعه تعبیه سنه چالشمقندن عبارت اولدیغی و دشمن پروت نهرینی تجاوز ایدوب قلاصه طوغری دخی عسکر سوق ایتمكده اولدیغی شمدی استخبار قلندیغی عرض اولنور .

### زیمنیچه — زشتووی دن طونہ نك

سروری

(علاوه ۷ و ۸)

مایسك ایكنجی یاریسنده اجرا ایدیلان استكشافلرك نتیجه سی ، سولر هنوز یوكسك اولسی حسیلله ، قسم کلی ایچون اك زیاده مساعد اولان كچید نقطه سی حقنده قرارگاه عمومی یه هیچ برصراحت تأمین ایتمامشدی .

دها چوق وقت ضایع ایتماك ایچون اردو قوماندانی ، قطعانی سولر آلچالور آلچالماز (نیکبولی — زشتووی) قسمنك ایستیان نقطه سنده چار چابق طوپلایه بیله جك صورتده جمع و ترتیب ایتمك قرار و یردی بونك ایچون شو امرلر و یرلدی :

- ۳۱ نجبی پیاده فرقه‌سی ۹ نجبی سواری  
فرقه‌سی (سه‌خارچا) ده ؛
- ۵ نجبی پیاده فرقه‌سی ۳۴ نجبی دون  
قازاق آلابی (روزیداوید) ده
- ۱۲ نجبی قول اردو و بلنار ردیفاری  
(سالچا) ده
- ۱۲ نجبی سواری فرقه‌سی (ویتانجی) ده  
اردو باش قوماندانلغك جزؤناملری
- پارچه پارچه ایتمکدن، تفرعات امورمه مداخله  
ایلمکدن نه قدر مثلذ اولدیغنی شو حالده  
اثبات ایتمکده در . قرارگاه عمومی آلابری،  
حتی بلوکلری بالذات تعبیه ایدیوردی . هیچ  
برقول اردو ، هیئت کامله سیله بریره مأمور  
ایدلمه یه رک مطلقا پارچه لانیوردی .
- هنوز یولده اولان ۱۳ نجبی قول اردو  
(الکساندریا) یه توجیه ایدلمش ، هنوز  
روسیده شمندوفرله نقل ایدلمکده بولان  
۴ نجبی قول اردو ، رومانیا یه وصولنده ،  
بالآخره تبین ایده جک لزوم اوزرینه ایستیلن  
یرده استعمال اوله بیله جک صورتده حاضر  
بولدیر بیله جق ایدی .
- ۱۷ جزیرانده قرارگاه عمومی به کویر-  
یجی طاقلربنک شمندوفر نقایاتی ده  
ایکی کون کجیکه جکی خبرتلغرافسی کلدی ،  
بونک اوزرینه ، وقتندن اول طونه یه کلامک  
وبوصورتله عثمانیلرک انظار دقتنی شاشیرتمق  
ایچون بالعموم یورویشلر اوج کرن قطع
- ایدلی . بناء علیه یورویش هدفلرینه ۲۳  
جزیرانه قدر دکل ، ۲۶ ده موصلت ایدیه  
جکدی . یورویشك بوصورتله اقطاعندن ،  
صورت تحشدی دکشدریمک ایچون استفاده  
ایلمش ، (زیمینچه) دن کچمک فیکری کسب قوت  
ایلمشدی . انک ایچون : ۱۴ نجبی پیاده  
فرقه‌سی ، ۴ نجبی لوا و بلاستون بلوکی  
(سیول) ه توجیه اولدی .
- ۲۰ جزیرانده غراندوق ، ۱۴ نجبی  
فرقه قوماندانی جنرال دراغومیروف ایله  
برابر بالذات طونه اردوسنده استکشاف  
یایدی .
- (طورنوماغورهل) ده اردو قوماندانی  
۲۶ جزیران اقسامی (زیمینچه) ده طونه نك  
مرورینه باشلانہ جغنی صورت قطعه ده امر  
ایتدی . قایلرله عسکرک امرارینه مأمور  
اولان جنرال (درغومیروف) ه عین زمانده  
(زشتوی) ده تقریباً (۱۵۰۰) و (واردیم) ده  
مع طوبجی ۲۹۰۰ عثمانلی عسکری بولندیغنی  
تبلیغ ایدلی . حقیقت حالده (زشتوی)  
محافظینی ۱ پیاده طاבורی ، ۱ سواری  
بلوکی ۲ طوب یعنی جمماً ۷۷۰ نفر (واردیم)  
ده کی قوت ده (۳۳۰۰) نفر و ۴ طوبندن  
عبارت ایدی .
- عثمانیلرک انظار دقتنی (زیمینچه) دن  
چویرمک ایچون (فلاص) دن کچن ۱۴ نجبی  
قول اردونک حرکات نمایشکارانه سندن

- بشقچه شو حرکاتك اجراسی امر ایلدی :
- ۱ - ۱۱ نجی قول اردو (ولطایجا) ده  
نمایش پایه جقدی .
- ۲ - (ویدین) دن (قالارش) .  
قدر طونه نك تکمیل امتدادنجه اوچ کون  
عمومی بر بومباردمان پایه جقدی .
- ۳ - ۹ نجی قول اردو (سچا)  
و (فلاماندا) ده تجمع وایمپراطور ایله قرارگاه  
عمومی (دراچا) ده قاله رق بوصورتله  
(فلاماندا) یه قارشو نمایش پایه جقدی .
- اردو ۲۶ حزیران اقشامی - زیمینچه -  
الکساندریا - طورنوماغورل [خطنده  
طوبلانندی. دراغومیرونك قایلرله کچک جک  
مفرزه سی بر اقشام اول (زیمینچه) ده  
طوبلاتمشدی . بومفرزه ۱۴ نجی پیاده  
فرقه سی، ۴ نجی آوجی لواسی، ۲ پلاستون  
بلوکی، ۲ جبل بطریه سی، ۲۳ نجی دون قازاق  
الایی و ۱ مختلط خاصه بلوکندن مرکب  
ایدی .
- کچیده متعلق او امرک کافه سی صوک  
درجه مکتومیت ایله هان کاملاً شفاهی  
اوله رق تبلیغ ایلدی . بوصورتله ۹ نجی  
قول اردو قوماندانی بارون قروودنر، بالذات  
غراندوقدن، کندیسسی اردونك باشنده اوله رق  
(فلاماندا) دن طونه نی کچمکه مأمور اولدیغی تاقی  
ایلدی . ایمپراطور سیله ۲۴ حزیرانده افکار
- ومقررات واقعه دن تماماً بی خبر اولدیغی حالده قبل  
الظهر ساعت ۱۰ دن بعدالظهر ساعت درده قدر  
(دراچا) ده برته ده قلمش و کندیسنه بوراده  
تصور ایدیلان کچید ایچون اتخاذا ایدیلان  
ندایبرک کواسترش اولدیغی سویلنمشیدی .  
انجق ۲۶ اقشامی (دراچا) ده کی قرارگاه  
عمومی ده غراندوق، بوکیچه کچید حرکتک  
(زیمینچه) ده وقوع بوله جغنی بیان ایلدی .
- ۲۷ حزیران صباحی تکمیل قرارگاه  
هیئی (دراچا) ده کی تپه ده طوبلانمش و  
کوپریجی طقنك مفقودیتدن طولایی فنا  
حاله حدتلمش اولان بارون قروودنر  
ایمپراطور بالذات، زیمینچه ده کچید حرکاتک  
کمال گرمی ایله دوام ایلدیکنی و کندیسنك  
بوراده بولنمی صرف برنمایش فکرینه مستند  
اولدیغی بیان ایلشدی .
- ۲۷ حزیران کیچه سی نصف الیلدن صکره  
ساعت ۳ ده نقلیات باشلادی . یعنی ایلك  
طومباز رومانیا ساحلندن حرکت ایلدی .  
بوکیچه ، سما پک قبالی ایدی . شدتلی بر  
روزگار اسبور ایدی . اخراجک حمایه سی  
ایچون ۳۵ نجی پیاده آلابی و ۱۴ نجی آوجی  
لواسی طونه نك شمال ساحلنی اشغال ایلدی .  
نقل مالزمه سی اوله رق ۵,۴,۳ و ۶ نجی  
کوپریجی طابورلرینك طومباز پارقلری  
واردی . قدمه نك قوتی ۱۲ پیاده بلوکی ،

۶۰ قازاق وسکنز طوپه بالغ اولیوردی [۰]  
 قدمه لر آره سنده کی فاصله (۲) ساعت  
 ایدی . ایلك قدمه برطاقم سسکته لرله برابر  
 اولدجه مساعد بر صورتده اخراج ایدلدی .  
 عثمانلیلر غافل آولانمش در . بونکله  
 برابر عثمانلیلر طار بر منطقه ده بولناز روسلر  
 علیه متحداً هجوم ایش اولدقلرندن

روسلر، ساحله چیقار جیقماز باشلایان  
 محاربه لرده پک زیاده صیقشمشدردی .  
 تفصیلات آتیه ، روس ارکان حرابه -  
 سنک اثرندن مأخوذدر :  
 « عثمانلیلر ، طومبازلری آنجق ساحله  
 بر ایکی یوز متره یاقلاشدقلری زمان مشاهده  
 ایشلردی . عثمانلیلر همان آتیش آجدیلر ،



« سرت » نهری اوزرنده شمندوفر خطنك كجديكي كوبری .

تقرب ایدرك تکرار دره نك یارم کیلو متره  
 غریبند قریه چیقدی . آوجیلر ، صرپ  
 اولان ساحله طرمانمغه باشلادیلر . صکرده ده  
 قروکیده اشارت ایدلدیکی اوزره جههلری  
 غریبه متوجه اوله رق اخذ موقع ایلدیلر .  
 بونلری عینی بلوكل دیگر اقسیمی ایله  
 ۳ نجی بلوك تقویه ایتدی . آرالقدنه پلاستون

بدایتده اشارت یاقنی بیله اونوتدیلر .

اك اول ۱ نجی آوجی بلوكی ساحله


[۰] بئر عادی طومباز ۳۰ پیاده نفری  
 (کورکچیلرله برابر) - تیمه اب ایلدیکندن بر بلوك  
 ایچون ۱۸۰ نفر حسابیه ۶ عادی طومبازه احتیاج  
 واردی .

بر روس کوبریچی طابوری - ایکی بلوك - مالز مه -  
 سیله دفعه ۴ پیاده بلوکنی نقل ایده بیلوردی .



کشی ایله برابر ، تام بو ائنده اشارت یاقغه  
تشبث ایدن عثمانلی پوسته سنک اوزرینه هجوم  
ایلدی . سلاح باشنه اشارتی اوزرینه (واردیم)  
و (زشتوی) دن اخراج نقطه سنه عساکر  
امدادیه یقشدیلر وتبه پیکارده ۴ طوپ ،  
(زشتوی) نک شمال شرقی گوشه سنده کی

بلوکی برقاچ یوز خطوه شرقده قره یه چیقدی  
ویارم کیلو متره ایلرویه کیره رک جبهه سی  
جنوبه اولمق اوزره موضع آلدی . همان عین  
زمانده ، فقط دره نک منصبه دها یقین بر  
نقطه ده ۳ نجی آوجی بلوکی چیقدی . بونک  
قوماندانی یوز باشی فوق یاننده کی ۲۰ : ۳۰



قزاق سواری قطعاتک طونه نهرندن صورت سروری

اجنبی ضابطانک افاده سنجه ، مدافعینک  
کوستردیکی قهر مانلق اعتباریه ، بتون حاضر  
بولانلرک قلبنده عمیق ولا یزال بر خاطره  
براقان بر محاربه باشلامش ایدی .  
بو آرائق دیگر قطعاتک اخراجنه دوام  
ایدیلوردی .

بطدریده دخی ۲ طوپ موضع آلدیر .  
بو آرائق یوز باشی فوقده (تکر دره) نک  
صول ساحلنده ، جبهه سی شرقه یعنی (واردیم) .  
متوجه اولمق اوزره موضع آلمشدی .  
ایشته بو صورتله عثمانلی تاریخنه بر صحیفه  
شرف دیگر علاوه ایلیان و روس اردوسنده کی

بوصروده (واردیم) اردو کاھندن یا قلا شمشقده  
اولان عثمانی قوہ امدادیہ سی اوزرینہ آتش  
آجدی .

نام بوآندہ آوجیلری حمایہ ایتمک ایچون  
جبل طوچیحسی کوروندی . عثمانی قرہ-  
غولنک یانہ تعیبه ایدیلان ایکی طوپ نا کھانی  
ومہلک بر آتش اجرا سنہ باشلادی . بر آ  
صکرہ ۴ جبل طوی دھا یتیشدی . ۲ نجی  
جبل بطاریہ سنک متباقی ۲ طوی طونادہ  
غرق اولمشدی . چونکہ بونلری طاشیان  
طوبازک صو تسویہ سنک آتندہ کی قسمی  
عثمانی مر میلر یلہ دلنش و باتیرلمشدی .

روس اوجیلری شمعی بر جسارت  
نازہ ایلہ هجوم ایدیور و صاغ ساحلده کی  
اک یقین صرتلری الہ کچیر یوردی .  
عثمانیلر بدایہ بر آژ چکلمشلر سده  
شدتلی بر آتش آچمشلر والدقلمی یکی قوہ  
امدادیہ ایلہ تکرار ایلر اولمشلردر .

اندن طولایی شرق جبهده کی روس  
قطعاتی کاملاً رجعت ایتمکہ مجبور اولدیلر .  
ضعیف اولان محاربه خطرلی بر چوق  
نقطه سندن دلنش ، پارچه لانمشدی . بو بحرانی  
هنکامده روسلرہ امداد ، طونہنک قارشو  
ساحلندن کلدی .

بوانشاده محل ارکابه واصل اولان  
۸ نجی قول اردو قوماندانی جنرال رادچکی  
امر اخیرہ دکن یالکز پیاده نک بندیرلشنی

ایلک قدمده نقل ایدیلان قطعات شو  
موضعلری اخذ ایدیلر : غرب جبهده جمعاً  
۳ بلوک ، شرق جبهده جمعاً ۱ بلوک ،  
جنوبده ۲ بلوک ، احتیاط اوله رق ۲ بلوک .  
قازاقلر (روسجق) ہ ایصال ایدن تلغراف  
خطلی کسمکہ کوندرلمشدی .

اورتہ لوق ایدنیلانغہ باشلانجہ ، شرق  
جبهہ سنده کی ۳ نجی آوجی بلوکنک درہنک  
صول ساحلنده غایت تہلکلی بروضعیتہ  
بولندینی کورلدی . زیرا قارشو کی صرت  
حاکم ایدی . بونک اوزرینہ یوزباشی فوق  
بلوکیلہ اوصرتی اشغال ایتمکہ قرار یوردی .  
روسلر درہنی کچرک تام تپہنک اوزرینہ  
چقہ جقلری صرہده صاغ جناحلرندہ  
و آرقہ طرفلرندہ عثمانیلر کوروندی . بلوک  
کری دنہرک ۲ نجی آوجی بلوکنک دخی  
مظاہر تیلہ سونکو هجومی اجرا ایتمدی  
لکن عثمانیلر درہ عین زمانده بر صولت مقاومت  
برانداز ایلہ هجوم ایدیورلردی . بو صورتہ  
عثمانیلر طرفندن چویرلش اولان ایکی  
روس بلوکی پک مخاطرہ لی بروضعیتہ دوچار  
اولمشلردی . عین جبهہ مأمور اولان  
۶ نجی بلوکنک بر قسمی برای امداد ایلرویہ  
کوندرلدی لکن اودہ بر فرانسز ضابطنک  
تعبیرنجہ انکاری محال اولان بر شجاعت ایلہ  
اجرای صولت ایتمکده اولان عثمانیلر طرفندن  
پوسکور تلش اولدیغندن ۵ نجی بلوکلہ بر لشہرک

سیرکلنان صفاری تازه قوتلاره املا و تقویه ایدلیدیکی حالده عثمانیلر صوگ قوتلریغی صرف ایدیورلر و هیچ بر طرفدن امداد و معاونته نائل اولیورلردی .

روسلر شمدی هپ برلکده اجرایلدکلری بر هجوم ایله دره نك صاغ ساحلنده برلشمکه اک نهایت موفق اوله بیلدی .

کری چکلکه مجبور اولان عثمانلی آوجیلرینک بر قسمی طونهدن ساحلنک، دره نك شرقنده کی کیرنتلی یماجلرندنه ثبات ایدیلر و بورادن نهردن کچیریله جک اولان ۵۴ نجی الایک اوچی بلوکلریله ۳ نجی طابوری اتش التته الیلر . طومبازلر ساحله یافلاشنجه ، عثمانیلرک قورشونیه دلک دشیک ایدلشدی . طومبازلردن اوچی باتدی . کورکچیلرک مقتول دوشن دیگر ایکسینی جریان سورکلیرک کتوردی . اخراج محلی جوازنده روس مقتول و مجروحلرینک جسدرلی بیغینلر تشکیل ایدیوردی .

بو، عثمانیلرک صوگ غیرتی اولمشدی . اکنهایت روسلر عثمانیلرلی شرق جبهه سنک بتون امتدادنجه کری چکلکه مجبور ایدله بیلدیلر . صباحک التیسی ایدی .

بوئانده غرب جبهه سنده یالکنز براتش محاربه سی اولیور ایدی . ( زشتوی ) دن ایلرولین عثمانیلر شهرک شرقنده کی اوزوم باغلرندنه اخذ موقع ایدرک اوزاق مسافه دن

و عسکرک قدمه اولیه رق یعنی طومبازلر عودت ایتدکجه همان بلوک بلوک ارکاب اولنسنی امر ایلدی . عین زمانده ارکاب محلی دهها زیاده منصب جهته کتورلدی . اورته لقی آیدینلا عمده وزشتوی و ( واردیم ) ده کی عثمانلی بطاریه لری طومبازلری آتش التته آلمقده ایدی . طونهدنک صول ساحلنده کی روس طومباجیسی جواب ویردی و عثمانیلرک آتشی نقل ایدلمکده اولان عسکردن چویردی .

بوئانده ( واردیم ) اطه سندن بر عثمانلی حرب کیسی ظهور ایلدی . حرب کیسینک مقصدی ، نقل حرکتی تعجیز ایتمکدی .

سفینه ، ۹ نجی طومباجی لواسنک ایکی بطریه سی طرفدن آتش اولندیغندن ، بر قاچ انداخت جواب ویردکن صکره کری چکلدی .

مختلط نقلیه بلوکی ایله ۵۳ نجی الایک ۲ نجی طابوری بوصره ده تکر دره منصبه یافلاشیوردی . بونلر ، شرق جبهه سنده کی روس قطعاتی کندیلرغی هر طرفدن احاطه ایدن عثمانیلرک بی امان ضربه لری آلتده پک زیاده صیقیشدقلمی ، تاب و طاقندن دوشدکلری بر آنده دره نك صاغنده کی صرتلره واصل اولدیلر .

طبقی ( قلاس ) ده اولدینی کبی بوراده ده روسلرک قوتی هر آن لایسقطع چوغالدینی و عثمانلی سونکولری و قورشونلری ایله

- روس لر اوزرینه آتش ایدیورلردی .  
 برارالق روس پیاده سی ( زشتوی ) نک  
 شرقده کی عثمانلی طوپیچیسنه ( هوررا )  
 ندالریله هجوم ایتمش ایسه ده عثمانلی عسکری ،  
 بوندالره الله الله صدالریله مقابله ایدرک روسلری  
 اوچ دفعه بوسکورتمشدر .
- جنوب جهتده شایان تذکار برشی اولدی .  
 عثمانلی طوپیچیسنک آتشنه رغماً اخراج  
 دوام ایتدی . قبل الظهر ساعت اون یجغه  
 قدر ۱۴ نجی فرقه نک هر ایکی لواسی چیقمشدی .  
 بو آندن اعتباراً بتون برپاده آینی استیعاب  
 ایدر ایکی بیوک معونه ایله ( آنه نا ) نام کی  
 استعمال ایدلمکک باشلاندى . بونلر امنیت  
 خدمتی ائناسنده ۸ نجی سواری فرقه سی  
 طرفندن ( فلاندا ) ده عثمانلیردن ضبط ایدلمش ،  
 شمسی ائلر علیهنده استعمال اولنیوردی .
- جنرال دراغومیروف تکمیل مفرزه سی  
 بو صورتله طوپلادقن صکره اساس وظیفه .  
 سنی حل ایتمک قرار ویردی . بو وظیفه  
 اردونک قسم کلیسنک کچیدنی تأمین ایتمک  
 ایچون ( زشتوی ) صرتلری اشغال ایلمک  
 ایدی .
- ویریلان امره نظراً ۲ نجی لوا ، ۱ نجی  
 لوانک محاربه خطنک آره سندن کچرک  
 مذکور صرتلره جهدن هجوم ایده جک و  
 آوجی لواسی احاطه حرکتی یاپه جقدی .  
 عثمانلیر اوزون مدت مقاومت ایتدیلر .
- بعدا الظهر ۲ ده ( زشتوی ) نک شرقده کی  
 صرتلری روس عسکرلری اشغال ایدیور ،  
 بر ساعت صکره ده ( زشتوی ) شهری ضبط  
 اولنیوردی .
- همان عین زمانده شرق جهه سی قارشو-  
 سندم کی عثمانلیرده ( واردیم ) ه طوغری  
 چکلمشلردی .
- عثمانلیر جبخانه لری اولدینی مدتیجه  
 قهرمانانه مقاومت ایتشلر و بستون بی تاب  
 قانجه بالضروره رجعت ایلشلردی .
- نیکیبولی ، طرنوه و واردیم استقامتده  
 چکیلان عثمانلیری ، جنرال دراغومیروف  
 تعقیب ایتدی . روسلرک ضایعاتی ۳۰ ضابط  
 ۷۸۲ نفر ، عثمانلیرک کی ۷ ضابط ۲۴۰  
 شهید و مجروحدر .
- بو محاربه ده اعظمی ( ۳۰۰۰۰ ) عثمانلی ،  
 ۱۶۰۰۰ روس عسکرله دوکوشمشدی .
- ۲۷ خزیران اقشامی جنوب ساحله  
 ۲۸ پیاده طابوری ، ۶۰ قازاق و ۱۴ طوپ  
 بولنیوردی . ایرتسی صباح برای امنیت  
 روسجق و بیه لا استقامته ایکی مفرزه ( ۹ )  
 طاور و ۲ بطاریه ) کوندردی .
- ۲۸ خزیرانده ( اشاغی طومباز کوبری )  
 دینیلان کوپرینک انشاسنه باشلاندى بونک  
 ایچون ( انه تا ) کمیسله برچوق دمیر طومبازلر  
 قوللانش اولدیغندن بو آندن اعتباراً نهردن  
 قایقرله امرا حرکتی یواشلادی .

مجبور اولدیلر. یالکنز سقوبلف و بر قازاق  
نفری مشکلات عظیمه دن صکره او بر ساحله  
چیقہ بیلدی .

بو توجریه اوزرینه سواری بی یوزه رک  
کچیرمکدن واز کچیلدی .

بوندن صکره نقلیات موقه تعطیل  
ایدلمشدر. فی الحقیقه ۲ تموز اقاشمی طونه نک  
جنوب ساحلنده کی قوت ، ۳۰ حزیران  
اقاشمکنک عینی ایدی .

طومباز کوپری ۱ تموز اقاشمی احضار  
و اتمام ایدلمش اولدیغندن ایرتسی صباحدن  
اعتباراً کچید حرکانه باشلامش وک اول ۲  
تموزده، او بر ساحلده کی قطعانک قطار و قافله سی  
و طوپچیسی کچیرلمشدر. ۳ تموزدن اعتباراً  
دیگر قطعات کچمکه باشلادی .

کوپرینک صورت تأسیسی - (زلاتیناده) ده  
احضار ایدلمش اولان مالز مه ۲۲:۲۶ حزیرانده  
اولتی منصبه کتیرلر کدن صکره ۲۶ حزیران  
اقاشمی (نیکبولی) قلعه سنک او کندن  
کچیرلدی. عثمانلیلر، ۱۰۰ اخشاب طومبازدن  
مرکب اولان قافله نک آنجق نہایتی (نیکبولی) دن  
کچرکن اشبو حرکتی مشاهده ایتشلردی. انک  
ایچون قلعه نک طوپ و تفنک آنتی هیچ بر خسار  
ایقاع ایدمدی . طومبازلر سالملاً فلانماندایه  
و ایرتسی اقسام بالذات غر اندوق الکیسنک  
قومانداسنده اوله رق (زیمینچه) یه کلدیلر .  
مبتاقی طومبازلر ۲۷ و ۲۸ حزیران آقشاملری

۲۹ و ۳۰ حزیران کونلری ۳۵ نجی  
بیاده فرقه سنک متباقیسی ایله ۲۳ نجی دون  
قازاق آلابی کچیرلمش و ۸ نجی قول اردو ایله  
مذکور فرقه نک نقلیه قطعانک امرارینه  
باشلامشدی . ۳۰ حزیران اقاشمی یعنی  
ارکابه باشلانقدن ۹۰ ساعت صکره ۸ نجی  
قول اردو (سوارینز) ، ۳۵ نجی فرقه ،  
۴ نجی آوجی لواسی، قازاق آلابی، ۷۸ طوپ  
یعنی تقریباً ۳۵۰۰ نفر ، ۹۰۰ آتلی و ۷۸  
طوپ طوبلانمشدی .

بو قوت کوپرینک انشا آتی ستره کافی  
ایدیسه ده دشمنه دائر همان هیچ بر معلومات  
اولدیغندن وضعیت مخاطره لی ایدی . زیرا  
اوزاق استکشافات ایچون هنوز الهه سواری  
یوقدی .

قافقاسیا قازاق فرقه سنک کچیرلمشده کی  
مشکلات موضوع بحث اولیوردی . جترال  
سقوبلف :

« سواری بی کچیرمک ایچون پک ساده  
بر تدبیر واردر » دیه باغردی .  
— نه در ؟

— یوزمک . جوانی و یردی . همان  
آرقه سنکده ۳۰ قافقاسیالی اولدینی حالده  
حیوانیله نهره آتلیدی . سواریلر رومانیا  
ساحلندن آنجق ۱۴۰ متره اوزاق اولان  
(بوجرسقو) اطه سنه قدر قولایجه یوزه .  
بیلمشلر سه ده دها ایلر و کیده میه رک دو نمکه

عثمانلیلرک آتشی آتنده بلاضایعات (نیکبولی) دن کچرک ۳۰ ده طومباز کوپرینسک کافه مالزمه سی (زیمبیجه) به واصل اولدی .  
 طومبازلرک (نیکبولی) اوکندن مروری (طور نوماغورل) ده کی ساحل بطاریه لرنده اقامه اولنان محاصره طومبجینسک آتشنک حمایه سی آتنده وقوع بولدی .  
 کوپرینسک انشاسنه ده ۲۸ جزیرانده باشلامش ایدی . ایرتسی کیجه فورطنه همان کاملاً احضار ایدیلان کوپری بی تخریب ایلدیکندن دمیر طومبازلرک قسم اکثری ضرق و نابود اولدی . کوپرینسک یکیدن تأسیسی ایچون منحصراً اخشاب طومبازلر قوللانلدی . کوپری ۱ تموز اقسام اوزری حاضر اولمشیدی . لکن او قدر ضعیف ایدی که مواصلات اکثریا ساعتلرجه و بردقمه بتون برکیجه منقطع قالدی . قطار و قافله غایت اوزون مسافه لرله کچه بیسیلوردی . بتون بونلر احتیاج مالزمه سنک ضعیف لکنندن منبعث ایدی .  
 یوقاری سال کوپری ایچون مقتضی مالزمه ۱۶:۸ تموزه قدر نهرک جریانسه ترک ایدیلرک (نیکبولی) اوکندن کچیرلدی .  
 ۱۸ تموزده انشآت باشلادی ۹ آغستوسده ختامه ایردی .  
 سرکوپری — کوپرلرک ستر و حمایه سی ایچون (زشتوی) صرترلرته ۵ پیاده الای و

آنکله متناسب طویجی ایچون بر موضع کشف و تحکیم ایدلسی قرارگاهدن امر ایدلدی .  
 عملیاته ۱۴ نجی فرقه عسکرلری طرفندن ۴ تموزده باشلانیدی . لکن بونلر برقاچ کون صکره ایشلرینی بترمدن اول حرکت ایتدیلر (پلونه) ده روس سلاحلرینک ایلک هزیمتلی باشلائیجه ، انظار دقت و اندیشه یکیدن بوتپه لرده کی استحکاماته انعطاف ایتمشدی ؛ لکن حرب ختامه ایرمش ، فقط بواسطه حکاملر هنوز بیتلماش ایدی .  
 روس اردولری طونه دن مرور ایدرکن قرارگاه عثمانی ده نهر اولیوردی ؟  
 اوئانده قرارگاه عثمانی ده بولنش اولان عزت پاشا او کونکی حال و منظره نی بروجه آتی تصویر ایدیور :  
 برکون — ۲۵ جزیران ایدی . بنی عربه سنه آلمش اولان فرقه مزک قوماندانی فؤاد پاشا قولاغمه اکیلرک : «روسلر ، دوربجیه داخل اولدیلر ، دیدی . اعتراف ایدرم که اوزمانکی یاشمده بو برایکی کله بنی فوق العاده متأثر ایلشدی . اقسام سردارک اوکنده رسم کچید یاپارکن هر طرفده مسرور سیالر مشاهده ایتدم . بوخبر ، روسلرک اک نهایت انتظار ایدیلان خطایی ، اومعهود خطایی ارتکاب ایتدکلرینی ، (دوربجیه) دن کلهرک اححقجه سنه او مخوف قلاع اربعه ایله چارباشمغه مجبور اوله جقلرینی اثبات ایتمیورمی

قوماندانلر ایله مادونلری اراسنده هیچ بر وفاق و امتزاج بو قدر. ایچلرنده الیمقتدرلری کندیلرینه اطاعت ایندیرمکدن عاجزایدیلر باش قوماندانک قرار و امری هوای محیطی برصاعقه کبی بیرته جق، برق سرعتیله آفاق بعیده یه انتشار ایده جک یرده برمانده عربسه سی بطائتی ارئه ایدیوردی. برینک تصویب ایندیکی بر فکری دیگرى جرح ایدیور و بو کشمکش افکار یالکوزروسلرک منافعه یاردم ایلدیوردی.

۳۰. حزیراندن اعتباراً، اراضیمزده ۳۰,۰۰۰ دن فضله روس عسکری واردی. آنک ایچون، ایلك خطده کی عسکرک دشمن اوزرینه یورومسی کوچلشیوردی. لکن ۲۹ ده، علی الخصوص ۲۸ ده یالکوز برفرقه، یبانیجی برارضیده، هر نوع استناددن محروم، کیریسینده هر بیض برنهر موجود اولان برفرقه واردی. (روسجق)ک (زشتوی) به مسافه سی ایسه یالکوز ۵۰ کیلومتره ایدی. بناء علیه زشتوی موقع قوماندانیله متصرفک کوندردیکی خبر اوزرینه اشرف پاشا روسجق قلعه سنده قبالی بولنان قوتلی فرقه سی، متعدد صحرا بطریه لری ایله و (زشتوی) ده کی لوانک انقاضی دخی برابر اوله رق یورومش اولسه ایدی ۲۸ و ۲۹ ده مساعد شرائط داخلنده برحاربه یاپه بیلور وقارشوسینده کی دشمنی اغلب احتمال نهره دوک بیلوردی. حتی

ایدی؟ حیفاکه بوخولیا چوق سورمدی : ۲۷ حزیرانده روسلرک پیشداری (زشتوی) دن طونہ نی کچور، فقط بوکا دائر قرارکاه عمومی یه واصل اولان خبر بیوک پاشلارده نه اوافجق برحاضرلق، براماره حرکت، نه ده بر آرزوی تقدم و تشبث حاصل ایده. میوردی. کوچکلر محزون محزون باقیشیورلر ایدی. هر کسده اغلامق هوسی؛ برسکوت حزین واردی... هیچ برکسه دشمنه پک زیاده بهالی اولسی لازمکلان بوکچید حرکتک نه دن بویه عادی بر صورتده وقوعبو. لمش اولدیغنک علی الخصوص بو خطانک، شدتلی بر مقابل تعرض ایله تعمیرینه نه ایچون تشبث اولنمادیغنک اسبابی کندی کندی بردرلوايضاح ایده میوردی.

۲۴ حزیرانده (زیمینچه) قارشوسنده تعینه ایدیلان قطعات قوماندانه کشیده ایلدیکی برنلقرافنامه ده سردار شو امری ویروردی :

«روسلرک سزک قارشوکرده طولولانمقده اولدقلرینی خبر آلام. (زشتوی) دن کچمکه تشبث ایده جکلری محققدر. هرچه باد آباد کچید حرکتی منع ایدیکنز.»

دیگک که سردار، روسلرک نره دن کچه جکنی بیلوردی. او حلاله کندیسینک (شمنی) ده نه ایشی واردی؟ ده ا بدایتدن اعتباراً کوربورزکه

غراندوقك ياور حربی میر آلی (وونلار- لارسکی) طرفدن نشر ایدیلان اژدن بوکا دائر بعض فقره لر نقل ایدلشدیر :

«ایمپراطور، قرانیلان ایلك مظفریتدن طولایی غراندوقی تبریک ایتدی واکا ۲ نجی و ارکان حربیه رئیسینه ۳ نجی سنت ژورژ نشانخی ویردی .

اردوده کی شوق و هیجانہ پایان یوقدی . ایرتسی صباح زیمینچیجه کلدک . ایلك دفعه اوله رق حربک حزین منظره لرینسه تصادف ایدیور ایلك : صارغی یرلری ، سیار خسته خانلر و کوملکلری خون آلود جراحلر کورلییوردی .

(زشتوی) یه کیدرکن عارضه لی ، خندکلرله طولو و جابجا باغلقلر و کیشیف چالیلقلر ایله مستور براراضیدن کچن یولک بتون امتدادنجبه محاربه نك بقیه آناری اولان جسدلر و تفنگلرن ماعدا برشی کورلییوردی . یولک اطرافنده محاربه نك شان و شرفنی حامل اولان ۱۴ نجی فرقه عسکرلری صفیسته ایدیلر .

بونلر اترق وقت حضر عسکرلرینہ بکزه میورلردی . اتشدن هنوز کیش بر عسکر سیاسی ارئه ایدن بو آدملرک وجهنده یکی ، بشقه بر معنا واردی که بی متأثر ایلدی .

(زشتوی) نك قبولینسه کلدی کمز زمان ،

عدم موفقیت حالده تکرار قلعه یه قیامتق ایچون وقت وزمانیله کری یه ده چکیله بیلور ایدی .

بالآخره سرداره نیچون بو فرقه یه تکمیل قوتیله (زشتوی) یه یورومک امرینی ویرماش اولدینی سورلدینی زمان او طرفده جریان ایدن احوالک یالکز برنمایش اوله بیله چکنی



داماد محمود جلال الدین باشا

اتخاب ایدیلان اصل کید نقطه سنک (روسجق) ویاجواری اولسندن اندیشه ایلمک اقتضا ایلدیکنی افاده ایتمشدیر .

عقائلی اردوسنک قرارگاهی بو حالده ایکن دشمن قرارگاهی نصل بر منظره عرض ایدیوردی . . . ؟



اسباب کافیہ تشکیل ایدرلردی . (فلامانڈیا) ده ایسه ، محکم وقوتلی بر صورتده مجھزا اولان (نیکبولی) نک یقینلغی برده بوراسنک دها فضله اولان قوۂ محافظه سنی نظر دقته المق ایجاب ایدردی .

کچید حرکتک حاضرلقری . کچید حرکتک ناقص احضاراتی (زیمینیچہ) ده



لورد دربی

بالخاصه نظر دقتی جلب ایتکده دره . مالز مه نک وقتیلہ احضار ایدلمه سی یوزندن اک قیمتدار بر زمانده هفتله رضایع ایدلمشدی . اردو اقامی کچید محلنه طوغری سوق ایدیلور کن اک زیاده سرعتہ عرض احتیاج ایدیلان بر صردهه تجمع حرکتی ۳ کون تعطیل ایدلمش ، چونکه کوپریجی بارقنک نقلیاتی کیکمشدی .

مراسم مخصوصه ایله کلان بلغار هیئت روحانیه سی طرفندن استقبال ایدلدک . عسکری موسیقہ سی ظفر ترانه لری چالیوردی .

(زیمینیچہ - زشتوی) دن طونہ نک

سروری حقنده مطالعات

کچید نقطه سنک آتخابی . اردو باش قوماندانی اسباب سوق الجیشیه دن طولایی (زیمینیچہ - زشتوی) ایچون اولدن بری برحس ترجیح بسلیوردی .

لکن نهرک شمال ساحلی ایله (زیمینیچہ) آراسنده کی چقور وکنیش پارچه فیضاندن طولایی کنیش برصو ساحه سی حالنه منقلب اوامش اولدیغندن حزران اورته سنده مشکلات فینه پک زیاده اولمشدی . غراندوقک ۲۰ خزرانده کی استکشافی اثناسنده بوسبب آرتق موجود اولدیغندن مومی ایله سرعتله قرار ویرمشدی .

طونہ بوراده بالقانہ اک زیاده تقرب ایتکده در . اونک ایچون طونہ - بالقان خطی بوراده اک قیصه در . صاغ ساحلده کوزلی برشوسه (شبقه) کچیدینه ایصال ایدر . (زشتوی) عثمانلی ساحلنک اک خفیف اشغال ایدلمش بر نقطه سی ایدی . بتون بونلر ، بوراسنی آتخاب ایتک ایچون

( او قدر کج ) تدارك ایدیلان مالز مه جریانك شدتیه نظراً او قدر ضعیف ایدی که اینك کوپری ، مقصدہ پک غیر کافی بر صورتده وفا ایده بیلدی .

طونه نك طور پیل واسطه سیله سدی ، بر صصمت تام ایله اجرا ایدلدی . یالکیز شوراسی شایان تذکاردر که بو سد عملیاتی عین زمانده کچید محلتك تعیینی خصوصنده عثمانلیله غایت قیمتدار اشارت برینه کچمشدر . بناء علیه قسم کلیده ( اولطانیجا ) دن کچله جکی ظنی دها زیاده تقویه ایتمک ایچون سیلستره نك یوقاریسنده و روسجفك اشاغیسنده دخی طور پیل سدلی تأسیس ایدلملی ایدی .

برقات طور پیل خطاری خصم طرفدن قطع ایدیله بیله جکندن هر بر سدی بربری آرقه سنده موضوع بر قاج خطدن تشکیل ایتمک مرجحدر .

عثمانلیلرک نظر دقتی چویرمک ایچون تکمیل طونه بونجه ۷۲ ساعتک بومباردمانک لزومسنلنی آشکاردر . مادامکه طونه نك طوب تعبیه ایدیلان هر نقطه سندن عین زمانده آتش اجرا ایدیلوردی ؛ عثمانلیلرک افکارینک یاکلش بر نقطه اوزرینه جلب ایدلمش اوله . جغنه بالطبع اعتماد اولنه مازدی . زیرا بومباردماندن اول احوال نه ایسه ینه اویله ایدی . هیچ بومباردمان اولسه ، عثمانلیلرک استدلالاتی نه مرکزده اوله جق ایدیه ،

شمیدیه ینه انجق اونک عینی اوله بیلوردی . بناء علیه بومباردمان عثمانلیله قارشو حاضر اولک ، دن بشقه بر معنایی متضمن اوله مازدی . فلانماندا نمایشی ، بوموقعک ( زمینجه ) به و عثمانلیلرک قسم کلیدنه نظراً اولان وضعیتنه نسبتله همان هیچ بر قیمتی حائر دکل ایدی .

فی الحقیقه عثمانلیلر ۹ نجی قول اردونک ( سجا ) ده طوبلان دینغی و امپراطور له قرار . ناه عمومینک ده اوراده بولندینغی او کرونوب ده - که نمایشک معطوف اولدینغی مقصد بو ایدی - قلاع اربعده متحشد اولان قسم کلیرینی ( فلانماندا ) ده تصویب ایدیلان کچید تشبثانه مانع اولوق اوزره ( نیکبولی ) به طوغری سوق ایتمش اولسه لردی اشبو قسم کلینک حقیقی کچید نقطه سی اولان ( زشتوی ) دن مرور ایده جکی شبهه سزایدی . او حالده بونمایش یالکیز ( نیکبولی ) محافظینغی تثبیت ایتمک و روس اردوسنی الدامغه یاراردی . بوقدر بسیط برایش ایچون بالذات امپراطورک بیله اوراده بولمسنه لزوم اولوب اولدینغی جای تأمل دکلدر .

بونمایشلردن حقیقت حالده نه درجه بر ثمره حاصل اولدینغی تعیین ایتمک قابل دکلدی . زیرا عثمانلی قرارگاهنده حکمفرما اولان حالت فکر به یه نظراً کچید حرکتی ، بونما . یشارک هیچ بری اولمسیدی ، ینه منتج موفقیت اولوردی .

دائماً بدایت امرده تأثیری وقابلیتی محدوددر. اندن باشقه طوپچی، قارشو ساحلدن دخی اشتراك حر كنده بولنه بیلوردی؛ شاید (زیمینجه) ده اولدینی کبی ظلمت لیل حسینله بوکا امکان یوق ایدیهده طوپچینک جنوب ساحله کچیرلمسی ایله قراکلغك زائل اولمیه جنی بدیهی ایدی. والحاصل ایلك قدمه ایله برابر چیقاریلان طوپلرك ۲۷ حزیران محاربه سنه یالکوز پك جزئی بر حصه مشارکتلری اولمشدرکه بومشارکت طوپچینک یرینه اخراج ایدیه بیله جك اولان درت پیاده بولوكنك معدومیتندن متولد ضرر ایله اختیار ایدیلان عظیم زحمتلری اصلا تلافی ایده مازدی. انك ایچون جنرال (راده چکی) نك یالکوز پیاده نك ارکاب و سوق ایدلمسی لزومنی تقدیر ایدرك او یولده امر ویرمش اولدیغندن طولانی کندیسنی تقدیر ایدرز.

بدایه قسماً، ۳۰ حزیران اقشامندن اعتباراً کاملاً وهنوز کوپری بتمزدن اول نقلیاتده حصوله کلان انقطاع، اکر عثمانلیر فعالانه حرکت ایتسه لردی، کچید حرکتک نتیجه سنی پك مشکوک حتی مصیبت انکیز بر حاله افراغ ایده بیلوردی. کوپری تماماً بیتتجه قدر نقلیاته بلا آرام دوام ایدلمی و بوکا مقتضی مالزمه، کوپری مالزمه سندن مستقل اولمی ایدی.

برنهردن کچیلورکن، بر دقیقه صکره

کچیدک صورت اجراسی. — طونه مانغك اهمیت وجسامته نسبتله پیاده نك قدمه قوتی پك جزئی ایدی.

ایکی ساعت ظرفنده ایلك قدمه نك ۱۲ بلوکی یالکوز باشنه قالمشدی. عثمانلیر جهتده کافی درجهده بر تیقظ واستحضار وحسن سوق و اداره اولسه ایدی اخراج عملدن یالکوز ۴ کیلومتره اوزاقده اولان (زشتوی) و (واردیم) ده کی ۴۰۰۰ نفر و ۶۰۰۰ نفر قوتنده بولنان ایلك روس قدمه. سنه قونسانتریک بر صورتده هجوم ایده بیلورلر. دی. قراکلق اولمق حسینله روسلرك شمال سا. حلدیه کی طوپچینک آتشی ایله حمایه ایدلملری غیر قابل ایدی.

یالکوز باشنه ساحلی تحت تملکننده بولندیره بیله جك بر صنف اولان پیاده صنفك ممکن مرتبه کثرتلی بر صورتده ارکاب و اخراجی، کچید حرکتک موفقیتی ایچون ایلك و اساس شرطدر.

ارکاب مالزمه سی محدود اولغله برابر بومالزمه نك بر ربهی ایلك قدمه نزدنده سکنز طوپلق بر بطاریه نك سوخته تخصیص ایدلمش ایدی. بوهر حالده مصیب بر تدبیر دکلدی. پیاده، دشمن ساحلنه کچر کچماز «یالکوز باشنه» تکمیل قوه محاربه سنی صرف و استعمال ایده بیلور. اکا مقابل طوپچینک،

حال و وضعیتیک نصل بر شکل و منظره اکتساب ایده‌جکی بیلناز؛ قوای جسمیه ایله قارشو ساحلده پابرجای ثبات اولدقدن صکره بیله موفقیت هر درلو شهه‌دن آزاده بر صورتله تأمین ایدلمش اولمیه‌جکی کبی کوپری اکمال ایدلسه بیله بجران هنوز زائل اولمش عد ایدیله منز .

عین اسبابه بناءً دشمن ساحلنه کچیله‌رک قوهٔ محافظهٔ محلیه تبعید ایدیلور ایدلماز سر کوپرینک تأسیسنه باشلاملی ایدی . مفصل بر استکشاف اجرا ایتک و هر نوع مطالباته وفا ایده‌جک بر استحکام وجوده کتیرمه که اکثریا احوال مساعد اولمیه‌جغدند سر کوپری بدایهٔ یالکزموقت بر ایشدن عبارت اوله‌جغدند و اوزمانه قدر اخراج ایدیلان قوتک کافه . سنک محاربه ایتسنه خادم اولمق حسیلله « صحرا استحکاماتی » شکل و ماهیتی حائز بولمق ایجاب ایدر . یعنی ائک مساعد مدافعه خطلرینه ایلرو سوربله‌جک قطعات عملیات تحکیمیه‌بی بالذات اجرا ایدرلر . بوایشلر ، محاربه‌یه حاضرلق ماده‌سنی ذره قدر اخلال ایتکسزین بالعکس قطعاتک قوهٔ محاربه‌نی تزبید ایدر . کوپری تمام ایدلد کدنصکره ، شاید بو استحکام وضعیت جدیدیه کوره توافق ایجاز ایسه ، اوزمان تعدیل ویا بسبتون یکیدن تأسیس ایدیله‌بیلور . انجق بوراده اولدینگی کبی ، استحکامات مذکوره‌نک استعمالنه

حاجت قالمیه‌جکی ملحوظ اولسه بیله ینه اصلا «اهمال» ایدلما لیدر . زیرا بویله براهمال آجی بر صورتده اخذ نثار ایده‌بیلور .

اشبو عملیات استحکامیه ، ایلرو یوروش حرکتی تأخیر ایتمزدی . ذاتاً بویله بر تأخره احتیاج یوقدی . بدایهٔ اخراج ایدیلان قطعاتک محاربه‌نه مخصوص اوله‌رق بالذات انلر طرفدن صحرا اصولنده استحکامات یاپلدقدن صکره بیوک ، قوتلی و مستقل طایبه‌لردن مرکب بر (سر کوپری) نک انشاسی قطعات فنییه و کوپری محافظینه احاله اولنوردی . (زشتوی) ده ۲۷ حزیران اقشامندن اعتباراً تقریباً ۳۵,۰۰۰ کشتی واردی که بوقوتلر ۴ تموزه یعنی ایلرو یوروشه باشلا . نجیه قدر کوپری محلتک همان یاننده قالمشردی . بتون بومدت ظرفنده بوقطعات هیچ بر محاربه ایله مشغول اولمامشردی . بالآخره بر پیاده آلابی ۱۴ کون متدیاً کوپرینک تأمین ایچون (زشتوی) ده قالمشدی . دیمک که سر کوپری یایمق ایچون زمان وقوت بول بول موجود ایدی . لکن قطعاتک ناقص اولان تجهیزاتی حسیلله قازمه کورک یوق ایدی ! .

روس ارکان حربیه سنک ایکنجی جلدینک ۱۴۰ نجی صحیفه‌سنده ، اوزاق استکشافات ایچون سواری اولمدینگی ایچون اخراج ایدیلان قطعاتک حال و وضعیتیه ده مخاطره‌لی بولمش

لکن بوفرقره لار ابدیا محل مقصود لرینه واصل  
اوله مامشدر در .

حقیقت حالده سردار، روسجقدن بیه لایه  
طوغری یالکز برلوا یوللا بیه یلمشدی .

بولوا ایسه (بیه لا) زشتوی خبرقلا کتی  
او کر نمکدن بشقه بر ایش کور مامشدر .

قوه امدادیه، دشمن عسکرینک کایتلی اولدیغی  
ملاحظه سیله (بیه لا) دن اوتیه بر آدیم

آتامش (زشتوی) دن چکیلان احمد حمدی  
پاشا لوانسک اتقاضی ایله برلشوب اونکله

نشریک عطالت ایلمشدر . پاشا لوانسک فن  
حرب حقنده کی تطفیلرینک ماهیتی او کر نمک

ایچون بوکی وقایعی اک بیوک بر نظر عبرتله  
تدقیق ایتمک ایجاب ایدر .

حقایق احوالی تصویر ایدن اشتراکر  
پاشا لوانسک مطالعاتی اوقونه جق اولورسه

عثمانلیرک بو عاجزانه طور و حرکتلرینک  
بتون اسباب لدنیسه سی کسب وضوح ایدر .

اشتراکر پاشا اثرینک ۳۵۸ نجی محیفه سنده  
دیمشدر که :

« عبدالکریم پاشا ، روسلرک طونه نک  
صول ساحلنده کی حرکتنه دائر استحصال

معلومات ایتمک ایچون وساطه مالک دکلدی . »  
اشتراکر پاشا کرک بوراده کرک زیزده کی

ملاحظاتنده یالکز طونه نک او بر طرفه  
استکشاف مفرزه لری کوندرلمک خصوصنده

نظر دفته آلمقده در . حالبوکه بو واسطه ایله

اولدیغی مذکوردر . بومطالعہ یالکز ۳۰  
جزیرانه قدر شایان قبول اوله بیلور . زیرا

او کون آفشامی آتی سواری بلوکی جنوب  
ساحله چیقمش بولنیوردی که بوقوت (یانترا) به

( نیکیولی ) به قدر استکشافات اجراسنه  
مساعدا ایدی . بوامینتسزک حسبی او کر-

تیور که محاربه بتر بتماز ، در حال استکشافات  
اجراسنه باشلا بیه یلمک ایچون قوتلی برسواری

قطعه سنی نقل ایتمک ایجاب ایددی . لکن  
قوتلی سوارینک فقدانی حالنده ، طوبوچی

و بر قاچ سواری ایله برابر بر مفرزه پاده پی  
برای امنیت (یانترا) نک اک مهم نقطه سی

اولان (بیه لا) به ایلرو سورمک الزم ایدی  
زیرا بدایت امرده اک بیوک تهلمک آنجق

بو استقامتدن کله بیلوردی . بناء علیه بر حال  
ناکهانینک وقوعی منع ایتمک ایچون لدن

کلن هر شیئی یاپمیلیدی .

عثمانلیرک طور و حرکتی حقنده

### مطالعات

روسلرک ممالک عثمانیه به تجاوز لرینه  
قارشو عثمانلیر طرفدن هیچ بر تدبیر مانع

اتخاذ ایدلمه مشدی . ۲۸ جزیرانده وانفا  
روسلرک طونه پی مروری خبری اوزرینه

(روسجق) ایله (شمنی) دن (بیه لا) به بر  
فرقه نک کوندرلمسی تصور ایدلمشدی ؛

معلومات لایقه استحصال ایتک ممکن اوله .  
 مازدی . روسلرک کندی افکار و نیاتی  
 کیزله مک خصوصنده متنوع تدبیرله توسل  
 ایتش اولدقلرندن تبین ایلدیکنه کوره اونلر  
 اک زیاده صور سائرّه استخباریه دن و  
 علی الخصوص مخبر و جاسوسلردن اندیشه  
 ایدورلردی . حالبوکه عثمانلی مخبرلرینک  
 مشاهداتی قرارگاه عثمانی په بیلدیرمک ایچون  
 نه قدر چوق و قترلی اولدینی ، تحشید یوروشنده  
 حصوله کلان اوچ کونلک انقطاع ایله ده  
 تظاهر ایدر .

باشای مومی الیه ملاحظاته دوام ایدرک  
 دیورکه :

« خصمک زشتوی ده وقوعبولان کچید  
 حرکتک متیح موفقیت اولسی اصلا موجب  
 استغراب اوله ماز . زیرا نه روسلرک کچید  
 حرکتی و ( زشتوی ) ده روس قوای  
 عظیمه سنک تحشیدی نه ده اونلرک بعده  
 اجرا ایلدکلری ایلرو یوروشی منع ایتک  
 عبدالکریم پاشانک یداقدارنده دکل ایدی .  
 سردار ، قلعه لرده و ( بازارحق )  
 موقعنده قوای جزویه ترک ایدرک النده کی  
 قوتله کافه سنی ۲۷ حزیراندن اعتباراً یعنی  
 تقریباً ۴۰۰۰ محاربیدن عبارت اولان  
 ( ۷۵ - ۸۰ ) پیاده طابورینی ( زشتوی ) په  
 طوغری تحریک ایتک ایچون تربیات لازمه  
 انخاض ایتش اولسه ایدی بیله ، بو قوت

اوراده کندیسنه ضایت فائق بردشمن  
 کتله سیله تصادم ایلیه جکدی .

دها ۳ تموزده صاغ ساحلده ۵ روس  
 پیاده فرقه سی و پیشدارقول اردوسی طوبلانمش  
 ایدی . او یله بر قوت که اکثر لزوم کورلسه ایدی  
 دها چابق کچیریلور و بومدت ظرفنده تزیید  
 ایدیله بیلوردی [\*] بناءً علیه تشبث واقع  
 هم جرأتکارانه هم ده امید موفقیتدن محروم  
 کبی عد ایدلک لازمکلور ؛ بو حرکتک عدم  
 موفقیته اقرانی ایسه عنانلی اردوسنک محو  
 وضیعی و تکمیل حربک نتیجه قطعیه په اقرانی  
 دیمک اولوردی . حرکت مذکوریه تشبث  
 ایتمکه ، دشمنک امل و آرزولری ایضا ایدلمش  
 حتی بتون امید وانتظارلرینه بیله تفوق  
 ایدلمش اوله جکدی . اندن باشقه بویه بر حرکت  
 ایچون تکمیل قوتلرک صرف واستعمال ایدلمسی  
 ضایت بسیط اولان برطاقم اسبابدن طولانی ده  
 غیرقابل ایدی که بو اسباب ، چیمرمان  
 قول اردوسنک وطونه نک صول ساحلنده

[\*] بوملاحظه ، اصلا مقارن صواب دکلدر .  
 فی الحقیقه روسلر صانکه بروجوب مجبر یوقش کبی  
 محضا عسکرک استراحتی تأمین ایتک ایچون ده  
 فضلده یاده چابق عسکر نقل ایتماشلر ایسه بونی  
 پایانسز برخت اثری اولنی اوزره قبول ایتک  
 ایجاب ایدر . حالبوکه روسلر اساساً عقللری و  
 کوچلری یتدیکی قدر سرعت التزام ایتشلردی .  
 کوپری بیتر تماز همان نقلیاته باشلاملردر که بوده  
 هیچ بوش زمان کچیرمک ایستمدکلرینه اشان کبی  
 تلقی اولنه ییلور .

برسہولتہ تحت حاکمیتہ آہرق زبون و مقهور ایدر . دھا طوغریسی اشبو طرز محاکمہ و استدلال ضعف طبع و فکردن حاصل اولمش برنوع خستہ لقدرکہ برقوماندان ظاہراً کشف و مشاہدہ ایدیلہ میان بویلہ بر مرض دماغی ایلہ معلول اولہ جق اولورایسہ کندیسے ایچون ، اردو ایچون ، وطن ایچون بوندن بیوک بر فلاکت تصور ایدیلہ ماز .

دائما جهانک اک بیوک قوماندانلری ، سردازلری سالم بر وجوددہ سالم بر فکریہ مالک اولانلردر . . . . .

عبدالکریم پاشا مخبرلر واسطہ سیلہ روس اردوسی قطعات جسیمہ سنک طونہ نک شمال ساحلندہ اجرا ایلدکلری حرکاتہ دائر علی الدوام استحصال معلومات ایتلی ایدی . بونک ایچون ایجاب ایدن پارہ ہر حالہ سلطنت سنئہ عثمانیہ نک مالیہ خزینہ سندہ مفقود دکلدی .

متحرک بر حالہ بولدیریلہ جق قطعات عسکریہ بی کمال سرعتلہ کچید حرکتک وقوع بولدینی نقطہ یہ کتیرمک ایچون ایجاب ایدن تدابیر ۲۷ جزیراندن اول اتخاڈ ایدمک اقتضا ایدر ایدی . زیرا عکس تقدیردہ یک کچ اولمش اولوردی . اسکر اشبو استحضارات ، یوقاریدہ کوسترلمش اولدینی کبی ویا اکا مشابہ بر صورتدہ اتخاڈ ایدمش اولسہ یدی ، تکمیل عثمانلی قوای سیارہ سی

قلمش اولان ہر ایکی روس قول اردوسنک وضعیت و موجودیتلریدر . قونک بر قسمی نہ اولنلرہ قارشو افراز ایتمک ، بتون اردویی دہا محقق بر صورتدہ فدا ایلک دیمک اولور . شتراکر پاشانک بوصکرہ دن ترتیب و تالیف ایدمش مطالعاتی ایلہ برابر سردار اکرمک جزیران اواسطندہ کوندردیکی یوقارودہ مذکور راپوری کوزا وکنہ کتیر . یلورسہ ، بورادہدہ عینیلہ «آشانی طونہ قول اردوسی» نزدندہ حکمفرما اولمش اولان اسباب و مؤثراتک حکمفرما اولمش اولدینی آکلشیلور .

ذو کثیرالرؤس برسوق وادارہ نک تاثیر شئامتی ایلہ معطل بر اقبالان ، صلاحیت و اجرا آتی قصر و تحدید ایدیلان قرارکاہ عثمانیہ دہ ہر شیدن اول یالکز مشکلات و موانع کوزہ چارہ مقدمہ و برایشہ تشبث ایدیلہ جکی زمانہ دائما مصیبت آور بر نتیجہ نک احتمال وقوعی دوشونیلہ رک ہر تشبث جرأتکارانہ و تہلکلی عدایدمکدہ اولدیغندن جدی و حقیقی ہیچ برقرار اعطا ایدیلہ میور و بوتردد و قرارسزلق مسکنت و عطالتی تولید ایلوردی . حالبوکہ بوحال ، حربہ تصور ی ممکن اولان اک فنا ، اک مشوم ، اک تہلکلی بر حالدر . بویلہ بر طرز محاکمہ و استدلال غایت سقیم و چوروک اولوب کندیسہ لایق و طرفدار اولانلری یک زیادہ

۳ تموزدن چوق اول (زشتوی) ده تاثیرلری  
اجرا ایده بیلورلردی . ۲ تموز آقشامنه قدر  
یالکیز تقریباً ۳۰۰۰۰-۳۵۰۰۰ موجودنده  
۳۱ روس پیاده فرقه سی ، ۹۰۰ آتلی و  
۷۸ طوب جنوب ساحلده ایدیلر . اندن  
باشقه روسلر موضعلری تحکیم ایدرک

معدنانه برمدافعه اجراسنی تامین ایتکی  
اهمال ایدلشردی .  
بناء علیه عبدالکریم پاشا سیار قطعات  
نامنه اوله رق قلاع اربعه منطقه سنه حقیقت  
حالده یالکیز ۴۰,۰۰۰ پیاده ، ۲,۰۰۰  
سواری و ۱۰۰ صحرا طوبی کتیره بیلمش



جنرال چرنایف

اولسه بیله ، ینه ۲ تموزه قدر ، نتیجه قطعیه  
نقطه سنه قوای فائقه کتیرمک ایچون زمان  
بوله جق دیمک ایدی . بحث مخصوصنده  
ارانه ایدلش اولدینی اوزره ، قوه موجوده  
حسن توزیع و ترتیب و (مخبرلر تدارکی ،  
مواصلات تلغرافیه ، اجتماع اشاراتی)  
استحضارات لازمه اجرا ایدلش اولسه ایدی ،  
اشبو قوه سیاره کچید حرکتی باشلاقدن  
اک نهایت ۸۰-۹۰ ساعت صکره (زشتوی)  
محرابه میداننه مواصلت ایده بیلوردی .  
بوکبی احوال فوق العاده اثناسنده یومیه  
۳۰ کیلومتره یوروش اجرا ایده بیله جکی



مواصلاتی قطع ایتمک تشبث ایتمسه یدی ،  
عثمانلیلر استحصال موفقیته ایتمک ایچون  
استطاعت بشر داخلنده اولان هر شیئی پامش  
عد ایدیلوردی .

ایشته ( زشتوی ) و بورادن کچیده  
باشلانینی زمان روسلرک اهلل و تسامحی  
سایه سنده ، تکمیل حرب اثناسنده یگانه  
بر آن و یگانه بر موقع ایدی که جسور و صاحب  
عزم بر عثمانلی باش قوماندانی سوق و اداره  
خصوصنده کی محدودیت و اسارتیه رغماً نتیجه  
قطعیه نقطه سنده هیچ اولمازسه معادل بر  
قوتی محاربه یه سوق ایده بیلوردی .

مادامکه عبدالکریم پاشا ، شترا کر  
پاشانک مدعانه نظراً روسلرک رومانیا ده کی  
حرکاتیه دائر معلومات آله حق حال و وضعیته  
دکل ایدی ؛ ۲۸ و ۲۹ جزیرانده یعنی  
( زشتوی ) یه طوغری یورومکه قرار  
ویرمسی ایجاب ایلدیکی کونده (دوبریچه) یه  
بتون بر روس قول اردوسنک داخل اولمش  
اولدیفنی بیله مازدی .

دوبریچه مدافعینی ۱۰ روس بلوکنک  
اوکندن کری چکلمشلردی . ۲۹ جزیرانده  
(ماجین) ده یالکز بر قاچ روس طابوری  
واردی .

رومانیا ده ۱۱ نجی قول اردو قالمشدی .  
لکن سردار بونی اولدن بیله مازدی . ۴ نجی

حساب ایدلمشدر . عثمانلی عسکرینک بو قدر  
بر مسافه یی یک قولایجه قطع ایده بیله جکرینه  
عثمان پاشا قوتنک اجرا ایلدیکی یوروش  
شاهد ایدیدر . شو حالده احتیاط قوتلرینی  
( زشتوی ) یه طوغری تحریک ایتمک ایچون  
۲۸ جزیران اوکله وقتیه قدر بکنمش



بوسنه اختلال قومیتیه سی رئیس ده سپوتوویچ  
اولسه یدی بیله ، بالعموم قوای سیاره  
۱ تموز اوکله یه قدر ( زشتوی ) ده محاربه یه  
یتشه بیلوردی . حالوکه کوپری انجق  
۱ تموز آقشاملین حاضر اولمشدی . عثمانلیلرک  
قوتلی فیلسوی ده حاضر اولوبده بو نتیجه  
قطعیه آنسه لایق اوله جق صورتده کمال  
شدت ایله روسلرک طونه اوزرنده کی

قول اردونك آنجق تموز او اسطنده (بكرش)، مواصلته انتظار اولنيوردی . بناءً عليه عبدالكريم پاشا بودشمن قول اردوسنی داخل حساب ایده مازدی . اندن باشقه جسيم برخط فاصل تشكيل ایدن طونه نك ارمدهش جریانی بو خصوصه دخی عثمانیلرك ظهير ومعاونی ایدی . (اولطاینجا) ده و (ماچین) ده بولنان روس غروپلری عثمانلی قوای سیاره- سنك (زشتووی) یه طوغری ایلر و بورویشه باشلا دقلمی وقت وزمانیله خبر آله مازلردی؛ بوغروپلر ، عثمانلی قوتلری ( زشتوی ) ده تاثیرلری اظهار ایلدکلیری یعنی اغلب احتمال آنجق محاربه باشلادینی زمان حقیقت حاله مطلع اوله جقلردی . (اولطاینجا) ده آزچوق برقوت بری طرفه کچیریلنجیه قدر ( زشتوی) ده نتیجه قطعیه چوقدن تظاهر ایتمش اولوردی . اندن باشقه ، طوریل خطلرینك تحت حمایه سنده اولیان اشبو کچید حرکتی قطع ایتك ایچون (روسجق) ده دخی الده مقدار کفایه سفائن حربیه بولنه بیلوردی . (زشتووی) ده حاصل اوله جق نتیجه قطعیه عثمانیلره مساعد اولدینی حاله . (طوتراقان) . اخراج ایدلمی محتمل اولان روس غروپی غایت مشکل بروضیتده بولنه جنی کبی (دوبر- یجه) ده کی ده يك اوزاق قالوردی . بالعکس عثمانیلر (زشتووی) ده مغلوب اولورلرسه ، ینه وقت وزمانیله (روسجق) و (شمئی) یه

یتشه بیلورلر و عبدالکريم پاشانك بدایت امرده یامش اولدینی شیئی آنجق او زمان یاپارلردی . یعنی بکالرلردی .

نتیجه قطعیه نك حاصل اوله جنی زمانلرده ، مظفر اولنه جفته هیچ بر زمان امنیت ایدیه- میه جکی ایچون ، دانما جرأت کوستومیلیدر؛ زیرا جرأت، الده موجود اولان قوا و وسائط مادیه ومعنویه به دائماً فضله و عالی و کوزل بر چوق شیلر علاوه ایدر . لکن بالجمله محاسبات و ملاحظات ، دشمن ، فصل اولسه ، ده از یاده قوتلیدر؛ انک ایچون هیچ بر تشبده بولنمیلیدر . ، کبی بر اعتقاد ایله باشلا یه جق اولورسه واکر بو طرز محاکمه اساسنه استناد ایدیله رك بر قلعه یه و یا خود درت قلعه نك هپ بردن ایچنه صاقا لوب شمعی دشمنك نه یامغه باشلا یه جفنگ تماشاش و تجسسینه حصر دقت ایدیله جك اولورسه . . او زمان بالطبع هیچ بر موفقیت قزائمق ممکن اولمان ایشته ( شمئی ) ده ، استانبولده حربیه نظارتنده ویلیدر سراینده و . . الخ ده کی قرارگاه عالی عثمانیلرك محصله آرا و مقرراتی شو توصیف ایتدی کمز خالدن عبارت اولمشدی . شاید بونوع بر منطقه بنای افه مال و حرکات ایتمش اولسه ایدیلر ، عسکرلک عالمنك قدر اول کو کبلرندن اولان اسکندر ، آنیسال ، پرنس اوژن ، ۱۲ نجی شارل ، فرهدریق ، ناپولئون بوناپارت ، آرشیدوق

آلبرٹ کبی «بیوکار» بیلہ کندیلرینہ نسبتاً  
ایکی : اون دفعہ دہا زیادہ قوتلی اولان  
دشمنلرینہ قارشو ادنی بر موفقیت بیلہ  
قزانه مازلردی . بونلر ، لکن ، «بیوک»  
اولدیلر وابدیاً «بیوک» طانیلدیلر . چونکہ  
دشمنک قوتنک نہ قدر اولدیغنی صوروب  
اوکرنمکه اندرآزوم کورمشلردی . واقعا عددک  
تأثیر واهمیتی زیادہ در . لکن تاریخ حربک پیش  
انظارمزہ وضع ایلدیکی بیغین بیغین مثالره  
نظراً ، عدد ، هرشی دکدر . بناءً علیہ  
عدداً فائق اولان بر دشمن قارشوسنده  
بولدیغنی زمان بیلہ ، مظفریتدن اصلا قطع  
امید ایتماک وجیبه دندز .

تعرضک هر زمانده کی تفوق ورجحانی  
آشکاردر . آنجق تعرض ، بالخاصه عدداً  
خصمک دوننده بولندیغنی وقت ، دہا  
زیادہ لازمدر ، چونکہ اساساً ضعیف اولان  
براردونک بوضعقبیلہ برابر مدافعه کبی برده  
اک ضعیف اولان اصول حربی قبول ایتسی  
اصلاً تجویز ایدیلمیه چکندن کمال عزم و  
جرات ایلہ اختیار ایدیلمه چکی تعرضلہ ،  
بوضعفیت عددیہ یی تلافی ایتک ایجاب ایدرکہ  
اقصای شرق سقری باشند آشاغی بو حقیقتک  
ابدی برهانی در .

ژاپونلر ، ، تفوق عددیلر بیلہ دکل ،  
تعرض وجرأتلر بیلہ احراز موفقیات ایتمشلردر .  
بر جوق دفعه لر روسلرک مقابل

تعرضلرینہ ، حتی تفوق عددی کندیلرینده دکل  
ایکن سانده بو و (شاهو) ده اولدیغنی کبی  
ینہ مقابل تعرضلہ جواب ویرمشلردی .  
شاهو محاربه سنہ دائر جنرال (قوداما) نک  
آلمان آتاشه میلیترینہ سویلدیکی شو سوزبک  
معنیداردر : «روس اردوسنک تعرضه قالدیغنی  
خبر آلور آلمانز ، درحال اردومزک همان  
تعرضه کچمی لازم کلدیکنہ قرار ویردم .  
زیرا روسلرک قوتی بزہ فائق اولدیغندن  
موفقیت امید ایتمکلکمز ایچون دشمندن  
اول حرکت ایتمز ایجاب ایدیوردی .»

هله (موقدن) محاربه سنده روس اردوسی عدداً  
ژاپون اردوسنہ معادل ، حتی فائق اولدیغنی  
کبی طویجی قوتنجہ ژاپونلره نسبتاً ۳۰۰  
صحرا و ۱۰۰ محاصره طوی فضلہ ایدی .  
حاصلی سفر باشند آشاغی تعرض تعییوی  
وسوق الجیشینک تأثیرات معنویہ سیله قزا-  
نلشدر .

حربده موفقیت آنجق تعرضلہ ممکن  
اوله جنی ، تعرضده برخاصه افسونکار اولدیغنی ،  
ایلر وحرکتده موفقیتسزک مطلق بر موفقیت  
دیگر ایلہ تلافی ایدیلمه بیلہ چکی ۱۹۰۴ ،  
۱۹۰۵ سنہ لرینده بر دہنا وکمال صراحتلہ  
اثبات ایدلشدر . شہسز تعرضه بویوککلی  
بخش ایدن شی ، خصمی ، طرف متعرضک  
عزم و مصرا منہ رام و منقاد ایدرک انی معناً تحت  
حاکمیتہ آلق ماده سی در .

صورتده نتیجهلی موقعده استعمال ایدلمک  
یارار . »

\*  
\*

روس اردولرینک تهدید ایدلمکسزین ،  
منع ایدلمکسزین ، حتی دوچار اندیشه  
اولمسزین (طونه) دن کچوب وطن عثمانی به  
استیلا ایلرینک بتون مسؤلوتنی یالکز  
سرداره تحمیل ایتک حق ومعداته مخالف  
اولور . بومسؤلوتیک اصل برهدف توجیهی  
واردرکه سطور آیه آنی ایضاح ایلیه جکدر .  
بیسلیز قرارگاه عالیسی ، طونهنک

جنوب حوالیسندنه و علی الخصوص قلاع  
اربعدهده و (ویدین)ده متحشد اولان قوای  
عسکریه نک سحراده حرکات حربیه به اشتراک  
ایلسنی تجویز ایتوردی . فی الحقیقه ۲۳  
حزیران تاریخلو تذکره خصوصیه ایله باش  
کتابتدن باب عالی به تبلیغ ایدیلان اراده  
شاهانهده شوقره موجود ایدی :

« روسیه لولرک طونه بی تجاوز ایتک  
اوزره بولندقلری بوکراه طرف والای  
سردار آکرمدن واقع اولان اشعاراتدن  
مستبان اولمشدر . طونه خط مدافعه سنک  
جناحلرند بولنقده اولان مفرزله ، یالکز  
مدافعه به مأمور بولنقده لردر .

صحرا محارباتی اجرا ایتک ، دشمنک  
ایلرولره طوغری تجاوزاتی منع ایلک  
و از جمله هر نه طرفه کلیتولوجه کچر ایسه

بالطبع بونک ایچون ایلک واساس شرط  
یوقاریدهده سویلدیکمز اوزره مظفر اولغه  
قویاً عزم ایتش اولمقدن عبارتدر . یوقسه  
مغلوب اوله جغنی ظن ایدن ، مغلوبیته کندیسنی  
لایق کورن ، حاصلی مغلوب اولغه راضی  
دیمک اولان براردو ، مطلق مغلوب اولور  
و کندیسنه نسبتاً ضعیف اولان بر دشمنه  
قارشو دخی مغلوب اولور .

عثمانی اردوسنک ۱۸۷۷ ده عاقبتی  
بو حقیقتک ، کندی فلاکتمز بهاسنه ، اک  
فجع بر اثباتی در .

قراووس دیورکه :

« روسلرک طونه دن صورت مرور لرینک  
تدقیق ایله مستبان اولورکه اکر عثمانلیر ،  
کندیلرینه دشمنلری طرفدن براقلمش  
اولان زماندن استفاده ایدرک ، سیاسی ترددره  
واندیشه لره رغماً ، کثیر اولان قوتلرینی  
نتیجه قطعیه نک استحصال ایدیله جکی دارالحریه  
کتیرمش و یاخود هیچ اولمازسه بلغارستانده  
بولنان ( ۹۰,۰۰۰ ) کشیلک محاربی ،  
طاغینلق و پریشانلقدن قورناره رق بونک قسم  
کلیسنی ( یعنی تقریباً ۶۰,۰۰۰ - ۷۰,۰۰۰ )  
کشی بی قونسانتریک بر صورتده ( زشتوی ) به  
طوغری تحریک ایلش اولسه لردی بالقان دار  
الهربنده شعشعه دار بر فاتحه مظفریت احراز  
ایده جکلرند هیچ شبهه یوقدی . قوت ، انجق  
ناپولئونک یادیغنی کبی ، متحد و مقصده موافق

... عثمانی اردوسنک قوای متحشده سی ،  
سیار صورتده محاربه ایتمک مخصوص  
اولدقلری وانلرک وظیفه سی بولندقلری  
محللری مدافعہ ایتمک اولدینی مطالعه سیله  
قوای مذکورہ نیک کجید حرکتی اٹناسنده  
دشمنہ طوغری ایلرواسی دها اوکجه دن  
منع ایدیلیور ودشمنله غالبانه محاربه به  
کیریشمکه قوتی مساعد براردو دارالحرکاتده  
بولنور ایکن ، دشمنک ایلرولسنه ممانعت  
ایتمک اوزره استانبول اھالیسندن سیار  
اردو تشکیلہ قیام اولنیوردی ... وسوق -  
الجیشک قواعد ابتدائیه سی بوصورتله تخفیر  
ایدیلورکن وبوجھالت مجرمانه ایله ملنک  
شانلی ومعصوم اردوسی ایچون مغلوبیت ،  
مصیبت ، عار اسارت ، شین انہزام والحاصل  
بتون بر مقبر شان وشرف احضار اولنور  
ایکن ، جاملر لدرده بر بازیجه اولان عسکرلک  
نامنه ، صنعت حرب نامنه فریاد ایدہ جک  
برلسان ظهور ایتوردی ...

در حال او طرفہ عسکر سوقیله محاربه و  
مقابله به کیریشمک و ممکن اولدینی قدر  
دشمنک خط حرکت و یارجعتی تهدید ایتمک  
ایچون بر قوہ احتیاطیہ ترتیب اولنسی درجہ  
وجوبده در .

تذکرہ خصوصیه نیک مابعدی اشبو قوہ  
احتیاطیہ نیک ترتیبہ اساس اولمق اوزره  
در سعادت نفوس مسلمہ وغیر مسلمہ سندن  
قرعہ ایله عسکر آلمسی تقرر ایلمش  
اولدیغندن و اشبو قرارک ارادہ سنیہ سی  
شرف صدور ایدہ لی بر یچق آی قدر اولدینی  
حالده هنوز فعلیاتی میدانہ کلدیکندن وتاخر  
واقعہ بطریق خانہ لرله مذاکرانہ کیریشلمش  
اولسندن منبعث اولوب بوصورتله تعویق  
مصلحت ایتمک ایسه مقتضای حال و زمانہ  
موافق اولدیغندن وسائرہ دن بحشلہ قرار  
واقعہ استحصال فعایانہ مسارعت اولنسی  
لزومنی متضمن ایدی .

ایشته بوصورتله دشمنک اردوی اصالیسی ،  
تمام کلید - یله طونه نی کچمک اوزره ایکن

### کجید حرکتی نصل اولمی ایدی ؟

مکملہ ده بولنقدن عبارتدر . کوپریمی  
مالزمہ سنک محلندہ تدارکی اوقدر وقت  
اضاعہ سنہ بادی اولورک ، تشکیلانده  
تفوق وتخشده کی سرعت سایه سنده قزانیلان

ناریخ حربک ارانہ ایلدیکی مثاللردن  
استقبال ایچون شو حقیقت تین ایدرک  
کجید حرکاتنک سرعت وموقیته اجراسی  
الک قوی ضمان ، دها وقت حضرده استحضارات

فوائدك كافه سی بویوزدن قائب اولوب كيدر .  
 انكچون بالمله دارالحربلرده کی بیوجك  
 صو مجر الری ایوجه كشف ایدرك کوپریجی  
 مالز مه سی ، كرك تأسیس ایدیله جك کوپریلرك  
 طولی كرك مالز مه نك قوت و متاتی اعتباریله ،  
 اكا كوره احضار ایتلیدر . اردولرك حرب  
 کوپریجی مالز مه سی اوقدر چوق اولمیلیدر که  
 قسم کلینك کچید حرکتی ایچون بر قاج  
 کوپری تمدید ایدلکدن باشقه بدایت امرده  
 قارشو ساحله نقلیات اجراسی ایچون ده زنکین  
 برارکاب مالز مه سی بولنسون و تکالیف حربیه  
 ایله تزید ایدلسی مأمول اولان اشبوارکاب  
 مالز مه سنك مقداری بروجهله حساب  
 ایدلمیلیدر که دفعه هیج اولمازه پیاده ایلیری  
 وکنیش مجرالده دها ایوسی لوالر کچیرمک  
 ممکن اولسون .

اردونك سربستی حرکتی محافظه  
 ایدمیلمسی ایچون و ذاتاً کنیش نهرلرده  
 بومالز مه نك صورت متادیه ده استعمال ایدلسی  
 کوپری بی ضعیفله جکی جهته حرب کوپر-  
 یلرینک یرینه دائمی کوپر بلرانشا ایتک لازم  
 کلور . بناء علیه بونك ایچون مقتضی مالز مه  
 دخی کدلك حضر زماننده احضار ایدلش  
 اولمیلیدر .

خصمك سفان حربیه سی وار ایسه ،  
 کوپر بلرك لغم سدلری و آفر ساحل بطریه لری  
 ایله محافظه سی الزم اولوب عکس تقدیرده

عادی سدلر و بطریه لر و قره غول کیلیری  
 مقصده کفایت ایدر . دشمن سفان حربیه سی  
 ضرر سز برحاله کتیرمک ایچون ك مؤثر چاره ،  
 طوریدو ایله تخریب ایتک ایچون اوزر لیرینه  
 هجوم ایتمکدن عبارتدر .

نهر سفینه لرینک بوجی معجز و تهلکلی  
 مهاجرله قارشو اک مؤثر چاره مدافعه سی  
 دخی سریع آتشی طوبولرله برابر مهاجمینه  
 قارشو کدلك طوریدو ایله مقابل تعرض  
 اجرا ایتمکدر .

کوپری انشاسندن اول ، قاعده ، قایقلا واسطه -  
 سیله کچیریله جك عسکرله قارشو ساحل تأمین  
 ایدلمیلیدر . بو اخراج حرکتی ، اساساً ،  
 نهر اوزرنده بر هجوم دیمک اولدیغندن هر بر  
 هجومده مرعی اولان قواعد بوراده ده  
 مرعیدر . شرائط اصلیه دن بری دشمنك  
 غافل آولانمسی در . فقط دشمندن مقصد ،  
 کچید نقطه سنده کی قوه محافظه محلیه دکل ،  
 بلکه صورت عمومیه ده دشمن قوتی در که  
 بالطبع ضعیف بولنه جق اولان قوه محافظه  
 محلیه یه وقت وزمانیله معاونت ایدمسون .  
 ( قلاص ) ده و ( زینچه ) ده بیله ، قوه  
 محافظه محلیه بی آکسزین یا قلامق قابل  
 اولماشدر . فقط ، هر ایکی حالده دخی  
 ( واردیم - زشتوی ) و ( ماچین - قلاص )  
 خطنده کی محافظین دوچار غفلت اولمشدر در .  
 بو غفلتک حصولی ، کچید حاضر لغتک خفی

بشقه صورتله کیزله مک قابل اولدینی زمان، لازم عد ایديله بیلور .

ایلك قدمه نهرک قوللرندن ویا تواب-  
بعندن برنده کیزلیجه حاضرلنهرق اورادن  
طیشاری سوق ایدینه بیلورسه، اخراج حرکت  
صباحلین، آیدینلقدہ باشلانمسی توصیه  
ایدرز. کرک انهای سرورده کرک اخراجدن  
صکره انتظام محافظه ایدیلور و او بر ساحلدن  
بیاده و طویجی آتشیله قوتلی مظاهرت ممکن  
اولورسه دشمن ساحلنده وقوعبولجق  
محاربه ایچون فوائد لایحصا تأمین ایدلش  
اولور .

نابولئون ۱۹ مایسده یعنی آپرن میدان  
محاربه سندن اول پیشدارلرینی کیجه لین  
آستریالیلرک تحت اشغالنده اولان (لوباو)  
اطه سنه چیقارتمش وعین کیجه طونهدنک  
اصل قولی اوزرنده کوپری انشاسنه  
باشلانمشی .

زیمیدیجه طومباز ترنلری ده ۲۵  
حزیرانده گلشدی . ۲۵ حزیران انساننده،  
اخراج ایديله جک غروب قطعاتی واصل  
اولمشلردی . او حالده ۲۶ حزیرانده اخراج  
باشلانماز می ایدی ؟

هر هجومده قونسانتریک بر آتش ایله  
خصمک احاطه سنه اعتنا ایتملدر ؛ عین  
زمانده برقاچ نقطهدن باشلانان اخراج،  
دشمنک دوچار غفلت ایدلمسی تسهیل و

بر صورتده اجراسنه و تشبیده کی سرعته  
معلقدر . اخراج حرکتک منتج موفقیت  
اولسی ایچون ایلك شرط، هر هجومده اولدینی  
کی، دشمنک ساحل محافظیننی آتشیله مغلوب  
ایتمکدر . بوسایه ده، محافظین محلیه نک اغفالی  
ممکن اولمسه بیله، اخراج حرکتی ممکن  
اولور .

لکن قسم کلینک بولندینی ساحلدن  
ایديله جک آتشیله تأثیر استحصال ایتمک ایچون  
اورته لفاک تمامیه آیدینلق اولسی مشروطدر  
ایلك قدمه ایچون بر بیوک مخاطره، مذکور  
قدمه نک ساحله حین وصولنده دوچار اوله جنی  
قاریشقلقدر . روسلرک (زیمیدیجه) ده کی  
ایلك قدمه سننده کی طومبازلر قراکلقدن، روز  
کاروهوادن وحادثات سائرده دن طولایی بر بردن  
آیری دوشه رک ۲ کیلومتره لک بر ساحه اوزرنده  
طاغیلمشلردی . بویله بروضعیتده، قوماندان،  
معقول ومصیب بر توحید حرکت تأمین ایده ماز  
ایسه، عدم موفقیت پک سهیل اولور .  
بویله بر توحید حرکت ایسه، قراکلقدہ یا  
کاملاً محال ویا تصادف و طالعه معلقدر .

اونک ایچون، اخراج حرکتی کیجه لین  
اجرا ایتمکدن عبارت اولان عتیق کچید  
اصولی، بزم فکر مزجه لزوملی بر تدبیر  
اولدینی کی هر زمان الک مصیب اولان بر  
بر تدبیرده کلدرد . بویله بر تشبث، استحضاراتی

و وضعیت حقیقه لری نظر دقه آنه رق کچید  
حرکتک اشبو احوال و شرائطن تمامیه  
استفاده ایدیله بیلیمک اوزره نه یولده اجرایی  
لازم کلدیکنه دائر مختصر بر مثال ترتیب  
ایدلمشدر؛ کچید حرکتک ۲۶ حزیران  
اقتشای اجرایی حقنده کی امر اساس اتخاذ  
اولمشدر.

۲۵ حزیران - بوجیرسکو آطه سنک  
استکشافی وبالخاصه بو آطه یی تفریق ایدن  
طار قولک طومبازلرک مرورینه و آطه ده کی  
اورمانلغک طوپلرک مرورینه مساعد اولوب  
اولدیغنک تحقیقی .

طونه ده کی دیگر آطه نک استکشافی  
یعنی بو آطه یه نه قدر یا قلا شمع ممکن اولدیغنک  
استکشافی .

۲۵ : ۲۶ حزیران کیجه می . طومبازلرک  
بوجیرسکو آطه سیله رومانیا ساحلی آره -  
سندگی طونه نک طار قوله کتیرلمسی؛ لاقول  
۲ بطریه ایله ۳۵ نجی پیاده آلایندن ۲ بلوکک  
مذکور آطه یی ستر و اشغال ایتمک اوزره  
ارکاب و اخراجی، اورمان آره سندن طوپلر  
ایچون بریول آچلمسی .

۲۶ حزیران . طومبازلر ، آطه نک  
شمال جهتده و اورمانک زیر مستوریتده  
اولدقلری حالده قالورلر .

۲۶ : ۲۷ حزیران اقتشای . آطه نک  
جنوب ساحلنده ۱۶ طوپ ایچون آمبالسانلر

احاطه یی تأمین ایدر . اندن باشقه قایقلر  
و طومبازلر کنیش برجهه اوزرندن دشمن  
ساحلنه تحریک ایدلمی ، بوراده اولدینی کبی  
قول نظامنده بولناملیدر . چونکه برنجی  
حاله کوره دشمن اتشی بو کنیش جهه  
اوزرنده طاغیله جنی حالده ایکنجیسنده ،  
بربرینی تعقیب ایدن قایقلر اوزرینه توحید  
ایدیله بیلور . الحاصل بو کنیش جهه یی ،  
آرجی نظامنه ، دیکرینی یوروش قولنه  
تشبیه ایدیلوروز .


\*

\*

عنائیلر ، روسلرک کچید حرکتلرینک  
منتج موفقیت اولسنه خیلیدن خیلی به یاردم  
ایتمشلردی . بناء علیه عنائیلر ( زشتووی )  
( واردیم ) ده کی قوتلرینی - ۴۰۰۰  
نفر و ۶۵ طوپ - دهاکوزل بر صورتده  
استعمال ایلمش اولسه لردی ، روسلرک ایلمک  
تشبندمه موفق اوله جقلری شبهلی ایدی .  
ایلمک قدمه نک تکر دره منصبنه وصولندن  
سحر زمانه قدر یعنی لاقول ۱ ساعت  
ظرفنده روسلرک وضعیتی پک مخاطره لی  
ایدی . بر کچید تشبنتک موفقیتی ، یالکنز  
اشکال و قواعد دکل ، بلکه اکثریا پک  
مختلف بر طاقم احوال مساعدده و موقعیه  
و عمومی دن تمامیه ح . ن استفاده ایدلمسنه  
تابعدر .

روسلرک اوزمانکی قوت و وسائط





طوفان مهر — زشتوی محاربه سی ۲۷/۱۰ حران ۱۲۹۳

(بوجیرسقو) ده ۲ بطاریه ؛ آطه ده  
 اوجی لواسی آتش آچغه، بتون دیکر پیاده  
 قطعه لری قایقاره بنمکه مهیا برحاله . متباقی  
 طوبجی کاملاً طونه نك شمال ساحلنده و بر  
 قسمی (زشتووی) نك محیطی، دیکر قسمی ده  
 (واردیم) دن کله جك قوای امدادیه بی یان  
 آتشنه اله جق صورتده آتش آچغه آماده  
 بولمیلی ایدی .

عئالی ساحلی سچیلور سچلیاز- بوآن،  
 عیار ایدلمش ساعتله و یاخود بر اشارت  
 اوزرینه اتخاب ایدیلور ؛ هر اوج قدمه  
 خریدمه کوستریلان استقامتله حرکت  
 ایدرلر . برنجی وایکنجی غروپلرک وظیفه سی  
 (زشتووی) بی ضبط ایتمک دیکر غروپک  
 وظیفه سی (تکر دره) نك منصبه چیقوب  
 اورادن (واردیم) . قارشو مفرزه بی ستر  
 وتأمین ایلمکدر . عئانلیلر طوبجی آتشی  
 آچار آچماز، آرتق (واردیم) ده کی قوت ده  
 وقوعاتدن خبر آلمش اوله جفندن تکمیل  
 بطاریه لرله آطه ده کی ساحل محافظینی ده  
 محاربه یه اشتراک ایدرلر .

ایلك قدمه نك اخراجنی متعاقب تکمیل  
 طومبازلر ، اطیه دونرلر واورادن ۵۳ نجی  
 الایک متباقیسی ایله  $\frac{۲}{۱۴}$  نجی لوانی (زشتوی)  
 نك اشاغیسته ، ۵۴ نجی آلایک بقیه سنی تکر  
 دره منصبه چیقارلرلر . اوجی لواسی اک  
 نهایت چیقار . بعده طومبازلر ، نقلیاته

تأسیسی ؛ اندن صکره ، آطه نك اورته سنده کی  
 نهر قونلی ، طومبازلر ایچون قابل مرور  
 ایسه :

۵۳ نجی الایدن ۳ بلوک، ۵۴ نجی آلا  
 ایله ۴ نجی اوجی لواسندن ۱۱ بلوک و ۱۴  
 نجی فرقه نك ۲ نجی لواسندن ممکن اولدیغی  
 قدر قوت آطیه اخراج ایدلمی . بواخراج  
 عملیاتی ۴ ، ۵ و ۶ نجی کوپریجی طابورلر-  
 ینك اخراج مالز مه سیله وقوعبوله جق واك  
 نهایت ۲۷ حزیران صباحنه قدر اكمال  
 ایدیله جكدی . [۱] بوتدیردن مقصد، ۲۷  
 حزیرانده اجرا ایدیله جك اخراج حرکاتی  
 پیاده آتشیله مؤثر بر صورتده حمایه ایتمکدر .  
 نصف الایدن ۳ ساعت صکره ایلك قدمه  
 اوله رق شو قطعات طومبازلره راكب اولمش  
 بولمیلی ایدی :

۵۳ نجی الایک ۴ بلوک ۳ نجی کوپریجی  
 طابورینك مالز مه سیله (بوجیرسقو) آطه سنك  
 طار قولنك جنوب گوشه سنده ؛  
 عین آلایک ۸ بلوک ۴ و ۵ نجی کوپریجی  
 طابورلرینك مالز مه سیله آطه نك غرب ، ۵۴  
 آلایک ۱ بلوک ۱ نجی کوپریجی طابورینك  
 مالز مه سیله شرق منتهاسنده ؛

[۱] شو حالده ۶۰ بلوک ارکاب ایدیله جك  
 دیمکدی . بهر قدمه ده ۱۲ بلوک بولنه جفندن هر  
 قدمه ایچون بر ساعت حساب ایدیلدیکی حالده  
 ۵ ساعته احتیاج واردی .

تكميل تشبثي خصمه افشا ايده جيڪي اعتراض  
وارد اوله بيلورسدهه بوکا قارشو ۱۸۶۴  
سنه سي ۲۹ خزيراندهه پروسيا قول اردوسي  
(الس) بوغازندن کچديکي صرهده نهرك  
عرضي (۵۲۰) متره دن عبارت اولديني  
حاله بتون ترتيباتک بو قدر برمسافه دن  
ودايمارقه ليلرک نظر دقتي جلب ايدلمکسزين  
کمال موفقيتله اجرا ايدلمش اولديني بيان  
ايدرز .

بوراده ايسه اطه اوزرنده انتخاب  
اولنه حق اخراج نقطه سي عثمانلي ساحلندن  
تقريباً (۹۰۰) متره اوزاق بولمقده در .

دوام ايتمک اوزره رومانيا ساحلنه عودت  
ايدرلر .

اکر بوچيرسکو اطه سنک طار قولى  
حرکته مساعد دکل ايسه ، ايلک غروپ ،  
ايکنجی غروپه علاوه ايديلور .

اشبو ترتيبات ظاهرأ قاريشيق کورينور  
ايسهده يالکمز استحضاری براز قاريشيق  
اولوب تطبيق و اجراسی ايسه ، حقيقت  
حاله کنه نظرأ پک ساده وسهیلدر . في الواقع  
حقيقت حاله کی ترتيباتک استحضاری ساده ،  
اجراسی ، لکن ، قاريشيق ایدی .  
اطه به بدایه وقوعبولان اخراج کيفيتی ،

طونه نك ( زشتوی ) دن مرورندن صكره طرفين اردولرينك وضعیت

### سوق الجیشیه لری

اک کوچ و خطری بر تشبثک بو قدر  
قولایلقله موفقیته اقرارن ایلمی روسلر  
تزدنده ده اولدن عثمانلیره قارشو موجود  
استخفانی ده زیاده چوظالمشدی . یالکمز  
بو آندن اعتباراً ، بو استخفافک تبدیل مقام  
ایلش اولدینی کوریلپور . فی الحقیقه ،  
شمدی به قدر متدایاً سیار اردونک تقویه سی  
لزومنده اصرار ایتمش اولان اردو باش  
قوماندانلنی ، ارتق شمدی حرکات حربیه  
قرارلرنده دائماً ده زیاده برجرات کوسترمکه  
باشلامش اولدینی کی « اک جرئتکارانه

روسلر ، . . ۳۰ خزیرانده ، ۸نجی قول  
اردونک صوک قطعہ لری ده طونه نهری  
لوزرندن بری طرفه نقل ایدلمش ، کورپینک  
انشا آتته کمال گرمی ایله دوام ایدلمکده بولمیش  
اولدیغندن روس قرارگاه عمومیسنبجه کچید  
حرکتی ارتق منتج موفقیته اولمش و کافی درجه ده  
تأمین ایدلمش عد ایدیلپوردی . ایلک تشبثده ،  
حربک اک مشکل اولان باشلانغی پارلاق  
بر موفقیته نتیجه لشمش و بو موفقیته پک  
اوجوز بر بها ایله یعنی ۳۰ ضابط و ۸۸۲ نفر  
ضایعات مقابنده قرارلشدی .

برحرکتک بیله ماده تأمین ایدلمش کورونمسی»

طلب ایدن لزوملی برتدیر واحتیاطدن دخی

صرف نظر ایلشدر . اکا مقابل ، آتیده

کوریله جکی اوزره ، قرارگاه ایمراطوری ،

احراز ایدیلان فوائده رغماً ، تزئید احتیاط

وبصیرت ایتمشدر .

دها ۳۰ تموزده ، اردو باش قوماندانلغنج ،

حرکات حربیه نك صفحات متعاقبه سی ایچون

برپلان تصور ایدلمش اولدینی کورونیور .

یوم مذکورده سواری قول اردوسی وبوقول

اردو ایله بعض پیاده مفرزه لرندن « پیشدار

قول اردوسی » تشکیل ایداشدی .

(زیمینچه) ده کچید وقوعبولزردن دها اول ،

نظام حربده اهمیتلی تبدلات اجراسنه تشبث

ایداشدی .

سقولف مفرزه سی وقافقاسیا قازاق

فرقه سی قالدیرلمش وبوفر قده کی تره ک طاغلی

آلابی اردو نظام حربندن بسبتون الغا

اولنمش وبو فرقه نك برنجی لواسی

« قافقاسیا قازاق لواسی » نامیله مستقل

اولمشدی . اندن باشقه ۸ و ۹ نجی

دراغون ایلمری فرقه جزو نامندن تفریق

ایدیله نك بردراغون لواسی تشکیل ایدلمش

و کلاک فرقه سندن آیریلان ۹ نجی هوسار

آلابی ایله شمدی به قدر قافقاسیا قازاق فرقه .

سنه منسوب اولان ۳۰ نجی دون قازاق

آلابی مخناط برلوا حالنه افراغ اولنمشدر .

روس اردوسی رومانیا نه بولندینی

صره ده ، بلغار مستحفظ لرندن ۶ طا بور

تشکیل ایدلمشدی .

سوازی قول اردوسی ؛ دراغون لواسی

ایله دون وقافقاسیا قازاق لوالزندن ومخناط

لوانن تشکیل ایدیله رك ۴۲ بلوک و ۲۶

طوبدن مرکب اولدی . لکن بر قاج کرن

صکره - ۳ تموزده - قافقاسیا لواسنک قول

اردودن موقه ارتباطی فک ایدیله رك ۳۵ نجی

پیاده فرقه سنه الحاق ایدلمش ، لکن هیچ

برزمان سواری قول اردوسنک یاننه عودت

ایتمه رك ۹ نجی قول اردو تزدنده قالمشدر .

مرقوم سواری قول اردوسی ، ۴ نجی

آوجی لواسی ، ۲ بلاستون بلوکی ، جبل طوومجیسی

( ۱۴ طوب ) و ۶ بلغار طا بوریله برابر

پیشدار قول اردوسی وجوده کتیر یوردی .

بونک قومانداسنه پتر سبورغدن چاغربلان

جنرال غورقو تعیین اولندی .

پیشدار قول اردوسنک سوق الجیش

وظیفه سی شوامر موجه ایله تعیین اولنمشدی :

« پیشدار قول اردوسی طرنوه وسلوی

استقامتده ایرولیه جک ، تکمیل اوحوالی بی

کشف ایده جک ودها ایرولره تعرضه مهیا

بولنه جقدر . بوباده امرایمراطوری صدور

ایدر ایتمز قول اردو دها اوزاقلره ایلرو

کیتمهک باشلایه جق وبالقان کچیدلرینی قازانمغه

چالشه جقدر ؛ بالقانک جنوبنده کی

بوتعلیماتہ نظراً ۹ نجی قول اردو نیکیولی بہ  
دوغری ایلرولہ جک اوراسنی ضبطایدہ جک  
وبعدہ پلونہیہ دوغری ایلرولہ جک واورادہ  
اردونک صاغ جناحک حمایہ سی ایچون  
برمفرزہ ترک ایتدکن صکرہ بالقانی کچمک  
ایچون حاضرلقدہ بولنہ جقدی۔ لکن بالقانی  
کچمک ایچون بر امر مخصوصہ انتظار  
ایدیہ جکدی .

۱۱ نجی قول اردو بوآئنادہ اولطاینجہدہ  
بر پیسادیہ وبر سواری لواسی ترک ایدرک  
متباقی ۴ لوایلہ زمینچہیہ کلک امرنی آلمش  
ایدی . سالف الذکر تدایرک اصابتی  
کوسترک ایچون روس ارکان حربیہ سنک  
ازی ۲ نجی جلدک ۴۶ نجی صحیفہ سندہ  
دیورک : « هرشیدن اول اردونک جہہ سی  
ایلرولہ سندہ کی ساحنک کشف ایدلسنہ  
واردونک جنوبہ دوغری اجرا ایدہ جکی  
حرکات تعرضیہ نک جناحلرینک تأمین  
ایدلسنہ لزوم اولدینی آشکاردر . بومقصد  
ایچون اردو قسم کلیندن اشبو ۳ غروب  
تفریق ایدلمشیدی : پیشدار قول اردوسی  
( ۱۰۰۰۰ کشی ) ، روسجق اردوسی  
( ۷۵۰۰۰ کشی ) وغرب قول اردوسی  
( ۳۵۰۰۰ کشی ) .

دیگ اولیورکہ اردوباش قوماندانلی  
طونہنی کچرکچمزادرنہیہ دوغری ایلرولہ مک  
امرندہ کی ایلمک پلانندن وازکچماش ایدی .

اھالی بی اختلال ایتدیرمک و عثمانلی قوتلری  
طاغتمق ایچون بالقاندن ایلرولہ سواری  
کوندربلہ جکدر . نقلیہ قطارلرینک وسائر  
لوازمک نقلیاتی ایچون پیشدار قول اردوسنک  
حمایہ سی آئندہ اولہرق بالقان کچدلرینک  
تعمیر واحضارینہ باشلانہ جقدر . تاکہ اردو  
بلا توقف مریچ وادیسنہ ایلرولہ بیلسون ،  
۴ تموزدہ ۱۲ نجی قول اردو قوماندانہدہ  
بر امر موحہ کوندردلی . بواوردہ ( یانترہ )  
نہری اوزرنده کی ( بیہلا ) دہ اجتماع ایدہ جک  
اولان ۱۲ نجی ۱۳ نجی قول اردولرہ  
« روسجفہ دوغری ایلرولہ مک اوراسنی  
محاصرہ ایتک و ممکنسہ ضبط ایتک » وظیفہ -  
سی تحمیل ایدیلیوردی . ۵ تموزدہ روسجق  
اردوسنک تشکیلی امری ویرلدی . بو امر  
موجبجہ اشبو اردو ۱۲ نجی و ۱۳ نجی  
قول اردولردن ( ۱۳ نجی سواری فرقسہ  
خارج ) ۸ نجی سواری فرقسندن و طونہ -  
نک شمال ساحلندہ ویدو آرقصو آرہ سندہ -  
کی قطعاندن والحاصل طونہ نک جنوبندہ  
ویانترہ نک جنوبندہ بولنان قطعاندن ترکب  
ایدیوردی .

غرب قول اردوسی - ۹ نجی قول اردو  
( یالکز ۹ نجی سواری فرقسنک ۲ نجی  
لواسی ) ۲۴ نجی دون قازاق آلابی و قاقاسیا  
قازاق لواسی - قوماندانی اردو باش قوماندانہ -  
نلقندن شفاهی تعلیمات اخذ ایتلمشیدی .

لیکن بو ذکر ایدیلن ۳ غروب تفریق ایدلد کدن صکره جنوبه دوغری ایلر وله مک ایچون الده یالکز طوبی طوبی - ۸ نجی قول اردونک ۲ پیاده فرقه سی قالیوردی !

اردونک بوصولته پک زیاده ضعیفه مسنه قارشو شو فکر وارد خاطر اولورکه اوده کچید حرکتی زشتوی ده یالمله برابر حرکات سوق الجیشیه ایچون بر دیگر هدفک انتخاب ایدلسی موافق مقصد اولوب اولمایه جنی ماده سیدر . روس سرداری هر شیدن اول دشمن اردوسنی آریوب اونی محو ایتمک چالشسه ایدی زشتوی دن صکره ایلر و یوروش قلاع اربعه یه توجیه ایدیله جک ایدی که او حالده قوتک نسبت توزیمی یوقاروده ذکر ایدلدیکی اوزره دهامساعد اوله بیلوردی ، زشتوی کورپرسی یانتره منصبه ویا طوتره قانه دوغری نقل ایدلسه ایدی جنوبه وغیره قارشو ستر و تأمین کیفیتی ده ساده لشیر ایدی .

اوندن بشقه آرتق شمدی قره دکنر سواحلنده کی ۷ نجی و ۱۰ نجی قول اردولری سیار اردویه جلب ایتمک پک اعلا ممکن ایدی . چونکه آرتق عثمانلی اراضیسی استیلا ایدلمش اولدیغندن عثمانلیرک روسیه یه اردو سوق ایتمکی دوشونه جکلرینه بالطبع احتمال ویرپله مزدی . حالبوکه اردو هم سریع هم

مبذول بر تقویه یه شدتله عرض احتیاج ایدیوردی .

هر نوع جرأته لازم الاتزام اولان احتیاط و تدبیر خلافه اوله رق کور یورزکه (طرنوه) پیشدار قول اردوسی طرفندن سرعتله ضبط ایدیلیر ایدلز اردو قرارگاهی حال وضعیتی اوزمانه قدر اولدیغندن نسبتله ده زیاده خفیف مشربانه بر صورتده تقدیر ایتمک باشلامشدر .

فی الحقیقه ۹ تموزده اردو باش قوماندانی ایمپراطوره شوراپوری کوندریوردی . « طرنوه نك مأمولك فوقده اوله رق سرعتله ضبط ایدلسی آرتق بدایت امرده تصور ایتمش اولدیغمن دن دها بر جرأتکارانه بر حرکات پلانی اتخاذ ایتمکله امکان بخش ایتدی . شمدی روس جتک محاصره سندن صرف نظر ایتمک ویا لکیز قلعه یی ترصد ایله اکتفا ایتمک ایستوروم . بونک ایچون ۱۲ نجی و ۱۳ نجی قول اردولری تعیین ایده جکم . بوقول اردولر یانتره نهری اوزرنده بر قوتلی موضع آله جقلر و بوصولته بنمصول جناحی تأمین ایده جکلردر . صاغ جناحی ستر ایتمک ایچون ۹ نجی قول اردویی پلونه ولو فجه یه دوغری ایلر و کوندریورم و بن بالذات ۸ نجی قول اردو ایله جنرال غورقونک پیشدار قول اردوسنه ملاقی اولمق و بعده بالقانلرک اوزرندن ایلر ویه کیتتمک ایچون طرنوه یه

ادر نه په کیتمک آرزو و جساتنک اظهار  
ایدلسنه می؟ [۱]

شوراسنی ده خاصه بیانه مسارعت  
ایده لم که خطا لحرکاتک الک حساس قسمی  
یعنی طونه نک جنوب حوالیسی آتیده کوریله-  
جکی اوزره، غیر کافی بر صورتده سترو تأمین  
ایدلمشدی .

یوپلان، ایپراطور ایکنجی علكساندرک  
خوشنه کیتمدی . مومی الیه ۱۰ تموزده  
غراندوقه شو جوانی کوندردی : ( ارکان  
حربسه نک اثری جلد ۲ ، صحیفه ۱۶۳ )  
« کوندر دیکک پلانه دائر اندیشه لرمی  
سکا بیان ایتمکدن کندمی منع ایده مدم .  
(روسجق) و (شمنی) ده کی دشمن قوای

[۱] سترو تأمین ایچون شو قوتلر آیرلمشدی :

۷نجی و ۱۰نجی قول اردولر ساحلده ؛ ۱۴نجی  
قول اردودو بر پیجده ، ۱۱نجی قول اردونک پیاده  
و ۱ پیاده سواری لوامی رومانپاده ؛ ۱۲نجی  
و ۱۳نجی قول اردولر یانتره ده ۹۰نجی قول  
اردو غربه قارشو . آرتق اردویه کلکسندن قطع  
امید ایدلش اولان ۴نجی قول اردو بوامنیت  
قطعه لری  $7\frac{1}{4}$  قول اردویه بالغ اولیوردی .  
ادر نه اوزرینه حرکات تعرضیه ایچون شو قوتلر  
قالیوردی : غورقو ( ۱۰ پیاده طاپوری و ۳۰  
سواری بلوکی ) ، ۸نجی قول اردو ( ۲۴ پیاده  
طاپوری و ۱۷ سواری بلوکی ) و ۹نجی قول  
اردو ( ۱۸ پیاده طاپوری و ۸ سواری  
بلوکی ) یعنی جمعاً یکون ۵۲ پیاده طاپوری  
و ۵۵ سواری بلوکی ایدی ،

عزیمت ایدیورم . طرونویه مواصلت ایدنجه  
اوراده براز توقف ایتمک و طاغ کیدیلرینک  
پیشدارلر له اشغال ایدلسنه و ۱۱نجی قول  
اردونک و رودینه انتظار ایتمک فیکرنده میم .  
بوصورتله حرکت ایتمکله یالکز پاره و زمانجه  
تصرف ایتمک و تکراری قانلی محاربه لردن اسپر که مک  
دکل حتی انلری روسجق ، شمنی ، وارنه خطنی  
ترک ایدرک استانبولی محافظه ایتمک ایچون  
بالقان اوزرندن کری چکلمکه اجبار ایده جکمی  
بیله امید ایدیورم . لکن تکرار یانتره په قارشو  
اختیار تعرض ایدر لرسه الک اوکجه اوراده کی ۲  
قول اردومزه کندیلرینی چار په جققلر و اوندن  
بشقه بو قوتلری تقویه ایتمک ایچون بن دائما  
کافی درجده وقت بوله بیله جکم .»

غراندوق بو صورتله جناح لیرینی  
تکمیل عثمانلی قوای عسکریه سنه قارشو  
اوج قول اردو ایله ستر ایتمک و  $\frac{1}{4}$  فرقه  
ایله بالقان اوزرندن ایلرویه کیتمک  
آرزو سنده ایدی . انسان بوراده هانکی شیئه  
اک زیاده حیرت ایده جکنی بیله میور : اردویی  
ستر و تأمین ایتمک ایچون و ایکنجی درجده  
برطاق مقصدلر ایچون  $7\frac{1}{4}$  قول اردونک  
افراز ایدلسنه می یوقسه ۵۲ پیاده طاپوری  
و ۵۵ سواری بلوکی ایله بالقان اوزرندن

مهمه سی، کندیلری طرفدن اشغال ایدلمش اولان قوتلی مواضعی ترك ایتدیجه و اورادن بزم صول جناحیزی تهدید ایلکده دوام ایتدیجه (بالقان) اوزندن حرکات تعرضیه به دوام ایتک بکا بک جرأتکارانه کلیور. عین مخاطره و اندیشه، بزم صاغ جناحزه قارشو دخی موجوددر. فی الحقیقه او طرفده بزم



رومانیا برنی ( قارل )

بالکنز ۹ نجی قول اردومن وار. حال بوکه (نیکبولی) و (بلونه) هنوز دشمنک النده بولنقددر. ۱۱ نجی قول اردونک اوچ لواسی - که بزم عزیزتمزک اونلرله برابر وقوعی مقرردر، طونه بی کچر کچماز طونه نك صول ساحلنده آرتق هیچ بر عسکرمن قالمه جقدر. »

بونک اوزرینه غراندوق قسم کلینک ضعیف بقیه لرله بالقانی کچمک اساسه مستند اولان پلانی اجرا ایتمکدن موقه صرف نظر ایدرک (طرنوه) ده ۴ نجی قول اردونک ورودینه انتظار ایلکه قرار ویردی .

دیمک اولیورکه خصم مملکتنده ایلک خطوه هنوز آیلدینی صرده قونک عدم کفایه سی، یکی برسکتینی ایجاب ایتشدی. بوصورتله استحضارات حربیه اثاسنده ارتکاب اولنان عظیم خطالرك نتایجی واضحاً کندیلرینی کوستردکلری کی دیگر جهتدن حربک طرز جریانی آرشیدوق شارلک شوسوزینی پارلاق برصورتده تأیید و تصدیق ایلکده ایدی :

« زمامداران دولت، اصول حرب حقنده افکار سالمه صاحبی اولمیلدرلر . »

عثمانیلر - عثمانیلر، روسلرک طونه دن کچید حرکتی منع ایتک و یا وهیچ اولمازسه بالکنز تصعب و اشکال ایلک ایچون ایچون ادنی مرتبه استحضارات و یا تشبده بولنماش اولدقلری حالده، شمدی (فلاص) و (زیمینجه) کچید حرکتندن هرایکیسنک منتیج موفقیته اواسی باعث حیرت و تأسفلری اولمشدر . استانبولده و بالخاصه بیلیدرده حاصل اولان خوف و دهشتک درجه سنی باش کتابتندن مقام قائممقامی سرعسکری به یازیلان ۱۷



قلنان تبلیغات و تأکیداته قارشو و بریلان  
جوابلر ترتیبات متخذنهك دخی او یولده  
اولدیغنه دائر اولوب حیفاکه فعلیات و وقوعات  
بونك عكسینی کوستردیکی و کوستره جکی بیان  
و شو صورتله سلسله مطالعات و ارشاداته  
دوام اولنیوردی :

«تون بوقفالقر طولیجه بروضعیت



رومایا قرالیجه سی الیزابت

اتخاب اولنه مامسندن نشأت ایدر . واقعا  
عسکر مزك هیئت مجتمعه ده بولنه مامسنه  
مواقع تدافیه مزك کثرتی سبب اولدیغی  
جوابی و بریلورایسه ده شو جهت شایان نظر  
امعاندرکه مواقع جمله سنی محافظه و جمله سنده  
مدافعه کبی برامرحالی التزام اینکدن ایسه  
بو وظیفه یی کوچك کوچك فرقه لرله  
مستحفظلره براقوب عساكر باقیه یی دشمن

جہادی الآخر ۹۴ تاریخلوتد کره پك کوزل  
تصویر ایتمکده در؛ اشو تذکره خصوصیه ده:  
« دشمنك ۳۰,۰۰۰ کشیلک برقونله  
زشتووی به کلدیکی و نیکبولیده کی عسکری  
دخی دیگر بر قوت ایله تضییق ایتدیکی  
سردار اکرمک تلغرافدن معلوم اولدیغی و  
سردار پاشا طرنویدن درت طابورک حرکتی  
حقننده روسجق قوماندالعه نجه امر و برلدیکنی  
یازمقله اکتفا ایلدیکی بحث ایدلکدن  
صکره صورت اشعاره نظراً دشمن اردوسنه  
قارشو تشکیل ایدیله چك قوه مدافعه  
یالکیز بودرت طاپوره انحصار ایدله چك  
دیمک اولوب او حالده دشمنك پك قولایلقله  
صوفیه به قدرکله جکی و اوراده بلغارلر کندیسنه  
التجاق ایتدکدن و شمندوفر خطنی ده آلدقن  
صکره ایستدیکی بره قدر بلا حائل کیده جکی  
(و زشتووی) محاربه سی ایله مثبت اولدیغی  
اوزره متفرق واقعه اولان عسکر مزك  
تحت تهله کده اولان نقطه به اقتضایدن مدت  
ظرفنده اعانه ایلمسی ممکن اولدیغندن دشمنك  
رهکندارنده کی عسکر مزك طرفدن ابراز  
ایدیله چك ممانعتک همان هیچ فائده سی اولیه رق  
بالعکس اولنرک دخی انهمزام و یا فرار یله  
نتیجه لنه جکی و بو حقیقت هر طرفه معلوم  
و مصدق اولسنه بناء بوکا چاره اتخذیله قوه  
عسکریه مزك اصول حربه موافق بروضعیتده  
بولندیرلمسی حقننده اولجه دفعاتله اجرا

تذکره خصوصیه نك سطور متعاقبه سنده:  
 « حرکات حربیه اوزاقدن رأی و یرمك  
 موافق قاعده و حکمت اولدینی » تسلیم ایدلمکله  
 برابر « حیات و مات مایینده فرض اولنسه  
 خطا ایدلمه جکی میدانده اولان دولت و ملت  
 اسلامیه نك سلامتی ایچون » سرداره حصر  
 اعتماد ایدلمه رك « مرکزده چاره جولق  
 یولنده اعمال تدابیر ایدلمسی » یعنی حرکات  
 عسکریه بی استانبولدن اداره ایلک ایجاب  
 ایلدیکی افاده ایدلیوروبونی لزوملی و مصیب  
 کوسترمک ایچون: « مللرند سام بر حرکت  
 اتخاذهن و فن حربیه موافق بریلان تعقیب  
 ایدلیمکندن امنیت حاصل اولمیشجه » یولده  
 حرکت « امر ضروری » بولدینی علاوه  
 بیوریلوردی. والحاصل تقیدات و تشریحات  
 سالفه دن صکره قومیسسیون عسکرلی  
 اعضاسنک بویجه « برهیت واحد نك  
 اعضای متحده سنه لازم ولایق اوله جق  
 صورتله » تجلد و تغدالترام اولنقسزین «  
 « محبانه و رفیقانه » مذاکره ایله « خلاصه  
 افکار اوزرینه صحیح و معقول برقرار اتخاذه  
 اولنسی » و « دشمن ادرنه یولنی طومش  
 و مواقع تدافیه ده کی عسکرمنزك فائده  
 و خدمتلیری یالکمز منقسم اولدقلمی مواقع  
 واستحکاماتی محافظه ایتمکن عبارت بولنش  
 اولدیغندن دشمن ایله میدان محاربه سی ایتک  
 و خط رجعتی تمهید و علی الخصوص صوفیه

ایله قطعی بر میدان محاربه سی ایده جک و یا خود  
 مهم موقعلری طوته جق و دشمنك خط  
 رجعتی کسه بیله جک صورتده بولندیرمق  
 لازم کلور ایدی . »

تقیدات هایون بعده طونه فیلوسنه  
 توجه ایدرک دینیلورکه :

« طونه ده کی قوه نه ریبه هیچ بر شیئه  
 یارامیوب حتی سفان حربیه منز بر میل  
 مسافه داخلنده بیله دشمنك نه تجاوزینی منع  
 نه ا کابر ضرر ایقاع ایتمکه مقتدر اوله مدقدن  
 بشقه گاه دشمن طوریدولرینک تجاوزاتنه ،  
 گاه کندی سواریلرینک خطیئاتنه قربان اوله رق  
 بر بر غرق اولمقده درلر . شمدی ایسه  
 تدابیر حربیه ایله دکل یالکمز کوزله باقرق  
 دشمنك تجاوز ایچون حاضرلدینی اسبابه  
 واقف اولق و منعه چالشمق قابل ایکن  
 عموم قوماندانک تلغرافنده دشمنك نصلسه  
 تدارک ایتمش و کیزله مش اولدینی پک چوق  
 وسائط مروریه ایله دفعه کچیرمش اولدینی  
 عسکرک منعه عدم موفقیتدن و روسجق  
 قوماندانک تلغرافنده دخی دشمنك اوچ  
 درت یوز قایق و زرهللی واپورلره کچدیکندن  
 بحث اولمقده اولوب تدارک و احضاری بر  
 خیلی وقت و همته متوقف اولان بوقدر  
 جسم و عظیم وسائط نقلیه نك اثنای جمعده  
 دقت و بصیرتدن خالی قاهره شمدی نتیجه  
 واقعه نك اخبار ایدلمسی شایان دقدر . »

وادر نہی دشمنک تجاوزندن محافظہ ایلک درجہ  
تسردہ کورندیکی جہتلہ بو مشکلاتہ وسع  
بشرك و دولت و ملتک قدرتک تعلق ایده۔  
جکی صورتہ غلبہ ایتک نہیہ متوقف ایسه  
انک اجرا آتہ در حال تشبث اولنسی» باارادہ  
ملوکانہ تبلیغ اولنیوردی .

ظاہراً اردونک سلامتنی متکفل پک  
مصیب ، پک عالی افکار و تدابیر و سانحاتی  
متضمن کبی کورنین اشبو تذکرہ خصوصیه  
حقیقت حالہ صدرہ شفا بخش اوله جق  
برماہیتدن محروم بولنیور، معکوس و متباین  
فکر لر ، مضر تدبیر لر ، عمومی و بی سود  
و مبہم توصیه لر دن باشقہ برشی احتوا ایتمیوردی .  
فی الحقیقہ :

بوتاریخی و معروف تذکرہ خصوصیه ده اک  
زیادہ نظر دقتہ چاریان فقرہ مواقع ندافعیه مزک  
جلہ سنک مدافعہ سی بر امر محال اولدینی و اورادہ کی  
قوتلرک قسم کلیسی بر میدان محاربه سی ایچون  
استعمال ایلدک اقتضا ایلدیکی حالہ بو یولده  
حرکت ایدلماش اولمسندن طولانی سردارک  
مؤاخذہ سنہ عائد اولان فقرہ در .

حالبوکہ ۱۱ جمادی الآخرہ یعنی یالکز  
۶ کون اول تبلیغ ایدیلان ارادہ سنیه ده  
« طونہ قول اردولرینک سیار صورتہ محاربه یه  
دکل ، یالکز مدافعیه مأمور اولدقلری »  
امر و تبلیغ ایدیلنیوردی . . .  
حق اشبو تذکرہ خصوصیه نک صوک فقرہ۔

سندہ ینہ بو فکرہ رجوع ایدیلہرک مواقع  
تدافعیه ده کی عسکر برایشہ یاریہ بیلسه بیلہ  
فائدہ و خدمتلیری یالکز منقسم اولدقلری  
مواقعی محافظہ ایتمدن عبارت اوله جنی  
بیلدیرلمش و شوصورتہ شاهانہ بر تضاد نمونہ سی  
ارائہ ایدلمشدر .

مادامکہ اردو قرار کاہندہ تدابیر سالمہ  
و قواعد صنعت حربہ موافق بر پلان اتخاڈ  
ایدلیکنہ سرای ہا بونجہ اعتماد یوق ایدی؛  
اردو قومانداننک بوضعف و نقصانی استانبولدن  
ادارہ امور ایتک کبی اک مضر بر تدبیر ایلہ  
نہ دن تزیید ایدیلنیوردی ؟

مادامکہ سردارہ اعتماد ایدلیور و استا۔  
نبولدن ادارہ حرکات ایتک موافق عقل و حکمت  
اولدینی اعتراف اولنیور ایدی . . اک ایوسی  
دار الحربہ بالذات عزیمت ایدرک عثمانلی  
اردوسنک باش قوماندانی صفتیلہ طونہ سر  
حدندہ کی اردولرک امر و قومانداسنی در عہدہ  
ایتک دکلی ایدی ؟

روس اردوسی بو خصوصہ بر نمونہ امتثال  
تشکیل ایتمیورمی ایدی ؟ . .

روس اردوسنک رأس ادارہ سندہ خاندان  
ایمپراطورینک اک محترم اعضاسندن بری ،  
ولی عہد ، موجود دکلی ایدی ؟

و بالذات ایمپراطور، ولی عہدک، روس  
اردوسنک باشندہ بولنسی ایلہ اکتفا ایتہرک  
روس اردولرینک حرکاتی یقیندن تعقیب ایتک

ایچون ناسن پترسبورغدن ، (نهوا) نهرینک ساحل دلآ راسنده کی سرای شوکت و احتشا-  
مدن قالقوب میدان حربہ قدر کلامشمی  
ایدی . ؟

حالبوکه استیلا ایدیلان مملکت روسیه  
دکل ؛ ترکیا ، وطن عثمانی ایدی .

بو وطنک و بو وطنی مدافعه یه مأمور  
اولان اردولرک او قدر جق بر فدا کارلغه ،  
او قدر جق براختیار زحمته لیاقتلری یوقی  
ایدی . . ؟

بر طرفده دشمن اردولری ، وطنک  
قلبکاهنه طوغری خطوه انداز استیلا اولیور ،  
عثمانلیق ، معظم برکانات شان و شرف مہمای  
اقرراض کورونیور . . دیکر طرفده یالکز  
امرلر و تمئیرله ، تذکره خصوصیه لرله اکتفا  
اولنیوردی . .

و بوند کره خصوصیه لرک عظمت الفاظ  
و شععه گلاتدن عبارت اولان متلری ، مفاد  
لرینک هیچلکینی صاقلاہ قدن باشقه برشینه  
خادم دکل ایدیور . . .

اوستریا ارکان حرب قائممقامی قراس  
دیورکه :

« آیلرجه وقوعه اولان تسامح و اہمال لرک نتایجی  
برایکی کون ایچینده تلافی ایتک ایچون شمدی  
برطوفان ارادات باشلامشدی . بالقانک  
تکمیل کچیلری همان تحکیم ایدیله جکلردی .  
رؤف باشا «دمیر قیو» کچیدن شیقہ کچیدینه

قدر « بالقان قوماندانی » تعیین اولندی .  
کلیولی ده استحکاماتک وجودی استانبولک  
دولت علیه النده بقاسنک اعظم اسبابی اولدیغی  
ملاحظه سیله مشاغل سائرہ حربیہ نک کثرتنه  
باقلمیوب کلیولی ده همان استحکامات یاپلمسی  
واستانبولک طرغربدن طوغری یه مدافعه سی  
ایچون چتالجه ، ده ده تحکیماتہ باشلانمسی اراده  
بیورلدی . ادرنه بی مستحکم براردوگاه حالنه  
افراغ ایدلمسی ده امر ایدلدی . «

عثمان پاشا ، حزیران نہایتندہ یعنی  
( زمینچہ ) دن طونه کچیلور کچیلماز ،  
( ویدین ) ده یالکز ۱۲ طاہور بر اقرق  
معیتندہ کی تکمیل قول اردوایله ( بلونہ )  
استقامتندہ ایبرولمک ، ( نیکبولی ) محافظینی  
بلا محاربه ( نیکبولی ) یی تخلیه ایدرک  
اونلری جلب ایتد کدن صکرہ ( لوفچہ )  
اوزرندن ( طرنوہ ) یه کیدوب اوراده  
شرق اردوسیه برلشمک و بعدہ تکمیل  
قوت ایله ( زشتوی ) اوزرینہ ایبرولمکی  
تکلیف ایلش اولدیغی کبی سردار اکرمدہ ،  
مدافعه نامہ سنده بیلدیردیکی کبی ، عثمان  
باشانک ، دشمنک صاغ جناحی تہدید ایتک  
اوزرہ بلونہ استقامتندہ حرکت ایتیمی فکرندہ  
بولمشدی .

لکن بوتکلیف مظهر قبول عالی اولمادی .  
زیرا رومانیا لیرایله صربیلرک طور و وضعی  
هنوز بر شکل صراحت اخذ ایتامشدی .

اولدینی جہتہ نیکبولی ولومده بولنان عسکرک  
 آرتق اورالینی محافظہ ایتملرینک برکونہ  
 اہمیت وفائدہ سی قالیوب بالعکس خطر جعتلری  
 کسلمش و نیکبولی قلعه سنک موقعنک  
 مناسب سز لکیلہ قوتلیجہ دشمنک وقوعہ جق  
 تضیقنہ مقاومت ایدہ جک حال واقتداردہ  
 بولنہ مامسنہ بناء قلعه مذکورہ نک  
 شہ دیدن ترکی، حال مجبوریتدہ ترکندن افضل  
 اولہ جنی مطالعہ سیلہ عثمان پاشا فرقسندن  
 مناسب برمفرزہ پلونہ یہ طوغری ایلر ولیہ رک  
 اورادہ کی ۱۰ : ۱۲ طاہور ایلہ لومدہ کی  
 عسکری کندی فرقسنہ الحاق ایلہ مشار  
 الہک دشمنی دیکر جناحدن صیقیشدیرمیسی  
 وبو صورتلہ برایش کوریلہ بیلمسی بوراجہ  
 تصور و ملاحظہ اولئمقدہ ایکن نہ چارہ کہ  
 مملکتین عسکرینک قلفاتدن بو کونلردہ  
 تجاوز ایتمک اوزرہ بولندینی بیانیلہ اکاکورہ  
 طاورانمی درسعادتجہ کندیسنہ اشعار  
 قلنمسی اوزرینہ پاشای مہار الیہ قیملدانہ -  
 مدیغندن و نیکبولینک بو وجہلہ تخلیہ سی  
 خیرلو اولہ جغنی عالمہ آکلاتمق و شمدیکی حال  
 ایلہ ترکندہ کی محذوری اثبات ایلہ تعریضاتدن  
 قورتلق ایسہ ایجہ مشکل برایش اولدیغندن  
 و ہر تشبک نتیجہ سنک ہدف مقصودہ  
 اصابتی اولدن کسدرمک ایسہ حسب البشریہ  
 ممکن اولہ میہ جغندن بو حاللر انسانی تصور  
 ایتمیکی شیاری موقع فعلہ ایصال اینتدیرمیوب

اشبو طور ووضیعت ، برقاچ کون صکرہدہ  
 ینہ برشکل صراحت اخذ ایتماشدی ؛  
 لکن احتیاج و مہریت اودرجہ زیادہ -  
 لشمشدی کی انک نہایت نام برقرار اعطاسنہ  
 مجبور قالدیلر . تموزدہ یعنی غورقو  
 ( طرنوہ ) پی ضبط ایتمک کد نصکرہ عثمان  
 پاشادن ، وضیعت حربیہ یہ دائر نہ رأی  
 ومطالعہدہ اولدینی تلغرافلہ استفسار اولندی .  
 پاشا مرحوم جواباً اولکی تکلیفی تکرار  
 ایتمی . تکلیف واقع ، بودفعہ ذات شاہانہ نک  
 قبول وتصویبہ اقتران ایلدی و ۱۰ تموزدہ  
 عثمان پاشا ، فکر ومطالعہ سی وجہلہ  
 ( ویدین ) دن عزیمت ایتمک امریلہ طونہ  
 غرب اردوسنک باش قوماندانی نصب  
 اولندی . عثمان پاشانک ( ویدین ) دن  
 حرکتتہ تقدم ایدن وقوعانی تنویر ایتمک  
 ایچون بیوک مقاملر آراسندہ جریان ایدن  
 مخابراتدن اک مہملری ذکر ایتمک مناسب  
 کورلمشدر ؛ دشمنک بالقانلردن مروری  
 منع ویاتصعیب ایتمک ایچون سرعسکر  
 ردیف پاشا ایلہ مشیر نامق پاشا ماموراً شمنی یہ  
 کوندرلمشدی . بونلرک ترتیبات واقعہ پی  
 حاوی اولہرق مشترکاً ارسال ایلدکاری  
 برتلغرافنامہدہ شوققرہ واردی :

«عثمان پاشا قلعه نک محافظہ سنہ کافی عسکر  
 برافہرق ۲۵ طاہورلہ اورخانہ یہ طوغری  
 کتہمنہ و ذاتاً طونہ خط مدافعہ سی بوزلمش

بوکی مانع لرك ظهوری و قوعات جاریه ده  
بر حکمت الهیه اولدینی اعتقادی حاصل  
ایتمکده در .

احوالک جبر والجاسیله مؤخرآ عثمان  
پاشانک عزیمتته دائر مایندن تبلیغ ایدیلان  
تذکره خصوصیه نك متنی شویله ایدی :  
«ویدین محافظه سنده لزومی مقدار عسکر  
ابقاسیله باقیسنک عثمان پاشا معیتله بر طرفدن  
صربستانک تجاوزات محتمله سنه قارشو  
کله جک و دیگر طرفدن شمنی قول اردوسنک  
صول جناحنی تأمین ایده جک بر نقطه یه  
سوقلرینک نظر مطالعه یه آلمسی اراده سنیه  
اقتضاسننددر .»  
سعید

آرالقده سلیمان پاشا ، چتین وقانلی  
مچاربه لردن صکره قره طاغیلرک قوه  
مچاربه سنی طاغتمش اولدیغندن تموز  
اولنده سلیمان پاشا قوتنک بر قسمنی  
دارالحرب اصلی یه جلب ایتمک قرار  
ویرلشدر . بوکا دائر باش کتابتدن مقام  
سرعسکری یه کوندریلان تذکره ده :  
«علی صائب وسلیمان پاشا لردن برینک قره طاغ  
محافظه سنده ابقاسیله دیگرینک ۴۰ : ۴۵  
طابور عسکرله معیت سردار اکرمی یه  
التحاق ایتمسنده محذور کلی یوغیسه ایجابنه  
قرار ویرلمسی » اشعار قلمشدر .

سلیمان پاشانک قوتی (بار) ده واپورلره  
ارکاب ایدیلرک (دده آغاچ) ده چیقاریله جق

وبوسایه ده بالقانک مدافعه سی ایچون تشکیل  
ایدلمکده اولان اردونک چکر دک یعنی اساسی  
تدارک ایدلمش اوله جقدی . بونک ایچون نقلیه  
سفائی کافی درجه ده موجود ایدی .  
دیگر بر تذکره ده : « وارنه وار کلی ده  
بولدقلری بیان اولنان واپورلرک غایه الغایه  
سرعتله کتیر دیلوب بار اسکله سنه ارسال  
اولنسی » امر ایدیلیوردی . یالکز کمور  
یوق ایدی . نصل صربیلرله رومانیا لیلر  
حقتنده کی اندیشه لر انجق ( طرنوه ) ضبط  
ایدلکد نصکره زائل اولمش ایدیسه ،  
نقلیه فیلوسی ایچون ایجاب ایدن کمورک  
مبايعه سنه مقتضی پاره نك دخی انجق ( طرنوه )  
نك سقوطندن صکره صرف ایدیلسنه لزوم  
حس ایدلمشدی .

۱۰ تموزده نقلیه فیلوسی درسعادتن

حرکت ایلدی .

۱۴ تموزده (بار) واصل اولیور ،

۱۶ ده ارکاب باشلا یور ، ۲۱ ده ایلك قدمه  
(دده آغاچ) نه کلیوردی . بوباده باش  
کتابتدن سلیمان پاشایه کوندریلان تلغرافنامه  
بر وثیقه تاریخیه اولمق اوزره عیناً نقل  
ایدلمشدر :

۷ جزیران ۹۳

« بحریه دن ویریلان معلوماته نظراً

واپورلرک بوکون اورایه واصل اولمی  
مأمولدر . دشمن طرنوی پی دخی استیلا

عسا کر شاهانهك سفائنه ركوبنه نظارت  
ايمك وواپورلرك ورودنده عسكر ايله  
مهمات وسائرهك نقلنه لازم اولان مدت  
ضروريه دن زياده زمان كچيرلميه رك  
او مدتك عقينده همان حر كته مسارعت  
بيورملق با اراده سنيه پادشاهي عهده حيت  
ورؤيت مشيريلرينه توديع وجوابه انتظار  
اولنور . »

ايدوب شمدي ده (اسلميه) يه طوغري  
كليور . . . . . شمندوقري ضبط ايدجك  
اولورسه آرتق بالقان خط مدافعه سي دخي  
بوزيلوب دشمنك ايستديكي يره قدر كلسنه  
برحائل قالميه جقدر .

حال ايسته بومر كزده در وسرعت  
حضور مشيريلرينه وجوه شتا ايله احتياج  
واردر . ايلك قافله يي تشكيل ايدجك

### عثمان وسليمان پاشالرك زمان واستقامت استعماللري حقتده مطالعات

ايمك ساعي اولدقلى جهته لك قوتلى اولان  
غروب (يانترا) يه باغلانمش ؛ نسبة ضعيف  
اولان برغروب بالقانده ، آرقه سندن معروض  
تهلكه ايدى . بناء عليه بو بالقان غروپي  
يا بالقان كچيدرلندن صرف نظر ايمك مجبور  
ايدى ويا خود سليمان پاشانك وروديله برابر  
هر ايكي طرفدن دوچار هجوم اوله بيله جك  
ايدى . طوغربدن طوغري يه (پلونه) يه  
قارشو ايسه يالكز ۹ نجى قول اردو واردى .  
روس اردولرينك انظاره عرض وتصوير  
ايلدكلى شو پریشانيت وطاقغيقلمه نظراً  
عثمان پاشانك (زشتوى) يه يالكز ۳  
يوروش مسافه سنده ، ناكهاني بر صورتده  
زمان واستقامت ظهورى كيفيتنى ، تفكر  
ايديله بيله جك لك مساعد ، لك مصيب ، بر  
درجه يه قدرده لك مسعودانه و طالعى بر

عثمان وسليمان پاشالره ويريلان امرلرك  
نتيجه سي اوله رق روسلر تموز آينك ايكنجى  
نصفنده ، تجربه ديدنه قطعاً تدن مركب ايكي  
يكي وقوتلى عثمانلى اردوسيله اوغراشمغه  
مجبور اولمشلردى . بو اردولردن برى  
- عثمان پاشانككى - ۱۸ تموزده پلونه ده  
كنديسنى حس ايتديرمش وروسلر ايچون  
لك قورقولى ، لك خطرناك اولان براستقامتده  
وروسلرك طونه اوزرنده كي يكانه كوپريسندن  
آنجق اوج ضعيف يوروش مسافه سنده ،  
ردنبره اثبات وجود ايلشدى .

۱۹ تموزده يعنى ، عثمان پاشا قسم كلاسنك  
پلونه يه مواصلت ايلديكي كون وضعيت حقيقيه  
شويله ايدى : روس حر كات اردوسى طارمه  
طاقغيق برحاله ايدى . مختلف قواى عثمانيه ،  
عثمانلى شرق اردوسى ايله توحيد حر كات

حادثه اولی اوزره توصیف ایتیمک ایجاب ایدر. شو وضعیتیک اولدن تخمین ایدلمسی هر حالده قابل دکلدی؛ بناءً علیه پاشا مرحومک حضورنده زمان واستقامتی ده اولدن تصور ویا ترتیب واحضار ایدلمس اوله مازدی. بو، عثمانیلر ایچون مقدرات ازلیه نیک نه مستننا، نه کوزل بر تیحلی عاطفتی ایدی...؟



قرطاغ پرسی نیکیتا

دیگر جهتمدن عثمان پاشانک موفقیتی تاریخ حرب وتاریخ عالم ایچون خارق- العاده شایان استفاده بر درسدر . بودرس : نظریات وقواعدی اونوتوبده براز عملی وجرتکارانه بر صورتده حرکت ایدن بر قوماندانه ، ویاساده جه بر انسانه ، قانون

تصادف وطالعک نه قدر لطفکار ومساعده بخش اوله جغتی اثبات ایتیمکده در. جسور ، شدتلی وصاحب عزم بر قوماندان ، زرده ونه وضعیتده اولورسه اولسون ، ولوله جنک ووزا ایچنه آیلیمقده ترددا یتسون... بوساحه جدال ایچنده کندیسنی براز خیر پالانده. بره جق اولسه بیله ، ینه هر حالده دمت دمت ازهار شان وظفر طوپولایه جقدر ؛ شو قدرکه کندیسنی چوق خیر پالاندرمادن ایشک ایچندن چیقه بیلمک ایچون یالکز براز کوزلرینی آچق کفایت ایدر .

سایمان پاشایه کلنجه ؛ مشار الیهک استعمال ایدلیدیکی استقامت ، علی الخصوص حربک صفحات آتیه سنده - یعنی شبیهه کچیدینی غورقو ضبط ایلدکن نصره - او قدر طبیعی ، او قدر عقله قریب کورونمکده در که مصیب ومقصده موافق اولتی اوزره دیگر بر استقامت وصورت حرکت تصور ایتیمک متعسر ظن ایدیلور. لکن شوراسی جای سؤالدر که - وبخصوص عثمانلی سپار اردولرینک حرکاتنده دائما حکمفرما اولان عطالت وبطائت ومفرزه قوماندانلرینک سودای استقلال ایله قرارگاه عمومی به تابع ومربوط اولما مقده بولناملاری کیفیت ، اوزاق مسافه لره بر بردن متفرق اولان غر وپلرک صحیح بر اتحاد حرکتی بالطبع اشکال ایلدکده اولدینی نظر امعانه آلدینی



اردونك (بار) دن طوغریبجه (وارنه) یہ  
چیقاریلہرق عثمانلی شرق اردونك نزدینہ  
جلب ایتمک ایدی .  
بواتحاد والتحاقک ، (ادرنه) دن ، بالقان  
اوزندن وقوعبولہجق بریورویشه نظراً  
(وارنه) دن دها چابق ، دها امین وروسرلر  
ایچون دها ناکھانی یاپیلہجغندن شبہہ  
ایدیلہ مازدی .



حالدہ دہا زیادہ جای سؤال اولورکہ — عجبا  
سلیمان پاشایی دہ بالقانک شمالندہ روسارک  
اک ضعیف ، اک حساس ، اک متأثر  
نقطہ نہ قارشو یعنی طونہ دہ کی کوپرلرینہ  
قارشو سوق واستعمال ایتمک وروسارک  
بالقانک جنوبندہ کی ایلر وحرکاتی «طوغریبدن  
طوغری یہ» منع ایتمک وظیفہ سنی رؤف  
پاشایہ ترک ایدوب بومنع ایتمک مقصدینی دها  
زیادہ واک اول ، (زشتوی) بی تہدید ایتمک  
صورتیلہ «طولایسہ یلہ» استحصال ایتمک  
دھا کوزل اولمازمی ایدی ؟ . .

سلیمان پاشانک (نیش) اوزندن  
(پلونہ) یہ یورومسیلہ سلیمان پاشا اردونك  
عثمان پاشا قوتیلہ اتحاد ایتمسی ، بو حرکنک  
اوزون مدت دوام ایدہ جکندن طولای ،  
عدم الامکان ایدی .

[اشقودرہ - نیش - پلونہ] مسافہ سی  
قوش اوچوشی ایلہ ۴۶۰ کیلو مترہ در .  
اراضی یک طاعلق وسرت ویولر  
بوزوق ویک فنا اولدیغندن بونک ایچون  
لا اقل ۳۰ کونلک یورویش یایمق اقتضا  
ایدردی . بر وجهلہ کہ ۱ تموزدہ یورویشه  
باشلامش اولسہ ، آغستوس اوانلندن اول  
(پلونہ) یہ کلنہ مازدی . ارحالدہ ، (زشتوی)  
علینہ بر حرکت متحدہ اجراسی مقصدیلہ  
سایمان پاشانک اک چابق بر صورتہ کتیراسی  
آنچق بر صورتلہ ممکن ایدی کہ بودہ بوقول

مصر قوای معاونہ قوماندانی پراس حسن بک  
(بار - ددہ آغاچ) اوزاقلی تقریباً  
۱۵۰۰ کیلو مترہ (بار - وارنہ) مسافہ سی  
انچق ۲۰۰۰ کیلو مترہ در . اوحالدہ وارنہ  
سفری ، ددہ آغاچ سفرینہ نظراً بر ناک  
مقداری دها فضلہ بر زمان صرفنی مؤدی  
اولوردی . ۱۶ تموزدہ بارده قرہ طاع

کچیدینه قدر تکمیل روس غروپلرینه بر بارقه شامت کبی اجرای تأثیر ایدرک هپسنی عظیم بر خوف و اندیشه یه دوچار ایده جک، فقط هیچ بری، وطنک بر دشمنه قارشو اکمال وظیفه ایلد کدنصکره وطنک دیکر بر دشمنه قارشوده ایفای وظیفه ایتک ایچون قره طاغدن، شان و شرفلر یله برابر کلان بوترک اردوسنک زده کندیسنی اظهار ایده جکنی کشف واستکناه ایده میه - جک ایدی . . . . . و بو؛ عثمان پاشانک ظهور بارقانه سی قدر لطیف و مؤثر برشی اوله جق ایدی . . . . .

سلیمان پاشانک زمان استعماله کلنجه؛ حقیقت حاله موجود اولان وضعیت کوز اوکنه کتیر یله جک اولورسه - غیر مساعد دکلدی: عثمان پاشا (پلونه) ده کی ایلک فالیتندن صکره (زشتوی) ایچون دائمی بر تهلکه ذی حیات اولدینی کبی سلیمان پاشانک هدف هجومی اولان (ششپقه) کچیدینک آرقه سنده ده کذلک دائمی بر مخاطره تشکیل ایدوردی. (لوم) ده کی روس قونلری، عثمانی شرق اردوسیه باغلامشدی. عثمان پاشا (پلونه) ده با بر جای ثبات اولدقجه، بالقانده کی روس قوای عسکریه سی تقویه ایدیله جک دیه اندیشه یه محل یوقدی.

لکن سلیمان پاشانک حرکاته ۲۹ تموزدن اعتباراً عارض اولان بطائت حسینیه بومساعد

غالبری واپوره بنمکه، ۲۱ ده (دده اغاچ) نده واپوردن چیمغه باشلا یوردی؛ او حاله (وارنه) ده اخراج حرکتی ۲۳ تموزده باشلا یه جق دیمک ایدی. ۲۶ تموز ایشامی، سلیمان پاشا قول اردوسی، (دده اغاچ) نه ۲۴۰ کیلومتره اوزاق اولان قره بیکار استاسیوننده طویلانمشدی. اک قیصه استقامت اوزرنده عثمانی شرق اردوسیه کیفیت اجتماعی تحققی ایتدیرمک ایچون (چواردیچا) کچیدی اوزرندن (الهنا) به قدر ده ۹۰ کیلومتره یایا یورویش یایله - جقدی. بونک ایچون بر کره غورقونک کری طرد ایدلسی ایجاب ایلدیکندن اشبو حرکت لاقول (۵) کون دوام ایده جک و بناءً علیه روسلر ایچون ناکهانی و باعث غفلت اولیه جق ایدی. الحاصل سلیمان پاشا، بو صورت حرکت ایله، ۱ اغستوسدن اول بالقانک شمانده احساس موجودیت ایده میه جکدی. حالبوکه (وارنه) دن وقوعه جق شمند و فرقیاتی (دده اغاچ) دن (قره بیکار) ه وقوعه اولان نقلیات ایله عینی درجه سرعتده اجرا ایدلمش اولسه، سلیمان پاشا اردوسی ده ۲۸ تموزده (شمق - روسجق) خطنک بکنیلان بر نقطه سنده حرکاته آماده اوله بیلوردی. بونقلیات روسلرک کوش اطلاع و تجسسینه اصل اولسه بیله، بو خبر، سیواستپول دن ششپقه

زمانك بيسوك بر قسجى غائب اولوب  
 كتمشدى. روسلر ، عثمان پاشادن آرالقدنه  
 دوچار اولدقلى بر ايكنجى سله تأديبك  
 ( ايكنجى پلونه ميدان محاربهسى ) تاثيرات  
 مهلكه سندن جدى بر صورتده شفاياب اولمغه  
 وقت بوله بيلمشلردى. بناء عليه ، هر ايكي  
 غروپ « عىنى زمانده » كنديليرنى حس  
 ايتديرمهك باشلامش اولسه لردى ، عثمانلير  
 ايچون اك كوزل بروضعيت حاصل اولوردى :  
 عثمان پاشا ( پلونه ) ده ، سليمان پاشاشقه او كنده .  
 عثمانلى باش قوماندانلرى قرارده سرعت  
 واجرا ده شدت كوستره بيلسه لردى ، عثمان  
 وسليمان پاشا لرك بو اتحاد و حر كتى بك اعلاتامين  
 ايديله بيلوردى . عثمانلى نقليه فيلوسى استانبولدن  
 انجق ۱۰ تموزده حر كت ايتدى . سليمان پاشا  
 اردوسنك جلبى ايچون سبب وسائق اولمق  
 اوزره روسلرك كمال موفقيتله ( طونه ) دن  
 كچككارى مادهسى قبول ايدلديكى حالده ،  
 بوتشبت ده ۱ تموزده يعنى ۱۰ كون اول ،  
 اجرا ايديله بيلوردى . بروجهله كه نقلياتك  
 منتظماً وقوع اولدينى فرضنه كوره سليمان  
 پاشا ، ( قره بيكار ) دن شيقه كچدينه قارشو  
 ايلروپورويشه ۱۸ تموزده باشلايه بيلوردى .  
 الحاصل عثمانلى قواى عسكرى بهسى باش  
 قوماندا هيئك عاليه سنك روسيه اعلان حرب  
 ايتديكى زمان عقل سليمك توصيه سنه اتباعاً  
 ياميسى ايجاب ايدن برشى ، شمدي فلاكت

زورله ياپديريوردى : قوه موجوده  
 اك قوتلى دشمنه قارشو طوبلامق .  
 مقدا محض حكمت و كياست عدايديلان ،  
 او قدر طبيعى و معقول كورينن ملاحظات سياسيه ،  
 شمدي ارتق برضربه ده ، برضربه فلاكت ده  
 حكم و تاثيردن ساقط و عاطل اولمشلردى .  
 بدايته تدبير و بصيرتن طولايى كوكل  
 رضاسيله فدا ايتك ايستلميان شيلردن ،  
 عثمانلير شمدي الحماى ضرورت ايله چابق چابق  
 واز كچورلردى : قره طاغ جوجه سى ،  
 قره طاغ طوپراغى بيكلرجه عثمانلى شهيدينك  
 قانى ايله بو يانقدن نصكره ، واقعا خاك هزيمت  
 و مقهوريته سر بلمشدى ؛ لكن موسقوف ديوى ،  
 بتون ثقالت وجوديله طونه ولايتسنده  
 طور مقده ايدى ؛ شمدي على جناح الاستعجال  
 كتير تيلان عثمانلى قوتلرى بو موسقوف  
 ديونى قوغه جقاردى . . . لكن ايش ايشدن  
 كچمشدى . . .

وايشته بوندن طولاييدر كه پلونه  
 او كنده عثمانلى سلاهلرينك قزانقلىرى  
 اوچ مظفرانه ميدان محاربهسى بيله ، چوق  
 اول كندينى كوسترمش اولان معند بر حقيقى  
 اصلا تديل ايدمامشلردر .  
 بو حقيقت شو ايدى :

عثمان وسليمان پاشالرى وديكر بعض  
 عثمانلى غروپليرنى طونه نك جنوبنه جلب  
 ايتك ايچون اك مساعد زمان ، اك كچ ،

اك كچ ، ۱۸۷۷ سنه ميلاديه سي نيساننك ۲۴  
نجي كوني يعنى روسيه نك اعلان حرب ايلديكي  
ككون ايدي . چونكه روسلرك تجاوز  
واستيلاسنه تكميل قوتله يعنى سيار اردودن  
اقلی ۸۰۰۰۰ : ۱۰۰۰۰۰ محارب ايله انجق

غورقو پيشدار قول اردوسی ايله ۸ نجی قول اردونك ۲۰ تموز ۱۸۷۷ یه قدر حرکاتی.

صحتی تحقیق ایدیه مدی . چونکه روس کشف  
قولاری تاشهره قدر یا قلاشه مامش لردی .  
انك ایچون جنرال غورقو بدایت امرده  
یا لکنز سواریه بر « کشف تعرضی » یا بمق  
و آندن صکره قسم کلیله (طرنوه) یه هجوم  
ایتمکه قرار ویردی .

بو کشف تعرضینک صورت اجرایی  
وحاصله سی او قدر شایان استفاده اولمشدرکه  
برایکی ستونله آنی توصیف ایتمک ایسترز .  
بونک ایچون ویریلان امرلرک مفادی  
شویله ایدی :

۱. دراغون لواسی - ۸ بلوک ۶ طوب -
- ۷ تموزده روزیقانهری اوزوننده کائن  
( بهلاچرقوا ) دن ( قیاییکار ) اوزرندن  
طرنوهیه « طوغری » ایلرولیه جک .
- ۲ . دون قازاق لواسی ( نیکیبوب ) دن  
طرنوه نك شمال و شرقه کشف قولاری  
کوندره جک و ممکن مرتبه دراغون لواسنه  
مظاهرت ایده جکدر .

### طرنوه نك اشغالی

- ۳ تموزده پيشدار قول اردوسنه الحاق  
ایدلمش اولان سواری لوالری و بلغار  
مستحق نظرلی طونه کورپرسندن کچدیله .
- ۴ تموزده پيشدار قول اردوسی  
( طرنوه ) یه طوغری ایلری یوروشنه  
باشلادی . یوروش بدایه بطائله اولمشدی .  
زیرا قطار وقافله کورپیدن انجق احتیاط  
و تانی عظیم ايله کچه بیلورلردی .
- ۶ تموزده سواری روزیقا دره سنه ، پیاده  
( بطاق ) قصبه سنه داخل اولدی . عین کون  
جنرال غورقو ( بطاق ) . کله رک قول  
اردونک قومانداسنی الیه آلدی . بوزمانه  
قدر کلان خبرلرحال و وضعیتی شویله تصور  
ایدیورلردی : طرنوه نك غریبسنده همان  
هیچ دشمن قوتی یوقدی . طرنوه ده  
اسیرلرک افاده سنه نظراً ، مع طوب بش  
عثمانلی طابوری واردی و بونلرغالبا عثمان بازار -  
ندن امداد بکلپورلردی . مع مافیله بوخبرلرک

حاضر لاندیغنی کورنجه عثمانلی سواریلری ایلرویه آتلق ایستمشلردی . بونک اوزرینه، جنرال غورقو، امداد اولهزق ۲ بلوک کوندردی . بو بلوکلرک کلدیکنی کورن عثمانلیلر طرنوه اوزرینه کری چکلدیلر .

جنرال غورقو، شمدی ۲ بلوک دها تپه دن اشاغی ایندیردی . براز صکره دون قازاق لواسندن ۳ بلوک مواصلت ایتمش اولدیغندن بو بلوکلر لدی الحاجه استناد خدمتی ایفا ایتمک ایچون تپه نك اوزرنده براقیله رق تکمیل ۶ ۱/۴ دراغون بلوکی ( طرنوه ) یه طوغری ایلرولدیلر . دراغون لواسی ایکی خط اوزرنده ایلرولیور، برنجی خطده ۳ بلوک، ایکنجی خطده ۳ ۱/۴ بلوک ایله سواری بطریه سی بولنیوردی . خطلر آراسنده کی مسافه ۲ کیلو متره ایدی . روسلر شهره یاقلاشدقلری صره ده ، عثمانلی طوبجیسی ( یانتر ) نك شرق ساحلندن آتش آچدی . لکن آراده کی مسافه او قدر چوق ایدی که مر میلر روس سواریسنک ۱ ۱/۴ کیلو متره اوکنده پاره لانیورلردی . جنرال غورقو عثمانلیلرک مقصدسز و چابق انداختی ، دوچار تلاش اولدقلرینه بر دلیل عد ایلدیکندن طرنوه یه یالکز سواری ایله هجوم ایتمکه قرار ویردی .

عثمانلی موضعندن ۲ کیلو متره مسافه ده ایلك خط، ایکنجی خطک یاقلاشمسی ایچون

۳-۹ نجی هوسار آلابی دراغون لواسنک احتیاطی اوله رق ( ماحالی ) ده اخذ موع ایده جک یعنی ( قیابیکار ) ه ۱۴ و ( طرنوه ) یه ۲۶ کیلومتره مسافه ده بولنه جقدر ( ! )

۴ - ۳۰ نجی دون قازاق آلابی ( بلغارنی ) ده کی قاقاسیا قازاق لواسیله ارتباطی محافظه ( ! ) ایتک ایچون ( سو - حیندول ) ده قاله جق .

۵ . پیاده نك باقیسی ( بطاق ) ده قاله جقدر .

۷ تموز آفرانغه ساعت ۷ ده دراغون لواسی حرکت ایتدی . جانبدار اولق اوزره ( روزیقا ) مجراسی ایله سلوی - طرنوه شوسه سی اوزرینه بر بلوک کوندردی . اصل یورویش قولی انک ایچون ، یالکز ۶ ۱/۴ بلوک و ۶ طوب قوتنده ایدی . بو قول ( قیابیکار ) ک جنوبنده کی تپه یه واصل اولور اولماز ، تقریباً ۴۰۰-۵۰۰ اتلی قوتنده کی بر عثمانلی سواریسی تپه نك اتکنده مشاهده ایلدی . یماج بک صرپ اولدیغندن یورویش قولنک قوتی افشا ایتماک ایچون یالکز بر طاقم ، تپه دن آشاغی کوندردی . بو طاقم او قدر شدتلی بر زورنده طور ایدی که براز صکره غایت مشکل بر وضعیت دوشدی .

عثمانلیلر ، روسلرک هجومه شدتلی بر آتله جواب ویرمشلر و روس سواریسنک رجعت

توقف ایلدی . بورادن موضع پک کوزل کوريله بیلوردی . موضع مذکور (طرنوه) نك جنوبنده ونهرك صاغ ساحلنده کائن برته اوزرنده ایدی . تپه نك کندیسنده براستحکام یاپلش ، یمساج اوزرنده بطریه لر و پیاده ایچون طوپراق سپرلر واردی . موضعک جبهه سی (یا نتر) ایله مستور ایدی . یا نترادن کچمک ممکن ای دیسه ده ساحل صرپ اولدیغندن حرکتی اولدیقه اشکال ایتمکده ایدی . موضعک اک ضعیف جهتی ، صاغ جناحی ایدی که شهر دن کچرک اورادن موضع چوريله بیلوردی . موضعک کیریسنده ، شرقه طوغری عثمان بازارینه ایصال ایدن شوسه اوزانوب کیدوردی .

عثمانلی مفرزه سی ۶ پیاده طاووری و ۱ بطاریه دن مرکب اوله رق تقریباً ۴۰۰۰ نفر و بر قاج بلوک کوللی سواریدن عبارت ایدی .

موضعه هجوم ایچون جنرال ( غورقو ) شو امری ویردی :

۱ . برنجی خطده بولنان ۹ نجی دراغون آلاینک ۳ بلوکی یره اینهرك يولك صولنده کی باغلی اشغال ایده جک .

۲ . سواری بطاریه سی سرعتلی ایله ایلو کیدهرك موضع آله جق .

۳ . ۸ نجی دراغون ایپندن ۲ بلوک

یره اینهرك يولك صاغنده کی باغلی اشغال ایده جک .

۴ . بو آلاینک دیکر بلوکلری (قیابیکارده) بر اقیلان ۲ قازاق بلوکی کلنجیه قدر بار کیر اوستنده قالبو بعده یره اینهرك صاغ جناحی تقویه ایده جکک .

۵ . بو قازاق بلوکلری سرعتلی ایله محاربه موقعنه یتشه جکک و قافله یه مأمور نصف بلوکه برابر احتیاطی تشکیل ایده جکک .

سواری بطریه سی قوماندانی قائم مقام (اورش) ۴ طویله عثمانلی بطریه سندن ۱۶۰۰ متره مسافه ده موضع الدی . بو اتساده عثمانلی بطریه سی صوصمشدی . تکمیل ۶ دراغون بلوکی باغلی اشغال ایتمشلر اوته کنارنده دشمنله بر تفنک محاربه سنه کیریشمشلردی . عثمانلیلر شدتلی بر آتش اچمشلر سه ده دراغونلر کندیلرینی ایوستراتیمکده اولدقلرندن بی تأثیر قالمشدر .

جنرال غورقو ، دشمن بطریه سنک سکوتی کورنجه ، سواری طوپلرینک ده ا یقین بر موضعه کیدرک سپرلر آرقه سنده کی دشمن پیاده سنی شراپنل اتشنه آلمسنی و شهرک صولنده کی باغلرده بولنان یا ا دراغونلرکده شهره کیرمارینی امر ایتدی .

صاغ جناحلی چورلمش و ۸۰۰ متره لک بر مسافه دن شراپنل اتشنه انمش اولان عثمانلیلر موضعلرینی ترک ایدرک

عسکرینه تودیع ایدلمش اولان (طرنوه) نك  
۶ سواری بلوکی طرفندن ضبطی ، روسلره  
یالکیز ۴ نفر مجروح بهاسنه اولمشدی ....  
طرنوه وقوعاتی در سعادتده و قرارگاه

عالی ده نه یولده تلقی ایدلمش ، بوبابده نه کبی  
تداپیره توسل اولمشیدی ؟ . . . طرنوی به  
دشمنک هجوم تشبثنده بولندیغنی متصرفلقدن  
اخیار ایدلمسی اوزرینه مقام سرعسکریدن  
سرداره شولغرافنامه کشیده ایدلمشدی :

« دشمنک ۱۰ طاوردن زیاده اولدیغنی  
حاله طرنوی به هجوم ایتمک اوزره بولندیغنی  
کشف قوللری طرفندن بیلدیرلدیکی و  
صفوت پاشا لوانسنگ عثمان بازارندن حرکت  
ایتمش اولدیغنی طرنوی متصرفلغندن شمدی  
کلان تلغرافده بیلدیریلیور . عجبا طرنویده  
دشمنه مقابله ایده جک عسکر وارمیدر  
صفوت پاشا اورایه نه وقت واصل اوله بیلور  
اهالینک آیق التنده قالماملری و خاطر و خیاله  
کلاز صورتده غدر دیده اولماملری اسبابنک  
استکمالی انشاءالله ممکن اولورمی ؟ زیرا  
بوراجه هیئتک و افراد ملتک تعریضاتندن  
قورتلوق قابل اولمیور . دشمن زشتوی به  
کچه لی اون کوندن زیاده اولدیغنی حالده هنوز  
اسباب مدافعه نك استحصال اولنه ماممی  
صحیحاً باعث مراق و اندیشه اولمقده در .  
بالخاصه اقدامات سنیه لری رجا اولنور .  
سرعسکر  
ردیف

(عثمان بازار) اوزرینه چکیلدیلر . آغمر نقلره  
مأمور نصف بلوکی (طرنوه) ده براققدن  
صکره جنرال غورقو تکمیل قوتیله تعقیبه  
باشلادی .

روسیه نك در سعادت سفارتی کاتب سابق  
برنس چرتلف بورالینک احوالنه واقف  
اولدیغندن گاه بر چاوش گاه کویلو قیافتنده  
اولدیغنی حالده جنرال (غورقو) قوتنه  
قلاغوزلق ایتمشدی .

جنرال غورقو شهره کیردیکی زمان بلغار  
اهالیسی طرفندن غایت مفرط بر هیجان  
ایله قارشولاندی .

تعقیب حرکتده ۸ کیلومتره قدر دوام  
ایدرك قراکلغک حولیله قطع ایدلدی .

قزاقلر و دراغونلر اردوگاهه کیره رک  
بر خیلی تفنگ ، جیخانه و ارزاق غضب  
ایتدیلر . اسرا نك افاده سنه نظر آشهره تقریباً  
۵ کیلومتره اوزاقده ، شمنیدن یکی کوندلمش  
۳ پیاده طاבורی دهها واردی . بونلر ،  
طرنوه به روسلرک کلدیکنی ایشیدنجه ، طوپ  
سسنه طوغری شتاب ایده جکلرینه محاربه نك  
تیجه سنه انتظار ایتمکی ترجیح ایتمش  
و کندی طرفلرینک رجعت ایتدیکنی کورر  
کوهماز ، کندیلری ده رجعت ایتلشدی .  
جنرال غورقو ۸ تموزده پیشدار قول  
اردوسنک قسم کلیسنی (طرنوه) به طوغری  
چلب ایتدی . مدافعه سی ۷ طابور عثمانلی

دکادر . اولدم اوله سی یه کیدوبده ایشک  
 حقی ویرمکسزین کوز کوره تهلکه یه اتلق  
 موافق حکمت میدر؟ انشاءالله آتسی خیر اولور؛  
 فقط صبر و تأمل لازمدر . ( ۴۰۰۰۰۰ : ۳۰ )  
 کشینک بیوب ایچه کجکی وجب خانه سنی تأمین  
 خصوصنده دوچار اولنان مشکلاتی عرض  
 و تعریف قابل دکادر . دشمن روسجقک  
 آلت طرفندن و نیکیولی جهتندن کچمکه ده  
 فوق العاده چالیشیور . و روسجقک الت  
 طرفندن کچمکه چالشمسی ده دمیور یولنی  
 ضبط ایچوندر . ایشته شو حرکتلرده  
 عسکرمرزی ایستدیکنی یوله اجتماعه مال  
 اولمقده در .

استانبولک عجز و مسکنتی سردارک  
 مرض دماغیسی بوتلغرافنامه لک متن و مفادندن  
 صراحة تجلی اتمکده در .

سر عسکرک تلغرافنامه سنده اصل نه  
 ایستدیکنی بیلمدیکی حالده محضا مسؤلیتدن  
 قورتلق و کندی وظیفه سنی یا پیش اولدینی  
 قناعتنی قزاتق ایچون عین زمانده برچوق  
 شیلو استیان ضعیف و عاجز پارانسان کی کندی  
 کوستر مکده در . بوتلغرافنامه مبهم و کیزلی  
 اولق و ناهری تخلص ایدرک حقیقتده قطعی  
 و صریح هیچ برشی افاده ایتمامک اساسنه  
 مستند اولان مشهوروم و مردود وریا کارانه  
 اصول کتابت سابقه نیک تام بر نمونه سیدر .  
 اردرک سلامتی موضوع بحث اولدینی

سردار ، تلغرافنامه سر عسکرکی یه شو  
 صورته جواب ویرمشدی :

« متصرفک اشعار بیوریلان تلغرافندن  
 بر چاریک صکره بر تلغراف ده سا کلدی .  
 آندهده دشمنک سروی طریقله (خابروه) یه  
 طوغری کتدیکی بیلیدریلیور . هر ایکی  
 اشعار بر برینه بکزه ماز . طر نویده ه طابور



جنرال چیرمان

واردر . صفوت پاشا لواسی یارین اصل  
 اولور طر نویده کی عسکرک صوک درجه یه  
 قدر مدافعه یه چالشمیری توصیه اولندی .  
 و صفوت پاشا لواسنک اورایه وارمق اوزره  
 اولدینی بیلیدرلی . اولکی حیاته قات اندر  
 قات ترجیح ایدرک چالیشیورز . ایش ،  
 هینک و افراد ملتک اوزاقدن کوردیکی کی



روس جقدن کذلک موجود اولیان کچید  
تشیخی منع ایتمک ایچون «عسکری ایستدیکی  
یولده اجماع ایتدیرمکده» کندی معذور  
کور بور .

۱۲۹۳ سنه سننده عثمانلی اردولرینک  
باش قوماندانلی بر خسته تودیع اولمشیدی،



جنرال (شیلدئر شولدنر)

اوت ؛ سردار اکرم ، فکر آ ، معناً خسته ،  
بیوک بر خسته ایدی .

### طرنوه هجومی حقنده مطالعات

طرنوه هجومی پک مفید اولمشدر .  
چونکه روسلر ، اللرنده  $\frac{1}{4}$  ۳۰ سواری  
بلوکی واریکن ۶۰ بلوکه کشف تعرضی  
یاپتی ایچون طرنوه اوکنه کلشیدی .

بر زمانده ، باش قوماندا هیئت عالیسی ،  
اوغرایه جنی تعریضاتی دوشونهرک قصبه -  
لرده کی اهلینک محافظه سنه حصر اندیشه  
ایدور . دیگر جهندن خصم متجاوزه  
قارشو اسباب مدافعه نك هنوز استحصالی  
ایدیله مامسندن اندیشه اولنیور . لکن بو  
اسباب مدافعه دن مقصد نه اولدیغی ، بتون  
قولته دشمنه تعرض ایتمکی اولدیغی تعیین  
ایتمکه جسارت اولنه میور .

سردارک تلغرافنامه سنه کلنجه او ،  
بتون معناسیله پلانسیز ، وضعیت حربیه دن  
تمامیله غافل وزبون او هام بر باش قوماندانک  
بریشانی افکار وسفالت معنویه سی تصویر  
ایدن برانمودج بلاغتر .

سردار طرنویه بر لوا کوندردی . بو  
لوانک وظیفه سی نهدر ، طرنوه یی مدافعه دن  
مقصد نهدر ؛ بونی سردار بیلمیور . دشمن  
اردوی اصلیمی (زشتوی) دن کچمش ، وطن  
عثمانییه استیلا ایش . . ادرنیه کلکه  
حاضر لانیور . اودها حالادشمنک روس جقدن  
کچمنه منتظر . . سردار ، دشمن قسم کلیسنک

مطلقاً قلاع اربعه منطقه سندن کچه چکنی  
کندیسنه بر فکر ثابت ایدمش . بونده  
تعند ایدوب طور یور . وبری طرفده  
حقیقی ، آشکار ، تأثیراتی هر آن متزاید  
بر تهلکه ، بردشمن اردوسی وار ایکن ؛  
او ، موجود اولیان بر دشمن اردوسنک

هجوم مفید در؛ چونکه بوجی تشبثاتک دائمًا ، ایشی در عقب جدیته تحویل ایتمک قابل اوله جق صورتده اداره ایتمک ایجاب ایلدیکنی اثبات ایتمکده در . یوقسه الک کوزل فرستلر ، یهوده یره الدن قاچیرلمش اولور . « کشف تعرضی » انجق دشمنه هجوم ایدیله جک اولورسه ، مقصدینی ایضا ایتمش صاییلور . چونکه دشمن انجق اوزمان قوتنی کوسترر . لکن هجوم ایدیله جک اولورسه ، تکمیل قوت ایله هجوم ایتمک مقتضای تدبیر و حکمت در . چونکه « دشمنی آکلامق » دن عبارت اولان مقصد حقیقی بی استحصال ایده بیلیمک ایچون کوچک قوتلر محاربه بی ده اوزون برمدت تمید ایتمک مجبور اوله جقلرندن بر عدم موفقیتیه اوغرامدن محاربه بی قطع ایدرک کری چکلمک ارنسبتده مشکل اولور . اله کی قونک بر قسمنی بر مغلوبیتیه معروض قیلیمق و قسم کلی بی اوزاقدن سیرجی براقق ایسه ، بالطبع خطا آلود بر حرکندر . انجق تکمیل قوتله هجوم ایدیله جک اولورسه اوزمانده ارتق برکشف ، حتی برکشف تعرضی بیله اولماز بلکه بتون معناسیله بر هجوم اولور . ایله بر هجوم که منتج موفقیت اولور ایسه دوام ایدیلور ؛ بالعکس قارشوده فائق دشمن قوای عسکریه بی بولندینی آکلاشیله جق اولور ایسه ، وقت وزمانیله صرف نظر اولنه بیلور .

غورقونک تربیاتی حقنده کی مطالعه من بروجه آتی در :  
 طرنوه نک ۲۶ کیلو متره کیریسنده اولان ( ماحالس ) ده براقیلان « احتیاط » مالایینی براحیاط ایدی . بوقوت کندیسنه احتیاج کورلدیکی حالده ، وقت وزمانیله یتشه مازدی . رجعته مجبوریت حالده ده اغلب احتمال معاونتده بوانه مازدی . چونکه سواری صنفده ، رجعت استقامتی اولدن کسدیر یله ماز .  
 قافقاسیا قازاق لواسیله ارتباطی محافظه ایتمک ایچون ( سوخندول ) ده بر آلی براقق ، قوتی اسراف ایتمک دیمکدر . طرنوه نک غر بنده کی ساحه عثمانلی قطعاتندن آزاده ایدی . اردو باش قوماندانلی طرفندن دخی اک یقین عثمانلی قوتلرینک نیکبولی ، راحوه ، صوفیه و راحویچه ده بولندقلری شبهه سزکه خبر ویرلمشدی . بلونیه قدر اولان اراضی بی کشف ایتمک و کشف قوللری واسطه سیله ( بلغاره نی ) ده کی قافقاس لواسیله ارتباط حاصل ایتمک ایچون ( سلوی ) یه طوغری کوندر یله جک بر قازاق بلوکی ، غورقویی غر به قارشو درجه کفایه ده تامین ایده بیلوردی .  
 دون قازاق لواسی عجبا ایچون ونه یه ( نیکبولی ) ده براقلمشدی؟ بوبابده صرف ذهن ایتمک لزوم کورمکسزین ادعا ایدرز که

هر حاله ، حقیقته کنه نظر آ پک جوق  
دها بیوک اولوردی .

مثلاً ۷ تموز اوکله دن ایکی ساعت اول  
قطعات آتیه طرنوه به ایلر و یوروش ایچون  
حاضر اولمیلر ایدی: مختلط لوا ، ( سلوی  
طرنوه ) جاده سی اوزرنده قسطمبول ده ؛  
دراغون لواسی ( قیایکار ) ک جنوبنده کی  
تپه ده ؛ دون قازاق لواسی طرنوه نک شمالنده  
( ته مینسکو ) ده ؛ بولوا اورادن ۱۰،۳۰ ده  
( اورحویچا ) اوزرندن طرنوه به ایلر لر ،  
( پولیقراستا - طرنوه ) و ( طرنوه -  
قوزارویچ ) طریققرخی طرنوه و ( کساره وو )  
یه قدر کشف ایدردی . آوجی لواسی  
و بلغار لژیونی ( بطاق ) دن ( لینیچا )  
و ( پاسقاولویچ ) اوزرندن ( ره زن )  
ه طوغری یورر . وقت عزیمت صباحین  
الافرانقه ساعت ۵ . قول اردو قوماندانی  
دراغون لواسیله برابر . دراغون و مختلط  
لوارک برلشمسینی متعاقب قبل الظهر ۱۰،۳۰  
ده ۱۸ بلوک و ۱۲ طوپ غرب ، ۱۲  
بلوک و ۶ طوپ شمال و شرقدن ( طرنوه )  
یه طوغری برای استکشاف ایلر لر . اگر  
( طرنوه ) قوتلی بر صورتده اشغال ایدلمش  
بولنور ایسه ، او حاله پیاده ۸ تموزده  
یانتر نهرینک شرق و یاغربندن و یاخود هر ایکی  
ساحلندن طرنوه به هجوم ایدر .

\*  
\*\*

بوده هیچ بر سبب معقول و جدی یه مستند  
دکل ایدی .

بر رجعت محتمله یی ستر ایتک مقصدیله  
منزل خطر نده اولدینی کچی کیریده احتیاطلر  
براقه رق اوصورتله ایلر و حرکت اجراسی ،  
دشمنه طوغری یا قلاشان و بالطیع ضعیف لشمش  
اولان قوه متبایه نک قوه مغنویه سنی اخلال  
ایدرک اونلری حقیقه رجعته سوق و اجبار  
ایده بیلور . اونک ایچون اک ایوسی قوتک  
هیسسیله برابر هجوم ایتک و یاخود هیچ  
هجوم ایتماکدر ؛ هر ایکی حاله ده رجعتک  
تأمینی ایچون قوت آیر مق عبسدر .  
مدافعینک اجرا ایلدیکی اداره و انضباطدن  
عاری و تلاشلی طوبجی آتشدن غورقونک ،  
عثمانیلر زردنده خوف و هیجان حکمفرما  
اولدیغنه انتقال ایدرک یاننده کی  $\frac{1}{3}$  بلوک -  
قیایکارک جنوبنده کی تپه اوزرنده معطل  
طوران ۳ قازاق بلوکنک بالاخره و رودندن  
صکره -  $\frac{1}{3}$  بلوک ایله ( طرنوه ) نک  
ضبطنه قرار ویرمسی واقعا شبه مجنونانه بر  
برقرار جرأتکارانه ایدی . لکن اقتران  
ایلدیکی نتیجه موفقیت اعتباریله ، مصیب و  
کوزل بر قرار اولمشدر . انجق تشبث ،  
تکمیل قوت ایله برابر اجرا ایدلمش یعنی  
سواری کشفنی متعاقب هجوم اصلی  
وقوعبولش اولسه یدی قزانیلان موفقیت ،

لكن ( طرنوه ) نك ضبطی ، خطالی  
ویا كلش اوله رق ترتیب ایلمش اولان  
تشبثلك بیله ، قوماندان سرعت قراره  
ویوك برعزم وشده مالك اولمق شرطیله ،  
كوزل موفقیتاره منجر اوله بیله جكنی اثبات  
ایتمكده در .

مع هذا يك نادراً « طرنوه عثمانیلیری » کبی  
بردشمنه مصادف اولنه بیله جكنی ده نظر  
دقتدن دور طوتماق ایجاب ایدر .

\*  
\*\*

عثمانلی نقطه نظرندن تدقیق ایدیله جق  
اولورسه ، طرنوه محاربه سی ، علی العموم  
حیات بشرده وبتخصیص ، حیاتك برشکل  
خصوصی و فوق العاده سی اولان حربده ،  
اوهام وخیالاتك انسانلك افعال وافكار  
اوزرنده نه درجه برتحکمی حائز اولدینگك ،  
مدافینك شان وشرقی بهاسنه ، بر مثال  
البینی ارئه ایدر . طرنوه نك مدافعه سنه  
مأمور اولان ۴۰۰۰ عثمانلی ، طرنوه یه هجوم  
ایدن  $\frac{1}{4}$  ۶ موسقوف سواری بلوکی طرفندن  
دكل ، كندی اوهام وخیالاتی طرفندن  
مغلوب ایلمش ، كندی اوهام وخیالاتی  
اوکندن فرار ایتمشدی .

حربده اوله آنلر اولورکه بتون عناصر  
ومؤثرات ماده ، عدد ، طوب ، مالزمه  
حکمدن ساقط اولور وانلك یرینه وهم  
وخیال قائم اولور . موفقیات عظیمه یه نائل

اولان قوماندان ، خصم طرفنده حکمدار  
اولان بوبله برحالت روحیه ومعنویه دن استفاده  
ایتمسینی بیلمش اولان قوماندانلردر . غورقونك  
مدار جرأت وموقیتی ده ایشته بودر . طرنوه ده ،  
عثمان پاشانك برجزؤ عزم ومثانته مالك بر  
قوماندانمز اوله یدی او قوماندانك عزم وهمتی ،  
عسكرك معنویته استیلا ایدن قافله اوهامی  
تارومار ایدرك ، معینته القایده جکی اعتماد حسلری  
ایله عثمانلیره لایق بر مدافعه تأسیس ایدر  
غورقو سواریلرینك تهاجماتی ، بر سدرصین  
قارشوسنده پارچه لانان دکنز طالفه لری کبی ،  
پریشان اولور ، وعثمان بازارندن قوه امدادیه  
ورود ایتدکندنصکره « طرنوه » ، تکمیل  
« غورقو » قوتی استخفاف ایده جک بر  
مثانت اکتساب ایده بیلوردی .

### غورقونك بالقانندن ایلک ضروری

بیشدار قول اردوسنك ایلک وظیفه سی  
« بالقان کچیدلرینی قزاقق » ایدی . لكن  
جنرال ( غورقو ) یه یریلان تعلیماتده  
بویابده کی امرک قرارگاه عمومی طرفندن  
اعطا اولنه جنفی صورت قطعیده تصریح  
ایدلمشدی .

طرنوه نك جنوبنده کی وسطی بالقان  
قطعه سنی ، شرقاً اسلیمیه شهری ، غرباً ( شپقه )  
کوی آراسنده امتداد ایتمک اوزره تقریباً  
۸۵ کیلو متره لك برخط اوزرنندن مدافعه

بر بوغاز ایدی. لکن (چواردیجا) ده بر دشمن غره بی موجود و بوغازک کندیسی عثمانلیلرجه اییدن اینی به معلوم ایدی .  
صوک ذکر ایتدی کمزایکی کچید آراسندن (خان کوی) نه ایصال ایدن عربه لرك مرورینه مساعد بر یول دها واردی .  
بو یول (خان بوغاز) ندن کچور ، (خان بوغاز) ایسه بلغار اها لیسنک شهادت وتأمینانه کوره عثمانلیلرجه مجهول بولنیور ایدی. اونک ایچون عثمانلیلر اوراسنی ترصد ایتماشلردی . (خان کوی) نده دخی ضعیفجه بردشمن قوه محافظه سی بولنه جنی در کار اولغسله برابر (غورقو) کنندی تشبثی ایچون بو بوغازی ترجیح ایلدی .  
انک پلانی ، بو استقامتن طاعلری کچمک (طونجه) وادیسند کی عثمانلی غره و پلرینه برر بر هجوم ایتمک ، قزانیل ید ضبطنه کچرمک و (شبقه) کچیدنی آرقه طرفدن تهدید ایدرک عثمانلیلری اوراسنی تخلیه یه مجبور ایتمک ایدی ؛ لکن اگر قارشوسنه پک فضلہ قوت چقہ حق اولورسه (خان کوی) نده کندیسی تحکیم ایده رک اوراده مدافعه و اوراسنی محافظه ایده جک ایدی .  
۱۰ تموزده جنرال (راؤح) ، یولی کشف ایتمک ویولک کچلمسی اک مشکل قسملرینی اوله بیلدیکی قدر تعمیر و اصلاح ایلمک ایچون اورال قازاق بلوکی وسواری

ایتمکده ورؤف پاشا قومانداسنده بولمقده اولان عثمانلی عسکری شو صورتده منقسم ایدی :

اسلمیه شهرنده ۳ طاہور و ۶ سواری بلوکی (۲۵۰۰ نفر)

چواردیجا کوینده ۱ طاہور (۶۵۰ نفر)

خان کوی ده ۱ « (۶۵۰ نفر)

یکی زغره شهرنده ۲ « ۱ سوای بلوکی (۱۴۰۰ نفر)

قزانیق شهرنده ۲ « ۳ طوب (۱۳۵۰ نفر)

شبقه کوینده ۴ « (۲۶۰۰ نفر)

شبقه کچیدنده ؛ غابرووا - قزانیق طریق اوزر : ۶ طاہور و ۹ طوب (۴۰۰۰ نفر)

جمعا یکون ۱۳۲۵۰ نفر

جنرال غورقو بالقان کچیدلرینی قزانیق ایچون حاضر قلرینی اجرا یه همان مسارعت ایتمشدی ، اها لیدن اجرا ای دیلان تحقیقات شونتیجه بی ویردی : اک ابو یول (شبقه) کچیدن کچن بولدی ، لکن شبقه کچیدی عثمانلیلر طرفدن قوتلی بر صورتده - تقریباً ۶ طاہور و بر جوق طوب - اشغال و تحکیم ایلمشدی. اک یقین اولان (ترونا) کچیدی عربه لرك مرورینه مساعد و عثمانلیلر طرفدن اشغال ای دیله مامش ایدی. لکن (ماغلیچ) منتهی اولیوردی . (ماغلیچ) ایسه قوتلی بر عثمانلی اردو کاھی بولنان (قزانیق) ک تا قربنده ایدی . شرقده کی (چواردیجا) بوغازی (شبقه) کچیدن صکره اک راحت

استحکام مفرزه سی ایله برابر ایلرویه کوندرلدی. [ پیشدارقول اردوسنک یاننده

مستقل اورال قازاق بلوکیله قازاقلردن تشکیل ایدلمش تقریباً ۱۵۰ اتلی قوتنده

سواری استحکام مفرزه سی ده واردی . ]  
۱۱ تموزده جنرال غورقو، تصورات

و تصمیماتی اردو باش قوماندانلغنه بیلدردی و عین کون شو جوابی آلدی : [ ارکان

حربیه نك اثری ، جلد ۲ ، صحیفه ۱۶۹ ]  
غراندوق ؟ بالقانده کی کچیدلرک اشغالی

حقنده کی افکار و ترتیباتکنزی تصویب ایلدیکنک ذات والا کزه تبلیغی امر ایلدی .

انجق ذات والا کزک یا لکنز مذکور کچیدلری وانلرک مخرجلرینک اشغالیله اکتفا

ایدرک امر اخیره قدر دها زیاده ایلرویه حرکت ایدلاماسنک تبلیغی دخی علاوه امر

ایلدیلر .  
شپقه کچیدینه طوغری ایلرو حرکتکنزی

حمایه ایتمک ایچون غراندوق ۱۴ تموزده ( طرنوه ) دن ( دزه نوا ) و ( غابرووا ) یه

بربطاریه ایله بریاده آلابی کوندره جکدر . . .  
بو قوت یارین صباح ساعت ۱۰ - ۱۲ ده

واصل اوله جقدر .

۱۲ تموز قبل الظهر ۱۰،۳۰ ده قول

اردو ( پرزوو ) دن حرکت ایلدی .  
یوروش نظامی و اتقسام عسا کر شویله ایدی :

۲ بلاستوک بلووک و ۱۰ جبل بطریه سیله برابر

۴ نجی آوجی لواسی  
دراغون لواسی

۵ بلغار طابوری و ۴ طوب  
دون قازاق لواسی

جمعا یکون  $\frac{1}{4}$  ۹ طابور ،  $\frac{1}{4}$  ۲۲ بلوک و ۳۰  
طوب . [ ۱ ]

تکمیل قطار و قافله بلغار مستحفظلرندن  
برطابورک حمایه سی آلتنده کیریده قالدی .

الک لزوملی آغزلقلر مکاریلرله برابر آلدی .  
ارزاق و ما کولات نامنه یوروش قولنک

برابرنده شونلر واردی :

بش کونلک یکسمات ، اوج کونلک یم ؛

ایتمک و جانلی حیوان جنرال ( راولح ) مفرزه سی  
طرفدن تدارک ایدیله جکدی . هر کس ،

یانه ، طاشیمغه استطاعتی اولدینی قدر فشنک  
آلدی . مشکل یرلرده یاردیم ایتمک ایچون

هر طوبه ۱۰ نفر و یا ۱۰ اتلی ترفیق و توزیع  
ایلدی .

۱۲ تموز آقشام کچ وقت ، قول

سردنا قلبه یه قدر اوزانه رق اوراده  
کیجه لدی . ۱۳ تموز صباحین ۶ ده تکرار

یوروشه باشلانیلوب و ویتزا و ( راقویجی ) ده

[ ۱ ] ۹ نجی هوسار آلابی ( طرنوه ) ده

۸ نجی قول اردونک یاننده قالدی . ۳۰ نجی  
دون قزاق آلابی ( شپقه ) بوغازینه وقوعبوله جق  
همومه شمالدن مشارکت ایدله جکدی .

بولوانك ۱۵ تموز آقشامی محل مقصودینه  
 واصل اولمسی ده شایان خواهشدر .  
 بویه اولورسه ۱۶ تموزده (ماغلیچ) ه قدر  
 ایلرولیه جکمی ودها ایرتسی صباحده  
 (قزائق) ه هجوم ایده جکمی امید ایدر .

شبیقه کچیدی ۱۶ و ۱۷ ده جههدن  
 تهدید ایدلمیدر . بو کچیدلرک وقزائق  
 اشغال ایدلمسی ترکر اوزرنده معناً بیوک  
 برتأثیر حاصل ایده جکدر . بو تأثیر معنوی  
 عسکر اوزرنده کوریه جکی بی اشتباهدر .  
 بناء علیه بو تأثیردن استفاده ایتمک  
 و(قلبه) یه ویا (خرمنلی) یه قدر ایلرولیا  
 خطای عظیم اولور . لکن کچیدلری ، کندیمه  
 تأمین ایتمکسزین ، بونی یاپه مام . «

۱۳ تموز آقشام ساعت ۵ ده جنرال  
 غورقو ، آوجی لوانسک اوچیله بالقانک اصل  
 سلسله سنک ذروه سنه واصل اولدی . آوجی  
 لوانسک ، جهات اربعه یه حاکم وزیر پانده کندی  
 مدافعه ایتمک چالایان بیوک واندیشناک برملکت  
 موجود اولان بوشاهقه بالقانده آرام ایتمکسزین  
 یورویشنه دوام ایدرک بوغازلر مخر جنک  
 ۱۰ کیلو متره ایلروسنده آچیق اردوگاه  
 قوردی . دیگر قطعات ، ذروه جبلده اردوگاه  
 قورا جقلردی . چونکه قوشی چیقماق ایچون  
 پک چوق کوچلک چکمش اولدقلرندن پک  
 کچ طوبولانیله بیلمشلردی . جنرال غورقو  
 کجه این صرندن اینه رک نصف الیده آوجی  
 لوانسک اردوگاهنه کلدی .

موله ویرلدی و یمک پیشیرلدی ؛ آقشام  
 وضعیت شویله ایدی :

آوجی لوانسک و درت سواری بلوکی  
 طاغک جنوب یماجنده و (خان کوی) نک  
 یالکز ۱۰ کیلومتره شمالنده . قول اردونک  
 باقیسی کچیده حاکم تپه لرده .

۱۳ تموزده کی جنرال غورقو موله محندن طرنوه  
 ده اردوگاهنه برراپور کوندره رک ۱۶ تموزده  
 (ماغلیچ) ه قدر ایلرولیه جکندن ، ۱۷ ده  
 (قزائق) ه هجوم ایده جکندن بحث ایده رک  
 ۱۶ و ۱۷ تموزده (شبیقه) بوغازینک شمالدن  
 تهدید و (خان کوی) نک ۸ نجی قول اردویه  
 منسوب برلوالیله اشغال اولنسنی رجا ایلدی .  
 ارکان حربیه نک اثرندن بو راپورک  
 متنی عیناً نقل ایدیورز :

« موله و یروب یمک پیشیر یورم . یارین  
 (۱۴ تموز) جناب حقلک یاردمی ایله طونجه  
 وادیسناک مدخلنی اشغال ایده جکمی امید  
 ایدرم . (خان کوی) ده طوپسور و (چواردیچا)  
 دن ککش برطابور طور یور . (قزائق) ده  
 نه وار ، بیله مام .

(خان کوی) بنی اشغال ایتدکن نصرکه  
 (قزائق) ه ایلرولدیکم زمان ، رجعتمدن  
 اندیشه ایتمک ایچون (خان کوی) نک  
 ۸ نجی قول اردو عسکرلری طرفندن اشغال  
 ایدلمسی پک شایان خواهشدر . بونک ایچون  
 برلوا اولسه یتیشیر ....

اخذ موقع ابتدی. جبل بطاریه سی صف حربہ کچھ رک ۱۴۰۰ متره دن اردو کاہ آتش آجدی. بسبتون غافل آولانان عثمانلیار اردو کاہک کیریسندہ کی بوغازہ چکیسلہ رک اورادہ کی باغلقلردہ طوپلانمغہ باشلادیلر . پلاستونلر ایلر وہ کیدرک بر آتش محاربه سنہ کیریشیرکن آوجی طاہوری ، باغلقلرک غربندہ کاٹن اولان (خان کوی) نی اشغال ایلدی . عثمانلی طاہوری ، صول جناحک چورلیدیکنی کورر کورماز شرق استقامتندہ چکلہ مکہ مجبور اولدی .

اقشام اوزری بو طاہورہ (چواردیجا) دن بر طاہور امداد کلدی .

واقشام ۷ دہ ہر ایکی طاہور مقابلہ هجومہ قالدیلر . آتجق روسلردہ بالمقابلہ هجوم ایتمش اولدقلری کی امداددہ آلدقلرندن عثمانلی طاہورلری محاربه دن صرف نظرلہ (اسلمیہ) استقامتندہ چکلدیلر .

۱۲ تموز آقشامی تکمیل غورقوسواریبسی (خان کوی) حوالیسندہ طوپلانمشدی . جہات اربعہ نک کافہ سنہ کشف قوللری سوق ایلدی .


عثمانلی اردو کاہندہ جیخانہ و پکسمات الہ کچیرلمشدی .

بو محاربه دہ روسلرک دوچار اولدینی ضایعات چوق دکلدی . موسقوفلرک بالقاندن

بو کون و بوکیجہ بوغازک تا نہایتہ قدر اولان ساحہ داخلندہ کشف قوللری ہیچ بر عثمانلی بہ مصادف اولمامشردی . روسلر (خان کوی) ندہ کی یکانہ عثمانلی طاہورندن جدی بر مقاومتہ انتظار ایتورلردی . ایرتسی کون ایچون یورویش نظامی شویلہ ایدی : انک اوکدہ ۲ پلاستون بلوکی و ۲ جبل طوپنی ، انک کیریسندہ ۱۴ نجی اوجی طاہوری و ۴ جبل طوپنی . بعدہ متباقی ۳ اوجی طاہوری و ۱ جبل بطاریہ سی انک نہایت ۴ قازاق بلوکی ، استحکام مفرزہ سی واورال قازاق بلوکی . بلغار مستحفظ طاہورلری و ۴ طوپ سوارینک تکمیلی (۱۶ بلوک) و ۱۲ طوپ جنرال غورقو احوال مساعدہ ایدرہ (قزاقلق) . یورومکی نیت ایتدیکندن (خان کوی) دہ بولنان عثمانلی قوتلرینی اورادن آیرمغہ قرار ویردی . انک ایچون جنرال (راواخ) ہ مفرزہ سیلہ ہان (طونجہ) رادیسنہ داخل اولہرق ترکلرک (قزاقلق) ہ طوغری خط رجعتلرینی کسمسنی امر ایتدی .

ایرتسی صباح حرکت ایلدی . ایلر وہ کوندربیلان بر کچوک ضابط کشف قولی (خان کوی) ک ہار یاسندہ کی پلاتواوزرندہ بر عثمانلی اردو کاہی بولندیغنی خبر ویردی . اوجدہ کی پلاستون بلوکلری همان آوہ چیقدیلر . اوجی طاہوری بلوک قول نظامندہ بولندیغنی حالہ آنلرک صاغ جناح کیریسندہ





طرنوه شهری

ایتمش، خصم طرفنك غفلتی روسلره پارلاق  
وسپیل بر موفقیت بخش ایلمشدر .

کچمسی ، یالکز ۷ نفر مقتول و یا مجروحه  
مال اولمشدی .

روسلرک صرف ایلدیکی مساعی شو نقطه  
نظر دن خاصه شایان دقتدرکه قول اردونک

غورقونک بالقان دن ایلمک مروری ،  
عسکرلک نقطه نظر نجه مطالعه ای دیله جک  
اولورسه اونی ، ایو دوشونلش و ایو حاضر-  
لانمش ، بناء علیه شایان آفرین بر تشبث اولمق  
اوزره توصیف ایتمک ایجاب ایدر . تشبث  
مذکورہ اشتراک ایدن قطعانک دخی کذلک  
شایان آفرین اوله جق بر اثر غیرت و تحمل  
کوستردکلرینی و بوضورتله کوزل بر موفقیته  
کسب استحقاق ایتمش اولدقلرینی تسلیم  
و اعتراف ایلمک لازمکلور .

قسم کلیسی سواریدن مرکب — ۴۰۰۰  
آتلی واردی — اولدینی کبی اکا نسبة

قوتلی برطویچی — ۳۰ طوپ — ویرلمشدی .  
بونکله برابر ( غورقو ) نک اقتحام ایلدیکی  
مشکلاتک درجه سی پک زیاده اعظام ایلمشدره .

بالقانک بوجهته کی قسمنک تکمیل

عرضی ( طرنوه ) دن ، طونجه وادیسنه قدر  
آنجیق ۵۰ کیلومتره اولوب کچیله جک کچیدلرک  
ارتفاع مطلق ۶۸۳ متره یی تجاوز ایتماز .

یغوش ( پرزوو ) دن باشلابوب ۳۵  
کیلومتره لک بر مسافه افقیه یه نظراً ۳۶۰  
متره لک بر ارتفاعه بالغ اولمقده و ( خان  
کوی ) نه اینیش ۲۰ متره لک مسافه ده تقریباً  
۳۶۰ متره دن عبارت بولمقده در . شو حالده  
بالقانک بوقسمی ، روسلرک موفقیتی نه قدر  
اعظام ایتمک ایستلنسه ینه بر مانع جسمی کبی  
قبول ایتمک قابل اولماز .

« بر کره یره دوشنلر آرتق هیچ برامداد  
ومعاوتی امید ایده میهرک بر موت فجیع ایله  
سرگذشتلرینه خاتمه ویریورلردی . عسکرلر  
بر برینه چارپه چارپه یورو مکده ای دیلر . بارکیلر  
ایسه ، مدار معاونت اوله جق برده ، بالعکس برر  
حائل ایدی . تکمیل طوپچینک انسان صرتنده  
نقل ایلدیکنی سونیک ، خلاف حقیقت اولماز . »  
آنجیق بو تشبثک قرین موفقیت اولسنه  
روسلر دن زیاده قارشولرنده کی خصم ، یاردم

آندن بشقه یوللرک حالی بالآ خره اوروپا  
محررین عسکریه سی طرفدن ظن ایلدیکی  
قدر فنا دکلریدی .

یولک مقطع طولانیسی (۱۰) نومرولو  
علاومه ارأه ایلمشدر .

## شپقه چیدینک ضبطی

۱۴ تموزده جنرال غورقو، ۱۳ تموزده موله محلندن کوندرمش اولدینی راپورک جوانی آلدی .

بوامری عیناً درج ایدیوروز :

طرنوه قرارگاه عمومیسندن

۱۴ تموز : صباحین

غراندوق ذات والا کزک تریستانه کسب اطلاع ایدرک بروجه آتی جواب اعطاسنی امر ایلمشدر :

قلبه وخرمنلی به طوغری سرعتله ایلرو کیتمکلکک نتایجی نه قدر پارلاق اولورسه اولسون ۱۱ نجی قول اردونک (طرنوه) به مواصلته دکن بویله برحرکتدن صرف نظر ایتمک لازمدر. چونکه بوحرکتک اجراسی بالقان کچیدلرینک ۸ نجی قول اردو قطعاً طرفندن اشغال ایدلمسنه وابسته بولندینی اشعار والا کزدن مستبان اولوب حالبوکه مذکور قول اردودن بوضورتله تقریباً برفرقه قدر برقوت (برالای شپقه ، برلوا خان کوی) ه تفریق ایدیله جک اولورسه ، عثمانلی اردو- سی (شمی) دن حرکت و عثمان پازاری اوزرندن قطعی برصورتده ایلروملکه تشبث ایلدیکی حالده، بزم (طرنوی) ده کی وضعیتمز پک تهلمکلی اولور .

غراندوق ۸ نجی قول اردودن (غبرووه)

وشپقه به کوندریلان بر بطریه ایله بر پیاده آلایندن زیاده قوت تفریق غیر قابل اولدینی فکرنده در .

(خان کوی) نه مواصلت عالیرنده، اکر (قزائق) ه طوغری ایلروملکلکک پک جرأتکارانه اوله جنی آ کلاشیله جق اولورسه ، غراندوق ، (خان کوی) نده توقف و کچیدلرک مخرجنده اخذ موقع ایدوب کزک قزائق و یکی زغره (شمندوفرک تحریی) کزک (اسلمیه) استقامتده یالکیز سواری واسطه سیله اجرای تشبثات ایله اکتفا ایدلمسنه مساعده ایتمکده در .

المزده بر کچید بولنه جق اولورسه ، بالقانک اوتسهنه ایلروملک مقصدیله حرکات قطعیه به باشلامازدن اول ، دیگر کچیدلری اشغال ایتمش اولان عثمانلی عسکرینک کیریستی و جاحلرینی تهدید ایتمک دائماً قابل اولور. غراندوقک رأی وقرارینه و (خان کوی) نه مواصلت کزدن صکره اوراده تصادف ایدیله جک احواله نظراً (شپقه) بی اشغال ایدن عثمانلیلرک کیریستی تهدید ایتمک ایچون (قزائق) ه کیتمک ایجاب ایدرسه ، اکاکوره (غبرووه) ده کی مفرزه به تعلیمات ویرمک ایچون کیفیتک اک نهایت ۱۵ تموز آقشامنه قدر اشعار ایدلمسی رجا اولنور .

بومفرزه ۳۶ نجی آلائی ، ۴ فونده لق بر  
بطریه و ۳۰ نجی دون قازاق الایندن مرکب  
اولوب ۱۶ صباحی (غابرووه) دن (شیقه) یه  
طوغری ایلرو حرکت ایتدار ایده جکدر .  
باشی بوزوقلر (سلوی) ده ایقاع خساره  
باشلامش اولدقلرندن اورایه مذکور سوارلی  
آلایندن بر بلوک کوندرلی .  
شمنی جهنندن هیچ بر خبر یوق .  
لکن بوندن اوراده سکونت حکمفرما  
اولدغنی استدلال ایتک جائز اولماز . سوارینک  
شو آراقل فقدان حسیله ، دشمنه دائر  
معلومات آلق ایچون ، کوندرلی ضروری  
اولان مفرزهرلی کوندرمک قابل اولیور .  
(روسجق) ده هرشی اسکیمی کبی .  
۹ نجی قول وارددن هنوز خبر کلدی .  
خاتمہ مقال اوله رق علاوه ایده بیلیرزه  
بالقائک اوته سنه ایلرو لمکلکزک نتایجی هر نه  
اولورسه اولسون ، غراندوق سزک شمیدلیک  
یالکز کیدلرک اشغالی وباصقین حرکاتی  
ایچون یالکز سوارلی مفرزهرلی سوق  
واعزامی ایله اکتفا اولنسی فکرنده اولوب  
بونک ذات عالیکزه تکرار تبلیغ ایدلمسی  
امر ایتمشدر . نه وقت اردو طوبلانوب  
ایلرولیه جک اولورسه ، او زمان غراندوق  
قوتکیزک قسم کلیسیله ایلرو حرکاته باشلا-  
مکزه مساعده وحتی بونی صورت مخصوصه ده  
طلب ایلیه جکدر .

۱۵ تموز صباحی غورقو ، عثمانلیلرک  
وضعته دائر کشف قوللرندن شو معلوماتی  
اخذ ایتمشدر : (یکی زغره) ده تقریباً ۵  
بیاده طاבורی واردی . (اسکی زغره) دشمندن  
خالی ایدی .

طونجه وادیسنده (قرانلق) . قدر هیچ  
عثمانلی عسکری یوقدی . لکن نفس (قرانلق) ده  
(۵-۱۰) طابور واردی . (شیقه) کچید .  
نده کی قوت (۸-۱۰) طابوره بالغ اولیوردی .  
جزال غورقو بومعلوماته بنای ملاحظات  
ایتدکن صکره ۱۶ تموزده (قرانلق) .  
ایلرولمه قرار ویردی . غورقو وضعیتی  
شویله محاکمه ایتمشدی :

«عثمانلیلریا لکز (قرانلق) ده کی قوتلریله  
مقابله ایدرلرکه بوتقدیرده اونلری مغلوب  
ایتمکی امید ایده بیلورم ، یاخود (شیقه) کچیدنی  
ترک ایدرک بتون قوتلریله بنم اوزر مه آتیلورلر .  
بوتقدیرده ده ایسه کچید ، (غابرووه)  
مفرزه سنک یداشغالنه دوشر .»

بناء علیه غورقو ، ۱۵ تموزده عثمانلیلری  
قورقوتق ایچون (یکی زغره) یه قارشو  
نمایش یایمق و ۱۶ ده قسم کلیسی ایله  
(قرانلق) . طوغری ایلرولمک و لکن (خان  
کوی) نی تحت اشغاله بولندیرمغه قرار  
ویردی .

(یکی زغره) یه قارشو وقوعبولان  
نمایش (اوریزاری) ده کی ۳ عثمانلی طاבורی

۱ و بطاریه سیله بر مصادمه یی انتاج ایلدی .  
 بوقوت ، اورایه (یکی زغره) دن کوندر .  
 لمشدی . اوزون ومشکل بر محاربه دن صکره ،  
 خط رجعتی کسلمک تهلسکه سنه معروض  
 اولان عثمانلیلر (یکی زغره) اوزرینه کری  
 چکلمشدر .

روس ارکان حربیه سی اثرنده دیورکه :  
 «عثمانلیلرک ترتیباتی ، جنرال غورقونک  
 بلانک اجراسنی تسهیل ایتشدی . فی الحقیقه  
 جنرال ، عثمانلیلرک (یکی زغره) ده کی قوتلر-  
 ندن بر قسمنی (اوریزاری) یه کوندر دکرنی  
 او طرفه سوق ایدلمش اولان اورال قازاق  
 بلوکندن اوکرنیر اوکر نماز درحال  
 ۹ نجی دراغون آلابیله بر سواری بطریه  
 سنک مذکور بلوکه ملاقی اولسنی ،  
 دیگر ۴ قازاق بلوکنک ۲ طوپله برابر  
 صابانی اردوسنه دشمنک جناحنه ایلرولسنی  
 وبلغار قطعانندن ایکی طابورک دخی ایجاب  
 حاله کوره یاسواری یه معاونت ویا رجعتی  
 حایه ایلک ایچون کذلک وادیدن ایلرولسنی  
 وتکمیل متباقی سوارینک حرکتیه آماده  
 بولنسنی امر ایتشدی . پیاده اردوگاهده  
 قالدی .

دراغونلر کویه یاقلاشدقلری صرهده  
 ۲ بلوکره اینهرک عثمانلیلری تفنک وطوپ  
 آتشنه آلدی . ایکی ساعتدنبرو اورال  
 بلوکیله محاربه ایتمکده اولان چرکسسر

کری چکلمکده مجبور اولمشلردی . بر ساعت صکره  
 قازاقلر کلهرک عثمانلی بطریه سنک صول  
 جناحنه طوپ آتشی آتدیلر . بطریه  
 ایکی آتشی اراسنه آلدیفندن طوپ بندیره رک  
 چکلدی . روس سوارسی شممدی هجومه  
 قالدی . دراغونلر جهه دن ، قازاقلر صول  
 جناحدن هجوم ایدیوردی . انکته نهایت اورال  
 بلوکی ده صاغ جناحی تهدیده باشلادی .  
 بوسرهده ۳:۴ کیلومتره مسافه دن بلغارلرده  
 ظهور ایتشدی . ترکر آرتق رجعتیه  
 باشلامشدری . اثنای تعقیبده . دراغونلر  
 وقازاقلرله چرکسسر آراسنده سرت وقانلی  
 چارپشمه لر اولدی .

بواهمیتسز محاربه ، نتیجه سی اعتباریله  
 اهمیتلی ایدی . زیرا بوسایه ده مفرزه نک  
 کیروسی بر مدت ایچون تأمین ایدلمش  
 اولیوردی . ۳

عینی کون غورقو تلغراف وشمندوفر  
 خطنی تخریب ایتک ایچون (یکی زغره)  
 یه طوغزی ۲ بلوک کوندردی . قازاقلر ،  
 (اسکی - یکی زغره) شوسه سی بونجه  
 تلغراف خطنک ۱۶۰ متره لک قسمنی قطع  
 ایتدیلر . بعدالظهر ساعت ۲،۱۰ ده  
 قرارگاه عمومیه شومالده بر تقریر کوندرلدی :  
 «یارین صباح (قازانلق) . طوغزی  
 ایلرولک نیتدیم . یارین (ماغلیج) ده  
 کیجه کچیره جک واورکون ، ۱۷ نوموزده ،

صورتده حرکت ایتک امرینی کوندردی .  
ذاتاً صول قول قوماندانی طوپ سسنی  
ایشیدنجه کندی صلاحیتندن تکمیل  
سواریه طوپ سسنه طوغری ایلرولمشدی .  
بوصورتله روسلر ، موضعک هرایکی جناحنی  
احاطه ایدرک عثمانیلیری مقراصواری  
بر آتش التنه آنگه موفق اولدیلر . روس  
ارکان حربیه سنک اثری دیور که :

«لکن عثمانیلیر ، کمال عنادلرندن موضعی  
بردلو ترک ایتیمورلردی . اک نهایت اوکله  
وقتی آوجی طابوری سونکو هجومه قالمسیله  
ترکلر ، کری چکلهمکه باشلادیلر و ( قزانلق )  
خط رجعتک مسدود اولدیغنی کورنجه ،  
کویک شمالنده کی بوغازلری مدافعه ایتک  
اوزره اواستقامتی الیدیلر . آوجیلر بونی کورر  
کورماز هان بوبوغازلری تشکیل ایدن  
طاغله طیرمانه رق آتش قوتیله دشمنلرینی  
پوسکورتیمکه ونجات وسلامتلرینی طاغله  
آرامغه مجبور ایتدیلر . مدافعین ، قسماً  
کچی یوللرندن ( شپقه ) یه واصل  
اوله بیلدکلری کچی قسماً ده کیجه لین وادیدن  
قایه رق ( یکی زغره ) یه کله بیلدیلر .

بوغازلرک مدخللرنده کی مقاومت ،  
محاربه نك اک صوک صفحہ سی اولمشدی .  
روسلر ۲ ضابط و ۶۰ نفر ضایع آیلدیلر .  
بومصادمه بی رأی العین تماشا ایدن بر  
فرانسز ضابطی دیورکه :

( قزانلق ) هجوم ایده جکم . ۱۶ تموز صباحی  
غورقو ایکی قول ایله ( قزانلق ) طوغری  
ایلرولدی . صاغ قول ، ۶ ۱/۴ طابور ،  
۳ سواری بلوکی و ۱۰ طوپ قوتنده اوله رق  
طباغک اتکی بونجه ، صول قول ، ۱۷  
سواری بلوکی و ۶ طوپ قوتنده اوله رق  
طونجه وادیسندن یوروپوردی . ۴ بلغار  
طابوری ، ۶ سواری بلوکی و ۱۴ طاغ  
طوپی خان کوی ده قالدیلر .

( اوفلانی ) ده غورقو ، عثمانلی عسکری  
طرفندن اشغال ایدلمش بر موضعه تصادف  
ایتدی .

۱۵ تموز آقشامی ( شپقه ) دن  
( اوفلانی ) یه اوج عثمانلی طابوری کلش  
ودرحال آوجی خندکلری قازمش ایدی .  
روسلر جبهه دن یاییلور یاییلمساز تکمیل  
جبهه بونجه شدتلی بر آتش باشلادی .  
بوصرده غورقو ، موضعک صول جناحنده  
بولنان صرتلرک اشغال ایدلماش اولدیغنی  
مشاهده ایلدیکی کچی موضعک صاغ جناحنک  
بستون آچیق اولدیغنی ده نظر دقتنی جلب  
ایلدی . بونک اوزرینه ۲ پلاستون بلوکنه  
هان طاغله چپه رق عثمانیلیرک صول جناحنی  
چورمکی امر ایلدیکی کچی صولده کی قوله ده شماله  
طوغری بوکیله رک موضعک صاغ جناحنی  
احاطه وعین زمانده عثمانیلیرک ( قزانلق )  
۵ طوغری خط رجعتنی قطع ایده جک

الظهر ساعت ۵ ده ( ماغلیچ ) ه عزیمت ایلدی . پیشدار قول اردوسی اقسام کچ وقت اورایه واصل اولدی . اردوگاهده جنرال غورقو ایرتسی کون ( قزابلق ) ه وقوعبوله جق یورویش ایچون شو امری ویردی :

ماغلیچ  
۱۶  
۱۱

پیشدار قول اردوسی

( قرانلق ) شهری ( طونجه ) وایسنده و بالقانک انکسندنه کائند . شمال شرقیدن اصل سلسله نك پایهلری شهره تقرب ایدرلر و او قدر یو کسک اولماغله برابر شهره حاکمدرلر پیاده و کچوک سواری قطعه لری بو یولاردن کله بیلورلر سه ده طوپیچی کله ماز . بو پایه لرك اتکننده و شهرک شرقده ۶ : ۷ کیلومتره امتدادنده باغ ، باغچه واردر که بونلر جنوب و شرق جهته ده اعظمی ۱ ۱/۲ کیلو متره لک بر محل اشغال ایدرلر . شمال غربی ده بسبتون آچق بر اووه و بو اووه اوزرنده بر قاج کوچک اورمان پارچه لری واردر . اووه طوغری بدن طوغری به بالقاننه منتهی اولوب بالقانک اووه به مجاور اقسامی غایت صابدر . ( شیقه ) قصبه سنه ایصال ایدن یول بو اووه دن کچر و قصبه دن شیقه طاغنه غایت دیک بر یقوش چیقار . ( شیقه ) قصبه سی ایله قرانلق آراسنده کی مسافه ۱۳ کیلو متره در .

« تموزک ۱۶ نجی کونی صباحلین غورقو ، ( اوفلانی ) به هجوم ایتدی . رشید بک قوماندا سنده کی ترک مفرزه سنک مقاومتی سایه سنده مصادمه دلیرانه بر شکل قزاندی . پرنس لوختبرغ قوماندا سنده کی دراغونلر بر صولت شدید کوستریورلر ، روس آوجیلری سونکو هجومه قالمیورلردی . اوکله به طوغری ، ازلش ، آرتق قوتی قلامش اولان رشید بک ، تسلیم اولمق ایستیمه رک ، محاربه ایده ایده طاغله چکلدی . مصادمه نك شدتی تصویر ایتمک ایچون عثمانیلرک میدان محاربه ده موجودلرینک نلشدن فضله سنی یعنی ، ۴۰۰ مقتول و مجروح ترک ایتدکلرینی سوبلک کافیدر . بر آی صکره بو محاربه دن بحث ایدرکن ، پرنس بکا دیدی که :

بن رشید بکی رجعت ایدرکن ۵۰ متره دن کوردم ایدی . یاننده یالکیز ۱۰ نفر واردی . شو حالده دراغونلرمی اوزرینه کوندروب انی اسیر ایتدیره بیلور ایدم . فقط بو قهرمان دشمنه قارشو قلمده اویله بر حس مقتونیت حاصل اولمشدی که عربده اتناسنده اولدیرلسندن اندیشه ایدرک دراغونلری عکس استقامته یعنی حال رجعتده بولنان مدافعینک قسم کلینسک تعقیبینه سوق ایتدم .» جنرال غورقو ، محاربه به اشتراک ایدن قطعاته ۲ ساعت موله ویرد کد نصکره بعد

بارین ، ۱۷ تموزده ، اداره سی بکا  
 مودوع اولان قطعات اوچ قول ایله  
 (قزائلق) شهرینه طوغری ایرولیه  
 جکلردر :  
 ۱-۲ پلاستون بلوکی وبر آوجی طابورندن  
 مرکب اولان صاغ قول هیچ بر یوله  
 تابع اولمقسزین طاغلردن یورو یه رك  
 (قزائلق) شمال شرقدن تقرب ایده جك .  
 ۲ . بلغار مستحفظاری ، ۴ سواری  
 طویی و ۳ آوجی طابوری و دون بطاریه سندن  
 مرکب اولان وسط قول طاغك اتكنی  
 تعقیب ایدن جاده بویجه ایرولیه جك .  
 ۳ . دراغون لواسی ، هوسار آلاپی  
 و ۱۶ نجی سواری بطاریه سندن مرکب



هرسك قیافت محلیه سی

اولان صول قول جنوبده کی یولی تعقیب  
 ایله جکلدر .  
 ۲۱ نجی دون قازاق آلاپی شو صورتله  
 انقسام ایده جکلدر : صاغ و صول قوللرک  
 برر بلوک ، وسط قوله دیگر بلوکار  
 التحاق ایده جکلدر .  
 آتلی استحکام مفرزه سی وسط قولی  
 تعقیب ایده جکلدر .  
 غورقو  
 مفرزه نك بو صورتله اوچ قوله انقسام  
 ایتمسندن مقصد ، تصادف ایله جك عمانلی  
 موضعلری ایرکسندن احاطه ایده بیلمك



ایدی، (قزاقان) که تقریباً ۷ کیلومتره شرقده روسلر، عثمانیلر طرفدن اشغال ایدلمش بر موضعه راست کلیدلر . ۳ طویل ۲ طابوردن و براز چرکس سواریسندن مرکب بر عثمانلی مفرزه سی ( اوفلانی ) دن کلن بیوک جاده نك طرفینده اخذ موقع ایتشدی .

ایتمکده ایدیلر . او آرائق صاغ قولده محاربه یه اشتراك ایلدی . ان نهایت موضعتک صاغ جناحی ده چورلدیکندن بر مدت صکره عثمانلی بطربه سی ( قزاقانق ) اوزرینه کری چکلدی . روسلر تعقیب ایدیورلردی . عثمانیلر ۲ کیلومتره کیریده یکی بر موضع الیدلر . و بودفعه جهه دن دوچار هجوم اولدقلری کبی هراییک جناحلی ده چورلدی بواننده صول قول، سواریسيله شهری ضبط ایتمش ایدی . بوحال، ایکنجی موضعی ترک ایدن عثمانلی پیاده سنی پک بحرانلی بر وضعیتیه کتیردی .

ایتمکده ایدیلر . او آرائق صاغ قولده محاربه یه اشتراك ایلدی . ان نهایت موضعتک صاغ جناحی ده چورلدیکندن بر مدت صکره عثمانلی بطربه سی ( قزاقانق ) اوزرینه کری چکلدی . روسلر تعقیب ایدیورلردی . عثمانیلر ۲ کیلومتره کیریده یکی بر موضع الیدلر . و بودفعه جهه دن دوچار هجوم اولدقلری کبی هراییک جناحلی ده چورلدی بواننده صول قول، سواریسيله شهری ضبط ایتمش ایدی . بوحال، ایکنجی موضعی ترک ایدن عثمانلی پیاده سنی پک بحرانلی بر وضعیتیه کتیردی .



احمد ایوب پاشا

ساعت ۷ یه طوغری وسط قول، عثمانلی بطربه سنک اتشیه توقفه مجبور اولدی . همان ایکی اوجی طابوری محاربه یه یاییلدی طویجی اتش اچدی . باقی قوت احتیاطی تشکیل ایلدی . دشمنک صاغ جناحی چورمش اولان صول قول ده همان عین زمانده موضعتک جناحه قارشو طوپ اتشی اچدی . عثمانیلر ایکی اتش اراسنده قالدقلری حالده پنه معنده مه محافظه موقع

عثمانیلر ایچون ، شهر ایله طاغالر آراسنده کی باغقلردن کچمکدن بشقه بر صورت حرکت یوقدی . لکن هر جهتدن روسلر طرفدن دوچار تضیق اولدقلردن بستیون طاغلدیلر . محاربه بعدالظهر ساعت ۱ ده بتمشیدی . محاربه بتدکدن صکره غورقو ، یورلمش پیاده سنه استراحت ایتدیردیکی صروده سواریسنی انقیصه استقامتدن انکسریم صورتده ، حتی بعض قطعات، محاربه نظامنده اولدقلری حالده شیقه طاغنک جنوب یماجنه کوندردی . بعدالظهر ساعت ۶ ده پیاده ده ( شیقه ) کوینه واصل اولدی . بوصورتله ۱۷ تموز آقشامی تکمیل پیشدار قول اردوسی ( شیقه ) کوینده طویلانمشدی .

ساعت ۱۰ ده (خان کوی) نه براقامش اولان قطعات ایله جنرال (ستویلتون) قزانلقه کلدی. چونکه قرارگاه عمومی (خان کوی) ی ۸ نجی قول اردونک برلواسیله اشغال ایتدیرمشدی .

\*  
\*\*

عثمانلیلر - بالقانک مدافعه سی ایچون رؤف پاشا قومانداسنده تقریباً (۱۳۰۰۰ - ۱۵۰۰۰) عسکر واردی ، بونلرک صورت توزیمی (۱۰) نجی علاوهده ارا نه ایدلشدر .

عثمانلیلر، شمدی به قدر ادراک ایلدکلی آجی و فسا تجرب به لره رغماً کندیلرینی اک بیوک بر قیدسزلقه ترک ایتمشلردی . فی الحقیقه ۱۴ تموزده وقتا که شیقّه قوماندانی خلوصی پاشا ایله اسلمیه ده کی رؤف پاشایه (خان کوی) ک روسلر طرفندن ضبط ایلدیکی خبری ورود ایلدی ؛ اشبو پاشالرک توسل ایلدکلی بالجمله تداییر هر درلو بصیرت و حکمتدن عاری بر طاقم حرکات استعجالکارانه دن عبارت بولنش وبالطبع بنوع تداییر و حرکاتک جمله سی بی سود و بی تأثیر قالمشدی .

رؤف پاشا همان قسم کلسیله (یکی زغره) به یورومش و خلوصی پاشایه بالقانک جنوب اتکی بونجه (خان کوی) نه در حال ۳ طابور

کوندرمسنی امر ایلشدی . (یکی زغره) دن ده (خان کوی) استقامتنه ۳ پیاده طاבורی و ۶ طوپ کوندرلدی . بومفرزه (اوریزاری) به قدر کیدرک اوراده ۱۵ تموزده کندیسنی هجوم و انهزامه دوچار ایتمش ، خلوصی پاشا طرفندن کوندریلان مفرزه ایسه ۱۵ تموزده (قزانلق) ده کورونه رک (اوفلانی) به قدر کله بیلمش و ۱۶ ده روسلر طرفندن بستون پریشان ایدلشدی . حاصلی بر طارمه طاغنیقلق ، جانیهانه بر طارمه طاغنیقلق واردی که قوماندانلرمن بوندن متلاذ اولیورلردی . بومفرزه لر، برایش کورمک ایچون دکل، برایش کورمش اولمق ایچون، قوماندانلری مششوم بر تلغراف خطنک مر بوط و اسیر قیلدیغی بیایدیز سراینه قارشو ایشته ایشای وظیفه ایدلکده اولدیغنی کوستر- مک ایچون طاغیتیلور ، دشمنک فائق و متحد قوتی طرفندن بر برینی متعاقب هجوم ایدلک ، مغلوب ایدلک و پریشان ایدلک ایچون عثمانلی طابورلری پارچه پارچه ، لقمه لقمه دشمنک اوکنه آتیلور ؛ وطنک بیکلرجه معصوم اولادی ، قوماندانلرینک خطاسنه قربان اوله رق بالقانک ذروه لرنده ، اتکلرنده ، درین ، اوچوروملی بوغازلرنده قهرمانانه ، موتی دراغوش ایدیورلردی . بو عثمانلی عسکرلری ، قوماندانلرینک کندیلرینی اقامه ایلدیکی موضعلری هر چه

بناہ علیہ، خلوصی پاشانک اندہ ۱۷ تموز  
آقشام اوزری (شیقہ) کچیدینک مدافعی  
ایچون ۷ طاہور و ۹ طوپ بولتیوردی .

ایشته روسلرک ۱۷ و ۱۸ تموزده کی  
مہاجاتی بومفرزه علیہ توجیہ ایدلمشدر .  
عثمانیلر (شیقہ) کچیدینی بربری کیروسندہ  
کائن بش خط استحکام ایله تھیز ایتشدی کہ  
تکمیل استحکاملرک جہہ سی شمالہ معطوف  
ایدی . جناحک تأمین ایچون یالکز بوغازک  
شرقتده کائن اولان صرتده بدهک استحکامی  
نامندہ بر بطاریہ انشا ایدلمدی کہ بر طاہورک  
تحت اشغالندہ ایدی .

باد آباد، خصم متفوق موضعی احاطہ ایتدیکی،  
خطر جعتلری کسلدیکی حالہ بیله یہ فداکارانہ  
مدافعی ایدیورلردی .

نہ یایدیغی، نہ یایمق ایستدیکنی بیلان  
بردشمن قارشوسندہ نہ ایستدیکنی بیلمیان  
ونہ یابہ جغنی بیلمکدن عاجز اولان ودها  
فناسی، برشی یامامش اولماق ایچون برچوق  
شیلر امر ایدن قوماندانلرک یارم، ربع  
تدبیرلری ... ایشته ۱۲۹۳ سفرندہ غورقو  
قول اردوسنک تعرضہ قارشو عثمانلی قوماندنا  
هیئت عالیہ سنک اجراآت و توسلاتی بونلردن  
عبارتدی .

وبواجراآت و تدابیر، ییلدیز قرارگاہ  
عالیسندن اداره اولتیوردی .

### ۱۷ تموزده شیقہ بوغازینہ

(غابرووا) دن اجرا ایدیلان هجوم

۱۵ تموزده (غابرووا) ده شیقہ  
بوغازینہ شمالدن هجوم ایتک ایچون جنرال  
(دروزنسکی) قومانداسندہ ۳۶ نجی  
پیادہ آلابی، ۳۰ نجی دون قازاق آلابندن  
۴ بلوک و ۱۰ طوپ بولتمقدہ ایدی . جنرال  
اردو قرار کاهندن آلابینی امرہ نظراً ۱۶  
تموزده (شیقہ) بوغازینہ قارشو نمایش اجرا  
ایدہ جک، لیکن ۱۷ تموزده، شاید  
(غورقو) ده جنوبدن هجوم ایدہ بیله جک  
بر حالہ بولنور ایسه، هجوم حقیقی نی  
یابہ جقدی . بونک ایچون جنرال، پیشدارقول

فی الحقیقہ بالقانک امر مدافعی سردارک  
مدافعی نامہ سندنہ ذکر ایدلیدیکی اوزرہ،  
اردو قرارگاہنہ دکل، استانبولہ عائد ایدی .  
خلوصی پاشا احتیاط اولمق اوزرہ  
(قرانلق) ده ۲ طاہور و ۳ طوپ، (شیقہ)  
کوبندہ ۱ طاہور براقش و روسلرک (غابرووا) یه  
ایلرولکلری خبری اوزرینہ ۶ طاہور و ۹  
طوپلہ (شیقہ) بوغازینی اشغال ایتشدی .  
(قرانلق) ده ترک ایدیلان ضعیف مفرزه  
۱۷ تموزده (غورقو) طرفندن کری  
سورلدیکندن شیقہ کوبندہ محاربه نیک  
نتیجہ سنہ انتظار ایتکده اولان احتیاط  
طاہوری بوغاز اوزرینہ کری چکلمشدی .

اردوسی ایله طوغریدن طوغری به تأسیس  
ارتباط ایده جگدی .

جنرال (دروزنسکی) برنمایش حرکتی  
یا پلسنی مضر عد ایلدی . زیرا بوبله برنمایش ،  
هجوم استقامتلی اوزرینه عثمانلیرك انظار  
تیقظنی دعوت ایتمک یارایه جقدی . آندن طولایی  
جنرال نمایشدن صرف نظر ایدرک یالکز (غورقو)  
ایله ارتباطی تأمین ایده بیلمک ایچون  
(به دهك) استیحکامنی آلمغه قرار ویردی .  
و بوایشه ۱ نصف طا بور ، ۱ قازاق  
بلوکی مأمور ایتمش و بو قطعه ۱۷ صباحی  
باصقین ایله مذکور استیحکامی ضبط ایتمک  
موقف اولمشدر .

بتون بو وقوعات کوستریورکه عثمانلیر  
کشف و امنیت خدماتنه لایقیه اهمیت ویرمیورلر  
دها طوغریسی قوندانلر مز کشف و امنیت  
ایشلرینک درجه اهمیتنی تقدیر ایده میورلردی .  
بواهللر و بوجهالئر برطا بور طرفندن  
اشغال ایدیلان بر مستحکم موضعک ، یارم  
طا بور تحت حمایتنده کی بر سواری بلوکی  
طرفندن ضبط ایلمسی کبی فحیح و حیحیل  
جزالره تجزیه ایدلمکده ایدی .

روس اردوسی ارکان حربیه سنک اثری  
و باصقینک صورت ترتیب و اجرانسه دائر  
شوتفصیلاتی اعطا ایتمکده در :

« مفرزه قوماندانی بیگباشی رودزویچ  
احوال اراضی حقفنده استکشافانده

بولندقدنصکره کوچک مفرزه سنی ایکی به  
تفریق ایتمدی : صول قول بریحقی پیاده  
بلوکیله ۵۰ یا یا سواریدن عبارت وبالذات  
کندی قومانداسنده ایدی . بو قطعه موضعه  
شمالدن هجوم ایده جک و اورمان ایچندن  
طوس طوغری ایلر ولیه جگدی . چو برمه قولی ،  
ملازم بالیاسنی قومانداسنده اوله رق بر نصف  
بلوکیله ۲۰ یا یا قازاقدن عبارت اوله رق صواله  
آچیلوب طاغله چیقمق و موضعه شرقدن هجوم  
ایتمک امرینی آلدی . اورمانک منتهاسنه کلنجه  
اصل قول توقف ایده رک عین زمانده هجومی  
اجرا ایتمک ایچون چو برمه قولنک کور و منسنه  
انتظار ایده جگدی . هر ایکی قول ، جوار  
کویلردن اراضی پی ایو بیلور قلاغوزلر  
آملشردی . اصل قول نصف الیلدن ایکی  
ساعت اول اردو کاهدن حرکت ایتمدی .  
(بیوک به دک) طاغنک صرپ و جا بجا  
اوچوروملی اولان شمال یماجنی سترایدن  
کشیف اورمانک ایچندن قرا کلقده یورویه رک  
کون طوغمدن اول موضعک (۲۰۰)  
خطوه مسافه سننده کی نقطه به بی ناب و طاقت  
ایریشدی .

لکن عثمانلیر بردنبره آتش آچمش  
اولدقلرندن مفرزه نک و رودی تظاهر ایلدیکنی  
کورن قوماندانی ، خصمه هیچ وقت  
قزاندیرماق ایچون در حال بر یارم بلوکیله  
قازاقلره هجوم امرینی ویردی . اوچیلر

وقازاقلر ، اوکلرنده ضابطلری اولدینی  
حالده ردوته طوغری سورونه رک ایلرولمکه  
باشلادیلر . قراکلق روسلرک حرکتی  
سترایلدیکندن دشمن آتشی بر خسار مؤثر  
یایمايور وقورشونلرک قسم اعظمی افرادک  
باشی اوزرندن کچوب کیدوردی .  
روسلر ردوته ۲۰ خطوه یاقلاشور یاقلاشماز  
هان هجومه قالقهرق مرکز ردوتی اشغال  
ایلدی .

بوصرمده دیکر نصف بلوکده گلشدی .  
بیکباشی اوکا صول جناح ره دوتی ضبط  
ایتمکی امر ایلدی . وقوعبولان عربده  
خونینک حاصله سی ترکلرک رجعتی  
اولمشدی .

چورمه قولی اردوکاهدن ۲ ساعت اول  
حرکت ایتمش اولمغه برابر یولک فناغندن  
کیکیرک مرکز وصول جناح ره دوتلری  
آلندقدنصرکه کله بیلمش و آتشیتمکسزین  
هجومه قالقهرق صاغده کی وهنوز ترکلرک  
یداشغالنده کی ره دوتی ضبط ایلمشدر .  
بو قول ، دیکر طایبه لرک ضبط ایلدیکندن  
خبردار اولدینی جهتله اونلر اوزرینه آتشی  
آچمغه باشلامش ایسه ده بوصرمده اورتهلق  
آیدینلانمغه باشلادیغندن سوء تفهم برطرف  
ایدیله بیلمشدر . بو محاربه دن صکره عثمانلی  
طاבורی ( شپقه ) یه کیرو چکلشمشدر .  
روسلر ۴۸ مقتول و مجروح غائب ایتمشدری .

۱۷ تموز کیجه سی ۹ نجی پیاده فرقه سی  
قوماندانی ، جنرال پرنس ( سیویا طوبولوق  
- میرسکی ) غابرووه یه کله رک مفرزه نک  
قومانداسنی درعهده ایتمش ، لیکن پرنس  
ایله برابر یاور ( سترو قوف ) ده گلشدر .  
جنرال ( طرنوه ) دن تلقی ایلدی  
تعلیمات شفاهیه یه استناداً همان ۱۷ تموز  
هجومی ایچون اوامرنی اعطا ایتمشدر .

اوامر مذکوره موجبنجه ایلروروش ،  
( به ده ک ) استهکامنده کی مفرزه دن صرف  
نظر - اوچ قول ایله اوله جقدی . بو قوللرک  
تعقیب ایلدکاری استقامت و هر برینک قوتی  
قروکی ده کوسترلمشدر . بدایه یالکیز ۴  
بلوکن مرکب اولان اورته قولده فرقه ،  
لوا و آلا ی قوماندانی بولنیوردی . بر  
بلوکن عبارت اولان پیشداری فرقه  
ارکان حرب رئیسی اداره ایدیور ، او جده  
بولنان قازاق کشف قولی ایسه میر آلا ی  
یاور ( سترو قوف ) ک اداره سنده بولنیوردی .  
هجوم تماماً منجر انهزام اولدی . هر بری  
یالکیز باشنه برموقیت استحصال ایده میه جاک  
قدر ضعیف اولان قوللر کنتدیلرینی آیری آیری  
استحکاملره چار په رق عثمانلی س - لاجلری  
قارشوسنده انکسار ایتمشلر و کری یه طرد  
ودفع ایلمشلردی .

ارکان حربیه نک اثرندن بو هجوم حقدنه  
نفسیلات آیه اخذ ایلمشدر :

سندہ مذکور قولك قوتی ایلرولمکه کفایت ایتمشدیر .

بوحاربه ده روسلر صقیشیق برحاله یایلغه مجبور اولمشلردی . او قدر که هر بر قاریش یری پایلاشمق ایچون افراد بربریله عاناغوزا ایدیورلردی . صاغ قول طوپچیسی ، معاونت ایتمک ایستمش ایسه ده آراده کی مسافه دن طولای انجق ( ۴,۰۰۰ ) متره به تعبیه ایدیلان طوپچینک آتشی هیچ بر تاثیر حاصل ایده مامشدر . بومشکلات قارشوسنده الک نهایت پرنس ، صول قولك رجعتی اوزرینه مرکز قولنده کری چکلمک امرینی ویرمشدیر .

صاغ قوله کانجه ، بوقول ، قومشولرینک سرگذشتندن بیکانه اولدینی حاله ایلرول یوردی . واقعا کوندوز ائناسنده صول طرفدن تفنک وطوپ سسلری ایشیدلمشدی فقط محاربه نك نتیجه سی نه اولدینی کسدریله . میوردی . قول اقسام ساعت ۷ ده ( شیقچه ) بوظازینک ۵ کیلومتره غریبنده کائن اولان ( قره جه ) طاغنه کادی و بر سکون نام ایچنده وایشیق یا ققمسزین اردوگاه قوردی . قراکلق باصنجه یالکز ( شیقچه ) بالقساننک ذوره سندده دکل ، بلکه انکننده ، طونجه وادیسندده بر چوق ایشیق کورلمکه باشلامشدی . صاغ قوله قوماندا ایدن قائممقام ، غور قونک حر کاتندن خبر دار

۲ بلوک قوتنده کی صول قوله بر بلغار قلاغوزلق ایدیوردی . مفرزه نك خریطه سی یوقدی . قلاغوز قولی ( کوچک به ده ک ) کتوره جک یرده یولنی شاشیره رق آتی ( چارنایا ) تپه - نه کتوردی . و بوراده شدتلی برطوپ و تفنک آتشیله استقبال ایدلدی . یوزباشی همان بر آوجی خطی تشکیل ایدرک قیصر بر آتشی غوغانندن سکره هجومه قالمغه قرار یوردی . لکن عثمانیلرک آتشی او قدر مؤثر ایدی که روسلر عظیم ضایعاته اوغرایه رق کلدکاری یره دونمکه مجبور اولدیلر .

شمعی ترکار بالذات هجومه قالمش ، روس مفرزه سنی بسبتون محو ایتمک ایستیورلردی . یوزباشی ، وضعیتک امکا . نسلرکی قارشوسنده ، یاره لانا ماش برتک ضابط اولان ملازم اورلوفه رجعت امرینی ویردی . بو ( اورلوف ) برطاقم ایله بالذات رجعتی ستر ایلدی . بر چوق دفعه لر کوکس کوکسه چارپشمه لر وقوعبولمشدی . مفرزه الک نهایت ( غابرووه ) یه دونه بیلدی . ۵ ضابط و ۱۱۵ نفره بالغ ایدی .

غابرووه شوشه سندن ایلرولیه جک اولان مرکز قولنک یوروشنی ترکار وقتیله خبر آتشی اولدقلرندن اکا قارشو بر طابور کوندرمشدر . تپه نك ذروه سندده کی آوجی خندکارینی اشغال ایدن بو طابورک قارشو -

سلسری ایستمشدی . لکن ۱۷ تموزده  
 غابرووه مفرزه سنه هنوز معاونت ایده جک  
 وضعیتده دکلدی . جنرال غورقو  
 ۱۸ تموزده ( شپقه ) بوغازینه هجوم ایچون  
 ایبرولمکه قرار ویردی . غورقو ، غابرووه  
 مفرزه سنک تجدید هجوم ایده جکنی تخمین  
 ایدیوردی . ۱۷ تموزاقشامی بوندن معلومات  
 ویرمک ایچون ( غابرووه ) یه بر بلغار  
 کوندرلدی .

بو بلغار شورقه پی کتیرمشدی :

« یارین ، ممکن مرتبه ایرکن پیاده  
 ایله شپقه طاغرینه هجوم ایذیله جکدر .  
 جبهه دن اجرا ایذیله جک بر هجومله بزه معاونت  
 اولنمی تخی اولنور . بزم اوکمزده و طاغده  
 تقریباً بش طابور پیاده وار . ترکلرده بر  
 تلاش و پریشانیت حکمفرمادر . »

۱۸ تموزده ( شپقه ) کویندن اجرا

ایذیلان هجوم

جنرال غورقو ، ( شپقه ) بالقاننده کی  
 عثمانلی مواضعنه هجوم اجرا ایتمک ایچون ۱۳  
 و ۱۵ نجی آوجی طابورلری و ۲ پلاستون  
 بلو کندن عبارت بر مفرزه تعیین ایلدی .  
 بلوکلر ، کچیده ایصال ایدن یول بویجه  
 ( سن نیقولا ) یه طوغری ایبرولیه جکلر ؛  
 آوجی طابورلری ( شپقه ) بوغازینه شردن  
 یعنی ( دمیرتبه ) دن هجوم ایده جکلر ایلدی .  
 پلاستون بلوکلری ( سنت نیقولا ) نک

اولدینی جهته بوایشیقارک هپسنگ ترکلره  
 ماندا اولدیغه حکم ایتمشیدی .

۱۸ تموز صبحی سحر زمانی قائم مقام  
 پرنس دن همان ( غابرووه ) یه چکلکم امری  
 آلدی . عثمانلی طاבורی بو قولک خطر جعتنی  
 قطع ایتمک ایچون چالشمش ایسه ده موفق  
 اوله مامشدر .

ایشته ۱۷ تموز محاربه سی بالجه قوللرک  
 ( غابرووه ) یه رجعتی ایله ختام بولمشدی .  
 حتی غالب اولان اقسامه یعنی غورقو ایله تأمین  
 ارتباط ایچون اوقدر مهم اولان ( به دک )  
 قوتنه بیله غابرووه یه چکلکم امری  
 ویرلشدی .

پرنس او آقشام قرارگاه عمومی یه شو  
 تقریری کوندردی : « تلقی ایلدیکم امر  
 موجینجه بوکون کچیدلری ضبط ایتمکه  
 باشلادم . جنوب یماچندن بکلینلن جنرال  
 غورقو مفرزه سی ظهور ایتمدی . مواضع  
 مستحکمه ده کی دشمن قطعاتنک تفوق فوق  
 العاده سی اوکنده چکلکمکه مجبور اولدم .  
 ۳۶ نجی آلائی ابراز ایلدیکی مآثر بسالت  
 انساننده ۷۰۰ نفر غائب ایتمدی . بلا امهال  
 قوه امدادیه کوندرلمسنی رجا ایدرم . » ایشته  
 بو صورتله غابرووه مفرزه سی تکرار غابرووه  
 مفرزه سی اولدینی ائناده جنرال غورقو ،  
 یورغون قوه اصلیه سیله شپقه کوینه  
 کلشیدی . غورقو واقعا شپقه کچیدندن طوب


صرب اولان جنوب یا اجنه یالکیز (۶۰۰) طابورلری - یعنی چویرمه قولی - برچی  
خطوہہ قدر یا فلاشدیلر . آوجی بولدن طاغلره طیرماندی . افراد آنجق



جنرال غورقو

نکر نکر یورویہ بیلوردی . بش ساعتک  
چقیدی واوراده کی ناتمام بر آوجی خندکی  
خطنی ضبط ایلدی ایسده عثمانلیرک تقوقی  
مشکل برمشیدن صکره قول (دمیرتپه) به





روس قوماندان ھېتىك طونەدن سرورى

قارشوسنده تکرار کری چکامکه مجبور اولدی .

باشقه ترک‌لرک عسکری وطوبیحیسی مهم صورتده فائق ایدی .

ارکان حربیه اثرنده دیورکه :

« انشای هجومده ترکر موضعک اوزرینه بیاض برفلامه چکمشلر وبرمکله مأموری کوندرمشلردی . بونک اوزرینه روسلرده هجومی قطع ایتدی . ۱۳ نجی آوجی طاووری بیکباشیدی ، ترجانلق خدمتی ایفا ایده چک برتانا ایله برابر استقباله کندی . مفرزه نیک یاننده کی آلمان آتاشه میلتری بیکباشی فون لیکنیچده التحاق ایتدی . ترک ضابطی ، مدافعین تسلیم اولمغه آماده ایسه لرده اولامرده شرائط تسلیمک قرارلشدیرلمسی ایجاب ایلدیکنی سویلیدی . وبعدده اوامر جدیدده تلقی ایتک اوزره اوزاقلاشدی . دیر کن موضعک جناح لرنده یکی بر آوجی خطی ظهور ایلدی وشدتلی بر آتش آچدی . شمدی آکلاشدی که بتون بومذا کرات ، زمان قزاق مقصدینه مبتنی ایش . روس آوجیلری ایلرویه آندیلر واستیجکاملری آدلیر . ترکر تکمیل قوتلرنی شوسه نیک غربنده کی ( سنت نیقولا ) یه چکمشلردی .

انجق مفرزه ، تمدید موفقیت ایده چک وضعیتده دکلدی . ترکرک تحت اشغالنده کی ( سن نیقولا ) ، شمال یماجی مستشا اولق اوزره ، هر طرفدن فوق الماده صابرب وقیالقی کیرپنتیلر ایله مقطوع ایدی . آندن

مفرزه تقریباً بر ساعت موضعده قالدقندن صکره آقشاملین ( شیقه ) کوبینه رجعتده باشلادی . ترکر یالکز آتشله تعقیب ایتمکله اکتفا ایتدیلر .

روسلرک ضایعاتی ۴ ضابط ۱۵۰ نفر ایدی . . .

( غابرووا ) ده آقشام ساعت ۶ راده لرنده شیقه بوغازندن انداخت سسلری ، طوبولمشدی . لکن پرنس سیویاطوبولق ، جنرال غورقویه مظاهرت ایتامشدی . پرنس ، یالکز قرارگاهده کی برارکان حرب یوزباشیسنه بر قازاق قطعده سنک حمایه سی آلتنده استکشاف اجراسنی امر ایتدی .

ارکان حرب یوزباشیسی ( یانتر ) وادیسندن بوغازه ایصال ایدن یقوشه قدر کندی . لکن قراکلغک حلولی وانداخت سسلرینک آرتق کسلمسی اوزرینه کری دوندی .

۱۸ تموز آقشامی ، غورقودن غابرووا یه کوندریلان بلغار ، جوابنامینی حامل اولدینی حالده شیقه کوبینه عودت ایتدی . بلغارک ( غابرووا ) یه نه زمان واصل اولدینی معلوم دکلدر . لکن مر قومک اومشکل طریق ۲۴ ساعتده قطع ایلدیکنه نظر آ هر حالده ۱۸ صباحی ( غابرووا ) یه واصل اولمش اولسی لازم کولور . اویله اولدینی حالده

لازم کولور . بناءً عليه ۱۹ تموزده ( شيقه )  
 بوغازينه همه حال تجديد هجوم ايدگر .  
 ( غابرووه ) مفرزه سنك تقويه سي ايچون  
 بر بطريه ايله برابر ۵۴ نجی پياده آلاي  
 کوندرلمشدر . جنرال سقوبلفده رفاقتکزه  
 تعين اولتمشدر . »

۱۹ تموز صباحلين ۴ ده مفرزه  
 ( غابرووه ) دن حرکت ايلدی . اسقوبلف  
 قومانداسنده ۳ بلوکن عبارت اولان  
 وجاده دن ايلروليان پيشدار تکميل  
 استحکاملری و بطريه لری خالی و متروک  
 بولدی . جنرال سقوبلف همان ( غورقو )  
 يه خبر کوندردی .

بواننده خلوصی پاشا ، مفرزه تزدنده کی  
 ارازاقک جزويتنه بناءً انجق پک آزر زمان  
 مدافعه يه دوام ايد بيله جکني وبعده تکميل  
 محافظين ايله برابر اسير اولق تهلک سنه  
 معروض بولنديغنی تيغن ايدرهك ۱۹ تموز  
 صباحی طاغیر اوزرندن غربه چکلمک  
 قرارینی ویرمشدی . يولرک کافه سی مسدود  
 اولديغندن بشقه بر چاره يوقدی .

تفصیلات آتیه بی دخی ارکان حربيه نك  
 اثرندن اخذ ایلدک :

« خلوصی پاشا ، فکرنی اخفا ایتک  
 و تضييقدن آزاده اولق ایچون کویا تسلیم شرا -  
 ئطنی مذاکره ایتک اوزره صباحلين ایرکندن  
 جنرال ( غورقو ) يه بر مأمور کوندردیکی کي

غورقويه نه دن طولايي معاونت ايدلامش  
 اولسنك اسبابی معلوم دکلدر .

پرنس تذکره سنده يالکيز اولکی کونکی  
 محاربه دن بحث ایدیوردی .

۱۸ آقشامی غورقو قرارگاه عمومی به  
 بر راپور کوندره رک ائده : « ترکلرک  
 شمندوفرله استانبولدن قوه امداديه آلمش  
 اولوب بالذات تعرضه کچمی مأمول اولديغندن  
 کنديسنه ۲ بطريه لی بر پياده لواسی  
 ايله بر سواری آلاي امداد کوندرلمستی »  
 رجا ایتدی . بوراپورک فقرات سائره سی  
 شویله ایدی :

« شيقه يه قارشو جبهه دن هجوم اجراسی  
 ضایعات عظیمه بهاسنه اولور . بنم جبهه  
 هجومی حایه ایتکلمک الزمدر . لکن بونک  
 ایچون اولا هجومک کون و ساعتی خبر  
 ویرمک ، ثانیاً ( شيقه ) يه قارشو بر قاج طاپور  
 آیردقدنصکره ترکلرک ( اسکی زغره ) دن  
 ایلرولمسنه قارشو قويه بيله جک قدر تقويه  
 ایدلکلمک ایجاب ایدر . »

قرارگاه عمومی به کلنجه ؛ پرنسک  
 سالف الذکر محاربه بی متعاقب ( غابرووا ) دن  
 کوندردیکی راپوری ۱۸ ده اخذ ایدر ایتمار  
 پرنسه شومالده بر جواب کوندرلدی :

« غورقونک عنادی و عزمی معلومدر .  
 انک ایچون بوغازه قارشو یکی بر هجوم  
 یا مبدن اول توقف ایتیه جکسه مطمئن اولق

استقبال ایدلی. جنرال (غورقو) عثمانلیلرک  
موضعی معاینه ایدنجه انی « خارق العاده  
قوتلی وهر بر جهندن همان تمتع التقرب »  
بولدی. قرارگاه عمومی یه کوندردیکی  
راپوده دیدی که :

« ادعا ایدیله بیلورکه ، اگر ترکرک قوه  
مغویه سی بوزولماش وکافی درجه ده ارزاقی  
بولمش اولسه یدی ، بو موضعک ضبطی  
فوق العاده زور اوله جق وهر حاله بزی  
بک عظیم ضایعاته دوچار ایله جکدی . »

جنرال غورقو بعده شیقّه کوینه عودت  
ایدرک تکمیل مفرزه سنه ( قزانلق ) ده  
طوبلانلق ایچون امرلر ویردی .

ییشدار قول اردوسی ( خان کوی )  
( و شیقّه ) بو غازلرینی اردو قسم کلینک  
ماورای بالقانده اجرا ایله جکی یوروش  
ایچون کشاد ایلدکن صکره قرارگاه عمومی  
طرفندن کندیسنه تودیع ایدلمش اولان  
قطعه نی تمایله حل ایتمش بولتیوردی .

مفرزه یه ده موضعی تخلیه و برجوق قطعاته  
انقسام ایدرک کچی یوللارندن غرب استقامتمده  
چکلمسنی امر ایلدی . بوضورتله تکمیل  
مفرزه ( قارلووه ) قصبه سی وحوالیسنده  
بالقاندن اینترک ۲۳ تموزده ( قلبه ) ده  
یعنی ( شیقّه ) نک ۱۰۰ کیلو متره جنوب  
غربیسنده طوبلاندی .

مکالمه مأموری ایر کندن جنرال  
( غورقو ) نک نزدنده اثبات وجود ایلدی .  
وغورقو ایله اوزون اوزادی به کوریشدی .  
بودقه دهاجدی شرائط درمیان ایدلمشدی .

مکالمه مأموری ، جنرال غورقو ایله برابر اوکله ییکی  
یدی و نتیجه مذاکره تام اوکله وقتی ترک  
عسکرینک تسلیمنه باشلانمسه قرار ویرلدی .  
مکالمه مأموری ساعت اون یچغه طوغری  
( نیقولا ) طایبه سی استقامتمده تبع ایدتی  
و بردها عودت ایتدی .

جنرال ( سقوبلف ) ک کوندردیکی خبر  
اوزرینه غورقو ، درحال معیتی ارکانیه  
برلکده بو غازه کلدی و سقوبلف طرفندن

### بالقان کچید محارباتنده طرفینک صورت حرکتی حقیقده مطالعات

روسلرک صورت حرکتی حقیقده کی ملاحظا .  
تمزی که چک جلدده تشریح و تفصیل ایله جکتر .  
بدرجنانه اولسه یدی ، مضحک دیه توصیف  
ایدر ایدک .  
فی الحقیقه بالقانک مدافعه سی ایچون بدایت  
امرده هر نوع اسباب و تدابیر فعلیه دن صرف نظر  
مطالعاتی سرد ایتمشدر : « عثمانلیلرک حالی خبیث و

بر صورتده (خان کوی) یه طوغری تحریک ایلش اولسهیدی، احتمال کهینه نائل، موفقیت اوله مازدی، لکن حربک بوفصلی، غمایلیر ایچون بوقدر شایان مرحمت اوله جق بر صورتده نتیجه نلمش اولمازدی .

شبیقه بوزاینک - شیپورینکربک اثرینک ۲ نجی جلدینک ۴۰ نجی صحیفه سنده دیدیکی اوزره کچوک ضابطلرک صوک درجه یه قدر مدافعه ده ثبات ایتک خصوصنده کی اصرارینه رغماً، خلوصی پاشا طرفندن فدا ایدلسی، موجب شین وعار بر حرکت در. مهم وطوغری بدن طوغری به باش قوماندانلغک امر قطعیمی اوزرینه تحکیم ایلش اولان بر نقطه نک قوماندانی، مدافعه سنه مأمور اولدینی موضعی ترک و یا تسلیم ایتک ایچون یالکیز بر سبب مشروع در میسان ایده بیلور: اوده مدافعه یه دوام ایتک ایچون حقیقه آرتق هیچ بر واسطه نک قالماسی در . حالبوکی (شبیقه) موضعنده ۳ - ۴ کونلک ارزاق واردی؛ (شبیقه) بالقانلرینک شواهنقنده ده ازباده ارزاق موجود اولماسی ایسه، خلوصی پاشانک وظیفه سنه قارشو ایلک اهاتی ایدی .

چونکه غورقو، خلوصی پاشایه ارزاق جلب وادخار ایتک ایچون تام ۳ کون زمان قزاندرمش ایدی (۱۴ - ۱۷ تموز) . طونجه وادپسنگ آشکار اولان زنکینلک

ایدیلهرک بالقان سدطیبیبسنگ کندی کندیسنه مدافعه ایده بیله جکی اطمنانی اوزرینه بنای آمال ایدلمش و بناءً علیه اک بیوک بر بر قیدسزلیکه تودیع نفس و حرکات اولنمشدی .

وقتا که غورقو، بالقانک اوزرنندن صحرا دی، ایشته اووقت عثمانلی قوتلرنده بر تلاش و هیجاندر مشاهده ایدلدی . بر قرنبجه کومه سنه طوقونلدینی زمان نصل قرنبجلر هر طرفه طوغری قاجیشورلرسه، طبق اونک کبی غورقونک کورونمسبیله برابر، بالقان خطنده کی عثمانلی قوتلری ده، پلانسیز، مقصدسز و هدفسز بر حالد شورایه بورایه طاغیلدیلر .

طاغلرک طرز مدافعه سی عینله نهرلرک مدافعه سی کبی در: یعنی طوغری بدن طوغری به مرور حرکتی منع ایتک اوقدر موفقیتلی اولماز.

اکامقابل، دشمن، طاغلرک بری طرفنده یرلشمدن اول، اوزرینه هجوم ایتک ایجاب ایدر .

اکر رؤف پاشا، الی آلتنده کی قوتی، حال ووضیعت موافق بر پلانه کوره غروب غروب ترتیب ایتسه و (غورقو) نک حرکات و ترتیبانه دائر اوقدر چابق استحصال ایدیلان معلومات اوزرینه انلری قونسا نتریک

و بر کتبه نظراً عثمانلیلر بو خصوصنده هیچ برمشکلاته معروض اولمزدی .

عثمانلی عسکرینک قناعت معلومه سی حسینله خلوصی پاشا ، موضعه موجود اولان ارزاق ایله هیچ شبهه یوق ۵ - ۶ کون دهامقاومت ایده بیلوردی . بومدت ظرفنده نه اوله بیله جکئی ، خلوصی پاشانه تقدیر ، نه ده تخمین ایده مازدی . قوه محافظه اسیرایدملک تهلیکسنه معروض ایتمش ؛ خلوصی پاشا بونی نهیه دوشنیور ایدی ؟ کندیسی بوندن طولایی مسئول اولورمی ایدی ؟ اگر هر قلعه قوماندانک ، قلعه محافظینی اسار - تدن وقایه ایتمک ایچون ، هنوز امکان اولدینی برصره ده ، کری چکلمسی ایجاب ایدرسه ، او حالده هیچ بر قلعه انشا ایتمک و بتون دنیاده کی قلاع واستحکاماتی بر هوا ایتمک لازم کلور .

بر مادون قوماندانک بویله بر صورت حرکتی نه قدر شدتله تنقیدومحا که ایدلسه ، ینه کافی درجه ده تنقیدومحا که ایدلمش اولماز . شیرینسکرک اثرینک ۲۳۹ و ۲۴۰ نجی صحیفه لرنده درمیان ایلدیکی مطالعاته بزرجه اشتراک ایتمک قابل دکلدر . شیرینسکر ، خلوصی پاشانی ینم محق کورپور و مفرزه سنک رجعتی « برتعبیه موفقیتی » اولمق اوزره توصیف ایدبور .

عثمانلیلرده ، غالباً ، خلوصی پاشانک

حرکت واقعه سنی ناخوش کورمامشدردر . زیرا خلوصی پاشانک ، حربک صفحات سائرهنده تکرارظهورایتدیکی کورلمشده در لکن بو ، شیرینسکر لهنده بر حکم تشکیل ایتماز . زیرا شایان مؤاخذه اولدقلری حالده دوچار مسؤلیت اولماش دها نیجه پاشالر واردر .

خلوصی پاشا ۲۰ تموزه قدر موضعه نبات ایتمش اولسه یدی ، عجبا روسلر نصل برحاله کرتار اولورلردی ؟ غورقو ، قوای مهمه امدادیه آلنجیه قدر هجومی تعویق ایتمک ایستیوردی ؛ او ، ( شبقه ) نک دوشه جکئی ، چونکه مدانعیکنک قریباً قحط ارزاقه اوغرایه جقلری تخمین ایتمشدی . ۲۰ تموزده پلونه ده ، روسلر ، ایلمک مدهش سلسله تأدیبه اوغرا دیلر .

خلوصی پاشا اوکونه قدر ، ( شبقه ) کچیدنی محافظه ایتمش اولسه یدی ، نصل برمنظره تکون ایده جک اولدیغنی تخمین ایتمک کوچ دکلدر . باخصوص که غورقونک قورقدینی شی ، مرور زمان ایله بر شکل حقیقت اکتساب ایدردی : رؤف پاشا ( ۱۲ - ۱۴ ) طابوریه ( غورقو ) نک کیریسنده ظهور ایده بیلور ایدی .

انک ایچون شو حقیقتی بیان ایتمک لازم کلور : بوکی مهم نقطه لره - مستحکم